

# DIPESALOME

KAROLO YA NTLHA,  
DIPESALOME 1-41

*Ditsela tse pedi*

- 1 Go sego monna  
yo o sa tsamayeng  
ka fa kgakololong ya baikepi,  
le e seng go gata  
mo tscleng ya baleofi,  
le e seng go nna  
mo manpong a basotli,<sup>a</sup>  
mme a itumelela  
molao wa MORENA,  
a akanya molao wa gagwe  
bosigo le motshegare.<sup>b</sup>  
3 O tshwana le setlhare  
se se tlhomilweng  
fa dinokaneng tsa metsi,  
se se ungwang leungo la sona  
mo motlheng wa sona,  
se matlhare a sona a sa swabeng,  
mme tsotlhe tse o di dirang  
o di swetsa ka lesego.<sup>c</sup>  
4 Baikepi ga ba a nna jalo;  
nnyaya, ba tshwana le moko  
o phefo e o gogolang.<sup>d</sup>  
5 Ka ntla ya moo baikepi  
ga ba nke ba atlholelwa  
mo katholong,  
le e seng baleofi  
mo phuthegong ya basiami.  
6 Gonne MORENA o its'e  
tsela ya basiami,  
mme tsela ya baikepi  
e isa tshenyegong.<sup>e</sup>

*Tlhobano le phenyo ya ga Mesia*

- 2 Kana merafe e huduelang,  
ditshaba di akanyetsang  
dilo tsa boithamako?  
2 Dikgosi tsa lefatshe  
di a ikemisa le babusi  
ba nnela go logisanya maano

- a go lwa le MORENA  
le Motlodiwa wa gagwe ba re/  
3 "A re kgaoleng dikgole tsa bone,  
megala ya bone re e tlose  
mo go rona, re e latlhe!"<sup>g</sup>  
4 Ene yo o agileng mo legodimong  
o a tshega,  
Morena o a ba sotla.<sup>h</sup>  
5 Foo o tla bua nabo  
ka bogale jwa gagwe,  
o tla ba tshosa  
ka kgakalo ya gagwe:<sup>i</sup>  
6 "Mme nna, kana ke tlhomile kgosi  
ya me mo Sione,  
mo thabeng ya me e e boitshepo!"<sup>j</sup>  
7 Ke rata go bolela  
ka ga maikaelo a MORENA.  
O nttheile a re: "O morwaake,  
ke go tsetse kajeno."<sup>k</sup>  
8 Lopa mo go nna,  
mme ke tla go naya merafe  
go nna boswa jwa gago,  
le dikhutlo tsa lefatshe  
go nna leruo la gago.<sup>k</sup>  
9 O tla ba robaganya  
ka thobane ya tshipi;  
o tla ba thubaganya  
jaaka sejana sa letsopa."<sup>l</sup>  
10 Ka moo he, tlhalefang,  
lona dikgosi;  
tlhagisiwang,  
lona baathodi ba lefatshe.  
11 Direlang MORENA ka poifo,  
lo duduets'e ka thoromo.  
12 Atlang Morwa  
gore a se ka a gakala,  
mme lwa latlhega mo tseleng.  
Gonne bogale jwa gagwe  
bo ka akofa jwa tuka.  
Go sego bona botlhe  
ba ba mo ikanyang.<sup>m</sup>

a) Pes. 119:1; 26:4; Diane 4:14; Jer. 15:17. b) Pes. 119:35,47,70,97; Još. 1:8; Doit. 6:8.

c) Pes. 92:13-16; Jer. 17:8. d) Pes. 35:5; Jobe 21:18; Hos. 13:3.

e) Pes. 37:18; Jobe 23:10; 2 Tim. 2:19. f) Tshen. 11:18; 19:19. g) Jer. 2:10; 5:5; Luka 19:14.

h) Pes. 37:13; 59:9. i) Jes. 34. j) Pes. 89:27-30; Dit. 13:33; Baheb. 1:5; 5:5.

k) Dan. 7:13,14. l) Tshen. 2:27; 12:5; 19:15. m) Pes. 34:9; 84:13; 1 Sam. 10:1; Jes. 30:18.

*Sefela sa mo mosong*

**3** Pesalome ya ga Dafita  
ya sebaka sa fa a tshaba  
Abesalomo morwawe.<sup>n)</sup>

<sup>2</sup>MORENA, kana baganetsi ba me  
ba atile jang!  
Ba bantsi ba ba ntsogelang,  
<sup>3</sup>ba bantsi ba ba buang ka ga me  
ba re:  
“Ga a na thuso epe  
mo Modimong.” Sela.<sup>o)</sup>

<sup>4</sup>Mme wena, MORENA,  
o thebe e e ntshireletsang,  
o tlotlo ya me  
le motsholetsi wa tlhogo ya me.<sup>p)</sup>  
<sup>5</sup>Ke tlhaeleeditse thata  
go MORENA, mme a nkutlwua,  
a le mo thabeng ya gagwe  
e e boitshepo. Sela.

<sup>6</sup>Ke ne ka rapama, ka robala;  
ka ba ka thanya;  
gonne MORENA o a nkokotletsat.<sup>q)</sup>  
<sup>7</sup>Ga nkitala ke boifa dikete  
tse di masome tsa batho  
ba ba ntsogetseng ba ntikanyedits.<sup>r)</sup>

<sup>8</sup>Tloga o eme, MORENA; mpholose,  
Modimo wa me!  
Gonne o iteile baba ba me botlhe  
mo lothlaeng,  
o robile meno a baikepi.<sup>s)</sup>  
<sup>9</sup>Pholoso e mo MORENENG;  
tshegofatsa ya gago  
e okame morafe wa gago. Sela.<sup>t)</sup>

*Sefela sa maitsiboa*

**4** Pesalome ya ga Dafita  
e e kwaletsweng moopedisi;  
e opedisive ka kwadi ya dithapo.

<sup>2</sup>Fa ke bitsa o nkutlwae,  
Modimo wa tshiamo ya me!  
Mo pitlaganong ya me  
o nkatalhamoloseditsen bonno;  
ntlhomogege pelo,  
o utlwae thapelo ya me!  
<sup>3</sup>Lona banna, tlotlo ya me

e tla nna tshotlo golele go le kae?  
Lo tia rata boithamako  
le go batla maaka golele go le kae?  
Sela.

<sup>4</sup>Itseng gore MORENA  
o itlhaoletse yo o mo kgathhang.  
MORENA o a utlwa  
fa ke tlhaeleletsa go ena.<sup>u)</sup>

<sup>5</sup>Galefang, mme lo se leofe;  
buang ka dipelo tsa lona  
mo malaong a lona,  
mme lo didimale. Sela.<sup>v)</sup>

<sup>6</sup>Tlhabang ditlhabelo tsa nnete,  
lo ikanye MORENA.<sup>w)</sup>

<sup>7</sup>Ba bantsi ba re: “Ke mang  
yo o re bontshang se se molemo?  
MORENA, re sedifaletse

ka lesedi la sefathego sa gago.”<sup>x)</sup>

<sup>8</sup>Pelo ya me o e tladitse boitumelo  
jo bo fetang jwa bona,  
jwa letlotlo la mabele le la bojalwa.

<sup>9</sup>Ke tla ya go lala ka kagiso,  
ke thulamelat;  
gonne ke wena MORENA o le wes  
yo o mphedisang mo kagisong.<sup>y)</sup>

*Thapelo ya tshupelo ya mo mosong*

**5** Pesalome ya ga Dafita  
e e kwaletsweng moopedisi;  
e opedisive ka ditlhaka.

<sup>2</sup>MORENA,  
sekegela mafoko a me tsebe,  
o ele phegelo ya me tlhoko;  
<sup>3</sup>reetsa lenseswe la me  
le le goelang thuso,  
Kgosi ya me le Modimo wa me,  
gonne ke rapela wena.<sup>z)</sup>

<sup>4</sup>MORENA, o tla utlwa lenseswe la me  
mo mosong;  
ke tla go baakanyetsa tshupelo  
ya thapelo mo mosong,  
ke lebelela.

<sup>5</sup>Gonne ga o Modimo  
o o natefelwang ke boikepo,  
mme yo o bosula  
ga a kitla a nna nao.

n) 2 Sam. 15:14. o) Ke go re: Tlhatlosang mantswe. p) Pes. 84:12. q) Pes. 4:9; Diane 3:24.  
r) Pes. 27:3. s) Pes. 58:7. t) Jer. 3:23. u) Pes. 17:7. v) Baef. 4:26; Pes. 16:7.  
w) Pes. 51:19,21. x) Num. 6:25,26. y) Lef. 26:6; Pes. 3:6. z) Pes. 84:4.

<sup>6</sup>Baikgantshi ga ba kitla ba ema  
fa pele ga matlho a gago;  
o tlhole bothle  
ba ba dirang tshiamololo.  
<sup>7</sup>O tla nyeletsa ba ba buang maaka;  
monna wa polao le wa tsietso  
o tena MORENA.  
<sup>8</sup>Mme nna nka tsena  
mo Ntlong ya gago  
ka ntlha ya bogolo  
jwa bopelothomogi jwa gago,  
ka obamela mo Tempeleng  
e e boitshepo ya gago ke go boifa.<sup>a</sup>  
<sup>9</sup>MORENA,  
ntsamaise mo tshiamong ya gago  
ka ntlha ya baba ba me;  
tlhamalatsa tsela ya gago  
fa pele ga me.  
<sup>10</sup>Gonne ga go na sepe se se  
ikanyegang mo melomong ya bona;  
mateng a bona ke tshenyego;  
memetso ya bona ke mabitla  
a a atlhameng;  
ba rethefatsa diteme tsa bona.<sup>b</sup>  
<sup>11</sup>Ba bee molato, Modimo;  
a ba we ka ntlha ya maano a bona;  
ba leleke ka ntlha ya bontsi  
jwa ditlolo tsa bona;  
gonne ba a go rukhutlhagela.  
<sup>12</sup>Mme bothle ba ba go ikanyang  
a ba itumele,  
a ba duduets ka gale,  
mme o ba femele.  
Le bona ba ba ratang leina la gago  
a ba ipele mo go wena.<sup>c</sup>  
<sup>13</sup>Gonne o tshegofatsa mosiami,  
MORENA,  
o mo dikanyetsa ka bopelonomi  
jaaka ka thebe.<sup>d</sup>

### Thapelo ya boikwatlhao mo pitlaganong e kgolo

**6** Pesalome ya ga Dafita  
e e kwaletseng moopedisi;  
e opediswe ka kwadi ya dithapo,  
e na le kodu ya mopôrô.  
<sup>e</sup>MORENA,

a) Pes. 26:8. b) Baroma 3:13. c) Pes. 40:17. d) Pes. 103:4. e) Pes. 38:2; Jer. 10:24.  
f) Pes. 51:10. g) Pes. 13:2,3. h) Pes. 30:10; 88:11; 115:17. i) Pes. 31:10; Jobe 17:7.  
j) Pes. 35:4-26; 40:15. k) 1 Sam. 24:10; 26:19; 2 Sam. 16:5-11.

se mpetse ka bogale jwa gago,  
se nkwalihaye o gakets.<sup>e</sup>  
<sup>3</sup>MORENA, intshwarele:  
gonne ke swabile.  
MORENA, mphodise;  
gonne ke remegile marapo,<sup>f</sup>  
<sup>4</sup>mowa wa me le ona  
o reregile thata;  
mme wena, MORENA,  
o tla nna golele go le kae?<sup>g</sup>  
<sup>5</sup>Boa MORENA,  
o pholose botshelo jwa me,  
o nthuse ka ntlha  
ya bopelothomogi jwa gago.  
<sup>6</sup>Gonne mo losong ga o gopolwe;  
ke mang yo o tla go lebogang  
kwa felong ga baswi?<sup>h</sup>  
<sup>7</sup>Ke lapile ka go fegelwa ga me,  
ke edisa bolao jwa me  
bosigo bongwe le bongwe,  
ke kolobisa phate ya me  
ka dikeledi tsa me.  
<sup>8</sup>Leitlo la me  
le fifaditswe ke bohutsana,  
le onetse ka ntlha ya baganetsi  
bothle ba me.<sup>i</sup>  
<sup>9</sup>Ntlogeleng lona lotilhe  
badira-tshiamololo;  
gonne MORENA o utlwile  
lentswe la selelo sa me.  
<sup>10</sup>MORENA o utlwile  
mekokotlelo ya me,  
MORENA o amogela thapelo ya me.  
<sup>11</sup>Baba ba me bothle  
ba tla tlhajwa ke ditlhong,  
ba tshoga thata;  
ba tla boela kwa morago,  
ba tlhajwa ke ditlhong  
ka tshoganyetso.<sup>j</sup>

### Ntshiamisetse

**7** Sefela sa ga Dafita se o se  
opeletseng MORENA ka ntlha ya  
mafoko a ga Khuše wa  
Mobenayamene.<sup>k</sup>  
<sup>2</sup>MORENA, Modimo wa me,  
ke tshabela kwa go wena;

nkgolola mo bapatiking botlhe  
ba me, o mpholose,  
<sup>3</sup>e se re gongwe ba nkgagola  
jaaka tau,  
ba mphamola  
go se ope yo o gololang.<sup>4</sup>  
<sup>4</sup>MORENA, Modimo wa me,  
fa ke dirile jalo,  
fa go na le tshiamololo  
mo diatleng tsa me,<sup>5</sup>  
<sup>5</sup>fa ene yo o nang a na le kagiso  
le nna  
ke mo diretse bosula;  
fa ke senyeditse ene yo o neng  
a le moganetsi wa me ka bomo;  
<sup>6</sup>fa go ntse jalo, a mmaba a nteleke,  
a ntshware,  
a gatakele bophelo jwa me  
mo mmung,  
tlotlo ya me a e latse mo leroleng.  
Sela.  
<sup>7</sup>MORENA,  
tloga o eme mo bogaleng jwa gago,  
bololela baganetsi ba me  
ba ba nkgakaletseng,  
o tsoge ka ntlha ya me,  
wena yo o laotseng katlholo.  
<sup>8</sup>A phuthego ya merafe  
e go dikanyeletse,  
o boele kwa godimo, o ba okame.  
<sup>9</sup>MORENA, o atlholo merafe.  
MORENA, ntshiamisetse  
ka fa tshiamong ya me  
le ka fa ke se nang molato ka teng.<sup>7</sup>  
<sup>10</sup>Dira gore boikepo jwa baikepi  
bo khutle!  
Tlhomamisa mosiami,  
wena yo o lekang dipelo le diphilo,  
wena Modimo o o siameng.<sup>9</sup>  
<sup>11</sup>Thebe ya me e mo Modimong  
o o thusang  
ba ba dipelo di boammaaruri.<sup>9</sup>  
<sup>12</sup>Modimo ké moatlhodi yo o siameng,  
e bile ke Modimo o o galefang  
ka letsatsi le letsatsi.<sup>9</sup>  
<sup>13</sup>Fa motho a sa sokologe,

o lootsa tshaka ya ona,  
o gagamatsa bora jwa ona,  
o supa ka jona;<sup>10</sup>  
<sup>14</sup>o mmaakanyeditse dibolai tsa loso,  
o dira metsu ya ona  
go nna e e tukang.  
<sup>15</sup>Bonang, motho yoo  
o nna moimana ka boikepo,  
o ithwele tshiamololo,  
o tsala maaka.  
<sup>16</sup>O epile lemena, a le gaba;  
mme o wetse mo gopong  
e o e dirileng.<sup>14</sup>  
<sup>17</sup>Tshenyo ya gagwe  
e boela tlhogong ya gagwe,  
le go thubaka ga gagwe  
go wela mo phogong ya gagwe.  
<sup>18</sup>Ke tla baka MORENA  
ka ntlha ya tshiamo ya gagwe,  
ke opelela leina la MORENA  
Mogodimodimo.

*Motho ke eng?*

**8** Pesalome ya ga Dafita  
e e kwaletsweng moopedisi  
ka fa moopelong wa ba ba gatang  
segatelo.  
<sup>2</sup>MORENA, Mmusi wa rona,  
leina la gago le galalela jang  
mo lefatsheng lothle,  
wena yo borena jwa gago  
bo opeelwang kwa legodimong!  
<sup>3</sup>O itiretsse tumiso e kgolo,  
e tswa mo melomong ya bana  
le ya masea,  
ka ntlha ya baganetsi ba gago,  
gore o didimatse baba  
le baipusolosetsi.<sup>1</sup>  
<sup>4</sup>Fa ke lebile magodimo a gago,  
tiro ya menwana ya gago  
le ngwedi le dinaledi  
tse o di tlhomileng –<sup>11</sup>  
<sup>5</sup>kana motho ke eng,  
fa o mo gopotse,  
ngwana wa motho ke eng,  
fa o mmabalela?<sup>12</sup>

<sup>4</sup>) Pes. 10:8.9. <sup>m)</sup> Jobe 31:7-34. <sup>n)</sup> Pes. 18:21-27.<sup>5</sup>) Pes. 104:35; Jer. 11:20; 17:10; Tshen. 2:23. <sup>p)</sup> Pes. 3:4. <sup>q)</sup> Pes. 9:5.<sup>r)</sup> Doit. 32:41; Dilelo 2:4; 3:12. <sup>s)</sup> Diane 26:27. <sup>t)</sup> Math. 21:16. <sup>u)</sup> Pes. 19:2.<sup>v)</sup> Pes. 144:3; Baheb. 2:6-9.

<sup>6</sup>O mo tlhaedisitse baengele  
go le gonne fela,  
wa mo rwesa kgalalelo le bontle.<sup>w</sup>

<sup>7</sup>O mo dirile molaodi  
wa ditiro tsa diatla tsa gago;  
o beile dilo tsotlhe  
fa tlase ga dinao tsa gagwe,<sup>x</sup>

<sup>8</sup>tsotlhe, dinku le dikgomo,  
le tsona diphologolo tsa naga,  
<sup>9</sup>dinonyane tsa loapi  
le ditlhapi tsa lewatle,  
le fa e le eng se se ralalang lewatle  
ka ditsela tsa lone.

<sup>10</sup>MORENA, Mmusi wa rona,  
kana leina la gago le galalela jang  
mo lefatsheng lotlhe!

*Tebogo ya kgololo e kgolo*

<sup>9</sup>Pesalome ya ga Dafita  
e kwaletsweng moopedisi  
ka fa moopelong wa "Swela morwa".

<sup>2</sup>Ke tla go leboga, MORENA,  
ka pelo yotlhe,  
ke tla bolela dikgakgamatsotlhe  
tsa gago.

<sup>3</sup>Ke tla itumela,  
ke ipela mo go wena;  
ke tla opelela leina la gago,  
wena Mogodimodimo.

<sup>4</sup>Ka gonne baba ba me  
ba katile ka morago,  
ba kgotswa,  
ba nyelela fa pele ga gago.

<sup>5</sup>Gonne o emetse tshiamo ya me  
le tsheko ya me,  
wa ipaya mo sedulong sa bogosi,  
o le moatlhodi yo o siameng.<sup>y</sup>

<sup>6</sup>O kgalemetse Baditshaba,  
wa nyeletsa baikepi,  
maina a bona wa a phimolela ruri.

<sup>7</sup>Baba ba sole,  
ke marope fela ka bosakhutleng,  
le metse o e thubile,  
go gopolwa ga yona go ile.<sup>z</sup>

<sup>8</sup>Mme MORENA cne o nnela ruri,  
sedulo sa gagwe  
o se baakanyeditse go atlhola.<sup>a</sup>

<sup>9</sup>O atlhola lefatshe ka tshiamo,  
o siamisetsa merafe  
ka boammaaruri.<sup>b</sup>

<sup>10</sup>Ka moo MORENA ke botshabelo jo  
bo thata jwa bapatikwa,  
ke botshabelo jo bo thata  
mo metlheng ya pitlagano.

<sup>11</sup>Ba ba itseng leina la gago  
ba a go ikanya;  
ka gonne wena MORENA  
ga o ke o tlogela  
ba ba go batlang.

<sup>12</sup>Opelelang MORENA  
yo o agileng mo Sione;  
bolelang ditiro tsa gagwe  
mo merafeng.<sup>c</sup>

<sup>13</sup>Gonne ena yo o busolosang madi  
o ba gopotsese,  
ga a lebale selelo sa batlalelw.<sup>d</sup>

<sup>14</sup>MORENA, intshwarele,  
ela se ke se bogang  
mo go bona  
ba ba ntlihoileng tlhoko,  
wena yo o ntsholetsang  
mo dikgorong tsa loso,

<sup>15</sup>gore ke tle ke bolele  
dipôkô tsotlhe tsa gago,  
ke dudueletse pholoso ya gago  
mo dikgorong tsa morwadia Sione.

<sup>16</sup>Baditshaba ba wetse mo lemeneng  
le ba le epileng,  
dinao tsa bona di tshwerwe  
ke letloa  
le ba le thaileng mo sephiring.<sup>e</sup>

<sup>17</sup>MORENA o ikitsisitse,  
o dirile katholo,  
moikepi o raraanye  
ka tiro ya diatla tsa gagwe.  
Go a lediwa. Sela!<sup>f</sup>

<sup>18</sup>Baikepi ba tla boela  
kwa felong ga baswi,  
le baheitané botlhe  
ba ba lebetseng Modimo.

<sup>19</sup>Gonne bahumanegi  
ga ba nke ba lebalelw ruri,  
le tsholofelo ya babogisegi  
ga e kitla e tlhokafalela ruri.<sup>g</sup>

<sup>w</sup>) Gen. 1:26. <sup>x</sup>) Math. 28:18; 1 Bakor. 15:27. <sup>y</sup>) Pes. 7:12. <sup>z</sup>) Pes. 34:17. <sup>a</sup>) Pes. 103:19.<sup>b</sup>) Pes. 96:13. <sup>c</sup>) Pes. 132:13. <sup>d</sup>) Gen. 4:10. <sup>e</sup>) Pes. 7:16. <sup>f</sup>) Pes. 7:17.<sup>g</sup>) Pes. 22:25; 10:17,18.

<sup>20</sup>Tloga o eme, MORENA!  
A motho a se ka a thatafala,  
a baheitané ba atholwe  
fa pele ga gago.

<sup>21</sup>MORENA, ba tlatse poifo,  
a baheitané ba itemoge,  
fa e le batho fela. Sela.<sup>h</sup>

*Thapelo ya gore Modimo o thusé  
kgatlhanong le boikgodiso jwa baba*

**10** MORENA, o emetseng kgakala,  
o iphitlhetseng  
mo metheng ya pitlagano?<sup>i</sup>

<sup>2</sup>Motlalelwí o pitlagantswe  
ka ntla ya boikgantsho  
jwa baikepi.

A ba tshwarwe ke maano  
a ba a logileng a boferefere.

<sup>3</sup>Gonne moikepi o ikgantsha  
ka keletso ya gagwe;  
mmapadi wa tsietso o tshegofatsa  
ke go re o kgala MORENA.

<sup>4</sup>Moikepi,  
mo boikgodisong jwa gagwe  
ga a batle Modimo;  
o ithaya a re:  
“Ga go na Modimo.”

Ke yona megopoló yotlhe  
ya gagwe.

<sup>5</sup>Ditsela tsa gagwe di na le  
botswelelopele ka gale,  
dikatholo tsa gago di kwa  
godimodimo, kgakala le ena;  
baganetsi botlhe ba gagwe  
o a ba budula.<sup>j</sup>

<sup>6</sup>Mo pelong ya gagwe  
o ithaya a re:  
“Ga ke na go tshikinyega,  
ke mongwe yo ke se kitlang  
ke wela mo tlalelong  
go ya bokhutlong.”<sup>k</sup>

<sup>7</sup>Molomo wa gagwe o tletsé  
khutso le tsietso le patiko;  
fa tlase ga loleme lwa gagwe  
go na le letshwenyo le tshenyo.<sup>l</sup>

<sup>8</sup>O bataletse  
mo talelong ya metse;  
yo o se nang molato

o mmolaela mo sephiring;  
matlho a gagwe a thomilwe  
mo go yo o tlhokang  
letlhogonolo.

<sup>9</sup>O laela mo sephiring  
jaaka tau mo sekhung sa yona,  
o laletse mmogisegi  
gore a mo tshware;

o tshwara motlalelwí ka go mo  
goga ka letloa la gagwe.”

<sup>10</sup>O a boba, a batalale,  
mme ba ba tlhokang letlhogonolo  
ba wele mo maroong a gagwe.

<sup>11</sup>O ithaya mo pelong a re:  
“Modimo o lebetse,  
o ipipile sefatlhego,  
ga o kitla o go bona ka gope.”<sup>m</sup>

<sup>12</sup>MORENA, nanoga, Modimo,  
tsholetsa letsogo,  
se lebale batlalelwí!

<sup>13</sup>Kana moikepi  
o kgalelang Modimo,  
a ithaya mo pelong a re:  
“Ga o ne o busolosa”?<sup>n</sup>

<sup>14</sup>Wena o bonye;  
gonne o lebile tapisego  
le tshwenyego  
gore di beiwe mo  
seatleng sa gago.  
Yo o tlhokang o di neetse wena,  
o mothusi wa dikhutsana.<sup>o</sup>

<sup>15</sup>Robaganya letsogo la moikepi;  
yo o bosula  
o busolose boikepo jwa gagwe,  
gore o se ka wa  
tlhola o bo bona.<sup>p</sup>

<sup>16</sup>MORENA ke Kgosi ka gale  
le ka bosakhutleng,  
baheitané ba nyeletse  
mo lefatsheng la gagwe.<sup>q</sup>

<sup>17</sup>MORENA,  
o utlwile keletso ya baikokobetsi,  
o tiisa dipelo tsa bone,  
o tlhwaya tsebe go utlwa,

<sup>18</sup>go tla o siamisetsha khutsana  
le mopatikwi,  
gore motho wa lefatshe  
a se ka a tlhola a ba tlhorisa.

<sup>h</sup>) Pes. 59:14. <sup>i</sup>) Pes. 44:25. <sup>j</sup>) Amose 6:3. <sup>k</sup>) Pes. 73:4-8. <sup>l</sup>) Baroma 3:14. <sup>m</sup>) Pes. 17:12.  
<sup>n</sup>) Pes. 94:7. <sup>o</sup>) Pes. 68:6; Ekes. 22:22. <sup>p</sup>) Pes. 37:10-36. <sup>q</sup>) Pes. 99:1.

*MORENA o tshiamo***11** Pesalome ya ga Dafita  
e e kwaletsweng moopedisi.

Ke itiketsa ka MORENA;  
lo ka nthaya jang lo a re:  
“Tshabela kwa thabeng  
jaaka nonyane?”  
<sup>2</sup>Gonne bona,  
baikepi ba gagamatsa bora,  
ba beile metsu ya bone  
mo thapong ya jona,  
gore e re ba le mo fising,  
ba tle ba hule  
ba ba dipelo di boammaaruri.<sup>3</sup>

<sup>3</sup>Fa metheo e thujiwa,  
mosiami a ka dirang?<sup>4</sup>

<sup>4</sup>MORENA o mo tempeleng ya gagwe  
e e boitshepo,

MORENA,  
yo sedulo sa gagwe sa bogosi  
se leng mo legodimong.  
Matlho a gagwe a bona lefatshe,  
dintshi tsa matlho a gagwe  
di keleka bana ba batho.<sup>5</sup>

<sup>5</sup>MORENA o sekaseka mosiami  
le moikeypi;  
mowa wa gagwe  
o tlhoile yo o ratang kgatelelo.<sup>6</sup>

<sup>6</sup>O tla nesetsa baikepi magala;  
molelo le sebabole le ledimo  
le le bolelo  
ke tsona senwelo sa bona  
se ba se abetsweng.<sup>v</sup>

<sup>7</sup>Gonne MORENA o siame,  
o rata ditiro tse di siameng.

Ba nnete  
ba tla bona sefatlhego sa gagwe.<sup>w</sup>

*Maaka a laola batho;*  
*Modimo ke boammaaruri*

**12** Pesalome ya ga Dafita  
e e kwaletsweng moopedisi,  
e na le kodu ya mopôrô.

<sup>2</sup>MORENA, thusa;  
gonne ga go tlhole

go na le yo o boifang Modimo,  
mme ba ba ikanyegang  
ba fedile mo baneng ba batho.  
<sup>3</sup>Ba bua maaka  
mongwe le yo mongwe,  
ba bua ka melomo e e borethe  
le bopelopedi.

<sup>4</sup>A MORENA a nyeletse  
melomo yothle e e borethe,  
le loleme lo lo buang  
dilo tsa boikgodiso;

<sup>5</sup>bona ba ba reng:  
“Re thata ka diteme tsa rona,  
re na le melomo ya rona;  
mmusi yo o re laolang ke mang?”<sup>x</sup>

<sup>6</sup>Mme MORENA a re:  
“Jaanong ke tla tsogela pogiso  
ya batlalelw le phegelo ya batlhoki,  
ke thusa ene yo o lelclang thuso.”

<sup>7</sup>Mafoko a MORENA  
ke mafoko a a phepa,  
ke selefera e e itshekisitsweng  
mo leubeleng

e e tshologelang fa fatshe,

e itshekisitswe gasupa.<sup>y</sup>

<sup>8</sup>Wena MORENA, o re boloke,  
o re sireletse mo losikeng loo

ka bosakhutleng.

<sup>9</sup>Fa tshenyego e godile  
mo baneng ba batho,  
baikepi ba ikgantsha  
mo ntlheng tsotlhe.<sup>z</sup>

*Dafita o tshabela thapelang***13** Pesalome ya ga Dafita  
e e kwaletsweng moopedisi.

<sup>2</sup>MORENA,  
go tla nna golele go le kae?  
A o tla ntebalela ruri?  
O tla mphitlhela sefatlhego sa gago  
sebaka se se kana kang?<sup>a</sup>

<sup>3</sup>Ke tla akanya golele go le kae  
mo moweng wa me,  
ke tlholo ke tletse bohutsana  
mo pelong?

Mmaba wa me o tla inkgodisetsa  
sebaka se se kana kang?

r) 1 Sam. 26:20. s) Pes. 37:14; 64:4,5. t) Hab. 2:20; Jes. 66:1; Pes. 33:13,14. u) Pes. 5:5.

v) Gen. 19:24. w) Pes. 33:5; 17:15. x) Pes. 73:8,9. y) Pes. 19:9. z) Diane 28:12.

a) Pes. 77:8; Hab. 1:2.

<sup>4</sup>A o ko o bone, o nkutlwé,  
MORENA, Modimo wa me!  
Sedifatsa matlho a me  
gore ke se robale thobalo ya loso,  
le gore mmaba wa me a se re:  
“Ke mo fentse,”<sup>a</sup>

mme baganetsi ba me ba se ipele,  
fa ke theekela.

“Mme nna,  
ke ikanya boitshwarelo jwa gago;  
pelo ya me  
e tla ipelela thuso ya gago.  
Ke tla opelela MORENA pako,  
ka a ntiretse molemo.”<sup>b</sup>

*Boikepo jwa motho*  
(Pes. 53)

**14** Pesalome ya ga Dafita  
e e kwaletsweng moopedisi.  
Lesilo le bua mo pelong ya lone  
le re:  
“Modimo ga o yo.”  
Ba a senya, ba dira tsa maila;  
ga go ope yo o dirang molemo.  
<sup>2</sup>MORENA o lebile bana ba batho  
a le mo legodimong,  
go bona,  
fa go le mongwe yo o botlhale,  
yo o batlang Modimo.<sup>c</sup>  
<sup>3</sup>Ba fapogile botlhe,  
ba senyega mmogo.  
Ga go ope yo o dirang molemo,  
le e seng a le mongwe fela.<sup>d</sup>  
<sup>4</sup>A botlhe ba ba dirang tshiamololo  
ga ba na kitso,  
bona ba ba metsang batho ba me  
jaaka ba ja senkgwe?  
MORENA ga ba mmitsé.<sup>e</sup>  
<sup>5</sup>Foo<sup>f</sup> ba tla tshoga  
mo go boitshegang;  
gonne Modimo  
o mo losikeng lo lo siameng.  
<sup>6</sup>Maano a ba a logelang mmogisegi  
a tla ba tlhabisa ditlhong,  
gonne MORENA  
ke botshabelo jwa gagwe.<sup>g</sup>  
<sup>7</sup>E kete pholoso ya Iseraele

e ka bo e tla e e tswang mo Sione!  
E ne e tla re MORENA a fetola  
tatlhego ya morafe wa gagwe,  
Jakobe a duduetsé,  
Iseraele a itumele.

*MORENA, ke mang yo o tla tlholang  
mo ntlong ya gago?*<sup>h</sup>

## 15 Pesalome ya ga Dafita.

MORENA,  
ke mang yo o ka tsenang  
mo Tenteng ya gago?  
Ke mang yo o ka nnang  
mo thabeng ya gago  
e e boitshepo?<sup>i</sup>

<sup>2</sup>Ke ene fela yo o sepelang  
a se na molato,  
a dira ka tshiamo,  
a bua boammaaruri ka pelo;<sup>j</sup>  
<sup>3</sup>yo o sa senyeng motho leina  
ka loleme,  
a sa direle mongwe-ka-ene bosula,  
a sa kgobe wa ga gabó;  
<sup>4</sup>yo o molatlhegi a nyatsegang  
mo matlhong a gagwe,  
mme a tlotla  
ba ba boifang MORENA;  
yo e a reng a ikanetse sengwe,  
a se ke a fetoge,  
le fa a ka senyegelwa;  
<sup>5</sup>yo o sa adimeng madi  
ka go a tsadisa,  
a sa rekwe  
go patika yo o se nang molato.<sup>k</sup>  
Yo o dirang jalo,  
ga a kitla a tshikinyega ka gope.

*Modimo o molemo bogolo bogolo*

## 16 Loboko lwa ga Dafita.

Modimo, mpoloke,  
gonne ke ikanya wena!  
<sup>2</sup>Ke reile MORENA ka re:  
“Ke wena Morena wa me,  
ga ke na molemo ope  
kwa ntle ga gago.”<sup>k</sup>

<sup>a</sup>) Pes. 9:15. <sup>c</sup>) Pes. 33:13. <sup>d</sup>) Gen. 6:12; Baroma 3:10-12. <sup>e</sup>) Miga 3:3.

<sup>f</sup>) Go tewa ka letsatsi la katlholo. <sup>g</sup>) Pes. 12:6. <sup>h</sup>) Pes. 84:5. <sup>i</sup>) Jes. 33:15. <sup>j</sup>) Ekes. 22:24.

<sup>k</sup>) Pes. 73:25.

<sup>3</sup>Fa e le baitshepi  
ba ba mo lefatsheng,  
bona batlotlegi  
ke ba ba nkagatlhang.

<sup>4</sup>Dipogo tsa bona ba ba ipatlelang  
medimo e sele di tla ntsifala.  
Ga nkitla ke e isetsa ditshupelo  
tsa madi,  
le e seng go bua maina a yona  
ka molomo wa me.

**<sup>5</sup>MORENA**

ke kabelo ya boswa jwa me,  
le ya senwelo sa me;  
o tshegeditse kabelo ya me.<sup>1</sup>

<sup>6</sup>Melelwane e ntiteetse  
ka fa mafelong a monate.  
Ee, ke na le boswa jo bontle.

<sup>7</sup>Ke tla baka MORENA  
yo o nkagakolotseng.

Ee, le mo bosigong diphilo tsa me  
di a nkaela.<sup>2</sup>

<sup>8</sup>Ke ntse ke emisitse MORENA  
fa pele ga matlho a me;  
ga nkitla ke tshikinyega,  
ka a nkeme ka fa letsogong  
le le jang.

<sup>9</sup>Ka moo pelo ya me e a itumela,  
le mowa wa me o a ipela;  
mmele wa me le ona  
o tla ikhutsa o iketlile.<sup>3</sup>

<sup>10</sup>Gonne  
ga o kitla o tlogela mowa wa me  
go tsena mo bobipong,  
le e seng go leseletsa moitshepi  
wa gago go bona go bola.<sup>4</sup>

<sup>11</sup>O tla nkitsise tsela ya bophelo;  
go kgora boitumelo,  
go fa pele ga sefatlhego sa gago,  
le go ja monate  
fa letsogong le le jang la gago  
ka bosakhutleng.

*Thapelo ya go gololwa*

**17 Thapelo ya ga Dafita.**

MORENA,  
utlwa go rapelela tse di siameng,  
o tlhokomele go kua ga me;

reetsa thapelo ya me  
e e seng ya molomo wa tsietso.

<sup>2</sup>A tse di ntshiametseng  
di tswe mo go wena;  
a matlho a gago a lebe ka tshiamo.<sup>5</sup>

<sup>3</sup>O leka pelo ya me,  
o nkeleka mo bosigong,  
o a ntlihotlhomisa,  
mme ga o fithele tse di tlhabisang  
dithlhog mo go nna;  
le molomo wa me ga o senye.<sup>6</sup>

<sup>4</sup>Fa e le ditiro tsa batho,  
ke ila ditsela tsa mogateledi  
ka fa lefokong la molomo wa gago.

<sup>5</sup>Dikgato tsa me di paleletse  
mo methaleng ya gago;  
dinao tsa me  
ga di a ka tsa theekela.

<sup>6</sup>Ke goela kwa go wena, Modimo;  
gonne o a nkutlwaa;  
ntshekgele tsebe,  
o reetse polelo ya me.

<sup>7</sup>Supa maitshwarelo a gago  
ka mokgwa o o gakgamatsang,  
wena yo o gololang ba ba ikanyang  
letsogo le le jang la gago  
mo baganetsing ba bona.<sup>7</sup>

<sup>8</sup>Mpoloke jaaka thaka ya leitlho,  
o mphemele mo moriting  
wa diphuka tsa gago,<sup>8</sup>  
o mphemele mo baiking  
ba ba nkagatelang  
le mo babeng ba me  
ba ba ntikanjetsang go mpolaya.

<sup>10</sup>Ba thatafaditse dipelo tsa bona;  
ba bua ka melomo ya bona  
ka boikgantsho.

<sup>11</sup>Ba re dikanyeditse  
re ntse re tsamaya;  
ba re tlhomile matlho  
go re digela fa fatshe.

<sup>12</sup>Ba tshwana le tau  
e e gakaletseng go gagola,  
le tawana e e laletseng  
fa e bobileng teng.<sup>9</sup>

<sup>13</sup>Nanoga, MORENA,  
o ba kgatlhantshe,  
o ba digele fa fatshe.

<sup>1</sup>) Dilelo 3:24. <sup>m</sup>) Pes. 4:5; 17:3. <sup>n</sup>) Gen. 49:6. <sup>o</sup>) Dit. 2:25-32; 13:35-37. <sup>p</sup>) Pes. 43:1.  
<sup>q</sup>) Pes. 16:7; 139:1. <sup>r</sup>) Pes. 4:4. <sup>s</sup>) Doit. 32:10. <sup>t</sup>) Pes. 10:9.

Mpholose mo moikeeping  
ka tshaka ya gago,  
<sup>14</sup>le mo banneng ka letsogo la gago,  
MORENA,  
le mo banneng ba lefatshe,  
ba kabelo ya bona  
e leng mo bophelong jono,  
ba o tlatsang dimpa tsa bona  
lehumo la gago;  
bana ba bona ba a kgora,  
letlotlo la bona  
ba le tlogelale masea a bona.<sup>u</sup>

<sup>15</sup>Mme nna ke  
tla leba sefatlhego sa gago  
ke le mo tshiamong,  
ke tla kgora setshwano sa gago  
mogang ke thanyang.

*Sefela sa tebogo morago ga phenyo*  
(2 Sam. 22)

**18** Ya moopedisi.  
Pesalome ya ga Dafita,  
motlhanka wa MORENA, yo o neng  
a tlhabela MORENA sefela se,  
ka sebaka se MORENA o neng a mo  
golola ka sona mo diatleng tsa baba  
botlhe ba gagwe le mo seatleng sa ga  
Saul.

<sup>2</sup>Mme a re:

“Ke go rata ka pelo yotlhe,  
MORENA, thata ya me.  
<sup>3</sup>MORENA ke lefika la me  
le phemelo ya me ya kwa thabeng  
le mogolodi wa me;  
ke Modimo wa me  
le lefika la phemelo la me,  
le ke tshabelang kwa go lone,  
le thebe ya me  
le lonaka lwa me lwa pholoso  
le kago ya phemelo ya me.<sup>v</sup>  
<sup>4</sup>E a re fa ke bitsa MORENA  
yo o bakwang,  
ke gololwe mo babeng ba me.  
<sup>5</sup>Makhubu a loso  
a ne a ntikanyeditse,  
dinoka tsa tatlhego  
di ne di mpoifisa.<sup>w</sup>  
<sup>6</sup>Dikgole tsa felo ga baswi

di ne di ntsentse gare  
le dithapo tsa loso tsa nkewla.  
<sup>7</sup>E rile ke pitlagantswe,  
ka lelela MORENENG,  
ka kucla Modimong wa me;  
wa utlwa lentswe la me  
o le mo tempeleng ya ona,  
selelo sa me sa tla fa pele ga ona,  
sa tsena mo ditsebeng tsa ona.  
<sup>8</sup>Foo lefatshe la rekelta, la roroma,  
metheo ya dithaba ya roroma,  
ya tshikinyega, ka o ne o galefile.  
<sup>9</sup>Ga kua musi,  
o tswa mo nkong ya ona,  
molelo wa tswa  
mo molomong wa ona o senya,  
magala a tswa mo go ona a tuka.<sup>x</sup>

<sup>10</sup>Wa sekamisa legodimo,  
wa fologa;  
lefifi la nna  
fa tlase ga dinao tsa ona.<sup>y</sup>

<sup>11</sup>O ne o palame Kerubime o fofa;  
o kala o le mo diphukeng  
tsa phefo.<sup>z</sup>

<sup>12</sup>Wa dira lefifi sesiro sa ona,  
le lefifi la metsi le maru a a maima  
wa di dira motlaagana  
o o itikanyeditseng ka ona.<sup>a</sup>

<sup>13</sup>Mo kgalalelong e e fa pele ga ona  
ga tswa maru a ona  
le sefako le magala a molelo.

<sup>14</sup>MORENA a dumisa maru  
kwa legodimong;  
Mogodimodimo a utlwatsa  
lentswe la gagwe,  
ga nna sefako le magala a molelo;

<sup>15</sup>a hula metsu ya gagwe,  
a phatlalatsa baba;  
a rathisa tladi, a ba tshosa.<sup>b</sup>

<sup>16</sup>Mateng a lewatle a bonala,  
metheo ya lefatshe ya senoga  
ka ntliha ya kgalemo ya gago,  
MORENA, ka ntliha ya go summa  
ga mowa wa nko ya gago.

<sup>17</sup>O ne a ntsha letsogo  
a le kwa godimo, a ntshwara,  
a nkinola mo metsing a magolo.<sup>c</sup>

<sup>18</sup>A nkogolola mo babeng ba me

<sup>u</sup>) Luka 16:25; Bafil. 3:19. <sup>v</sup>) Doit. 32:4. <sup>w</sup>) Pes. 116:3. <sup>x</sup>) Ekes. 19:18. <sup>y</sup>) Pes. 144:5.  
<sup>z</sup>) Pes. 99:1. <sup>a</sup>) Jes. 50:3. <sup>b</sup>) 1 Sam. 7:10. <sup>c</sup>) Pes. 144:7; 69:2,3.

ba ba thata  
 le mo go ba ba ntlihoileng;  
 gonne ba ne ba mpheta ka thata.  
<sup>19</sup>Ba nkwegese  
 mo letsatsing la tlalelo ya me,  
 mme MORENA  
 a nna seitsetsepêlô sa me.  
<sup>20</sup>A nkogela kwa ntle  
 mo mafelong a a atlhameng,  
 a nkgolola,  
 ka gonne ke a mo kgatlha.  
<sup>21</sup>MORENA o ne a ntuela  
 ka fa tshiamong ya me,  
 a mpusetsa ka fa boitshekong  
 jwa diatla tsa me.  
<sup>22</sup>Gonne ke tshwere  
 ditsela tsa MORENA,  
 mme ga ke a ka ka ikepa  
 mo Modimong wa me.  
<sup>23</sup>Gonne tsotlhe tse di siameng  
 fa pele ga ona,  
 ke ntse ke di tlhomeloa,  
 mme ga ke a ka ka tlosa  
 melao ya ona fa go nna.<sup>d</sup>  
<sup>24</sup>Ke ne ke siame fa pele ga ona,  
 ka itisa gore ke se nne molato.<sup>e</sup>  
<sup>25</sup>Ka moo MORENA  
 a ntuela ka fa tshiamong ya me  
 le ka fa boitshekong  
 jwa diatla tsa me,  
 jo bo fa pele ga matlho a gagwe.  
<sup>26</sup>O itshupa o le bopelothhomogi  
 mo go yo o tlhomogang pelo;  
 o itshupa o le tlhamalalo  
 mo monneng yo o tlhamaletseng.  
<sup>27</sup>O itshupa o le phepa  
 mo go yo o phepa,  
 mme mo molotsaneng  
 o itshupa o le kgopo.  
<sup>28</sup>Gonne batho ba ba bogisiwang  
 o ba direla kgololo;  
 mme matlho a a mabela  
 o a a kokobetsa.<sup>f</sup>  
<sup>29</sup>Ee, o tukisa lobone lwa me;  
 MORENA, Modimo wa me  
 o sedifatsa lefifi la me.  
<sup>30</sup>Gonne ke tlhasela lesomo la baba  
 ka wena;

ke tlola lobota ka  
 Modimo wa me.<sup>g</sup>  
<sup>31</sup>Tselo ya Modimo oo e itekanetse;  
 lefoko la MORENA le itshekile.  
 Ke ene thebe ya botlhe  
 ba ba mo ikanyang.<sup>h</sup>  
<sup>32</sup>Gonne ke mang yo e leng  
 Modimo fa e se MORENA?  
 Gape ke mang yo e leng lefika  
 fa e se Modimo wa rona?  
<sup>33</sup>Ke ona Modimo  
 o o ntlamang ka thata,  
 o o dirang tselo ya me botlalo.  
<sup>34</sup>O dira dinao tsa me  
 jaaka tsa tshephe,  
 o nkemisa mo mafelong a me  
 a a godimo.  
<sup>35</sup>O ruta diatla tsa me go tlhabana,  
 gore mabogo a me  
 a ba a obe bora jwa kgotlho.<sup>i</sup>  
<sup>36</sup>O nneile thebe ya pholoso ya gago;  
 letsogo le le jang la gago  
 le ntshegeditse;  
 go ikinamisa ga gago  
 go ntira mogolo.<sup>j</sup>  
<sup>37</sup>O atlhamolositse kgato ya me  
 fa tlase ga me,  
 malengana a me  
 ga a a ka a temeka.<sup>k</sup>  
<sup>38</sup>Ke lelekile baba ba me,  
 ka ba tshwara,  
 mme ga ke a ka ka boa  
 ke ise ke ba nyeletse.  
<sup>39</sup>Ke ba thubakile,  
 ba be ba retelelwaa ke go tsoga;  
 ba wetse fa tlase ga dinao tsa me.  
<sup>40</sup>O ntlamile ka thata go tlhabana;  
 o dira gore bona ba ba ntsogetseng  
 ba ikobe fa tlase ga me.  
<sup>41</sup>Le gona o tshabisitse baba ba me  
 gore ba nkhalarele;  
 ba ba ntlihoileng ka ba nyeletsa.  
<sup>42</sup>Ba goela thuso,  
 mme go se na mothusi ope;  
 ba tlhaeleletsa kwa MoRENENG,  
 mme a se ka a ba araba.  
<sup>43</sup>Ke ne ka ba thuga jaaka lerole  
 fa pele ga phefo,

d) Doit. 17:19. e) Pes. 15:2. f) Jobe 22:29. g) Pes. 60:14. h) Pes. 19:9. i) Pes. 144:1.  
 j) Diane 15:33. k) Pes. 31:9.

ka ba gelolela kwa ntle  
jaaka seretse sa minila.

<sup>44</sup>O nk golotse  
mo dikganetsanyong tsa batho;  
o ntirile tlhogo ya merafe.  
Ke diretswe ke setshaba  
se ke neng ke sa se itse.  
<sup>45</sup>E rile fela fa ba nkutlwela,  
ba tla go inkobela;  
bomorwa ditshaba  
ba inneela ka go mpoifa.  
<sup>46</sup>Bomorwa baeng ba a koafala;  
ba a tla, ba roroma,  
ba tswa mo maiphithlhong a bona.

<sup>47</sup>MORENA o a phela.  
A go bakwe ene lefika la me.  
A go godisiwe Modimo  
wa pholoso ya me;  
<sup>48</sup>ona Modimo o o impusolosetsang  
o tsenya batho mo taolong ya me;  
<sup>49</sup>o nk golola mo babeng ba me  
ba ba bogale.  
Wena o nk godisetsa  
ba ba ntsogelang,  
o nk golola  
mo monneng yo o setlhogo.  
<sup>50</sup>Ke ka ntsha ya moo, MORENA,  
ke ratang go go leboga  
mo merafeng  
le go opelela leina la gago pakol.  
<sup>51</sup>Wena yo o nayang kgosi  
e o e beileng kgololo e kgolo,  
boitshwarelo o bo supetsa  
motlodiwa wa gago,  
e bong Dafita le losika lwa gagwe  
go ya bosakhtleng.<sup>52m</sup>

*Itshenolo ya Modimo ka dilo tsa  
tlholego le ka lefoko*

**19** Pesalome ya ga Dafita  
e e kwaletsweng moopedisi.

<sup>2</sup>Magodimo a bolela  
kgalalelo ya Modimo,  
phuthologo e rera tiro tsa ona.<sup>n</sup>  
<sup>3</sup>Letsatsi le bilolela letsatsi  
le lengwe polelo,  
le bosigo bo utlwaletsa bosigo  
jo bongwe kitso.

<sup>4</sup>Ga go na polelo le e seng  
mafoko; modumo wa tsona ga o  
utlwale.

<sup>5</sup>Modumo wa ona magodimo  
o tswetse mo lefatsheng lothle,  
le mafoko a ona a fitlha  
kwa mafelelong a lefatshe;  
Modimo o beetse letsatsi tente  
kwa go ona magodimo.<sup>o</sup>

<sup>6</sup>Le tshwana le monyadi  
yo o tswang mo ntlwaneng  
ya borobalo ya gagwe,  
le itumelela go taboga tseleng  
ya lone jaaka mogale.

<sup>7</sup>Le tswa kwa bokhutlong  
jwa magodimo,  
le dikologa go ya bokhutlong  
jo bongwe jwa ona,  
mme ga go sepe se se fitlhetsweng  
mogote wa lone.<sup>p</sup>  
<sup>8</sup>Molao wa MORENA o botlalo,  
o lapolosa mowa;  
tshupo ya MORENA e a ikanyega,  
e tlhalefisa yo o sa tlhalefang.<sup>q</sup>  
<sup>9</sup>Ditao tsa MORENA di siame,  
di itumedisu pelo;  
taolo ya MORENA e phepa,  
e bonisa matlho.<sup>r</sup>

<sup>10</sup>Go boifa MORENA go itshekile,  
go bile go nnela ruri;  
tse MORENA a di siamisitseng  
ke tsa nnate,  
di bile di siame tsotlhe.

<sup>11</sup>Di eletsegia bogolo go gouta  
le bontsi jwa gouta e ntentle;  
di botshe bogolo go dinotshe,  
e bong mafura a tsona.<sup>s</sup>

<sup>12</sup>Le motlhanka wa gago  
o sedimosediwa ka tsona;  
go di tlhokomela go na le mosola  
o mogolo.

<sup>13</sup>Ke mang yo o ka itemogang  
diphoso tsotlhe?  
Intshwarele tse di fitlhiegileng.<sup>t</sup>

<sup>14</sup>Le gona thibela motlhanka wa gago  
mo maleong a boikgantsho,  
a a se ntaole.  
Foo ke tla nna mosiami,

<sup>l</sup>) Baroma 15:9. <sup>m</sup>) 2 Sam. 7:12-16. <sup>n</sup>) Baroma 1:20. <sup>o</sup>) Baroma 10:18. <sup>p</sup>) Pes. 104:19.  
<sup>q</sup>) Pes. 119:50-130. <sup>r</sup>) Pes. 12:7; 18:31; 119:105. <sup>s</sup>) Pes. 119:72. <sup>t</sup>) Jobe 9:3; Pes. 130:3.

ke se na molato wa boleo  
jo bogolo.<sup>u</sup>

<sup>15</sup>A mafoko a molomo wa me  
le kakanyo ya pelo ya me  
di go kgatlhe, MORENA,  
lefika la me le mogolodi wa me.

*Thapelo ya go rapelela kgosi,  
fa e bololela ntwang*

**20** Pesalome ya ga Dafita  
e e kwaletsweng moopedisi.

<sup>2</sup>A MORENA a go utlwé  
ka letsatsi la tlalelo;  
a leina la Modimo wa ga Jakobe  
le go femele.<sup>v</sup>

<sup>3</sup>A a go romele thuso e e tswang  
mo Felong-ga-Boitshepo,  
a go kokotletse a le mo Sione.

<sup>4</sup>A a gopole ditshupelo tsotlhe  
tsa gago tsa dijо;  
a be a itumelele setihabelo sa gago  
sa phiso. Sela.

<sup>5</sup>A a go neye se pelo ya gago  
e se eletsang,  
a dirafatse maikaelelo  
othle a gago.<sup>w</sup>

<sup>6</sup>Re tla duduletsphenyo ya gago,  
re tlhoma difoka  
ka leina la Modimo wa rona.

A MORENA a dirafatse  
dikopo tsotlhe tsa gago.

<sup>7</sup>Jaanong ke itsé gore MORENA  
o thusa motlodisha wa gagwe,  
a mo utlwa a le kwa legodimong  
le le boitshepo la gagwe

ka thata e e pholosang  
ya letsogo le le jang la gagwe.<sup>x</sup>

<sup>8</sup>Bangwe ba boka  
dikoloi tsa thabano,  
ba bangwe ba boka dipitse;  
mme rona re baka

leina la MORENA,  
Modimo wa rona.<sup>y</sup>

<sup>9</sup>Bao, ba obegile ba wa;  
mme rona  
re tsogile re eme ka tlhomamo.

<sup>10</sup>MORENA, thusa kgosi,  
o re utlwé mogang re go bitsang.

*Tebogo ya phenyo*

**21** Pesalome ya ga Dafita  
e e kwaletsweng moopedisi.

<sup>2</sup>MORENA,  
kgosi e itumelela thata ya gago,  
e duduelets thuso ya gago  
bogolo jang ne!

<sup>3</sup>O e neile  
se pelo ya yona e se eletsang;  
ga o a ka wa gana kopo

ya molomo wa yona. Sela.<sup>z</sup>

<sup>4</sup>Gonne o ne wa e kgatlhantsha  
ka ditshegofatso tsa molemo,  
wa e rwesa tlhogo

ka serwalo sa gouta e ntentle.<sup>a</sup>

<sup>5</sup>E kopile bophelo mo go wena,  
o bo e neile,  
botshelo jo bolele ka gale  
le ka bosakhutleng.

<sup>6</sup>Tlotlo ya yona e kgolo  
ka thuso ya gago;  
o beile tlotlo le borena mo go yona.

<sup>7</sup>Gonne o e beile go nna lesego  
le legolo thata ka bosakhutleng,  
wa e itumedisa ka boitumelo  
fa pele ga gago.

<sup>8</sup>Gonne kgosi e ikanya MORENA;  
mme ka bopelotlhomogi  
jwa Mogodimodimo  
ga e kitla e theekela.

<sup>9</sup>Letsogo la gago le tla fitlha  
kwa babeng botlhe ba gago;  
letsogo le le jang  
le tla tshwara ba ba go thoileng.

<sup>10</sup>O tla ba direla  
jaaka pesetso ya molelo,  
mogang o ipontshang.  
MORENA o tla ba metsa  
mo bogaleng jwa gagwe,  
molelo o tla ba nyeletsa.

<sup>11</sup>Leungo la bona o tla le nyeletsa,  
o le tlosa mo lefatsheng,  
le losika lwa bona  
mo baneng ba batho.<sup>b</sup>

<sup>12</sup>Ba ne ba go gopletse bosula,  
ba go logetse maano,  
mme ba sa nonofa go a dirafatsa.<sup>c</sup>

u) Pes. 18:24. v) Diane 18:10. w) Pes. 21:3. x) Ekes. 15:6. y) Doit. 20:1; Jes. 31:1.

z) Pes. 20:5; 37:4. a) Pes. 132:18. b) Pes. 109:13. c) Jes. 8:10.

<sup>13</sup>O tla ba hularisa ka go lebisa  
dithapo tsa bora jwa gago  
kwa difathiegong tsa bona.<sup>d</sup>

<sup>14</sup>MORENA,  
nanoga o bonale ka thata ya gago;  
mme re tla opelela  
bonatla jwa gago, re bo baka.

*Modimo wa me, o ntlogeletseng?*

**22** Pesalome ya ga Dafita  
e e kwaletsweng moopedisi  
ka moopelo wa: 'Tshephe ya  
mahube.'

<sup>2</sup>Modimo wa me, Modimo wa me,  
o ntlogeletseng,  
wa nna kgakala le thuso ya me,  
kgakala le mafoko  
a selelo se segolo sa me?<sup>e</sup>

<sup>3</sup>Modimo wa me,  
ke bitsa motshegare,  
mme ga o nkarabe;  
le mo bosigong ke a lela,  
mme ga ke gomotsege.

<sup>4</sup>Etswe o le moitshepi,  
wena yo o agileng  
mo dipakong tsa Israele.

<sup>5</sup>Borraetsho ba ne ba go ikanya,  
ba ne ba ikanya,  
mme o ba golole.

<sup>6</sup>Ba ne ba goela kwa go wena,  
mme ba pholosiwa;  
ba ne ba go ikanya,  
mme ba se ka

ba tlhajwa ke ditlhong.<sup>f</sup>

<sup>7</sup>Mme nna ke seboko fela,  
ga ke motho;  
ke lesotlwa la batho  
le monyatsegi wa morafe.<sup>g</sup>

<sup>8</sup>Botlhe ba ba mponang  
ba sotla ka nna,  
ba petla melomo,  
ba thukhutha ditlhogo ba re:<sup>h</sup>

<sup>9</sup>"O pitiketse matshwenyego  
kwa MORENENG!  
A ene a mo golole, a mo pholose,  
fa a kgathwa ke ene."

<sup>10</sup>Ee, ke wena yo o nntshitseng  
mo mmeleng wa ga mme;

wa ntapolosa  
mo mabeleng a ga mme.<sup>i</sup>

<sup>11</sup>Ke sa le ke latlhelwa mo go wena,  
fa ke tsalwa;  
o Modimo wa me  
go tswa botsalong jwa me.

<sup>12</sup>Se nne kgakala le nna,  
gonne pitlagano e gaufi,  
mme ga go na mothusi.

<sup>13</sup>Dipoo tse dintsdi ntikanyeditse;  
dipoo tse di thata tsa Basane  
di ntikile.

<sup>14</sup>Di nkatlhamiseditse  
magano a tsona,  
jaaka tau e e gagolang,  
e e dumang.

<sup>15</sup>Ke tsholotswe jaaka metsi,  
marapo otlhe a me a lokologile;  
pelo ya me e fetogile  
ya nna jaaka mmotu,  
e gakologile mo teng ga me.<sup>j</sup>

<sup>16</sup>Thata ya me e omeletse  
jaaka lengetana,  
loleme lwa me  
lo kgomaretse magalapa a me;  
mme o ntatsa mo  
loroleng lwa loso.<sup>k</sup>

<sup>17</sup>Gonne dintsha di ntikanyeditse,  
lesomo la basenyi le ntsentse gare;  
ba phuntse diatla tsa me  
le dinao tsa me.

<sup>18</sup>Nka bala marapo otlhe a me,  
mme bone ba a mpona,  
ba ntebile ba kgathhega.

<sup>19</sup>Ba kgaogana diaparo tsa me,  
mme kojwana ya me  
ba e tlhamela tengwa.<sup>l</sup>

<sup>20</sup>Mme wena, MORENA,  
se nne kgakala le nna,  
wena thata ya me,  
itlhaganelele go nthusa.<sup>m</sup>

<sup>21</sup>Pholosa botshelo jwa me  
mo tshakeng,  
botshelo jo bo nosi jwa me  
mo thateng ya ntsha.

<sup>22</sup>Nkgolole mo leganong la tau,  
o nkarabe (ka go mpholosa)  
mo dinakeng tsa dinare.

<sup>d</sup>) Pes. 7:13. <sup>e</sup>) Math. 27:46. <sup>f</sup>) Pes. 25:2,3. <sup>g</sup>) Pes. 69:8; Jes. 53:3; Math. 27:39-44.

<sup>h</sup>) Jobe 16:4-10. <sup>i</sup>) Pes. 71:6. <sup>j</sup>) Luka 22:4. <sup>k</sup>) Joh. 19:28. <sup>l</sup>) Joh. 19:24. <sup>m</sup>) Pes. 35:17.

<sup>23</sup>Ke rata go bolelela ba ga etsho  
leina la gago,  
ke go tumisa mo phuthegong.<sup>n</sup>

<sup>24</sup>"Lona ba lo boifang MORENA,  
mo galaletseng;  
lona boora Jakobe lotlhe,  
mo tlotseng;  
lona boora Iseraele lotlhe,  
mmoifeng!

<sup>25</sup>Gonne ga a ka a nyatsa tlalelo  
ya motlalelw,  
le e seng go tenwa ke yona,  
le e seng go mo fitlhela sefatlhego,  
mme e rile a goela thuso  
kwa go ene, a mo ngoka.<sup>o</sup>

<sup>26</sup>Pako ya me mo phuthegong  
e kgolo e tswa mo go wena.  
Maikano a me ke tla a dirafatsa  
fa pele ga bone ba ba mmoifang.<sup>p</sup>

<sup>27</sup>Ba ba pelonolo ba tla ja,  
ba kgora;  
ba ba batlang MORENA  
ba tla mo galaetsa.  
A dipelo tsa lona  
di lapologe ka bosakhutleng<sup>q</sup>

<sup>28</sup>Dikhutlo tsotlhe tsa lefatshe  
di tla gagologelwa,  
di boela kwa MORENENG,  
mme ditshika tsotlhe tsa merafe  
di tla obamela fa pele ga gago.

<sup>29</sup>Gonne bogosi ke jwa MORENA,  
o busa merafe.

<sup>30</sup>Bothhe ba ba robetseng  
mo diphupung  
ba tla obamela ene fela;  
bothhe bá ba fologetseng  
kwa leroleng  
ba tla khubama fa pele ga gagwe,  
mme ke ene yo mowa wa me  
o mo phelelang.<sup>r</sup>

<sup>31</sup>Losika lo lo tlhang lo tla mo direla;  
losika lo lo kwa pele  
lo tla bolelwka ga MORENA.<sup>s</sup>

<sup>32</sup>Ba tla tla ba itsise morafe  
o o tla tsalwang tshiamo ya gagwe  
gore MORENA o dirile jalo.<sup>t</sup>

MORENA ke modisa wa me

## 23 Pesalome ya ga Dafita.

MORENA ke modisa wa me,  
ga nkitla ke tlhoka sepe.<sup>u</sup>

<sup>2</sup>O mphothisa mo mafulong  
a matalana,  
o nkogogela kwa metsing a tapoloso.<sup>v</sup>

<sup>3</sup>O lapolosa mowa wa mc;  
o ntsarmaisa mo ditseleng  
tsa tshiamo

ka ntla ya leina la gagwe.<sup>w</sup>

<sup>4</sup>Le ka tsamaya mo mogorogorong  
wa moriti wa loso,  
ga nkitla ke boifa bosula bope;  
gonne o na le nna.

Tsamma ya gago  
le seikokotlelo sa gago  
di a nkgomotsa.<sup>x</sup>

<sup>5</sup>O baakanya bojelo fa pele ga me  
go lebagana le baba ba me;  
o ntlotsha tlhogo ka lookwane;  
senwelo sa me se tletse,  
se a penologa.<sup>y</sup>

<sup>6</sup>Ruri molemo le boitshwarelo  
di tla ntshala morago  
ka malatsi otthe a bophelo jwa me;  
ke tla nna mo Ntlong ya MORENA  
go ya bosakhutleng.<sup>z</sup>

Kgosi ya kgalalelo e a tsena

## 24 Pesalome ya ga Dafita.

Lefatshe ke la MORENA  
le tsotlhe tse di mo go lone;  
lefatshe

le ba ba agileng mo go lone.<sup>a</sup>

<sup>2</sup>Gonne o le theile mo mawatleng,  
a le tlhomaniisa mo dinokeng.<sup>b</sup>

<sup>3</sup>Ke mang yo o tla tlhatlogelang  
mo thabeng ya MORENA?<sup>c</sup>

Ke mang yo o tla emang  
mo felong ga gagwe ga boitshepo?

<sup>4</sup>Ke ena yo o diatla di hepa,  
yo o pelo e itshekileng;

<sup>n</sup>) Pes. 9:15; Baheb. 2:12; Joh. 20:17. <sup>o</sup>) Pes. 9:13; Baheb. 5:7. <sup>p</sup>) Pes. 116:14.

<sup>q</sup>) Pes. 69:33. <sup>r</sup>) Bafil. 2:10. <sup>s</sup>) Jes. 53:10. <sup>t</sup>) Pes. 110:3; Joh. 19:30.

<sup>u</sup>) Gen. 48:15; Joh. 10:12-16. <sup>v</sup>) Hes. 34:14; Tshen. 7:17. <sup>w</sup>) Jer. 31:25. <sup>x</sup>) Pes. 46:3.

<sup>y</sup>) Pes. 36:9. <sup>z</sup>) Pes. 84:4,5. <sup>a</sup>) Pes. 50:12; 1 Bakor. 10:26. <sup>b</sup>) Gen. 1:9,10. <sup>c</sup>) Pes. 15.

yo o sa lebiseng mowa wa gagwe  
kwa boithamakong,  
a sa ikanele maaka.  
<sup>5</sup>Ena yoo o tla amogela tshegofatso  
mo MORENENG  
le tshiamo mo Modimong  
wa pholoso ya gagwe.<sup>d</sup>  
<sup>6</sup>Ke lone losika  
lwa ba ba o tlhokomelang,  
ba ba batlang sefatlhego sa gago,  
Modimo wa ga Jakobe. Sela.  
<sup>7</sup>Lona dikgoro, tsholetsang ditlhogo;  
lona mejako ya bogologolo tala,  
itsholetseng gore  
Kgosi ya kgalalelo e tsene.<sup>e</sup>  
<sup>8</sup>Mme Kgosi ya kgalalelo ke mang?  
Ke MORENA yo o thata,  
yo o bonatla,  
MORENA, senatla mo tlhabanong.  
<sup>9</sup>Lona dikgoro,  
tsholetsang ditlhogo,  
ee, itsholetseng,  
lona mejako ya bosakhutleng,  
gore Kgosi ya kgalalelo e tsene.  
<sup>10</sup>Mme Kgosi eo ya kgalalelo  
ke mang?  
Ke MORENA wa masomosomo –  
ke ena Kgosi ya kgalalelo. Sela.

## Boitshwarelo le tshireletso

## 25 Pesalome ya ga Dafita.

Ke tsholetsa mowa wa me  
kwa go wena, MORENA.  
<sup>2</sup>Modimo wa me, ke a go ikanya.  
A ke se tlhajwe ke ditlhong,  
a baba ba me ba se ntidueletse.  
<sup>3</sup>Ee, mo go bothle  
ba ba go lebeletseng  
ga go ope  
yo o tla tlhajwang ke ditlhong.  
Ba ba tla tlhajwang ke ditlhong ke  
ba ba ikepang kwa ntle ga lebaka.<sup>f</sup>  
<sup>4</sup>MORENA, nkitsise ditsela tsa gago,  
o nthute ditselana tsa gago.<sup>g</sup>  
<sup>5</sup>Ntsamaise mo boammaaruring  
jwa gago, o nthute;  
gonne ke wena

Modimo wa pholoso ya me;  
ke lebeletse wena ka gale.  
<sup>6</sup>MORENA,  
gopola mautlwelobotlhoko a gago  
le maitswarelo a gago,  
gonne a ntse a le teng  
ka bosenatshimologo.  
<sup>7</sup>O se ka wa gopola maleo  
a bokau jwa me le ditlolo tsa me.  
Nkgopole ka fa boitshwarelong  
jwa gago  
ka ntlha ya molemo wa gago,  
MORENA.<sup>h</sup>  
<sup>8</sup>MORENA o molemo, ke wa nnete.  
Ke gona ka moo  
a rutang baleofi tsela.  
<sup>9</sup>Ba ba pelonolo  
o ba tsamaisa ka tshiamo;  
ba ba pelonolo  
o ba ruta tsela ya gagwe.  
<sup>10</sup>Ditselana tsotlhe tsa MORENA  
ke tsa bopelotlhomogi  
le boammaaruri  
mo go bona ba ba bolokang  
kgolagano ya gagwe  
le ditshupo tsa gagwe.  
<sup>11</sup>MORENA,  
intshwarele molato wa me  
ka ntlha ya leina la gago,  
gonne o mogolo.  
<sup>12</sup>Motho yo o boifang MORENA  
ke mang?  
O tla mo ruta ka ga tsela  
e o tshwanetseng go e itlhaoela.<sup>i</sup>  
<sup>13</sup>Ene ka esi o tla aga a le tlhogonolo;  
losika lwa gagwe lo tla rua lefatshe.<sup>j</sup>  
<sup>14</sup>MORENA  
o kopana le ba ba mmofang,  
o ba itsise kgolagano ya gagwe.<sup>k</sup>  
<sup>15</sup>Matlho a me  
a lebile MORENA ka gale;  
gonne o tla ntsha dinao tsa me  
mo letloeng.  
<sup>16</sup>Retologela kwa go nna,  
o intshwarele;  
gonne ke nosi, mme ke tlaletswe.  
<sup>17</sup>Ditlalelo tsa pelo ya me  
di oketsegile thata.

d) Jes. 48:18. e) Jes. 40:3,4. f) Jes. 49:23. g) Pes. 27:11. h) Jobe 13:26. i) Pes. 32:8.  
j) Pes. 37:8. k) Jobe 29:4.

Nnamolela  
mo dipatikegong tsa me.

<sup>18</sup>Leba tlalelo ya me  
le thekisego ya me,  
mme maleo a me  
o a intshwarele otile.

<sup>19</sup>Leba baba ba me, gonne ba bantsi;  
ba ntlihole ka letlhoo  
le le bolayang.<sup>l</sup>

<sup>20</sup>Boloka mowa wa me, o nkgolole.  
A ke se tlajwe ke ditlhong,  
gonne ke a go ikanya.<sup>m</sup>

<sup>21</sup>A bosena-molato le nnete  
di mpoloke;  
gonne ke go lebeletse.

<sup>22</sup>Modimo, golola Israele  
mo ditlalelong tsotlhe tsa gagwe.<sup>n</sup>

*Thapelo yo mokopa-thuso  
yo o se nang molato*

## 26 Pesalome ya ga Dafita.

Ntshiamisetsta, MORENA,  
gonne ke ntse ke tsamaya  
ke se na molato,  
ke ikantse MORENA  
ke sa tshikinyege.

<sup>2</sup>Ntlhotlhomi, MORENA, o nkeleke;  
tlhatlhoba diphilo tsa me  
le pelo ya me.<sup>o</sup>

<sup>3</sup>Gonne bopelotlhomogi jwa gago  
bo fa pele ga matlho a me,  
mme ke tsamaya  
mo boaammaruring jwa gago.

<sup>4</sup>Ga ke nne le batho ba maaka,  
ga ke phele le mafererefere.<sup>p</sup>

<sup>5</sup>Ke ila phuthego ya basulafatsi,  
mme ga ke nne le baikepi.

<sup>6</sup>Ke tlhapa diatla  
mo bosenangmolato,  
mme ke tla potologa  
aletare ya gago, MORENA.<sup>q</sup>

<sup>7</sup>gore ke utlwatse lentswe la pakol  
le go bolela dikgakgamatsi tsotlhe  
tsa gagwe.

<sup>8</sup>MORENA, ke rata boago  
jwa Ntlo ya gago,

e bong felo fa kgalalelo ya gago  
e agileng teng.<sup>r</sup>

<sup>9</sup>Se gogoreletse mowa wa me  
le baleofi,  
le e seng bophelo jwa me  
le batshololamadi;

<sup>10</sup>ba go leng ditshenyo  
mo diatleng tsa bona,  
ba mabogo a a jang a bona  
a tletseng theko ya phaposi.

<sup>11</sup>Mme nna ke tsamaya  
ke se na molato.

Nkgolola, MORENA,  
o be o intshwarele.

<sup>12</sup>Lonao lwa me lo eme  
mo patlelong, ke tla tumisa  
MORENA mo diphuthegong.<sup>s</sup>

*MORENA ke lesedi  
le pholoso mo ntwang*

## 27 Pesalome ya ga Dafita.

MORENA ke lesedi la me  
le pholoso ya me;  
ke tla boifa mang?  
MORENA ke botshabelo  
jwa bophelo jwa me;  
ke tla tshoga mang?<sup>t</sup>

<sup>2</sup>E a re fa basenyi ba ntsgogela  
go tla go ja nama ya me,  
e bong baganetsi ba me  
le baba ba me,  
ba kgopiwe ka nosi, ba we.<sup>u</sup>

<sup>3</sup>Le fa ntwa e ka ntikanyetsa,  
pelo ya me ga e kitla e boifa;  
le fa tlhabano e ka ntlihasela,  
le foo ke tletse boikanyo.<sup>v</sup>

<sup>4</sup>Selo se le sengwe se ke se kopileng  
mo go MORENA,  
se ke se eletsang ke go re,  
ke nne mo Ntlong ya MORENA ka  
metlha yothle ya bophelo jwa me,  
go leba bontle jwa MORENA  
le go akanya

mo Tempeleng ya gagwe.<sup>w</sup>

<sup>5</sup>Gonne o mpoloka mo boagong  
jwa gagwe mo letsatsing la tlalelo;

<sup>l</sup>) Pes. 35:19. <sup>m</sup>) Pes. 16:1. <sup>n</sup>) Pes. 130:8. <sup>o</sup>) Pes. 17:3. <sup>p</sup>) Pes. 1:1. <sup>q</sup>) Pes. 122.

<sup>r</sup>) Pes. 27:4. <sup>s</sup>) Pes. 22:23. <sup>t</sup>) Pes. 56:5; Jes. 12:2. <sup>u</sup>) Jobe 19:22. <sup>v</sup>) Pes. 3:7.

<sup>w</sup>) Pes. 23:6; 26:6-8; 42:5; 84:4,5.

o mphithha mo botikelong  
jwa Tente ya gagwe,  
o ntsholeletsa mo lefikeng.<sup>x</sup>  
<sup>6</sup>Mme jaanong tlhogo ya me  
e tla bo e tsholetsegile  
godimo ga baba ba me  
ba ba mo tikologong ya me,  
mme ke rata go tlhaba dithabelo  
tsa meduduetso  
mo Tenteng ya gagwe.  
Ke rata go opela,  
go opelela MORENA dipako.

<sup>7</sup>Utlwa, MORENA,  
ke kua ka lenses le legolo;  
nkutlwele botlhoko, o nkarabe.  
<sup>8</sup>Pelo ya me  
e bolela lefoko la gago le le reng:  
“Batlang sefatlhego sa me.”  
Ka moo ke batla sefatlhego  
sa gago, MORENA.  
<sup>9</sup>Se mphitlhele sefatlhego sa gago,  
se kobe motlhanka wa gago  
ka bogale;  
wena yo o neng o le thuso ya me,  
se ntatlhe, o se ntlogele,  
Modimo o o mpholosang.  
<sup>10</sup>Rre le mme ba ntlogetse,  
mme MORENA o a nkamogela.<sup>y</sup>  
<sup>11</sup>MORENA,  
nthute tsela ya gagwe,  
o ntsamaise mo tselaneng  
e e papannweng  
ka ntlha ya baba ba me.<sup>z</sup>  
<sup>12</sup>O se ka wa ntsenya mo thateng  
ya baganetsi ba me;  
gonne ke tsogetswe  
ke basupi ba maaka,  
le mongwe  
yo o sumelang go senya.  
<sup>13</sup>Fa nka bo ke sa dumela gore  
ke tla bona molemo wa MORENA  
mo lefatsheng la baphedi,  
nka bo ke lathegile.<sup>a</sup>  
<sup>14</sup>Lebelela MORENA o namsatshewe;  
a pelo ya gagwe e tie,  
mme o solofele MORENA.<sup>b</sup>

*Thapelo ya go gololwa*

## 28 Pesalome ya ga Dafita.

Ke tlhacelletsa kwa go wena,  
MORENA;  
se ntidimalele, lefika la me,  
e se re gongwe fa o ntidimalela,  
ka nna jaaka bona ba ba fologelang  
kwa felong ga baswi.<sup>c</sup>  
<sup>2</sup>Utlwa lenseswe  
la mekokotlelo ya me,  
fa ke goela thuso kwa go wena,  
fa ke tsholeletsa mabogo  
kwa tengteng ga Felo-  
fa-go-Boitshepo ga gago.<sup>d</sup>  
<sup>3</sup>Se nkogoreletse le badira-dibe  
le basiamolodi ba ba buang kagiso  
le bangwe-ka-bona,  
etswe bosula  
bo le mo dipelong tsa bona.<sup>e</sup>  
<sup>4</sup>Ba nee ka fa ditirong tsa bona  
ie ka fa bosuleng  
jwa ditiro tsa bona;  
ba nee ka fa ditirong  
tsa diatla tsa bona,  
ba busets se ba se dirileng.  
<sup>5</sup>E re ka ba sa tlhokomele  
ditiro tsa MORENA  
le e seng tiro ya diatla tsa gagwe,  
o tla ba rutla,  
mme ga a kitla a ba aga gape.<sup>f</sup>  
<sup>6</sup>A MORENA a a bakwe;  
gonne o utlwile lenseswe  
la mekokotlelo ya me.  
<sup>7</sup>MORENA ke thata ya me  
le thebe ya me;  
pelo ya me e ne e mo ikanya,  
mme ka thusega;  
ka moo pelo ya me e a duduetsa,  
mme ke mo leboga ka sefela sa me.<sup>g</sup>  
<sup>8</sup>MORENA  
ke thata ya morafe wa gagwe  
le botshabelo jo bo pholosang  
jwa motlodiba wa gagwe.  
<sup>9</sup>Thusa batho ba gagwe,  
o tshegofatse boswa jwa gagwe,

x) Pes. 31:21; 40:3. y) Jes. 49:15. z) Pes. 25:4; 86:11; 139:24. a) Pes. 142:6; Jes. 38:11.  
b) Pes. 31:25. c) Pes. 143:7. d) 1 Dikg. 8:30; Dilelo 3:41. e) Pes. 26:9. f) Jes. 5:12.  
g) Pes. 18:2,3.

o ba fudise, o bo o ba belege  
go ya bosakhutleng.<sup>h</sup>

*Kgalalelo ya Modimo, fa maru a dumā*

## 29 Pesalome ya ga Dafita.

Nayang MORENA,  
lona bomorwa Modimo,  
nayang MORENA tlotlo le thata.<sup>i</sup>  
<sup>2</sup>Nayang MORENA tlotlo  
e e tshwanetseng leina la gagwe;  
obamelang MORENA  
lo kgabile ka tse di boitshepo.<sup>j</sup>  
<sup>3</sup>Lentswe la MORENA  
le mo godimo ga metsi;  
Modimo wa kgalalelo  
o dumisa maru.  
MORENA o okame metsi a magolo.<sup>k</sup>  
<sup>4</sup>Lentswe la MORENA le thata,  
lentswe la MORENA le a galalela.  
<sup>5</sup>Lentswe la MORENA  
le robaganya ditlhare tsa mesetere.  
Ee, MORENA o robaganya  
mesetere ya Lebanon.  
<sup>6</sup>O karagantsha Lebanon  
jaaka namane  
le Sirione<sup>m</sup> jaaka poana ya nare.<sup>l</sup>  
<sup>7</sup>Lentswe la MORENA le a ratha,  
le ntshe kgabo ya molelo.  
<sup>8</sup>Lentswe la MORENA le roromisa  
sekaka;  
MORENA o roromisa sekaka  
sa Kateše.  
<sup>9</sup>Lentswe la MORENA  
le fodisa ditshephe,  
le fothe dikgwa,  
mme mo Tempeleng ya gagwe  
dilo tsotilhe di bua di re:  
“Kgalalelo!”<sup>n</sup>  
<sup>10</sup>MORENA o kile a okama  
Morwalela wa metsi,  
MORENA o bile o ntse a dutse jalo  
e le kgosi ya bosakhutleng.  
<sup>11</sup>MORENA o tla naya batho ba  
gagwe thata,  
MORENA o tla tshegofatsa  
batho ba gagwe ka kagiso.<sup>o</sup>

*Bogale jwa Modimo  
ke jwa sebakanyana,  
mme molemo wa ona  
ke wa bosakhutleng*

## 30 Pesalome ya ga Dafita. Sefela sa kgakolo ya tempele.

<sup>2</sup>Ke tla go godisa, MORENA;  
gonne o ntshwatotse,  
mme ga o a ka wa leseletsa  
babu ba me go itumela ka ga me.<sup>p</sup>  
<sup>3</sup>MORENA, Modimo wa me,  
ke goetshe thuso kwa go wena,  
mme o mphodisitse.  
<sup>4</sup>MORENA, o tthatlositse mowa  
wa me mo felong ga baswi,  
o mphedisitse ke le mo go bona  
ba ba fologelang mo mole teng.<sup>b</sup>  
<sup>5</sup>Opelelang MORENA,  
lona baratwi ba gagwe,  
lo bake segopotso  
sa boitshepo jwa gagwe.  
<sup>6</sup>Gonne bogale jwa gagwe  
ke jwa sebakanyana,  
mme bopelontle jwa gagwe  
ke jwa bophelo jotthe.  
Maitsiboa go lale go le selelo,  
mme mo mosong  
go tsoge go le boitumelo.<sup>q</sup>  
<sup>7</sup>Mo boiketlong jwa me  
ke itheile ka re:  
“Ga nkitala ke tshikinyega  
ka bosenabokhutlo.”  
<sup>8</sup>MORENA, e rile o intumelela,  
wa nkernisa mo thabeng ya me  
e e thata;  
mme ya re o fitilha sefatlhego  
sa gago, ka tshoga.  
<sup>9</sup>Ka goela kwa go wena, MORENA,  
ka kopha Morena  
ka mekokotelo ka re:  
<sup>10</sup>“Go tla go thusa eng,  
fa madi a me a tshololwa,  
ke fologela mo lebitleng?  
A lerole le ka go baka,  
a le ka bolela boammaaruri  
jwa gago?”<sup>r</sup>

h) Pes. 29:11. i) Pes. 89:7; 103:20. k) Jobe 37:2. l) Doit. 3:8,9.

m) Ke leina le lengwe la thaba ya Heremone. n) Pes. 28:8,9. o) Pes. 35:19-24.

p) Pes. 116:3,4. q) Jes. 54:7. r) Pes. 6:6.

<sup>11</sup>Utlwa, MORENA,  
o ntlhomogele pelo;  
MORENA, o nne mothusi wa me.”  
<sup>12</sup>Selelo sa me o se  
mphetoletse pina,  
o nkapotse lesela la khutsafalo,  
wa ntlama ka boitumelo<sup>s</sup>  
<sup>13</sup>gore kgalalelo ya me  
e go opelele pako,  
mme e se didimale.  
MORENA, Modimo wa me,  
ke tla go leboga ka bosakhutleng.<sup>t</sup>

*Selelo le thapelo le tebogo*

**31** Pesalome ya ga Dafita  
e e kwaletsweng moopedisi.  
<sup>2</sup>Ke ikanya wena, MORENA;  
a ke se ka ka tlhajwa ke dithlong  
ka bosakhutleng;  
nkgolola ka tshiamo ya gago.  
<sup>3</sup>Ntshekegele tsebe,  
o nkgolole ka bonako;  
o nne lefika la me la botshabelo  
le ntlo ya phemelo  
kwa thabeng ya go nthusa.<sup>u</sup>  
<sup>4</sup>Gonne ke wena lefika la me  
le botshabelo jwa me;  
ka moo o nkgogoe, o ntsamaise  
ka ntliha ya leina la gago.<sup>v</sup>  
<sup>5</sup>O tla ntshwatola mo letloeng  
le ba nthaisitseng ka lone  
mo sephiring;  
gonne ke wena botshabelo  
jwa me.<sup>w</sup>  
<sup>6</sup>Ke neela mowa wa me  
mo seatleng sa gago,  
ke wena yo o nkgolotseng,  
MORENA,  
Modimo o o ikanyegang.<sup>x</sup>  
<sup>7</sup>O ila ba ba direlang medimo  
ya boithamako,  
mme nna ke ikanya MORENA.  
<sup>8</sup>Ke tla duduetsa, ke itumela  
ka ntliha ya bopelontle jwa gago,  
ka o bonye pogisego ya me,  
wa ba wa tlhokormela  
mowa wa me mo ditlalelong.

<sup>9</sup>Mme ga o a ka wa ntsenya  
mo seatleng sa mmaba;  
dinao tsa me o di tlhomile  
mo patlelong e e atiharemeng.<sup>y</sup>  
<sup>10</sup>Nkutlweli botlhoko, MORENA,  
gonne ke pitlagantswe;  
leitlho la me le mowa wa me  
le mmele wa me  
di tlhontse ka bohutsana.<sup>z</sup>  
<sup>11</sup>Gonne bophelo jwa me  
bo fedisiwa ke tshwenyego,  
le dinyaga tsa me ke phegelo;  
thata ya me e reketla  
ka ntliha ya tshiamololo ya me,  
marapo a me a a kgobega.  
<sup>12</sup>Ke nyatsegile  
mo baganetsing ba me bothle,  
bogolo mo go ba ke bapileng nabo,  
ka nna yo o tshosang  
mo go ba ke itsanyeng nabo.  
Ba ba mponang kwa mmileng  
ba a ntshaba.<sup>a</sup>  
<sup>13</sup>Ke lebetswe mo pelong  
jaaka moswi;  
ke ntse jaaka nkgwana  
e e thubegileng.  
<sup>14</sup>Gonne ke utlwa kgalo ya batho  
ba le bantsi.  
Poitshego e ntliheng tsotlhe,  
ka ba gakololana ka ga me;  
ba ikaelsetse go mpolaya.<sup>b</sup>  
<sup>15</sup>Mme nna ke ikantse wena,  
MORENA,  
ka re: “O Modimo wa me.”  
<sup>16</sup>Sebaksa sa me  
se mo seatleng sa gago.  
Nkgolole  
mo diatleng tsa baba ba me  
le mo go ba ba ntelekileng.<sup>c</sup>  
<sup>17</sup>Phatsimisetsa motlhanka wa gago  
sefatlhego sa gago,  
o nthuse  
ka boutlwelobothoko jwa gago.<sup>d</sup>  
<sup>18</sup>MORENA,  
se ntse ka tlhajwa ke dithlong,  
gonne ke goela kwa go wena.  
A baikpi ba tlhajwe ke dithlong,

<sup>s</sup>) Joh. 16:20. <sup>t</sup>) Pes. 16:9. <sup>u</sup>) Pes. 18:3. <sup>v</sup>) Pes. 23:3. <sup>w</sup>) Pes. 25:15. <sup>x</sup>) Luka 23:46.  
<sup>y</sup>) Pes. 18:37. <sup>z</sup>) Pes. 6:8. <sup>a</sup>) Pes. 69:11-13. <sup>b</sup>) Jer. 20:10; 46:5. <sup>c</sup>) Pes. 139:16.  
<sup>d</sup>) Num. 6:25; Pes. 80:4.

- a ba tlhoke puo  
kwa felong ga baswi.
- <sup>19</sup>A melomo ya maaka e didimadiwe,  
e e buang ka makgakga  
ka ga mosiami ka boikgantsho  
le lenyatsso.
- <sup>20</sup>Kana molemo wa gago  
o mogolo jang,  
o o o boloketseng ba ba go boifang,  
wa o direla bona ba ba go ikanyang  
fa pele ga bana ba batho.
- <sup>21</sup>O ba fitlha mo botikelong  
jwa sefatlhego sa gago  
ka ntlha ya dikhuduo tsa batho;  
o ba fitlha mo motlaaganeng  
gore ba se ka ba angwa  
ke dikgantsho tsa diteme.<sup>e</sup>
- <sup>22</sup>A MORENA a bakwe,  
ka a ntiretsse boutlwelo-botlhoko  
jwa gagwe  
ka mokgwa o o gakgamatsang  
mo motseng o o thata.<sup>f</sup>
- <sup>23</sup>Le gale nna, e rile ke tshoga, ka re:  
“Ke kgaotswe, ke tlositswe fa pele  
ga matlho a gago.”  
Mme ruri, ya re ke goela thuso  
kwa go wena,  
wa utlwa selelo sa mekokotlelo  
ya me.<sup>g</sup>
- <sup>24</sup>Ratang MORENA, lona lotlhe  
baratiwa ba gagwe.  
MORENA o boloka  
ba ba ikanyegang;  
mme o duela ka botlalo  
ene yo o dirang ka boikgantsho.
- <sup>25</sup>Nametsegang, mme  
a dipelo tsa lona di natlafale,  
lona lotlhe ba lo lebelelang  
MORENA.<sup>h</sup>
- Lesego la go itshwaretsha maleo*
- ## 32 Pesalome ya ga Dafita. Sefela sa thuto.
- Go sego ena  
yo o itshwaretsweng ditlolo,  
yo boleo jwa gagwe bo bipilweng.<sup>i</sup>
- <sup>2</sup>Go sego motho yo MORENA  
o sa mmaleleng tshiamololo,
- yo tsietso e se yong  
mo moweng wa gagwe.
- <sup>3</sup>E rile ke didimala,  
marapo a me a remega  
ka go duma ga me  
ka letsatsi lotlhe.<sup>j</sup>
- <sup>4</sup>Gonne letsogo la gago  
le ne le le bokete mo go nna  
bosigo le motshegare;  
bokgola jwa me jwa fetoga  
komelelo ya selemo. Sela.
- <sup>5</sup>Ke ne ka go ipobolela  
boleo jwa me,  
mme ka se ka ka fitlha  
tshiamololo ya me.  
Ke rile: “Ke tla ipobolela MORENA  
ditlolo tsa me,”  
mme wa tlosa molato  
wa boleo jwa me. Sela.<sup>k</sup>
- <sup>6</sup>Ka ntlha ya moo modumedi  
mongwe le mongwe  
o tla go rapela mo motlheng  
o o ka bonwang ka ona;  
ruri, le fa merwalela e tla gwasa,  
ga e kitla e fitlha fa go ena.
- <sup>7</sup>Ke wena phemelo ya me;  
o nkefosa mo pitlaganong;  
o ntikanyetsa  
ka difela tsa kgololego. Sela.
- <sup>8</sup>Ke tla go itsise, ke go ruta tsela  
e o tshwanetseng go e tsamaya;  
ke tla go gakolola ke tsepile  
matlho a me mo go wena.<sup>l</sup>
- <sup>9</sup>Se tshwaneng le pitse gongwe  
moulwe tse di se nang  
tlhaloganyo,  
tse mekgabo ya tsona e leng tshipi  
le marapo go di thapsisa,”  
ka di gana go go atameila.
- <sup>10</sup>Moikepi o na le mahutsana  
a mantsi;  
mme yo o ikanyang MORENA,  
boutlwelobotlhoko  
bo tla mo dikanyetsa.
- <sup>11</sup>Itumeleng mo MORENENG,  
lo bo lo ipele, lona basiami;  
duduetsang, lona lotlhe  
ba lo dipelo di tlhamaletseng.<sup>m</sup>

<sup>e</sup>) Pes. 27:5. <sup>f</sup>) Pes. 17:7. <sup>g</sup>) Pes. 116:11. <sup>h</sup>) Pes. 27:14. <sup>i</sup>) Baroma 4:6-9.<sup>j</sup>) Pes. 31:11; 51:10. <sup>k</sup>) Diane 28:13. <sup>l</sup>) Pes. 25:12. <sup>m</sup>) Diane 26:3. <sup>n</sup>) Pes. 33:1.

*Sefela sa go opelela Mong-wa-thata-yotlhe. Bopelontle jwa Modimo le boitshwarelo jwa ona*

### 33 Lona basiami, duduletsang MORENA,

sefela sa pakō  
se tshwanetse batlhamaladi.<sup>o</sup>

<sup>2</sup>Bakang MORENA ka kitara,  
lo mo opelele ka harepa  
e e dithapo di le some.<sup>p</sup>

<sup>3</sup>Mo opeleleng sefela se seswa,  
letsang sentle ka tumo e kgolo;<sup>q</sup>

<sup>4</sup>Gonne lefoko la MORENA ke nnete,  
le go dira gotlhe ga gagwe  
go a ikanyega.

<sup>5</sup>O rata tshiamo le molao;  
lefatshe lotlhe le tletse  
bopelotlhormogi jwa MORENA.

<sup>6</sup>Magodimo a dirilwe  
ka lefoko la MORENA,  
le lesomo lotlhe la ona  
ka mowa wa molomo wa gagwe.<sup>r</sup>

<sup>7</sup>O kgobokanya metsi a lewatle  
e kete mo lekukeng,

o tsenya merwalela mo difaleng.<sup>s</sup>

<sup>8</sup>A lefatshe lotlhe le boife MORENA,  
a botlhe ba ba agileng  
mo lefatsheng

ba rorome fa pele ga gagwe.

<sup>9</sup>Gonne o buile, mme ga direga;  
a laola, ga ba ga nna teng.

<sup>10</sup>MORENA o nyeleditse  
kgakololo ya ditshaba,  
a senya maano a merafe.

<sup>11</sup>Kgakololo ya MORENA  
e tlhomame ka bosakhutleng,  
le maano a pelo ya gagwe  
go ya tshikatshikeng.

<sup>12</sup>Go sego morafe  
o MORENA e leng Modimo wa ona,  
batho ba a ba itlhaoletseng  
go nna boswa jwa gagwe.<sup>t</sup>

<sup>13</sup>MORENA o leba  
a le mo legodimong,  
o bona bana ba batho botlhe;  
<sup>14</sup>a le mo felong ga boago jwa gagwe,

o lebile botlhe

<sup>15</sup>ba ba agileng mo lefatsheng;  
ena yo o bopileng

dipelo tsa bona botlhe,  
yo o tlhokometseng  
ditiro tsotlhe tsa bona.

<sup>16</sup>Kgosi ga e fenye  
ka mophato o mogolo;  
mogale ga a pholosiwe  
ka thata e kgolo.<sup>u</sup>

<sup>17</sup>Pitse ga e ikanyegē  
go ka isa phenyong;  
ga e ka ke ya pholosa ope  
ka thata e kgolo ya yona.<sup>v</sup>

<sup>18</sup>Bonang, leitlho la MORENA  
le lebile bona ba ba mmoifang,  
bona ba ba lebeletseng  
bopelontle jwa gagwe.<sup>w</sup>

<sup>19</sup>gore a pholose mapheko a bone  
mo losong,  
le go ba phedisa,  
fa ba le mo tlaleng.<sup>x</sup>

<sup>20</sup>Mewa ya rona e lebeletseng MORENA;  
ke ena thuso ya rona  
le thebe ya rona.<sup>y</sup>

<sup>21</sup>Gonne dipelo tsa rona  
di itumela mo go ena,  
ka re ikanya leina  
le le boitshepo la gagwe.

<sup>22</sup>MORENA, a bopelontle jwa gago  
bo nne mo go rona,  
fela ka fa re go lebeletseng ka teng.

### MORENA o femela modumedi

**34** Pesalome ya ga Dafita,  
e a e kwadileng jale, fa a itira  
setsenwa fa pele ga Abimelege, yo o  
neng a mo leleka, mme a tsamaya.<sup>z</sup>

<sup>2</sup>Ke rata go baka MORENA  
ka methla yotlhe,  
tumiso ya gagwe e tla nna  
mo molomong wa me ka gale.

<sup>3</sup>Mowa wa me o tla ipelafatsa  
ka MORENA.  
Baitshoki ba tla utlwa,  
ba itumela.

<sup>4</sup>Godisang MORENA le nna,

<sup>o</sup>) Pes. 32:11. <sup>p</sup>) Pes. 92:4. <sup>q</sup>) Pes. 40:4; 96:1; 98:1; Tshen. 5:9. <sup>r</sup>) Gen. 1:6-14.

<sup>s</sup>) Pes. 104:9. <sup>t</sup>) Doit. 33:29. <sup>u</sup>) 1 Sam. 17. <sup>v</sup>) Pes. 20:8. <sup>w</sup>) Pes. 34:16-18.

<sup>x</sup>) Pes. 34:10,11. <sup>y</sup>) Pes. 3:4. <sup>z</sup>) 1 Sam. 21:13-15.

a re tlotlomatseng  
leina la gagwe mmogo.  
<sup>5</sup>Ke ne ka batla MORENA,  
mme a nkaraba,  
a ba a nkogolola  
mo dipoisong tsotlhe tsa me.  
<sup>6</sup>Ba ba lebileng ena  
ba galalela difatlhego,  
mme difatlhego tsa bona  
ga di kitla di sosobana.  
<sup>7</sup>Motho yo wa batho o biditse,  
mme MORENA a utlwa,  
a mo thusa  
mo ditlalelong tsotlhe tsa gagwe.  
<sup>8</sup>Moengele wa MORENA  
o thibelela tikologong  
ya bona ba ba mmoifang,  
a ba golola.<sup>a</sup>  
<sup>9</sup>Lekang lo bone,  
fa MORENA a le molemo;  
go sego monna  
yo o itiketseng ka ene.<sup>b</sup>  
<sup>10</sup>Boifang MORENA,  
lona baitshepi ba gagwe;  
gonne ba ba mmoifang  
ga ba nke ba tlhoka sepe.<sup>c</sup>  
<sup>11</sup>Ditawana di a tlhoka,  
di bolawa ke tlala;  
mme ba ba batlang MORENA  
bona ga ba kitla ba tlhoka  
molemo ope.<sup>d</sup>  
<sup>12</sup>Bana ke lona, tlayang lo ntheetse!  
Ke rata go lo ruta o boifa MORENA.  
<sup>13</sup>Motho ke ofe  
yo o eletsang bophelo,  
a rata bontsi jwa malatsi  
gore a tle a bone molemo?<sup>e</sup>  
<sup>14</sup>Thibela loleme lwa gago  
mo bosuleng,  
le molomo wa gago  
gore o se ka wa bua tsietso.  
<sup>15</sup>Thibogela bosula, o dire molemo;  
batla kagiso, o bo o e latelele.<sup>f</sup>  
<sup>16</sup>Matlho a MORENA  
a lebile ba ba mmoifang;  
ditsebe tsa gagwe di sekegetswe  
go lelela thuso ga bona.

<sup>17</sup>Sefatlhego sa MORENA  
se kgatlhanong  
le ba ba dirang bosula  
gore a fedise  
go gopolwa ga bona mo lefatsheng.<sup>g</sup>  
<sup>18</sup>Basiami ba biditse,  
mme MORENA a utlwa,  
a ba golola  
mo ditlalelong tsotlhe tsa bona.  
<sup>19</sup>MORENA o gaufi  
le ba ba pelo di thubegileng,  
o pholosa  
ba ba mewa e kgobegileng.<sup>h</sup>  
<sup>20</sup>Dipogo tsa mosiami di dintsí,  
mme MORENA  
o di mo namolela tsotlhe.<sup>i</sup>  
<sup>21</sup>O boloka marapo otlhe a gagwe,  
ga go lepe la ona le le robiwang.  
<sup>22</sup>Bosula bo bolaya moikepi;  
ba ba tlhaileng mosiami  
ba tla bonwa molato.  
<sup>23</sup>MORENA o golola mewa  
ya batlhanka ba gagwe;  
bottle ba ba mo ikanyang  
ga ba kitla ba bonwa molato.

*Dafita o rapela Modimo  
gore o betse baikepi*

## 35 Pesalome ya ga Dafita.

MORENA,  
ganetsa ba ba nkganetsang;  
tlhabana  
le ba ba tlhabanang le nna.  
<sup>2</sup>Tsayo thejana le thebe,  
mme o nanogele thusong ya me.<sup>j</sup>  
<sup>3</sup>Somola lerumo  
o thibelele babogisi ba me tsela;  
raya mowa wa me o re:  
“Ke nna pholoso ya gago.”  
<sup>4</sup>Ba ba batlang go mpolaya,  
a ba tlhajwe ke ditlhong,  
ba nyatsege;  
ba ba logang maano  
go ntirela kotsi,  
a ba busediwe kwa morago,  
ba sosobane.<sup>k</sup>

a) Gen. 32:2; Pes. 91:11. b) 1 Pet. 2:3. c) Pes. 37:19.

d) Pes. 33:18,19; 37:25; Luka 1:53. e) 1 Pet. 3:10-12. f) Pes. 37:27. g) Diane 10:7.

h) Pes. 51:19. i) 2 Bakor. 1:5. j) Pes. 7:13,14. k) Pes. 40:15.

<sup>5</sup>A ba nne jaaka moko mo phefong,  
a moengele wa MORENA  
a tle a ba kgophole.

<sup>6</sup>A tsela ya bona  
e nne lefifi le boreledi,  
fa moengele wa MORENA  
a ba leleka.

<sup>7</sup>Gonne ba nkaletse letloa la bona  
ka bomo mo sephiring,  
ba nkepela lemena  
kwa ntle ga molato.<sup>l</sup>

<sup>8</sup>A tshenyego e mo wele a sa itse;  
a letloa le a le adileng sephiring  
le tshware ene;  
a a wele mo gopong ka esi.<sup>m</sup>

<sup>9</sup>Foo mowa wa me  
o tla ipela mo MORENENG,  
o itumelela thuso ya gagwe.

<sup>10</sup>Marapo a me otlhe a tla re:  
“MORENA,  
ke mang yo o tshwanang nao,  
yo o gololang mothhomolapelo  
mo go yo o mo fetang ka thata,  
le motho wa batho le mohumanegi  
mo go yo o mo thukhuthang?”<sup>n</sup>

<sup>11</sup>Go tsoga basupi ba pateletso,  
ba mpotsa se ke sa se itseng.

<sup>12</sup>Ba ntuela molemo ka bosula;  
ke nosi fela.”<sup>o</sup>

<sup>13</sup>Mme nna, e rile ba lwala,  
ka apara kgetse,  
ka bogisa mowa wa me  
ka go itima dijo;  
mme thapelo ya me  
e boetse sehubeng sa me.<sup>p</sup>

<sup>14</sup>Ke boaboetse jaaka  
e kete ke tsala ya me,  
e kete ke ngwana wa ga rre;  
ke tsamaile ke tlhone  
ka bohutsana jaaka motho  
yo o lelelang mmaagwe.

<sup>15</sup>Mme koô ya me ba a e itumelela,  
ba a phuthega;  
basotli le ba ke sa ba itseng  
ba a nkgobokanel,  
ba a kgoba, ga ba didimale.

<sup>16</sup>Le ba e seng ba sepe

ba a sotlasotla,  
ba ntshenela meno.<sup>q</sup>

<sup>17</sup>Morena, o tla leba fela  
sebaka se se kana kang?  
Falodisa mowa wa me  
mo ditshenyong tsa bona,  
o o osi wa me mo ditawaneng.<sup>r</sup>

<sup>18</sup>Ke tla go leboga  
mo phuthegong e kgolo,  
ke go baka mo bathong ba bantsi.<sup>s</sup>

<sup>19</sup>Ba e leng baba ba me,  
ba se na lebaka,  
a ba se intumelele;  
a ba ba ntloiheleng ka bomo fela  
ba se getle ka leithlo.<sup>t</sup>

<sup>20</sup>Gonne ga ba bue kagiso,  
ba akanya mafoko a tsietso  
ka ga badidimadi mo lefatsheng.

<sup>21</sup>Ba nkathamiseditse melomo ba re:  
“Ahee, ahee,  
matlho a rona a bonye!”<sup>u</sup>

<sup>22</sup>Wena MORENA o bonye;  
o se ka wa didimala; Morena,  
o se ka wa nna kgakala le nna.

<sup>23</sup>Thanya o nanogege go nkatholela  
mo tshekong ya me,  
Modimo wa me le Morena wa me.<sup>v</sup>

<sup>24</sup>Nkatlhola ka fa tshiamong ya gago,  
MORENA, Modimo wa me,  
gore ba se itumele ka nna,

<sup>25</sup>ba se bue mo dipelong tsa bona  
ba re: “Ahee, re rata jalo!”<sup>w</sup>  
ba se re: “Re mo meditse.”<sup>x</sup>

<sup>26</sup>A ba ba itumelelang tlalelo ya me  
ba tlhajwe ke ditlhong,  
ba sosobane mmogo.  
A ba ba inkgodisetsang  
ba apesiwe nyatsegó le ditlhong.<sup>y</sup>

<sup>27</sup>A ba ba nafefelwang  
ke tshiamo ya me ba ipele,  
ba itumele, ba bue ka gale ba re:  
“MORENA o mogolo  
yo o kgatlhwang ke kagiso  
ya motlhanka wa gagwe.”<sup>z</sup>

<sup>28</sup>Mme loleme lwa me lo tla bolela  
tshiamo ya gago  
le pakô ya gago letsatsi lotlhe.

<sup>l</sup>) Pes. 35:19. <sup>m</sup>) Pes. 9:16. <sup>n</sup>) Pes. 38:21. <sup>o</sup>) Baroma 12:15; Jobe 31:29. <sup>p</sup>) Jobe 16:9.  
<sup>q</sup>) Pes. 22:21. <sup>r</sup>) Pes. 22:23. <sup>s</sup>) Pes. 25:19; 69:5; Joh. 15:25. <sup>t</sup>) Pes. 40:16. <sup>u</sup>) Pes. 44:24.  
<sup>v</sup>) Pes. 35:4. <sup>w</sup>) Pes. 40:17.

*Bopelontle jwa Modimo  
bo molemolemo jang ne!*

**36** Pesalome ya ga Dafita,  
motlhanka wa MORENA,  
e e kwaletseng moopedisi.

<sup>2</sup>Mosenyi a re:

"Maikaelelo a ka ke go senya."  
Go tshoga Modimo ga a go itse.<sup>x</sup>

<sup>3</sup>Gonne o ikgathla ka esi,  
a ithaya a re,  
molato wa gagwe ga o kitla  
o bona le e seng go thoiwa.

<sup>4</sup>Mafoko a molomo a gagwe  
ke boikepo le tsietso;  
o gana go dira tsa botlhale  
le tse di molemo.

<sup>5</sup>O akanya boikepo  
mo bolaong jwa gagwe;  
o ikemisa mo tseleng  
e e seng molemo;  
bosula ga a bo tlhoe.<sup>y</sup>

<sup>6</sup>MORENA, bopelontle jwa gago  
bo fitlha kwa magodimong;  
boikanyego jwa gago  
bo fitlha kwa marung.<sup>z</sup>

<sup>7</sup>Tshiamo ya gago e ntse  
jaaka dithaba tsa Modimo;  
dikatlholo tsa gago ke boteng  
jo bogolo jwa metsi.

MoreNA, o thusa batho le diphedi.<sup>a</sup>

<sup>8</sup>Kana bopelontle jwa gago,  
Modimo, bo molemolemo jang ne!  
Bana ba batho

ba tshabele mo moriting  
wa diphuka tsa gago.

<sup>9</sup>Ba ja monate wa monono  
wa Ntlo ya gago;  
o ba nosa mo nokeng  
ya dinatefo tsa gago.<sup>b</sup>

<sup>10</sup>Gonne motswedi wa bophelo  
o fa go wena;  
re bona lesedi ka lesedi la gago.<sup>c</sup>

<sup>11</sup>Tsweletsa bopelontle jwa gago  
mo go bona ba ba go itseng,  
le tshiamo ya gago mo go bona  
ba ba dipelo di tlhamaletseng.

<sup>12</sup>A lonao lwa boikgantsho  
lo se nkgate,  
a diatla tsa baikepi di se nteleke.

<sup>13</sup>Foo badiradibe ba tla bo ba ole,  
ba digilwe,  
mme ba tla palelwa ke go tsoga.

*Letlhogonolo la moikepi ga se la mete*

**37** Pesalome ya ga Dafita.

O se ka wa tlhodiega  
ka ga badirabosula;  
o se ka wa fufegle  
ba ba dirang tse di sa siamang.<sup>d</sup>

<sup>2</sup>Gonne ba omelela ka bonako  
jaaka bojang;  
ba swaba

jaaka matlhogela a matalana.

<sup>3</sup>Ikanye MORENA,  
o dire se se molemo;  
aga mo lefatsheng, o ikanyege;<sup>e</sup>  
<sup>4</sup>o nafetelwe ke MORENA,  
mme o tla go naya  
dikeletso tsa pelo ya gago.

<sup>5</sup>Laolela MORENA tsela ya gago,  
o mo ikanye, ena o tla dirafatsa;<sup>f</sup>

<sup>6</sup>o tla phatsimisa tshiamo ya gago  
jaaka lesedi,  
le tshiamelo ya gago  
jaaka motshegare.<sup>g</sup>

<sup>7</sup>Didimalela MORENA, o mo lebelele.  
O se ka wa ngongoregela yo o sego  
mo tseleng ya gagwe,  
le monna yo o dirafatsang maano  
a boferefere.<sup>h</sup>

<sup>8</sup>Lesa bogale, o tlogele kgakalo;  
o se ka wa tuka bogale;  
bo isa bosuleng.

<sup>9</sup>Gonne badirabosula  
ba tla nyelediwa;  
mme ba ba lebeletseng MORENA  
bona ba tla rua lefatshe.<sup>i</sup>

<sup>10</sup>Go sa le sebakanyana fela  
moikepi o tla ba a se yo;  
fa o tlhokomela felo ga gagwe,  
ga o kitla o mo fitlhela.<sup>j</sup>

<sup>11</sup>Mme ba ba pelonomi

x) Baroma 3:18. y) Miga 2:1. z) Pes. 57:11; 108:5. a) Pes. 125:1,2. b) Pes. 23:5.

c) Jer. 2:13. d) Diane 24:19. e) Pes. 37:27-29. f) 1 Pet. 5:7. g) Pes. 97:11; 112:4; Jobe 11:17.

h) Pes. 73:3. i) Pes. 37:11,22,29,34. j) Pes. 37:35.

bona ba tla rua lefatshe,  
ba natefelwa ke letlotlo la kagiso.<sup>k</sup>  
<sup>12</sup>Moikepi o logela mosiammi maano,  
a mo šenele meno.  
<sup>13</sup>Morena o a mo tshega,  
ka a bona  
gore letsatsi la gagwe le a atamela.<sup>l</sup>  
<sup>14</sup>Baikeli ba somotse lerumo,  
ba oba bora jwa bona go diga  
motlalelwli le mohumanegi,  
le go bolaya  
ba motsamao o o lolameng.<sup>m</sup>  
<sup>15</sup>Marumo a bona a tla tlhaba dipelo  
tsa bona ka bosi,  
lc mara a bona a tla rojwa.  
<sup>16</sup>Bobotlana jwa mosiammi bo gaisa  
letlotlo la baikeli ba bantsi.<sup>n</sup>  
<sup>17</sup>Gonne mabogo a baikeli  
a tla rojwa;  
mme yo o tshegetsang basiami  
ke MORENA.  
<sup>18</sup>MORENA o itse malatsi  
a ba ba tlhamaletseng;  
boswa jwa bona  
bo tla nna ka bosakhutleng.  
<sup>19</sup>Ga ba nke ba tlhajwa ke ditlhong  
mo motheng o o bosula;  
mo malatsing a tlala ba tla kgora.<sup>o</sup>  
<sup>20</sup>Mme baikeli ba tla latlhenga;  
baba ba MORENA ba ba ntseng  
jaaka bontle jwa bofculo  
ba nyeletsie, ba fedile jaaka musi.<sup>p</sup>  
<sup>21</sup>Moikepi o a adima,  
mme a se ke a buse;  
mme mosiammi ena o pelonomi,  
o a fa.  
<sup>22</sup>Gonne ba ba tshego fadiwang  
ke ena ba tla rua lefatshe;  
mme ba ba hutswang ke ena  
bona ba tla nyelediwa.<sup>q</sup>  
<sup>23</sup>MORENA o tlhomamisa  
dikgato tsa monna,  
fa a kgatlhwae ke tsela ya gagwe.  
<sup>24</sup>Le fa a ka wa, ga a wele ruri;  
gonne MORENA  
o tshwere seatla sa gagwe.<sup>r</sup>

<sup>25</sup>Ke ne ke le lekau,  
mme jaanong ke tsofetse.  
Mme ga ke ise nke ke bone  
mosiammi a tlogetswae,  
le fa e le bana ba gagwe  
ba kopa dijo.<sup>s</sup>  
<sup>26</sup>O tlholo a atswa,  
a adima ka metlha yothle,  
mme losika lwa gagwe  
lo tshegofale.  
<sup>27</sup>Thibogela bosula, o dire molemo,  
mme o tla aga ka bosakhutleng.<sup>t</sup>  
<sup>28</sup>gonne MORENA o rata tshiamo;  
ga a tlogele baitshepi ba gagwe,  
mmc ba bolokwa ka bosakhutleng.  
Losika lwa badira-bosula  
lo a nyelediwa.<sup>u</sup>  
<sup>29</sup>Basiami ba tla rua lefatshe,  
ba agela ruri mo go lone.<sup>v</sup>  
<sup>30</sup>Molomo wa mosiammi  
o bolela tsa botlhale;  
loleme lwa gagwe  
lo bua se se siameng.  
<sup>31</sup>Molao wa Modimo wa gagwe  
o mo pelong ya gagwe;  
dikgato tsa gagwe ga di theekele.<sup>w</sup>  
<sup>32</sup>Moikepi o laetse mosiammi,  
o batla go mmolaya.<sup>x</sup>  
<sup>33</sup>Mme MORENA ga a mo leseletse  
go wela mo seatleng sa gagwe,  
le e seng go mmona molato,  
fa a sekisiwa ke moikepi.  
<sup>34</sup>Lebelela MORENA,  
o tshware tsela ya gagwe,  
mme o tla go godisa  
gore o rue lefatshe.  
O tla bona ka kgatlhego,  
fa baikeli ba nyelediwa.<sup>y</sup>  
<sup>35</sup>Ke bonye moikepi wa mogateledi;  
a nama jaaka setlhare se setala  
sa naga.<sup>z</sup>  
<sup>36</sup>E rile ke feta gape, a bo a se yo;  
ya re ke mmatla,  
a se ka a bonala.<sup>a</sup>  
<sup>37</sup>Ela modummedi tlhoko,  
o lebe mosiammi;

k) Math. 5:5. l) Jobe 18:20. m) Pes. 11:2. n) Diane 15:16. o) Pes. 33:19. p) Pes. 68:3.  
q) Pes. 37:9. r) Diane 24:16. s) Pes. 34:10,11. t) Pes. 34:15. u) Pes. 11:7. v) Jes. 60:21.  
w) Pes. 40:9. x) Pes. 10:8-10. y) Pes. 37:9. z) Jobe 5:3-5; 20:6,7; Hes. 31:3-14.  
a) Pes. 37:10.

gonne motho wa kagiso  
o na le botswelelopele.<sup>b</sup>

<sup>38</sup>Mme batlodi bona  
ba tla senngwa mmogo;  
botswelelopele jwa baikepi  
bo tla nyelediwa.

<sup>39</sup>Thuso ya basiami  
e tswa go MORENA;  
ke ena botshabelo jwa bona  
mo motheng wa tlaletlo.<sup>c</sup>

<sup>40</sup>MORENA o a thusa,  
a ba namolele;  
o ba namolela mo baikeping,  
a ba pholose, ka ba mo ikanya.<sup>d</sup>

### *Thapelo mo bolwetseng*

## **38** Pesalome ya ga Dafita ya kgopotso mo tshupelong ya tebogo.

<sup>2</sup>MORENA,  
se nkgalemele ka bogale jwa gago,  
se nkwalihaye  
mo kgakalong ya gago.

<sup>3</sup>Gonne metsu ya gago e ntsepame,  
seatla sa gago se nkgateletse.<sup>e</sup>

<sup>4</sup>Ga go na boitekanelo bope  
mo nameng ya me  
ka ntlha ya kgakalo ya gago,  
le e seng pholô epe  
mo marapong a me

ka ntlha ya boleo jwa me.<sup>f</sup>

<sup>5</sup>Gonne ditshiamololo tsa me  
di khurumeditse tlhogo ya me;  
di nkimela jaaka morwalo  
o o bokete.<sup>g</sup>

<sup>6</sup>Dintho tsa ka di a nkga,  
di tswa boladu  
ka ntlha ya bosilo jwa me.

<sup>7</sup>Ke koname, ke hutaganye gotlhe;  
ke tlhola ke tsamaya ke hutsafetse.

<sup>8</sup>Gonne letheka la me  
le tletse dithlabi;  
ga go na boitekanelo bope  
mo nameng ya me.<sup>h</sup>

<sup>9</sup>Ke koafetse,  
ke tapetegile gotlhe,  
ke dumisiwa  
ke phegelo ya pelo ya me.

<sup>10</sup>Morena, tlhologegelele yotlhe ya ka  
e go senogetse;  
phegelo ya ka ga e.a go fitlhagela.

<sup>11</sup>Pelo ya me e a kubakuba,  
thata ya me e ntlogetse,  
lesedi la mathlo a me  
le lone ga ke na nalo.

<sup>12</sup>Ba ba nthatang le ditsala tsa me  
ba emetse petso ya me fa thoko,  
le losika lwa me  
lo emetse kwa kgakala.<sup>i</sup>

<sup>13</sup>Mme ba ba tsomang  
bophelo jwa me ba nthaisitse;  
ba ba batlang  
go ntsenya mo tlaletlong  
ba rera tatlhego ya ka,  
ba ntse ba akanya tsietso  
letsatsi lotlhe.

<sup>14</sup>Mme nna ke ntse jaaka sesusu,  
ga ke utlwé;

ke ntse jaaka semumu  
se se sa tsweng molomo,<sup>j</sup>

<sup>15</sup>ee, ke tshwana le monna  
yo o sa utlweng,  
yo go se nang kganetso  
mo molomong wa gagwe.

<sup>16</sup>Gonne ke lebeletse wena,  
MORENA o tla araba, MORENA,  
Modimo wa me.

<sup>17</sup>Kana ke rile:

“A ba ba inkgodisetsang  
ba se itumele ka nna,  
fa ionao lwa ka lo theekela.”<sup>k</sup>

<sup>18</sup>Gonne ke gaufi le go wa;  
botlhoko jwa ka  
bo ntse bo mpolaya ka gale.

<sup>19</sup>Ee, ke ipobola molato wa ka,  
ke itshôla ka ntlha ya boleo jwa ka.<sup>l</sup>

<sup>20</sup>Mme baba ba me ba tlhaga,  
e bile ba thata,

le ba ba ntloileng fela ba ntsifetse.

<sup>21</sup>Le ba ba ntuelang molemo  
ka bosula  
ba emelanye le nna,  
ka ke latelela se se molemo.<sup>k</sup>

<sup>22</sup>O se ka wa ntlogela, MORENA;  
o se ka wa nna kgakala le nna,  
Modimo wa me.

b) Gen. 39:8,9. c) Pes. 46:2. d) Luka 18:8. e) Jobe 6:4; Pes. 32:4. f) Pes. 51:10.

g) Dilelo 1:14. h) Pes. 31:12; Jobe 19:14. i) Pes. 39:3. j) Pes. 32:5. k) Pes. 35:12.

<sup>23</sup>A o ko o itlhaganele go nthusa,  
MORENA, Mopholosi wa ka.

*Thapelo ya motho a le mo  
dithaelong*

**39** Pesalome ya ga Dafita  
e e kwaletsweng Jeduthune,  
moopedisi.<sup>1</sup>

<sup>2</sup>Ke rile:

“Ke tla tlhokomela ditsela tsa me  
gore ke se leofe ka loleme lwa me;  
ke tla bofa molomo wa me  
ka mogala,  
ka moikepi a sa ntse  
a le fa pele ga me.”<sup>2</sup>

<sup>3</sup>Ke ne ke le semumu ka tidimalo;  
ke ne ke didimala,  
ke se na molomo,  
mme bottlhoko jwa me  
jwa butsologa.”<sup>3</sup>

<sup>4</sup>Pelo ya me  
e ne e gotela mo teng ga me,  
molelo o tuka ka go akanya ga me,  
ke bua ka loleme lwa me ka re:

<sup>5</sup>“MORENA,  
nkitsise bokhutlo jwa me,  
le selekanyo sa malatsi a me  
gore ke sefe,  
ke tle ke lemoge  
ka fa ke felang ka teng.”<sup>4</sup>

<sup>6</sup>Bona, o lekantse malatsi a me  
ka dikathamo tsa seatla;  
sebaka sa bophelo jwa me  
ga se sa sepe fa pele ga gago.  
Ee, motho mongwe le mongwe  
yo o leng teng  
ke wa lefelafela la mmatota. Sela.<sup>5</sup>

<sup>7</sup>Ruri, motho o tsamaya  
jaaka moriti,  
ruri ba itlhobaeletsa boithamako;  
o kgobela mahumo,  
mme ga a itsie  
gore a tla jewa ke mang.<sup>6</sup>

<sup>8</sup>Mme jaanong, Morena,  
ke lebeletse eng?  
Tsholofelo ya me e mo go wena.  
<sup>9</sup>Nkgolole

mo ditlolong tsa me tsotlhe,  
o se ka wa ntira kgobo ya masilo.

<sup>10</sup>Ke didimetse, ga ke tswe molomo;  
gonne go dirile wena.<sup>7</sup>

<sup>11</sup>Tlosa petso ya gago mo go nna;  
ke nyelediwa ke titeo  
ya seatla sa gago.

<sup>12</sup>Fa o watlhaya motho ka dipetso  
ka ntlha ya tshiamololo,  
o nyeletse bontle jwa gagwe  
jaaka motoutwana;  
ee, motho mongwe le mongwe  
ke pudulo fela. Sela.<sup>8</sup>

<sup>13</sup>MORENA, utlwá thapelo ya me,  
o reetse go tlhaeletsa ga me;  
se didimalele dikeledi tsa me;  
gonne ke moeng fa go wena,  
ke mojaki jaaka borre bottlhe.<sup>9</sup>

<sup>14</sup>Thibosa matlho a gago mo go nna  
gore ke itumele,  
ke ise ke tswe mono,  
ka nna yo o sa tlholeng a le teng.<sup>10</sup>

*Go sego motho yo o ikanyang  
MORENA*

**40** Pesalome ya ga Dafita  
e e kwaletsweng moopedisi.

<sup>2</sup>Ke lebeletse MORENA  
ka tlhologelelo;  
mme a itshekamisetsa go nna,  
a nkutlwá ke goela thuso.

<sup>3</sup>A ntshwatola  
mo moleteng wa tshenyego,  
mo maragarageng a seretse,  
a tlhomma dinao tsa me mo lefikeng,  
a tlhomamisa dikgato tsa me.

<sup>4</sup>O ntsentse sefela se sešwa  
mo molomong,  
sefela sa go baka Modimo wa rona.  
Bantsi ba a bona, ba a boifa,  
ba ikanya MORENA.<sup>11</sup>

<sup>5</sup>Go sego monna yo o ikanyang  
MORENA,  
a sa fapogele kwa baikgantshing  
le kwa baikeping ba maaka.<sup>12</sup>

<sup>6</sup>O re diretse diло di le dintsí,

MORENA, Modimo wa me,<sup>13</sup>

<sup>1</sup>) 1 Ditiraf. 25:1-3. <sup>m)</sup> Pes. 38:14. <sup>n)</sup> Pes. 90:12; Jobe 14:5. <sup>o)</sup> Pes. 90:5.

<sup>p)</sup> Moreri 2:18-21; Luka 12:18-20. <sup>q)</sup> 2 Sam. 16:10. <sup>r)</sup> Pes. 39:6.

<sup>s)</sup> Lef. 25:23; Pes. 119:19; 1 Pet. 2:11; Baheb. 11:13. <sup>t)</sup> Jobe 10:20. <sup>u)</sup> Pes. 33:3.

dikgakgamatso tsa gago le  
megopolu ya gago;  
ga go yo o ka tshwantshiwang  
le wena.  
Fa nka rata go di itsise  
le go di bolela,  
go ka feta mo nka balang.<sup>v</sup>  
<sup>7</sup>Ga o kgatlhwu ke setlhabelo  
le tshupelo.  
O nthibolotse ditsebe.  
Ga o batle setlhabelo sa phiso,  
le fa e le sa boleo.<sup>w</sup>  
<sup>8</sup>Foo ke ne ka re: "Bona, ke e tla,  
go kwadilwe ka ga me  
mo lokwalong.  
<sup>9</sup>Ke kgatlhwu ke go dira  
tse di go natefolang,  
Modimo wa me;  
molao wa gago o mo teng ga me."  
<sup>10</sup>Ke boletse pholoso ya gago  
ka boitumelo  
mo phuthegong e kgolo.  
Bona, ga nka ke  
ka itshwara molomo,  
go itse wena, MORENA.<sup>x</sup>  
<sup>11</sup>Ga ke fitlhe tshiamo ya gago  
mo teng ga pelo ya me.  
Ke bolela boikanyego jwa gago  
le pholoso ya gago.  
Phuthego e kgolo ga ke e lobele  
bopelotlhomogi jwa gago  
le boammaaruri jwa gago.  
<sup>12</sup>Wena MORENA,  
ga o kitla o ntlhokisa  
kutlwelobothhoko ya gago.  
Bopelotlhomogi jwa gago  
le boammaaruri jwa gago  
di tla mpoloka ka gale.  
<sup>13</sup>Gonne masula a a se nang palo  
a ntsentse gare;  
melato ya me e ntshwere,  
ke tshaba go e leba;  
e feta dithiri tsa tlhogo ya me,  
pelo ya me e ntlogetse.  
<sup>14</sup>MORENA, a o ko o kgatlhwu  
ke go nkgolola;  
MORENA,  
a o ko o ithaganele go nthusa.

<sup>15</sup>Botlhe ba ba batlang  
bophelo jwa me go bo senya  
a ba tlhajwe ke ditlhong,  
ba sosobane mmogo.  
Ba ba itumelelang tlalelo ya me  
a ba kate ka morago,  
ba tlhajwe ke kgala.<sup>y</sup>  
<sup>16</sup>Ba ba nthayang ba re:  
"Ahee, ahee!"  
a ba rerege  
ka ntiha ya ditlhong tsa bona.<sup>z</sup>  
<sup>17</sup>Botlhe ba ba go batlang  
a ba go itumelele, ba ipele;  
ba ba ratang pholoso ya gago  
a ba bue ka gale ba re:  
"MORENA o mogolo."  
<sup>18</sup>Le fa nna ke le mmogisegi  
le mohumanegi,  
MORENA o tla ntlamela.  
Ke wena thuso ya me  
le mogolodi wa me.  
Modimo wa me, se diege.<sup>a</sup>

*Thapelo mo bolwetseng***41** Pesalome ya ga Dafita  
e e kwaletsweng moopedisi.

<sup>2</sup>Go sego motho  
yo o babalelang yo o kwa tlase;  
MORENA o tla mo thusa  
ka letsatsi la tlalelo.<sup>b</sup>  
<sup>3</sup>MORENA o tla mmoloka,  
a mo phedisa;  
o tla kaiwa yo o sego  
mo lefatsheng;  
a ko o se mo neele mo keletsong  
ya baba ba gagwe.

<sup>4</sup>MORENA o tla mo oka  
mo diphateng tsa bolwetse;  
o fetola bolwetse jotlhe jwa gagwe  
mo bolaong.

<sup>5</sup>Ke rile:  
"MORENA, nkutlwelobothhoko;  
fodisa mowa wa me;  
gonne ke go leofetse."<sup>c</sup>

<sup>6</sup>Baba ba me  
ba bua bosula ka ga me ba re:  
"O tla swa leng,  
leina la gagwe la nyelela?"

v) Pes. 139:17,18. w) Pes. 51:18; Baheb. 10:5-10; Jes. 50:5. x) Pes. 22:23-26. y) Pes. 6:11.  
z) Pes. 35:21-25. a) Pes. 109:22. b) Diane 19:17. c) Pes. 6:8.

<sup>7</sup>Mme e a re fa mongwe a tsile go ntekola, a bue maaka; pelo ya gagwe e ikgobokanyetse dilo tse di bosula; e re a tswela kwa ntle, a di bolele.

<sup>8</sup>Botlhe ba ba ntliholeng ba sebelana ka ga me, ba nkeleletsba bosula ba re:

<sup>9</sup>“O tshetswe bolwetse jo bo setlhogo; mme jaanong yo o namaletseng jalo ga a nke a tlhola a tsoga.”

<sup>10</sup>Tota le monna yo ke tsalanyeng nae, yo ke mo ikantseng, yo o jang dijo tsa me, o ntsholeleditse serethe.<sup>d</sup>

<sup>11</sup>Mme wena, MORENA, a o ko o nkutlwelie botlhoko, o ntsose gore tseo ke tle ke di ba busetse.

<sup>12</sup>Se ke itseng ka sona gore ke a go kgatlha ke fa mmaba wa me a sa ntidueletse.

<sup>13</sup>Mme nna o ntshegeditse, ka ke se na molato, o nkemisa fa pele ga sefatlhego sa gago ka bosakhutleng.

<sup>14</sup>A MORENA, Modimo wa Iseraele, a bakwe go tswa bosasimologeng go ya bosakhutleng. Amen, ee, a go nne jalo!<sup>e</sup>

## KAROLO YA BOBEDI, DIPESALOME 42-72

*Go tlholo gelelwa Modimo*

**42** Sefela sa thuto sa boora Kora se se kwaletsweng moopedisi.

<sup>2</sup>Mowa wa me o lelela go wena Modimo, jaaka tholo e lelela metsi a melatswana.

<sup>3</sup>Mowa wa me o nyorelwya Modimo, Modimo o o tshelang. Ke tla fitlha leng teng

gore ke bonale fa pele ga sefatlhego sa Modimo?<sup>f</sup>

<sup>4</sup>Dikeledi tsa me ke dijo tsa me bosigo le motshegare, ka ba tlhola ba nthaya ba re: “Modimo wa gago o kae?”<sup>g</sup>

<sup>5</sup>Dilo tse ke tla nna ke di gopola, ke tsholola mowa wa me mo teng ga me, jaaka ke ne ke tle ke ye le bontsi jwa batho, ke ba gogela kwa Ntlong ya Modimo, ka lenseswe la tuduerso le la tebogo – lesomo le le itumelclang moletlo.<sup>h</sup>

<sup>6</sup>O obegetseng, wena mowa wa me, o huduegelang mo teng ga me? Solofela mo Modimong; gonne ke tla ba ke o lebogela thuso ya sefatlhego sa ona.<sup>i</sup>

<sup>7</sup>Modimo wa me, mowa wa me o obegile mo teng ga me, ke gona ka moo ke go gopolang, ke le mo lefatsheng la Joretane le mo dithabeng tsa Heremone le Misare.

<sup>8</sup>Morwalela o tlhaeleletsa morwaleleng ka kgwaso ya maphothophotho a gago; makhubu otlhe a gago le maphothophotho a nkhurumeditse.<sup>j</sup>

<sup>9</sup>Mmc MORENA o nthomela boutlwelo-botlhoko jwa gagwe motshegare, ke na le sefela sa gagwe bosigo, e bong thapelo go Modimo wa bophelo jwa me.

<sup>10</sup>Ke rata go botsa Modimo, lefika la me, ke re: “O ntebaletseng? Ke ka ntla ya eng, fa ke tsamaya ke hutsafetse ka go bogisiwa ke mmaba?”<sup>k</sup>

<sup>11</sup>Tshotlo ya baganetsi ba me e ntla ba jaaka lerumo mo marapong,

d) Pes. 55:14; Joh. 13:18; Dit. 1:16. e) Pes. 72:18; 98:53; 106:48; 150:6. f) Pes. 84:3.

g) Pes. 79:10. h) Pes. 27:4. i) Pes. 42:12; Pes. 43:5. j) Pes. 88:8. k) Doit. 32:4; Pes. 43:2.

fa ba tlhola ba nthaya ba re:

"Modimo wa gago o kae?"<sup>6</sup>

<sup>12</sup>O obegetseng, wena mowa wa me,  
o huduegelang mo teng ga me?  
Solofela mo Modimong;  
gonne ke tla ba ke o leboga,  
ka e le ona thuso ya sefatlhego  
sa me le Modimo wa me.<sup>7</sup>

*Go solo fela mo Modimong*

**43** Nkatalhole, Modimo,  
o nkemele mo tshekong ya me  
le batho ba ba se nang lorato,  
o nkgolole mo bathong ba tsietso  
le ba tshiamololo.<sup>8</sup>

<sup>2</sup>Gonne ke wena Modimo  
wa botshabelo jwa me.

Mme o ntatlhetseg?

Ke ka ntlaang,  
fa ke tsamaya ke hutsafetse  
ka go bogisiwa ke mmaba?<sup>9</sup>

<sup>3</sup>Romela lesedi la gago  
le boarmmaururi jwa gago;  
a di nkgoge, di nkise kwa thabeng  
ya gago e e boitshepo  
le kwa maagong a gago<sup>10</sup>  
<sup>4</sup>gore ke fitlhe kwa aletareng  
ya Modimo,  
kwa Modimong wa boitumelo  
jwa me jo bo ntuduedisang,  
le go go baka ka harepa, Modimo,  
Modimo wa me.<sup>11</sup>

<sup>5</sup>O obegetseng, mowa wa me,  
o huduegelang mo teng ga me?  
Solofela mo Modimong;  
gonne ke tla ba ke o leboga  
ka e le ona thuso ya sefatlhego  
sa me le Modimo wa me.<sup>12</sup>

*Selelo sa babogisiwi*

**44** Sefela sa thuto sa boora Kora  
se se kwaletsweng moopedisi.

<sup>2</sup>Modimo, re utlwile ka ditsebe,  
borraetsho ba re boleletse ba re,  
o dirile tiro mo metlheng ya bona,  
malatsing a bogologolo.<sup>13</sup>

<sup>3</sup>O lelekile merafe  
ka letsogo la gago,

mme bona wa ba tlhoma;

o sentse ditshaba,

mme bona wa ba anamisa.

<sup>4</sup>Gonne ba ruile lefatshe,  
e seng ka marumo a bona,  
e bile ga se mabogo a bona  
a a ba neileng phenyo;  
mme ke seatla sa gago se se jang  
le letsogo la gago

le lesedi la sefatlhego sa gago;

gonne o ne o natefelwa ke bona.  
<sup>5</sup>Modimo, ke wena kgosi ya me;  
laolela Jakobe diphenyo.<sup>14</sup>

<sup>6</sup>Re tla diga baganetsi ba rona  
ka wena;  
ba ba re tsogelang re tla ba gataka  
ka leina la gago.

<sup>7</sup>Gonne ga ke ikanye bora jwa me,  
le tshaka ya me  
ga e nke e mpha phenyo.<sup>15</sup>

<sup>8</sup>Mme ke wena o re namolang baba,  
o tlhabisa ba ba re tlhoileng  
ditlhong.

<sup>9</sup>Re tla ipelafatsa ka gale  
ka Modimo;  
re baka leina la gago  
ka bosena-bokhutlo. Sela.

<sup>10</sup>Le fa go ntse jalo o re latlhile,  
wa re tlhabisa ditlhong,  
mme ga o a bolola  
le mephato ya rona.

<sup>11</sup>O re katisa ka morago  
fa pele ga mmaba,  
mme ba ba re tlhoileng  
ba thopa ditsarona.

<sup>12</sup>O re abetse go tlhajwa jaaka dinku;  
o re faladitse mo merafeng.

<sup>13</sup>O rekisitse batho ba gago  
ka tlhwatlhw a e seng ya sepe;  
wa se ka wa bapala sepe  
ka tlhwatlhw ya bona.

<sup>14</sup>O re dira nyatsegoo  
mo go ba re bapileng nabo,  
le tshotlo le setshego  
mo go ba ba tikologong ya rona.<sup>16</sup>

<sup>15</sup>O re dira seane mo ditshabeng,  
re ba ba thukhuthelwang ditlhogo  
ke merafe.

<sup>6</sup>) Pes. 42:6. <sup>7</sup>) Pes. 26:1. <sup>8</sup>) Pes. 42:10. <sup>9</sup>) Pes. 15:1. <sup>10</sup>) Pes. 63:3. <sup>11</sup>) Pes. 42:6,12.

<sup>12</sup>) Doit. 6:20-25. <sup>13</sup>) Pes. 74:12. <sup>14</sup>) Pes. 20:8. <sup>15</sup>) Pes. 79:4; 1 Dikg. 9:7.

- <sup>16</sup>Tshotlego ya me  
e eme fa pele ga me ka gale;  
ditlhong tsa sefatlhego sa me  
di nkhurumeditse
- <sup>17</sup>ka ntliha ya go utlwa mosotli  
le mokgadi,  
le ka ntliha ya go bona mmaba  
le moipusolosetsi.
- <sup>18</sup>Tsotlhе tseо di re wetse,  
etswe re sa go lebala  
le e seng go ikanyologa  
kgolagano ya gago.
- <sup>19</sup>Dipelo tsa rona  
ga di a ka tsa kata ka morago,  
le dinao tsa rona ga di a ka  
tsa fapoga tsela ya gago.
- <sup>20</sup>Le fa go ntse jalo o re papetletse  
mo mafelong a diphokojwe,  
wa re khurumetsa ka moriti wa loso.
- <sup>21</sup>Fa re ka bo re lebetse  
leina la Modimo wa rona,  
gongwe ra otlololela  
modimo wa seeng mabogo,
- <sup>22</sup>a Modimo o ka bo  
o sa go tlhotlhomisa,  
ka e le ona o itseng  
se se fitlhiegileng mo pelong.<sup>v</sup>
- <sup>23</sup>Mme re tlholo re bolawa  
ka ntliha ya gago,  
re kaiwa jaaka dinku tsa tlhabo.<sup>w</sup>
- <sup>24</sup>Thanya, Morena! O robaletseng?  
Tloga o eme,  
o se ka wa re latlhela ruri.<sup>x</sup>
- <sup>25</sup>O fitlhelang sefatlhego sa gago,  
o lebalelang pogisego ya rona  
le patikego ya rona?
- <sup>26</sup>Gonne mewa ya rona  
e obegetse mo loroleng,  
mbele ya rona e kgomaretse mmu.
- <sup>27</sup>Nanoga o re thusе, o be o re golole  
ka ntliha ya bopelothhomogi  
jwa gago.

*Sefela sa nyalo ya kgosi*

**45** Pesalome ya boora Kora ya  
thuto e e kwaletsweng  
moopedisi e opelwang ka moopelo  
wa: "Madutla". Sefela sa lorato.<sup>y</sup>

- <sup>2</sup>Pelo ya me e fofoma  
ka polelo e e monate.  
Ke tlhabela kgosi loboko lwa me;  
loleme lwa me ke sekwadi  
sa mokwadi yo o bobebе.
- <sup>3</sup>O montle thata  
go gaisа bana ba motho;  
natefo e tshetswe  
mo melomong ya gago;  
ke gona ka moo Modimo o go  
tshegofaditseng ka bosakhutleng.<sup>z</sup>
- <sup>4</sup>Itlame letheka ka tshaka ya gago,  
wena mogale;  
e bong ya borena jwa gago  
le kgalalelo ya gago.
- <sup>5</sup>Kgalalelong ya gago o tlhogole,  
o bolole go lwela boammaruri  
le boikokobetso le tshiamo;  
mme a letsogo le le jang la gago  
le go rute ditiro tse di boitshegang.<sup>a</sup>
- <sup>6</sup>Metsu ya gago e loaditswe,  
e tlhaba dipelo tsa baba ba kgosi.  
Merafe e wela fa tlase ga gago.
- <sup>7</sup>Sedulo sa bogosi sa gago, Modimo,  
ke sa ka gale le sa bosakhutleng.  
Thobane ya bogosi jwa gago  
ke thobane ya tshiamo.<sup>b</sup>
- <sup>8</sup>O rata tshiamo,  
mme tshiamololo o e tlhoile;  
ke gona ka moo, Modimo,  
Modimo wa gago  
o go tlhoditseng lookwane  
lwa boitumelo  
go gaisа balekane ba gago.
- <sup>9</sup>Diaparo tsotlhе tsa gago  
di nkga mera le mokgwapha  
le mookana fela,  
dipina tsa dikwadi tsa dithapo  
di go itumedisa,  
di utlwala mo matlong a borena  
a dinaka tsa tlou.<sup>c</sup>
- <sup>10</sup>Bomorwadia dikgosi  
ba kgabile mekgabo e mentlentle  
ya gago;  
mohumagadi o eme  
fa letsogong le le jang la gago,  
a kgabile ka gouta ya Ofire.
- <sup>11</sup>Reetsa, morwadiaka, o bone,

v) Pes. 7:10. w) Baroma 8:36. x) Pes. 35:23. y) Pes. 69:1. z) Sep. 5:10-16.  
a) Pes. 72:4. b) 2 Sam. 7:13; Baheb. 1:8,9. c) Amose 3:15.

- o sekege tsebe:  
Lebala morafe wa ga eno  
le lelapa la ga rraago.<sup>d</sup>
- <sup>12</sup>Mne fa kgosi e eletsa  
bontle jwa gago,  
ka e le mong-wago, o mo ikobele.
- <sup>13</sup>Mme bomorwadia Tiro  
ba tla batla go go kgatlha ka dineo,  
bona ba ba humileng bogolo  
mo bathong.
- <sup>14</sup>Morwadia kgosi yo o mo teng  
o tletse kgalalelo fela;  
diaparo tsa gagwe di logilwe  
ka ditlhale tsa gouta.
- <sup>15</sup>O isiwa kwa kgosing  
a apere diaparo  
tsa melogo e e mebalabala;  
makgarebe, baeletsi ba gagwe,  
a isiwa kwa go wena.
- <sup>16</sup>A isiwa ka boitumelo  
le meduduetso,  
a tsena mo ntlong ya kgosi.
- <sup>17</sup>Mo boemong jwa borraago  
go tla ema bomorwao.  
O tla ba tlhoma go nna dikgosana  
mo lefatsheng lotlhe.
- <sup>18</sup>Ke tla itsise leina la gago  
mo ditshikatshikeng tsotlhе;  
ka moo merafe e tla go galaletsa  
ka gale le ka bosakhutleng.

*Modimo ke botshabelo*

- 46** Sefela sa boora Kora se se  
kwaletsweng moopedisi, se  
opelwa ka lentswe la motenyane.
- <sup>2</sup>Modimo ke botshabelo jwa rona  
le thata ya rona;  
o itshupile gantsi  
e le thuso mo ditlalelong.
- <sup>3</sup>Ke gona ka moo re sa boifeng,  
le fa lefatshe le ka roroma,  
le fa dithaba di ka kgokgoetsegela  
mo botennyе jwa lewatle;
- <sup>4</sup>le fa metsi a lone a ka gwasa,  
a phoka lefulo,  
le fa dithaba di ka roroma  
ka go gogomoga ga lone. Sela.
- <sup>5</sup>Dikelelo tsa noka

<sup>d</sup>) Gen. 2:24. <sup>e</sup>) Pes. 48:3; Jes. 12:3; 2 Dikg. 19:21. <sup>f</sup>) 2 Dikg. 19:35. <sup>g</sup>) Pes. 76:4.

<sup>h</sup>) Pes. 16:6.

- di itumedisa motse wa Modimo,  
e bong Felo-ga-Boitshepo  
a maago a Mogodimodimo.<sup>e</sup>
- <sup>6</sup>Modimo o mo teng ga ona,  
ga o kitla o tshikinyega;  
Modimo o a o thusa,  
fa bosigo bo sa.
- <sup>7</sup>Merafe e ne e tsosa moferefere,  
magosi a reketla;  
wa dumisa maru a ona,  
mme lefatshe la roroma.
- <sup>8</sup>MORENA wa masomosomo  
o na le rona,  
Modimo wa ga Jakobe  
ke botshabelo jwa rona. Sela.
- <sup>9</sup>Tlayang lo lebe ditiro tsa MORENA  
yo o dirang setlhogo mo lefatsheng;<sup>f</sup>
- <sup>10</sup>yo o khutlisang dintwa  
go ya kwa bokhutlong jwa lefatshe;  
yo o robang bora,  
a robaganye lerumo,  
a fise dikoloi tsa ntwa ka molelo!<sup>g</sup>
- <sup>11</sup>"Khutlang lo itse,  
fa ke le Modimo;  
ke mogolo mo merafeng,  
ke mogolo mo lefatsheng."
- <sup>12</sup>MORENA wa masomosomo  
o na le rona,  
Modimo wa ga Jakobe  
ke botshabelo jwa rona. Sela.
- Modimo o tlhatloga ka tuduetso*
- 47** Pesalome ya boora Kora,  
e e kwaletsweng moopedisi.
- <sup>2</sup>Lona merafe yotlhе, opang diatla,  
dudueletsang Modimo  
ka kopeло ya maipelo!
- <sup>3</sup>Gonne MORENA Mogodimodimo  
o a boitshega;  
ke kgosi e kgolo  
mo lefatsheng lotlhe.
- <sup>4</sup>O digela merafe fa tlase ga rona  
le ditshaba fa tlase  
ga dinao tsa rona.
- <sup>5</sup>O re tlhopheла boswa jwa rona,  
boipelafalelo jwa ga Jakobe  
yo a mo ratileng. Sela.<sup>h</sup>
- <sup>6</sup>Modimo o tlhatloga ka tuduetso,

MORENA o tlhatioga  
 ka tumo ya phala.<sup>i</sup>  
<sup>7</sup>Opelelang Modimo pako,  
 o opeleleng;  
 opelelang kgosi ya rona pako,  
 opelang!  
<sup>8</sup>Gonne Modimo  
 ke kgosi ya lefatshe lotlhе;  
 opelang sefela se se utlwalang;<sup>j</sup>  
<sup>9</sup>Modimo o busa merafe;  
 Modimo o ntse mo sedulong  
 sa bogosi sa ona se se boitshepo.  
<sup>10</sup>Batlotlegi ba merafe  
 ba phuthegile,  
 e bong batho  
 ba Modimo wa ga Aborahame;  
 gonne dithebe tsa lefatshe  
 ke tsa Modimo,  
 o mogolo bogolo.<sup>k</sup>

*Sione ke motse wa kgosi e kgolo*

#### 48 Pesalome e e leng sefela sa boora Kora.

<sup>2</sup>MORENA o mogolo,  
 mme o na le go tloltwa thata  
 mo motseng wa Modimo wa rona,  
 mo thabeng ya ona e e boitshepo.<sup>l</sup>  
<sup>3</sup>E ntle, thaba ya Sione,  
 ka go gola ga yone;  
 e itumelelwa ke lefatshe lotlhе.  
 Ntlheng ya bokone  
 go motse wa kgosi e kgolo.<sup>m</sup>  
<sup>4</sup>Modimo o ikitsisitse  
 mo matlong a ona a borena,  
 fa e le ona tshireletso.  
<sup>5</sup>Gonne, bona,  
 dikgosi di ne tsa phuthega,  
 tsa bolola mmogo.<sup>n</sup>  
<sup>6</sup>E rile di tlhoma di bona,  
 tsa tlhoka puo,  
 tsa tshoga, tsa tshaba ka poifo.  
<sup>7</sup>Thoromo e ne ya di tshwara teng,  
 le botlhoko jwa di tshwara  
 jaaka leralalo la mmelegi.  
<sup>8</sup>O thuba dikepe tsa Tharesise  
 ka phefo ya botlhabatsatsi.  
<sup>9</sup>Re bonye mo motseng  
 wa MORENA wa masomosomo,

mo motseng wa Modimo wa rona  
 jaaka re utlwile:  
 Modimo o tla o tlhomamisa  
 go ya bosakhutleng.  
<sup>10</sup>Modimo,  
 re gopola bopelotlhormogi jwa gago  
 mo Tempeleng ya gago.  
<sup>11</sup>Modimo,  
 turniso ya gago e fitlha  
 kwa mafelelong a lefatshe  
 fela jaaka leina la gago;  
 seatla se se jang sa gago  
 se tletse tshiamo.  
<sup>12</sup>A thaba ya Sione e itumele,  
 a bomorwadia Juta ba duduetsе  
 ka ntlha ya dikatlholo tsa gago.  
<sup>13</sup>Dikologang motse wa Sione,  
 lo o potologeng,  
 balang ditorio tsa ona.  
<sup>14</sup>Elang dipota tsa phemelo tsa ona  
 tlhoko,  
 ralalang matlo a borena a ona  
 gore lo tle lo bolele losika  
 lo lo tlang lo re:  
<sup>15</sup>Modimo o ke Modimo wa rona  
 ka gale le ka bosakhutleng;  
 o tla re goga go ya losong.<sup>o</sup>

*Thata ya loso*

#### 49 Pesalome ya boora Kora e e kwaletsweng moopedisi.

<sup>2</sup>Utlwang dilo tse,  
 lona merafe yotlhе;  
 reetsang lona lotlhе,  
 ba lo agileng mo lefatsheng,  
<sup>3</sup>ba babotlana le ba bagolo,  
 bahumi le bahumanegi mmogo;  
<sup>4</sup>molomo wa me o  
 tla bua bothale,  
 mme se pelo ya me e se akanyang  
 ke tlhaloganyo.  
<sup>5</sup>Ke tla sekegela seane tsebe;  
 thabalakane ya ka  
 ke tla e ranola ka harepa.<sup>p</sup>  
<sup>6</sup>Kana ke tla boifelang  
 mo malatsing a tlalelo,  
 fa boikepo jwa basenyetsi ba me  
 bo ntikanedyitse,

i) Pes. 68:19. j) Pes. 93:1. k) Pes. 89:19. l) Pes. 46:5. m) Dilelo 2:15; Math. 5:35.

n) 2 Dikg. 19. o) Jes. 25:9. p) Pes. 78:2.

<sup>7</sup>jwa bona ba ba ikantseng  
letlotlo la bona,  
ba belafalela khumo  
e kgolo ya bona?

<sup>8</sup>Ga go na ope yo o ka rekololang  
morwa-rraagwe,  
le fa e le go ntshetsa Modimo tefo  
e e mo gololang -

<sup>9</sup>gonne thekololo ya botshelo  
jwa gagwe e kgolo thata,  
mme o tla tlhogogela ruri  
go e ntsha -<sup>q</sup>

<sup>10</sup>gore a phelele ruri ka bosakhutleng,  
a se bone tshenyego.

<sup>11</sup>Gonne go bonwa gore batlhalefi  
ba a swa;  
masilo le ba ba se nang tlhaloganyo  
ba nyelela mmogo,  
mme khumo ya bona  
ba e tlogelela ba sele.<sup>r</sup>

<sup>12</sup>Diphupu tsa bona  
ke tsone matlo a bona ka gale,  
ke maago a bona  
go ya tshikatshikeng,  
le fa ne ba ne taya mafatshe  
maina a bona.

<sup>13</sup>Kana motho ga a nnele ruri  
mo bontlengtleng;  
o tshwana le diphologolo  
tse di nyelelang.<sup>s</sup>

<sup>14</sup>Ke yona tsela ya ba ba iikanyang  
le ya balatedi ba bona  
ba ba kgathhwang ke mafoko  
a bona. Sela.

<sup>15</sup>Ba fologela kwa felong ga baswi  
jaaka dinku tlhabong,  
losi ke modisa wa bona;  
ba tlhamalalela kwa lebitleng,  
popego ya bona  
e tla nyelela mo mosong,  
felo ga baswi  
e tla nna boago jwa bona.

<sup>16</sup>Mme nna,  
Modimo o tla golola mowa wa me  
mo thateng ya felo ga baswi,  
gonne o tla ntshola. Sela.<sup>t</sup>

<sup>17</sup>O se ka wa boifa,

fa motho a huma,  
fa kgalalelo ya ntlo ya gagwe  
e totafala.<sup>u</sup>

<sup>18</sup>Gonne e tla re fa a swa,  
a se ke a ye le sepe sa tseo tsotlhe;  
kgalalelo ya gagwe  
ga e nke e mo sala morago.<sup>v</sup>

<sup>19</sup>Le fa a ipoka  
mo bophelong jwa gagwe  
a re o tlhogonolo  
- kana batho ba a go boka,  
fa o iphelela monate -<sup>w</sup>

<sup>20</sup>o tla ya  
kwa losikeng lwa borraagwe  
ba ba se kitlang ba bona lesedi  
ka bosakhutleng.

<sup>21</sup>Motho yo o phelang  
mo bontlengtleng,  
mme a se na tlhaloganyo,  
o tshwana le diphologolo  
tse di nyelelang.<sup>x</sup>

### Tirelo-Modimo ya nnete

## 50 Pesalome ya ga Asafe.

Modimo MORENA yo o thata  
o a bua, o bitsa lefatshhe  
go tswa kwa botlhabatsatsi  
go ya kwa bophirimatsatsi.<sup>y</sup>

<sup>2</sup>Modimo o tswa ka phatsimo  
kwa Sione yo o tletseng bontle.

<sup>3</sup>Modimo wa rona o e tla,  
mme ga o ka ke wa didimala;  
molelo o o nyeletsang

o fa pele ga ona,  
mo tikologong ya ona  
go suma phefo e kgolo.<sup>z</sup>

<sup>4</sup>O tlhaeleletsa kwa legodimong  
kwa godimo le kwa lefatsheng  
go sekisa morafe wa ona wa re:<sup>a</sup>  
<sup>5</sup>“Mphuthelang baratwa ba me .  
ba ba dirileng kgolagano le nna  
ka setlhabelo.”<sup>b</sup>

<sup>6</sup>Magodimo a bolela tshiamo ya ona;  
gonne Modimo ke ona  
o o atlholang. Sela.

<sup>7</sup>“Reetsang, batho ba me,

q) Math. 16:26. r) Moreri 2:16; 6:2. s) 2 Pet. 2:12; Moreri 3:19. t) Hos. 13:14.

u) Jobe 21:7-15. v) Moreri 5:13,14. w) Luka 16:19-31. x) Ps. 49:13. y) 1 Ditiraf. 25:1.

z) Pes. 96:13. a) Jes. 1:2. b) Ekes. 24:4-8.

ke rata go bua, Israele;  
 ke tle ke supe ke go tiisetse gore  
 ke nna Modimo,  
 Modimo wa gago.  
<sup>8</sup>Ga ke go kgalemele  
 ka ntla ya ditlhabelo tsa gago;  
 kana ditlhabelo tsa phiso tsa gago  
 di ntse di le fa pele ga me ka gale.<sup>c</sup>  
<sup>9</sup>Ga go batlege gore ke tsee poo  
 mo sakeng la gago,  
 le e seng diphoko  
 kwa morakeng wa gago.  
<sup>10</sup>Gonne diphologolo tsotlh  
 tsa sekgwa ke tsa me,  
 le ditshedi kwa dithabeng  
 ka dikete.  
<sup>11</sup>Ke itse dinonyane tsotlh tsa loapi  
 le tse di phelang mo nageng:  
 Ke tsa me.  
<sup>12</sup>Fa nka tshwarwa ke tlala,  
 ga nka ke ka go kopa;  
 gone lefatshe lotlh ke la me  
 le tse di tletseng mo go lone.  
<sup>13</sup>A ke ja nama ya dipoo,  
 a ke nwa madi a diphoko?  
<sup>14</sup>Ntshetsa Modimo setlhabelo  
 sa tebogo ya pelo,  
 o dirafatse maikano a o a  
 ikanetseng Mogodimodimo.  
<sup>15</sup>O mpitse ka letsatsi la tlalelo;  
 ke tla go namolela,  
 mme o tla nkgalentsa.”<sup>d</sup>  
<sup>16</sup>Mme moikepi ena,  
 Modimo o mo raya o re:  
 “O balelang melao ya me  
 le go bua kgolagano ya me  
 ka molomo wa gago,”<sup>e</sup>  
<sup>17</sup>etswe o tlhoile kwatlhao,  
 mme mafofo a me  
 o a latlhela kwa morago ga gago?  
<sup>18</sup>Fa o bona legodu,  
 o kgathwe ke go nna nalo,  
 mme o tlhakanelo boleo  
 le baakafadi.<sup>f</sup>  
<sup>19</sup>Molomo wa gago ó o letlelela  
 go bua bosula,  
 loleme lwa gago  
 lo loga maano a tsietso.

<sup>20</sup>O nnetse go seba morwarraago;  
 o pateletsa ngwana wa ga mmaago.  
<sup>21</sup>Dilo tse o di dirile,  
 mme ka didimala.  
 Wa ithaya wa re,  
 ke tshwana fela le wena;  
 ke tla go supetsa,  
 ke di bayfa pele ga matlho a gago.<sup>g</sup>  
<sup>22</sup>Tlhokomelang tlhe dilo tseo,  
 lona ba lo lebalang Modimo,  
 gore ke se ka ka gagoganya,  
 mme ga tlhokwa yo o pholosang.  
<sup>23</sup>Yo o ntshang setlhabelo  
 sa tebogo ya pelo o a ntlotla;  
 yo o tlhokomelang tsela  
 ke tla mo naya gore a bone  
 pholoso ya Modimo.”

*Thapelo ya boikwatlhao jwa ga Dafita*

**51** Pesalome ya ga Dafita  
 e e kwaletsweng moopedisi,  
<sup>2</sup>jale fa moporofeti Nathane a tla kwa  
 go ene, Dafita a sena go tsena kwa go  
 Batsheba.<sup>h</sup>

<sup>3</sup>Modimo, intshwarele  
 ka fa bopelotlhomoging jwa gago,  
 o phimole ditlololo tsa me  
 ka fa boutlwelang-botlhoko  
 jo bogolo jwa gago.<sup>i</sup>

<sup>4</sup>Ntlhapise sentle,  
 o tlose tshiamololo ya me,  
 o intshekise boleo.

<sup>5</sup>Gonne ditlololo tsa me ke a di itse,  
 boleo jwa me  
 bo fa pele ga me ka gale.<sup>j</sup>

<sup>6</sup>Ke wena o le nosi fela  
 yo ke go leofetseng,  
 ka dira se mo matlhong a gago  
 se leng bosula,  
 gore e re fa o bua,  
 o fitlhelwe o siame,  
 mme o le phepa, fa o athola.<sup>k</sup>

<sup>7</sup>Bona,  
 ke tsaletswe mo tshiamololong,  
 mme mmé o nkamogetse  
 mo boleong.<sup>l</sup>

<sup>8</sup>Bona, o natefelwa ke boammaaruri  
 jwa pelo,

c) Jes. 1:11. d) Pes. 81:8; 91:15; Jobe 22:27. e) Baroma 2:21-23. f) Baef. 5:11.

g) Pes. 73:11. h) 2 Sam. 12:13. i) Luka 18:13. j) Pes. 32:5. k) Baroma 3:4-19. l) Joh. 3:6.

- o nkitsise botlhale  
mo go sa itsiweng.  
<sup>9</sup>Ntlose boleo ka mosiama  
gore ke itsheke;  
ntlhapiše gore ke nne mosweu  
go gaisa semathana.<sup>m</sup>
- <sup>10</sup>Nkutlwise boitumelo le thabo;  
a marapo a o a robileng  
a duduets'e.<sup>n</sup>
- <sup>11</sup>Fithela maleo a me  
sefatlhego sa gago;  
o phimole ditshiamololo tsa me  
tsotlhе.
- <sup>12</sup>Modimo,  
mpopele pelo e e itshekileng,  
o ntšhwafatse mowa  
o o tlhomameng mo teng ga me.<sup>o</sup>
- <sup>13</sup>O se ka wa ntatlha  
fa pele ga sefatlhego sa gago;  
se tlose Mowa o o Boitshepo  
wa gago mo go nna.
- <sup>14</sup>Mpusetse boitumelo  
jwa pholoso ya gago,  
o ntshegetse ka mowa  
o o phuthologileng.
- <sup>15</sup>Batlodi ke tla ba ruta  
ditsela tsa gago  
gore baleofi ba sokologele  
kwa go wena.
- <sup>16</sup>Modimo, nkgolola mo molatong  
wa go tsholola madi,  
Modimo wa pholoso ya me,  
mme loleme lwa me lo tla  
dudueletsa tshiamo ya gago.
- <sup>17</sup>Morena, bula molomo wa me  
gore o bolele turniso ya gago.
- <sup>18</sup>Gonne ga o natefelwe ke setlhabelo  
- nka bo ke se ntsha -  
ga o kgatlhwе ke setlhabelo  
sa phiso.<sup>p</sup>
- <sup>19</sup>Ditlhabelo tsa Modimo  
ke mowa o o kgobegileng.  
Wena Modimo,  
ga o kitla o nyatsa pelo  
e e kgobegileng, e e phatlogileng.<sup>q</sup>
- <sup>20</sup>Direla Sione molemo  
ka fa natefelong ya gago;  
aga dipota tsa Jerusalema.

<sup>21</sup>Foo o tla natefelwa  
ke ditlhabelo tsa tshiamo,  
e leng tsa phiso  
le tse di fisiwang gotlhe.  
Foo ba tla tlhabela dipoo  
mo aletareng ya gago.

*Go latlhega loleme lwa tsietso*

**52** Sefela sa thuto sa ga Dafita se se  
kwaletsweng moopedisi, <sup>2</sup>jale fa  
Doege wa Moetomo a tla go Saule, a  
mmolelela a re: "Dafita o tsenye mo  
ntlong ya ga Ahimelege."<sup>r</sup>

<sup>3</sup>O ipokelang ka bosula,  
seganka ke wena?  
Bopelothhomogi jwa Modimo  
bo nnets'e ruri.

<sup>4</sup>Motsietsi ke wena,  
loleme lwa gago  
lo loga maano a tshenyo,  
jaaka logare lo lo loaditsweng.

<sup>5</sup>O rata bosula bogolo go molemo;  
o rata maaka bogolo  
go boammaaruri. Sela.

<sup>6</sup>O kgathwa fela ke mafoko  
a a senyang,  
loleme lwa tsietso ke wena.

<sup>7</sup>Ka moo, Modimo o tla go digela  
ruri, o go tshwara,  
o go swatola mo tenteng ya gago;

<sup>8</sup>o tla go kurnola ka medi  
mo lefatsheng la baphedi. Sela.

<sup>9</sup>Basiami ba tla bona, ba boifa;  
mme ba tla mo tshega ba re:<sup>s</sup>

<sup>10</sup>"Bonang, monna su,  
yo o sa dirang Modimo botshabelo  
jwa gagwe,  
mme o ikantse bogolo jwa khumo  
ya gagwe,  
a ithatafatsa ka bopelotshetlha  
jwa gagwe."

<sup>11</sup>Mme nna ke tshwana le motlhware  
o motalatala  
mo Ntlong ya Modimo.

Ke ikantse bopelothhomogi  
jwa Modimo  
ka gale le ka bosakhutleng.<sup>t</sup>

<sup>12</sup>Ke tla go baka ka gale,

<sup>m</sup>) Jes. 1:18; Lef. 14:6,7. <sup>n</sup>) Pes. 32:3,4. <sup>o</sup>) Hes. 36:26. <sup>p</sup>) Pes. 40:7; 50:8-13.

<sup>q</sup>) Pes. 34:19. <sup>r</sup>) 1 Sam. 22:9-19. <sup>s</sup>) Pes. 91:8. <sup>t</sup>) Pes. 92:13-16.

ka o dirile jalo;  
ke tla lebelela leina la gago;  
gonne le molemo  
fa pele ga barategi ba gago.

*Boikepo jwa motho*  
(Pes. 14)

**53** Sefela sa thuto sa ga Dafita  
se se kwaletsweng moopedisi,  
se opelwa ka moopelo wa:  
“Bolwetse”.

<sup>2</sup>Lesilo le bua mo pelong ya lone le  
re:

“Modimo ga o yo!”

Ba a senya, ba dira tsa bokgopo  
jo bo maila;  
ga go ope yo o dirang molemo.  
<sup>3</sup>Modimo o lebile bana ba batho  
o le mo legodimong  
gore o bone fa go le mongwe  
yo o batlang Modimo.

<sup>4</sup>Ba fapogile botlhe,  
ba senyega mmogo;  
ga go ope yo o dirang molemo,  
le e seng a le mongwe fela.

<sup>5</sup>A ba ba dirang tshiamololo  
ga ba na kitso,  
bona ba ba metsang batho ba me  
jaaka ba ja senkgwe?

Modimo ga ba o bitse.

<sup>6</sup>“Foo<sup>u</sup> ba tla tshoga  
mo go boitshegang;  
gonne Modimo  
o phatlaladitse marapo  
a yo o go dikanyeditseng ka ntwa.  
O ba tlhabisitse dithlong;  
gonne Modimo o ba lathile.  
<sup>7</sup>E kete pholoso ya Iseraele  
e ka bo e tla e e tswang mo Sione!  
E ne e tla re MORENA a fetola  
tatlhego ya morafe wa gagwe,  
Jakobe a duduets,

Iseraele a itumele.

*Thapelo ya go emevelana le baba  
ba ba gakerseng*

**54** Sefela sa thuto sa ga Dafita  
se se kwaletsweng moopedisi,  
se opedisiwe ka kwadi ya dithapo,

<sup>2</sup>motlheng ole fa batho ba Sife ba  
tsile go Saule, ba mo raya ba re:  
“A Dafita ga a iphitlha fa go rona?”<sup>v</sup>

<sup>3</sup>Modimo, nthuse ka leina la gago;  
o ntshiamisetse ka thata ya gago.

<sup>4</sup>Modimo, utlwa thapelo ya me,  
o reetse maafoko a molomo wa me.

<sup>5</sup>Gonne ba ba matepe ba ntsogetse,  
diganka di batla botshelo jwa me;  
ga ba gopole Modimo.

<sup>6</sup>Bonang,

Modimo ke mothusi wa me;  
Morena ke ene yo o tshegetsang  
bophelo jwa ka.

<sup>7</sup>O tla busetsa baba ba ka bosula.  
Ba nyeletse

ka fa boammaaruring jwa gago.

<sup>8</sup>Ke tla go direla setlhabelo  
ka pelotshweu;

ke tla leboga leina la gago,  
MORENA, gonne le molemo;

<sup>9</sup>gonne le nnamoletse  
mo tlalelong yotho,  
mme leithlo la me  
le lebile baba ba me ka boitumelo.<sup>w</sup>

*Go tshabela kwa sekakeng*

**55** Sefela sa thuto sa ga Dafita  
se se kwaletsweng moopedisi,  
se opedisiwe ka kwadi ya dithapo.

<sup>2</sup>Modimo, reetsa thapelo ya me,  
mme o se ka wa iphitlhela  
mekokotlelo ya me.

<sup>3</sup>Ntlhokomele o nkarabe.

Ke kgarakgatshega

ka tshwenyego ya me,  
ke ntse ke duma

<sup>4</sup>ka ntsha ya tlhodio ya mmaba,  
ka ntsha ya kgatelelo ya moikepti;  
gonne ba ntigela mo tatlhengong,  
ba lwa le nna ba gakets.

<sup>5</sup>Pelo ya me e hutagana  
mo teng ga me,  
dipoitshego tsa loso di nkwegte.

<sup>6</sup>Poifo le thoromo di a ntshwara,  
letshogo le nkhurumeditse.

<sup>7</sup>Mme ke ne ka re:

“E kete nka bo ke na le diphuka  
jaaka lephoi,

u) Go tewa ka letsatsi la katlholo. v) 1 Sam. 23:19; 26:1. w) Pes. 59:11.

ke ne ke tla fofa,  
ke ya go nna go sele.<sup>x</sup>

<sup>8</sup>Bonang,  
ke ne ke tla tshabela kwa kgakala,  
ke nna teng kwa sekakeng. Sela.

<sup>9</sup>Ke ne ke tla akofa  
ke batla botshabelo;  
ke tshaba phefo ya matsubutsubu,  
ke tshaba ledimo.<sup>y</sup>

<sup>10</sup>Morena, raraanya dipuo tsa bona,  
o di tlhakathakanye;  
gonne ke bona tshiamololo  
le kganetsanyo mo motseng.<sup>z</sup>

<sup>11</sup>Bosigo le motshegare ba o potologa  
ba le mo dipoteng tsa ona,  
mme mo teng ga ona  
go tletse boikepo le tapisego.

<sup>12</sup>Tshiamololo e mo go ona;  
mme patiko le tsietso ga di tluge  
mo patlelong ya ona.

<sup>13</sup>Kana ga se mmaba  
yo o ntshotlang,  
- nka bo ke itshoka -  
ga se yo o nthoileng,  
yo o inkgodisetsang,  
nka bo ke mo iphitlhela.

<sup>14</sup>Mme ke wena, motho-ka-nna,  
tsala ya ka le moikanngwi wa ka,<sup>z</sup>

<sup>15</sup>ba re neng re utlwana sentle,  
re ya kwa Ntlong ya Modimo  
le masomosomo a batho.

<sup>16</sup>A ba welwe ke loso;  
a ba fologele kwa felong ga baswi  
ba ntse ba tshela;  
gonne bosula  
bo mo maagong a bona,  
mo teng ga bona.

<sup>17</sup>Mme nna ke bitsa Modimo,  
mme MORENA o tla nthusa.

<sup>18</sup>Ke tla lela, ke fegelwa maitshiboa  
le mo mosong le motshegare,  
mme o tla utlwana lentswe la me.

<sup>19</sup>O golola mowa wa me ka kagiso  
mo tlhabanong e e ntlhasetseng;  
gonne ba ntikile ka bontsi.

<sup>20</sup>Modimo o o sa leng  
o nna bogologolo

mo sedulong sa bogosi o tla utlwana,  
o ba kokobetsa,  
ka go se na tlhabologo mo go bona,  
ba sa boife Modimo. Sela.<sup>a</sup>

<sup>21</sup>Mme o ntshedits<sup>b</sup> ba neng  
ba agisantse nae diaitala,  
a senya kgolagano ya gagwe.

<sup>22</sup>Mafoko a molomo wa gagwe  
a borethe jaaka sereledi,  
pelo ya gagwe ke ntwa;  
dipolelo tsa gagwe  
di boleta go gaisa lookwane;  
etswe e le ditshaka  
tse di somotsweng.<sup>c</sup>

<sup>23</sup>Latlhela tshwenyego ya gago  
mo MORENENG,  
mme o tla go tlamelia;  
ga a kitla a leseletsa mosiammi  
ka gope go theekela.<sup>d</sup>

<sup>24</sup>Mme Modimo,  
wena o tla ba digela mo bodibeng  
jwa tshenyego.  
Banna ba polao le tsietso  
ga ba ne ba fitlha  
fa gare ga dinyaga tsa bona.  
Mme nna ke ikanya wena.<sup>e</sup>

### *Kgomotsa ya motshabi*

**56** Loboko lwa ga Dafita lo lo  
kwaletseng moopedisi, lo lo  
opelwang ka moopelo wa: "Leeba la  
maoka a a kgakala", lo kwadilwe jale fa  
Bafelesita ba ne ba mo tshwere kwa  
Gathe.

<sup>2</sup>Modimo, intshwarele;  
gonne motho o mpeteletse;  
motlhabani o tlhola a mpitlagantse.

<sup>3</sup>Ba ba ntaletseng ba tlhola  
ba batla go mmetsa;  
gonne ba bantsi ba ba lwang le nna  
ka boikgodiso.

<sup>4</sup>Motlhlang ke boifang,  
ke tla ikanya wena.

<sup>5</sup>Ka thuso ya Modimo ke tla baka  
lefoko la ona.  
Ke ikanya Modimo ke sa boife;  
kana batho ba ka ntirang?<sup>f</sup>

x) Pes. 11:1. y) 2 Sam. 17:14. z) Pes. 41:10; 2 Sam. 15:12. a) Pes. 102:7.

b) Go tewa moikanngwi wa temana 14. c) Jer. 9:7; Pes. 57:5. d) 1 Pet. 5:7. e) Pes. 102:25.

f) Pes. 27:1; 118:6; Jes. 12:2; 51:12; Baheb. 13:6.

<sup>6</sup>Ba tihola ba sokamisa mafoko a me;  
megopoloo yotha ya bona e lebile  
go ntirela bosula.

<sup>7</sup>Ba ikgobokanya, ba a lalela,  
ba etse direthe tsa me tlhoko,  
fela jaaka ba ba laletseng botshelo  
jwa me.

<sup>8</sup>A ba ka falola e le baikepi?  
Modimo, diga merafe ka bogale.<sup>g</sup>

<sup>9</sup>Dikgarakgatshego tsa me  
o di badile,  
le dikeledi tsa me o di tsentse  
mo modutwaneng wa gago;  
kana di mo lokwalong lwa gago.

<sup>10</sup>Foo baba ba me ba tla boela  
kwa morago,  
motlhlang ke tla bitsang.

Se ke se itseng ke go re,  
Modimo o mo ntheng ya me.

<sup>11</sup>Ke rata go boka lefoko la Modimo;  
ke rata go tumisa lefoko la  
MORENA.

<sup>12</sup>Ke ikanya Modimo ke sa boife.  
Kana motho a ka ntirang?

<sup>13</sup>Modimo, ke go ikanetse maikano;  
ke tla a go dirafaletsa  
ka ditlhabelo tsa tebogo.

<sup>14</sup>Gonne o golotse bophelo jwa me  
mo losong  
le dinao tsa me mo go kgotsweng  
gore ke tsamaye fa pele ga Modimo  
mo leseding la bophelo.<sup>h</sup>

*Pelo ya me e a itapolosa*

**57** Loboko lwa ga Dafita lo lo  
kwaletsweng moopedisi lo lo  
opelwang ka moopelo wa: “O se ka  
wa senya”, jale fa a tshaba Saule,  
a tshabela kwa logageng.<sup>i</sup>

<sup>2</sup>Nkutlweli botlhoko, Modimo,  
o nkutlweli botlhoko;  
gonne mowa wa me o batlile  
botshabelo mo go wena;  
ke tla batla botshabelo mo moriting  
wa diphuka tsa gago,  
go ya madimabe a be a fete.<sup>j</sup>

<sup>3</sup>Ke bitsa Modimo,  
Mogodimodimo,

Modimo o o nkhutlisetsang dilo  
tsotthe.

<sup>4</sup>O tla roma o le kwa legodimong,  
o mpholosa,  
fa yo o mpeteletseng a ntshotla.  
Sela.

Modimo o tla roma  
bopelotlhormogi jwa ona  
le boammaaruri jwa ona.

<sup>5</sup>Ke na le go lala mo gare ga ditau,  
e bong batho ba ba tukang bogale,  
ba meno a bona e leng marumo  
le metsu,  
ba diteme tsa bona e leng ditshaka  
tse di bogale.

<sup>6</sup>Modimo, itsholeletse godimo ga  
magodimo;  
a kgalalelo ya gago e okame  
lefatshe lotlhe.

<sup>7</sup>Ba thaisitse dikgato tsa me ka letloa,  
ba obile mowa wa me;  
ba epile lemena fa pele ga me,  
ba wetse mo go lone. Sela.<sup>k</sup>

<sup>8</sup>Pelo ya me e gomotsegile,  
Modimo,  
pelo ya me e gomotsegile.  
Ke tla opela, ke lets.

<sup>9</sup>Thanya, tlollo ya me!  
Tsogang, harepa le kitara!  
Ke rata go tsosa mahube a moso.

<sup>10</sup>Ke tla go baka mo merafeng,<sup>l</sup>  
Morena, ke go opelela  
mo ditshabeng.

<sup>11</sup>Gonne bopelontle jwa gago  
bo bogolo,  
bo fitlha kwa magodimong,  
le boammaaruri jwa gago  
bo fitlha kwa marung.”<sup>m</sup>

<sup>12</sup>Modimo, itsholeletse  
godimo ga magodimo,  
a kgalalelo ya gago  
e okame lefatshe lotlhe.

*Go busolosa baatlhodi ba ba sa  
siamang*

**58** Loboko lwa ga Dafita lo lo  
kwaletsweng moopedisi, lo lo  
opelwang ka moopelo wa:

g) Pes. 55:24; 109:20. h) Pes. 116:8; Jobe 33:30. i) 1 Sam. 22:1. j) Pes. 91:1.2.  
k) Pes. 7:16. l) Pes. 16:9. m) Pes. 36:6.

"O se ka wa senya".

<sup>2</sup>Lona beng ba thata,  
a ka nnete lo bua tsa tshiamo?  
A lo sekisa bana ba batho  
ka tlharmalalo?"

<sup>3</sup>Nnyaya, lo akantse tshiamololo  
mo dipelong;  
lo lekanyetsa batho bokgopo  
jwa diatla tsa lona mo lefatsheng.

<sup>4</sup>Baikeli ba sa le ba tenega  
go tswa botsalang;  
ba ba buang maaka ba ntse  
ba timetse go tswa botsalang.

<sup>5</sup>Ba na le bothhole jo bo tshwanang  
le bothhole jwa noga;  
ba tshwana le lebolobolo  
le le bosusu,

le le thibetseng ditsebe,  
<sup>6</sup>le le sa reetseng mantswa a baloi,  
le fa e le lenswe la moupi  
yo o rutilweng tsa go upa.<sup>o</sup>

<sup>7</sup>Modimo, roba meno a bona  
mo melomong ya bona;  
MORENA, kgola meno a ditawana.

<sup>8</sup>A ba nyelele jaaka  
metsi a a elang,  
a ya;

fa a hula metsu ya gagwe,  
a e nne jaaka e e titinegileng.

<sup>9</sup>A ba tshwane le kgopa  
e e gakologang e ntse e gagaba;  
ba tshwane le sefolotsana  
se se se kang sa bona letsatsi.

<sup>10</sup>E tla re dipitsa tsa lona di ise di  
utlwe molelo wa  
setlhare sa mitlwa,  
ledimo le se gogole,  
se sa le setala gongwe  
se setse se tuka.

<sup>11</sup>Mosiami o tla itumela,  
fa a bona pusoloso;  
o tla tlhapa dinao  
mo mading a baikepi.

<sup>12</sup>Ke gona batho ba tla reng:  
"Ruri, mosiami o bona tuelo;  
ruri, Modimo o teng  
o o atlholang batho  
mo lefatsheng."<sup>p</sup>

*Thuso mo dinokwaneng  
tse di ikgantshang*

**59** Loboko lwa ga Dafita lo lo  
kwaletsweng moopedisi, lo lo  
opelwang ka moopelo wa: "O se ka wa  
senya", lo kwadilwe jale fa Saule a  
roma go lalela fa ntlong go bolaya  
Dafita.<sup>q</sup>

<sup>2</sup>Modimo wa me,  
nnamolele mo babeng ba me,  
o ntshireletse  
mo go ba ba ntsogelang.

<sup>3</sup>Nnamolele  
mo go ba ba dirang bosula,  
o nthuse mo banneng  
ba ba tshololang madi.

<sup>4</sup>Gonne bona,  
ba laletse botshelo jwa me,  
diganka di a ntlhasela,  
ke se kgopo,  
ke sa leofa, MORENA.

<sup>5</sup>Ba a taboga, ba a ipaakanya,  
ke se na molato ope.  
Tsoga go nkagatlhantsha,  
o bone.<sup>r</sup>

<sup>6</sup>Ee, MORENA,  
Modimo wa masomosomo,  
wena Modimo wa Iseraele,  
thanya o betse baheitane bothhe,  
mme o se ka wa itshwarela ope  
wa baikepi ba boikanyologo. Sela.

<sup>7</sup>Ba nne ba boe maitsiboa,  
ba lele jaaka dintšwa,  
ba dikologe mo motseng.<sup>s</sup>

<sup>8</sup>Bona, ba nyefola ka melomo;  
ditšaka di mo melomong ya bona;  
gonne ba re:

"Ke mang yo o utlwang?"<sup>t</sup>

<sup>9</sup>Mme wena, MORENA,  
o a ba tshega,  
o sotla baheitane bothhe.<sup>u</sup>

<sup>10</sup>Wena thata ya ka,  
ke tla go ela tlhoko;  
gonne wena Modimo  
o phemelo ya ka.

<sup>11</sup>Modimo wa me o tla nkagatlhantsha  
ka bopelotlhormogi jwa ona;

n) Pes. 82. o) Moreri 10:11. p) Pes. 7:9. q) 1 Sam. 19:11. r) Pes. 44:24. s) Pes. 59:15.

t) Pes. 2:4.

Modimo o tla ntebisa  
babá ba me ka boitumelo.<sup>w</sup>

<sup>12</sup>O se ka wa ba bolaela ruri,  
gore batho .a me  
ba tle ba se .a ba lebala.  
Ba kgarakgatshe ka thata ya gago,  
o ba dige, wena Morena,  
thebe ya rona.

<sup>13</sup>Boleo jwa bona  
ke lefoko la melomo ya bona.  
A ba tshwarwe

mo boikgantshong jwa bona,  
le ka ntliha ya dithogakano  
le dikako tse ba di buang.

<sup>14</sup>Ba nyeletse ka kgakalo,  
ba nyeletse gore ba se ka ba tlholo  
ba le yo,  
mme ba lemoge gore Modimo  
o busa mo go Jakobe  
go ya kwa dikhutlong tsa lefatshe.  
Sela.

<sup>15</sup>Ba nne ba boe maitsiboa,  
ba lele jaaka dintšwa,  
ba dikologe mo motseng.<sup>v</sup>

<sup>16</sup>Ba kgarakgatshegela dijo;  
fa ba sa kgore, ba a ngongorega.

<sup>17</sup>Mme nna ke tla opela  
ka ga thata ya gago,  
ke tla dudueletsa  
bopelotlhomogi jwa gago  
mo mosong mongwe le mongwe;  
gonne o ne o le phemelo ya me  
le botshabelo jwa me  
ka letsatsi la tlalelo.

<sup>18</sup>Wena thata ya me,  
ke tla go opelela;  
gonne wena Modimo  
o phemelo ya me,  
Modimo o o bopelotlhomogi wa me.

*Thapelo ya ga Dafita,  
a sena go feningwa*

**60** Loboko lwa ga Dafita lwa go  
ruta lo lo kwaletsweng  
moopedisi, lo lo opelwang ka  
moopelo wa: "Ledutla la tshupo".  
<sup>2</sup>Lo kwadilwe jale fa a tlhabana le  
Basiria ba Mesopotamia le Basiria ba

Soba, fa Joabe a boa, a fenza  
Baetomo ba le 12 000 mo  
mokgatsheng wa letsmai.<sup>w</sup>

<sup>3</sup>Modimo, o re latlhile,  
o re faladitse;  
o ne o gakerse, re agise gape.

<sup>4</sup>O roromisitse lefatshe,  
wa le fatoganya.

Fodisa thubego ya lone,  
gonne le a theekela.

<sup>5</sup>O bontshitse batho ba gago  
dilo tse di thata,  
wa re nosa weine e e theekedisang.<sup>x</sup>

<sup>6</sup>Ba ba go boifang o ba neile sefoka  
gore ba falole mo boreng. Sela.<sup>y</sup>

<sup>7</sup>Thusa ka letsogo le le jang la gago,  
o re utlwé,

gore baratiwa ba gago ba gololege.  
<sup>8</sup>Modimo o buile mo Felong-ga-

Boitshepo ga ona wa re:

"Ke tla ipela,  
ke tla kgaoganya Šegeme,  
ke lekanya mokgatsha wa Sukothé.

<sup>9</sup>Gileate ke wa me  
le Manase ke wa me;  
Eferaime ke phemelo  
ya tlhogo ya me,

Juta ke thobane ya me ya bogosi.<sup>z</sup>

<sup>10</sup>Moabe ke mogopo wa me  
wa go thapela.

Setlhako sa me

ke se latlhela mo go Etomo;  
ntidueletsa, wena Felesitia."<sup>a</sup>

<sup>11</sup>Ke mang yo o tla nkisang  
kwa motseng o o thata?  
Ke mang yo o tla nkogelang  
kwa Etomo?

<sup>12</sup>A ga se wena, Modimo,  
o o re latlhileng?  
Ee, Modimo, ga o bolole  
le mephato ya rona.

<sup>13</sup>Re direle thuso ya go phologa  
mo mmabeng;  
gonne thuso ya batho  
ga se ya sepe.

<sup>14</sup>Ka Modimo re tla dira  
ditiro tsa bonatla,  
mme ona o tla gataka baba ba rona.

<sup>w</sup>) Pes. 54:9. <sup>v</sup>) Pes. 59:7. <sup>w</sup>) 2 Sam. 8:3,13; 10:13,18. <sup>x</sup>) Jes. 51:17-22. <sup>y</sup>) Pes. 20:6.  
<sup>z</sup>) Gen. 49:10.

*Kgosi e a tshaba*

- 61** Pesalome ya ga Dafita e e  
kwaletsweng moopedisi, e e  
opedisiwang ka kwadi ya dithapo.  
<sup>2</sup>Modimo, utlwa mekokotlelo ya me,  
o ele thapelo ya me tlhoko.  
<sup>3</sup>E a re fa pelo ya me e feletswe,  
ke goele kwa go wena  
ke le kwa bokhutlong jwa lefatshe;  
nkgogele kwa godimo ga lefika  
le legolo la pholoso,  
nna ke a palelwa.  
<sup>4</sup>Gonne o diregile botshabelo  
jwa me,  
le torio e e thata ya phemelo  
kgatlanong le mmaba.<sup>a</sup>  
<sup>5</sup>Ke rata go nna ka gale  
mo tenteng ya gago  
le go tshabela mo phemelong  
ya diphuka tsa gago. Sela.<sup>b</sup>  
<sup>6</sup>Gonne wena; Modimo,  
o utlwile maikano a me;  
ba ba boifang leina la gago  
o ba neile boswa.  
<sup>7</sup>A ko o oketse malatsi a kgosi  
ka malatsi;  
a dinyaga tsa yona di nne  
go ya tshikatshikeng.<sup>c</sup>  
<sup>8</sup>A e nne mo sedulong sa bogosi  
fa pele ga Modimo  
ka bosakhutleng.  
Dira gore bopelothhomogi  
le boammaaruri di e sireletse.<sup>d</sup>  
<sup>9</sup>Foo ke tla opelela leina la gago  
ka gosafeleng,  
ke dirafatsa maikano a me  
ka letsatsi lengwe le lengwe.

*Boikhutso mo Modimong*

- 62** Pesalome ya ga Dafita  
e e kwaletsweng moopedisi,  
e e opelwang ka moopelo  
wa ga Jeduthune.<sup>e</sup>  
<sup>2</sup>Mowa wa me o didimalelse  
Modimo fela;  
thuso ya me e tswa mo go ona.<sup>f</sup>  
<sup>3</sup>Ke ona fela lefika la me

- le thuso ya me  
le kago ya me ya phemelo;  
ga nkitala ke tshikinyega thata.  
<sup>4</sup>Lo tla kgwelogela motho  
goleele go le kae,  
lo rata go mmolaya lotlhé,  
etswe a tshwana le lobota  
lo lo sekameng  
le lorako lo lo batlileng go wa?  
<sup>5</sup>Ba akantse fela go mo diga  
mo bogolong jwa gagwe;  
ba natefelwa ke maaka;  
ka molomo ba a tshegofatsa,  
mme mo teng ga bona  
gona ba hutsa. Sela.  
<sup>6</sup>Didimalela Modimo fela,  
mowa wa me;  
gonne se ke se lebeletseng  
se tswa mo go ona.  
<sup>7</sup>Kana ke ona lefika la me  
le thuso ya me;  
ke kago ya me ya phemelo,  
ga nkitala ke tshikinyega.<sup>g</sup>  
<sup>8</sup>Pholoso ya me e mo Modimong  
le tlolto ya me;  
lefika le ie thata la me  
le mo Modimong,  
le botshabelo jwa me.<sup>h</sup>  
<sup>9</sup>Ikanyeng ona ka gale, lona batho!  
Tshololang dipelo tsa lona  
fa pele ga ona!  
Modimo ke botshabelo jwa rona.  
Sela.  
<sup>10</sup>Ruri, ba babotlana ke ba lefelafela,  
ba bagolo ke baaki;  
mo selekanyong ba a tsholetsegá,  
borlhe mmogo ba bothho bogolo  
go pudulo e le nngwe fela ya mowa.  
<sup>11</sup>Lo se ka lwa ikanya patiko;  
lo se ka lwa solofelela lefela  
mo thopong.  
Fa khumo e ata, lo se ka  
lwa e kgomarela ka dipelo.<sup>i</sup>  
<sup>12</sup>Modimo o buile gangwe,  
nna ke utlwile gabedi  
gore thata ke ya Modimo.  
<sup>13</sup>Le bopelothhomogi ke jwa gago,  
Morena;

a) Pes. 18:2,3; 71:3. b) Pes. 63:3. c) Pes. 21:5. d) 2 Sam. 7:16. e) Pes. 39:1. f) Jes. 30:15.

g) Pes. 18:2,3. h) Pes. 61:4. i) Math. 19:22; Luka 12:19,20; 1 Tim. 6:17.

gonne o duela mongwe le mongwe  
ka fa tirong ya gagwe.<sup>j</sup>

*Dafita o tlhologetsws Modimo*

**63** Pesalome ya ga Dafita,  
a le mo sekakeng sa Juta.<sup>k</sup>

<sup>2</sup>Modimo, o Modimo wa me,  
ke batla wena;  
mowa wa me o go nyoretswe,  
nama ya me e go tlhologetsws  
mo lefatsheng la komelelo,  
le le nyorilweng,  
le le se nang metsi.<sup>l</sup>

<sup>3</sup>Ke ne ke go lebile  
kwa Felong-ga-Boitshepo  
ka maikutlo a a ntseng jalo,  
go bona thata ya gago  
le kgalalelo ya gago.

<sup>4</sup>Gonne bopelotlhomogi jwa gago  
bo molomo go gaisa bophelo.  
Molomo wa me o tla go baka.

<sup>5</sup>Ke tla go tumisa jalo  
mo botshelong jothe jwa me,  
ke tsholetsa mabogo  
moleineng la gago.

<sup>6</sup>Mowa wa me o tla kgora  
jaaka ka moko le mafura;  
molomo wa me o tla baka  
ka go duduetsa,

<sup>7</sup>fa ke go gopola  
mo bolaong jwa me;  
ke akanya ka ga gago  
ka dinako tsa tebelelo ya bosigo.

<sup>8</sup>Gonne o ne o le thuso ya me;  
ke tla duduetsa

mo moriting wa diphuka tsa gago.

<sup>9</sup>Mowa wa me o go setse morago,  
o go kgomaretse;  
letsogo le le jang la gago  
le ntshegeditse.

<sup>10</sup>Mme bona ba ba ratang  
go nkisa tshenyegong  
ke bona ba ba tla fitlhang  
mo mafelong  
a a kwa tlase ga lefatshe.

<sup>11</sup>Ba tla neelwa mo thateng  
ya tshaka;  
ba tla nna seabe sa diphokojwe.

<sup>12</sup>Mme kgosi e tla itumela  
mo Modimong.

Mongwe le mongwe yo o ikanang  
ka ona o tla belafala;  
gonne melomo ya ba ba buang  
maaka e tla thijwa.

*Petsyo ya baba ba mosiami*

**64** Pesalome ya ga Dafita  
e e kwaletsweng moopedisi.

<sup>2</sup>Modimo, utlwa lenses la me,  
fa ke lela;  
boloka bophelo jwa me,  
fa ke tshosiwa ke mmaba.

<sup>3</sup>Mphitlhhe ke fitlhegele maikaelelo  
a basulatsi le pherethlhego  
ya badira-tshiamololo;

<sup>4</sup>ba ba looditseng diteme tsa bona  
jaaka ditshaka  
ba supile ka metsu ya bona,  
e bong mafoko a a galakang,<sup>m</sup>

<sup>5</sup>go hula mosiarni ba mo laetse,

ba mo hula ka tshoganyetso,

ba sa boife.<sup>n</sup>

<sup>6</sup>Ba ikaelsete go dirafatsa maano  
a a bosula,  
ba bolela go thaisa ka mitlwane  
e e subilweng ba re:

“Go tla bona mang?”<sup>o</sup>

<sup>7</sup>Ba akanya boikepo ba re:

“Re sweditse,

re logile maano a mantle.”

Mogopoloo wa motho o botengteng,

le pelo ke lengope.

<sup>8</sup>Mme Modimo o tla ba hula  
ka motsu;

dipetsa tsa bona di tla tla

ka tshoganyetso.

<sup>9</sup>Ba tla digwa ke diteme tsa bona;  
bothle ba ba ba lebileng

ba thukhutha ditlhogo.<sup>p</sup>

<sup>10</sup>Mme batho bottle ba tla boifa,  
ba bolela tiro ya Modimo,

ba tlhokornela se o se dirang.

<sup>11</sup>Mosiami o tla itumela  
mo MORENENG,

a batla botshabelo fa go ena;

mme bottle ba ba dipelo

j) Baroma 2:6-11. k) 1 Sam. 22:5. l) Pes. 42:3; 143:6. m) Pes. 57:5. n) Pes. 11:2.  
o) Pes. 94:7. p) Pes. 7:16.

di tlhamaletseng  
ba tla itumisa ka MORENA.

*Sefela sa go baka molemo wa Modimo*

**65** Pesalome ya ga Dafita, sefela  
se se kwaletseng moopedisi.

<sup>2</sup>Modimo, o tshwanetswe ke sefela  
sa pako mo Sione,  
maikano o tla a direlwa.

<sup>3</sup>Wena yo o utlwang thapelo,  
batho botlhe ba tla tla go wena.

<sup>4</sup>Dilo tse di molato di mpaletse.  
Ditlolo tsa rona  
wena o tla di ruanya.

<sup>5</sup>Go sego ena yo ò mo itlhaoelang,  
ò mo ikatametsa,  
gore a age mo malapeng a gago.  
Re tla kgora molemo  
wa Ntlo ya gago,  
le boitshepo jwa Tempele ya gago.<sup>4</sup>

<sup>6</sup>O re araba ka tshiamo  
ka dilo tse di boitshegang,  
wena Modimo wa pholoso ya rona  
o o ikanngwang  
ke dikhutlo tsotlhe tsa lefatshe  
le dintshi tse di kgakala.

<sup>7</sup>O thatafatsa dithaba  
ka thata ya gago,  
o itlamile ka nonofo.

<sup>8</sup>O didimatsa kgwaso ya mawatle,  
kgwaso ya makhubu a ona,  
le khuduo ya merafe,<sup>r</sup>  
<sup>9</sup>gore ba ba agileng kwa dikhutlong  
tsa lefatshe  
ba boife ditshupo tsa gago;  
mafatshe a botlhahabatsatsi  
le bophirimatsatsi  
o a tlatsa tduetso.

<sup>10</sup>O lekotse lefatshe, wa le fa letlotlo,  
o le humisa thata;  
noka ya Modimo e tletse metsi.  
O ba baakanyetsa mabele;  
gonne o e baakanya jalo.<sup>s</sup>

<sup>11</sup>O nosa ditemo tsa lone,  
o thuba makwete a lone,  
o le kolobisa ka medupe,  
o tshegofatsa go tlhoga ga dijwalo  
tsa lone.<sup>t</sup>

<sup>12</sup>O rwesa ngwaga  
ka molemo wa gago,  
ditselana tsa gago  
di rotha monono.

<sup>13</sup>Mafulo a naga a a tshutshuma;  
dithota di itlamile ka tduetso.

<sup>14</sup>Mafulo a apesitswe ka matsomane;  
mekgatsha e khurumedswe  
ka mabele;  
di duduetsa tsotlhe, di a opela.

*Sefela sa pako morago ga dipogiso*

**66** Sefela sa pako se se kwaletseng  
moopedisi.

Didueletsang Modimo,  
lona ba lefatshe lotlhe.

<sup>2</sup>Opelelang kgalalelo ya leina la ona;  
galaletsang pako ya ona.

<sup>3</sup>Rayang Modimo lo re:  
“Ditiro tsa gago  
di tlottometse jang ne!  
Baba ba gago ba tla go tlakisa  
ka ntla ya bogolo  
jwa thata ya gago.

<sup>4</sup>A ba lefatshe lotlhe  
ba go obamele, ba go opelele,  
ba opelele leina la gago pako.”  
Sela.

<sup>5</sup>Tlayang, lo lebe ditiro tsa Modimo;  
o boitshega ka ditiro  
mo baneng ba batho.

<sup>6</sup>O fetotse lewatle komelelo;  
ba kgabagantse noka ka dinao;  
foo ra o itumelela.<sup>u</sup>

<sup>7</sup>O busa ka gale ka thata ya ona;  
matlho a ona a lebile merafe;  
baganetsi ga ba na go o tsogela.  
Sela.

<sup>8</sup>Galaletsang Modimo wa rona,  
lona merafe!

Lo utlwatse lentswe le le o bakang;

<sup>9</sup>o o nayang mewa ya rona bophelo,  
o sa leseletse dinao tsa rona  
go theekela;

<sup>10</sup>gonne wena, Modimo, o re lekile,  
wa re itshekisa,  
jaaka go itshekisiwa selefera.<sup>v</sup>

<sup>11</sup>O re tsentse mo letloeng,

q) Pes. 84. r) Pes. 89:10. s) Pes. 46:5. t) Pes. 104:13-16. u) Ekes. 14:21; Još. 3:17.  
v) Diane 17:3.

wa baya morwalo o o imelang  
mo dinokeng tsa rona.  
<sup>12</sup>Wa lesa bapalami  
ba re gata ditlhogo;  
ra tsena mo molelong  
le mo metsing;  
mme o re ntshedits  
kwa go leng letlotlo.<sup>w</sup>  
<sup>13</sup>Ke tla tsena mo Ntlong ya gago  
ka ditlhabelo tsa phiso;  
ke tla go dirafaletsa maikano a me  
<sup>14</sup>a loleme lwa me lo a boletseng,  
a molomo wa me o a buileng,  
ke le mo tlalelong.  
<sup>15</sup>Ke tla go tsisetla ditlhabelo tsa  
phiso tsa dinku tse di nonneng,  
di na le musi wa ditlhabelo  
tsa diphelehu;  
ke tla go direla ka dikgomo  
le diphoko. Sela.  
<sup>16</sup>Tlayang, lo reetse,  
lona lotlhe ba lo boifang Modimo;  
ke tla bolela se o se diretseng  
mowa wa me.  
<sup>17</sup>Ke goetse kwa go ona ka molomo;  
pako e mo lolemeng lwa me.  
<sup>18</sup>Fa nka bo ke akantse boikepo  
ka pelo ya me,<sup>x</sup>  
MORENA a ka bo a sa utlwa.  
<sup>19</sup>Mme ruri,  
Modimo o nkutlwile,  
wa tlhokomela lenswe  
la thapelo ya me.  
<sup>20</sup>A go bakwe Modimo  
o o se kang wa latlha  
thapelo ya me,  
le e seng go ntima  
bopelotlhomogi jwa ona.

Sefela sa go lebogela thobo

**67** Sefela sa pesalome  
se se kwaletsweng moopedisi,  
se opedisiwa ka kwadi ya dithapo.  
<sup>2</sup>A Modimo o nne boitshwarelo  
le rona,  
o re tshegofatse;  
a o re phatsimisetse sefatlhego  
sa ona, Sela.<sup>y</sup>

w) Jes. 43:2. x) Diane 28:9; Joh. 9:31. y) Num. 6:24,25. z) Pes. 117:1. a) Pes. 65:10.  
b) Pes. 33:8. c) Num. 10:35. d) Jes. 57:14. e) Pes. 10:14.

<sup>3</sup>gore tsela ya gago e lemogiwe  
mo lefatsheng,  
le pholoso ya gago  
mo ditshabeng tsotlhe.  
<sup>4</sup>Merafe e tla go baka, Modimo,  
ditshaba tsotlhe di tla go baka.<sup>z</sup>  
<sup>5</sup>Merafe e tla itumela, e ipela,  
ka gonne o atihola ditshaba  
ka tshiamo,  
o goga merafe mo lefatsheng. Sela.  
<sup>6</sup>Merafe e tla go leboga, Modimo,  
ditshaba tsotlhe di tla go leboga.  
<sup>7</sup>Lefatshe le ntshitse thobo ya lone.  
Modimo, e bong Modimo wa rona,  
o tla re tshegofatza.<sup>a</sup>  
<sup>8</sup>Modimo o tla re tshegofatza,  
mme dikhutlo tsotlhe tsa lefatshe  
di tla o boifa.<sup>b</sup>

*Go fanya ga Modimo wa ga Israele*

**68** Sefela sa pesalome sa ga Dafita  
se se kwaletsweng moopedisi.  
<sup>2</sup>Fa Modimo o nanoga,  
baba ba ona ba phatlalala;  
ba ba o tlhoileng ba tshaba  
fa pele ga ona.<sup>c</sup>  
<sup>3</sup>O ba nyeletsa jaaka musi o nyelela;  
baikepi ba latlhega  
fa pele ga Modimo  
jaaka mmotu o gakologa  
mo molelong.  
<sup>4</sup>Mme basiami ba itumele,  
ba duduetsa fa pele ga Modimo,  
ba itumele ka boipelo.  
<sup>5</sup>Opelelang Modimo,  
opelelang leina la ona pako!  
Ona o o ralalang dipoa  
tsa bogareganaga,  
o baakanyetseng tsela!  
Itumeleng mo MORENENG,  
lo duduetsa fa pele ga gagwe.<sup>d</sup>  
<sup>6</sup>Modimo ke rra-dikhutsana,  
le moatlholedi wa batlhologadi  
mo boagong jo bo boitshepo  
jwa ona.<sup>e</sup>  
<sup>7</sup>Modimo o direla bannanosi legae;  
o golola bagolegwii,  
o ba gogele lesegong;

- mme baganetsi bona  
ba agile mo lefatsheng la komelelo.  
<sup>8</sup>Modimo, e rile o bolola  
fa pele ga batho ba gago,  
ya re o tsamaya mo sekakeng, Sela/  
<sup>9</sup>lefatshe la roroma,  
magodimo le ona  
a rotha fa pele ga sefatlhego  
sa Modimo;  
Sinai a reketla fa pele ga sefatlhego  
sa Modimo,  
Modimo wa Baiseraele.<sup>g</sup>
- <sup>10</sup>Modimo,  
o nesitse pula ya medupe,  
wa lapolosa naga ya boswa  
jwa gago e e swabileng.
- <sup>11</sup>Lesomo la gago le ne la aga  
mo go yona;  
o ne wa e baakanyetsa babogisegi  
ka molemo wa gago, Modimo.
- <sup>12</sup>MORENA o utlwatsa lefoko;  
basadi ba ba tlhabang mokgosi  
wa phenyo  
ke lesomo le legolo.<sup>h</sup>
- <sup>13</sup>Dikgosi tsa masomosomo  
di a tshaba, di a tshaba;  
mme mosadi yo o setseng mo gae  
o aba thopo.
- <sup>14</sup>Fa lo robala kwa merakeng,  
ga lo bone thopo e e phatsimang  
jaaka diphuka tsa lephoi  
tse di manegilweng selefera  
le diphofa tsa lone  
tse di manegilweng gouta  
e tshetlha.<sup>i</sup>
- <sup>15</sup>E rile Mong wa thata yotlhe  
a falatsa dikgosi teng,  
semathana sa na mo dithabeng  
tsa Salemone.
- <sup>16</sup>Thaba ya Basane  
ke thaba ya Modimo;  
thaba ya Basane  
ke thaba e e ditilhoa.
- <sup>17</sup>Lona dithaba tse di dithhoa,  
lo lebetseng ka lefufa kwa thabeng  
e Modimo o e itlhaoletseng  
go nna boago jwa ona?
- Ee, MORENA o tla aga teng  
ka bosakhutleng.<sup>j</sup>
- <sup>18</sup>Dikoloi tsa Modimo  
di dikete tse di masome,  
ke dikete tse di dikete;  
Morena yo o neng a na nabo  
kwa Sinai  
kajeno o mo Felong-ga-Boitshepo.<sup>k</sup>
- <sup>19</sup>O tlhatlogetse kwa godimo,  
wa thopha batshwarwi,  
wa amogela dineo mo bathong –  
ee, le mo baganetsing –  
go nna kgosi  
o le MORENA, Modimo.<sup>l</sup>
- <sup>20</sup>A go bakwe Morena  
yo o re belegang  
ka letsatsi le letsatsi.  
Modimo ke pholoso ya rona. Sela.<sup>m</sup>
- <sup>21</sup>Modimo ke Modimo wa dithuso  
mo go rona;  
Modimo Morena  
o itse go re falodisa mo losong.
- <sup>22</sup>Ruri, Modimo o tla tshwetlaka  
dithhogo tsa baba ba ona,  
e bong logata lo lo moriti  
lwa yo o ntseng a iphelela  
mo molatong wa gagwe.
- <sup>23</sup>MORENA o rile:  
“Ke tla ba busa kwa Basane,  
ke tla ba busa  
mo bodibeng jwa lewatle,
- <sup>24</sup>gore o phatshé ka lonao  
mo mading;  
diteme tsa dintšwa tsa gago di nnc  
le seabe sa tsona mo babeng.”<sup>n</sup>
- <sup>25</sup>Ba bona tsamao ya  
masomo a gago,  
Modimo, tsamao ya masomo  
a Modimo wa me,  
a kgosi ya me,  
a tsena mo Felong-ga-Boitshepo.<sup>o</sup>
- <sup>26</sup>Baopedi ba etelela pele,  
ba latelwa ke baletsi ba dikwadi  
tsa dithapo,  
ba tsentswe gare ke makgarebe  
a a letsang meropa.<sup>p</sup>
- <sup>27</sup>“Bakang Modimo, MORENA,

f) Ekes. 13:21; Baatlh. 5:4,5. g) Ekes. 19:16-18. h) Jes. 52:7. i) Baatlh. 5:16. j) Pes. 132:13.

k) 2 Dikg. 6:17; Dan. 7:10. l) Baef. 4:8-10. m) 1 Bakor. 10:13. n) 2 Sam. 6:13,14; Pes. 24:7.

o) Ekes. 15:20.

- mo diphuthegong,  
lona ba motswedi wa Israele!<sup>p</sup>
- <sup>28</sup>Go teng Benyamene yo mmotlana  
yo o ba busang,  
dikgosana tsa Juta ka lesomo,  
dikgosana tsa Sebulone,  
dikgosana tsa Nafetale.
- <sup>29</sup>Modimo, laela thata ya gago,  
o itshupe o le thata,  
wena Modimo o o re diretseng,  
<sup>30</sup>o le kwa Tempeleng ya gago  
o okamets'e Jerusalema.  
Dikgosi di tla go tlisetsa dineo.<sup>q</sup>
- <sup>31</sup>Kgalemela sephedi sa mothaka –  
mothape wa dipoo  
mmogo le merafe ya se-ka-morôle  
– ba ba ineelang ka dikgolokwe  
tsa selefera.  
Falatsa merafe  
e e natefelwang ke ntwa.
- <sup>32</sup>Dikgosana di tla tswa kwa Egepeto;  
lefatshe la Khuše le tla akofa  
le ntshetsa Modimo  
mabogo a lone.<sup>r</sup>
- <sup>33</sup>Lona magosi a lefatshe,  
opelelang Modimo;  
opelelang Morena pako; Sela,  
<sup>34</sup>ona o o ralalang magodimo  
a a godimodimo a bogologolo tala;  
utlwang, o utlwatsa lenseswe la ona,  
lenseswe le legolo.
- <sup>35</sup>Neelang Modimo thata,  
borena jwa ona bo okame Israele  
le thata ya ona e mo marung.<sup>s</sup>
- <sup>36</sup>Modimo o boitshega  
go tswa mafelong a ona  
a a boitshepo.  
Modimo wa Israele  
ke ona o o nayang morafe  
thata le nonofo.  
A Modimo o bakwe.<sup>t</sup>

*Mmogisiwa*

**69** Pesalome ya ga Dafita e e  
kwaletsweng moopedisi,  
e e opelwang ka moopelo wa:  
“Madutla”.<sup>u</sup>

- <sup>2</sup>Modimo, nthuse!  
Gonne metsi a gaufi le go mpeta.  
Ke rôrômets'e mo lerageng  
le le botengteng,  
kwa go se nang boemo teng;  
ke wetse mo madibeng a metsi,  
morpwalela o nkhirumeditse.  
<sup>4</sup>Ke lapisitswe ke go lela ga me,  
ke sule lenseswe;  
matlho a me a a fela ke ntse  
ke lebelets'e Modimo wa me.  
<sup>5</sup>Ba ba ntlhoileng, go se na molato,  
ba bantsi go feta dithiri  
tsa tlhogo ya me.  
Ba ba ratang go ntshenya,  
ba e leng baba ba me  
kwa ntle ga lebaka ba thata,  
ba re, ke tshwanetse go busa  
se ke sa se gapang.<sup>v</sup>
- <sup>6</sup>Modimo, wena o its'e  
bosilo jwa me,  
le melato ya me ga o a e subelwa.  
<sup>7</sup>A bona ba ba go lebeletseng  
ba se tlhajwe ke ditlhong ka nna,  
Morena,  
Modimo wa masomosomo.  
A bona ba ba go batlang  
ba se swabe ka nna,  
Modimo wa Israele.
- <sup>8</sup>Gonne ke ka ntlha ya gago  
ke rweleleng nyatsego,  
ditlhong di bipile  
sefatlhego sa me.<sup>w</sup>
- <sup>9</sup>Bomorwa-rre  
ke ba fetogets'e moeng,  
ke yo o sa itsiweng  
mo baneng ba ga mme.<sup>x</sup>
- <sup>10</sup>Gonne go tlhoadalela Ntlo ya gago  
go njele,  
le dikgobo tsa bona  
ba ba go kgobang di nkwtse.<sup>y</sup>
- <sup>11</sup>Ke ne ka ikutlwisa botlhoko  
ka go itima dijo,  
mme ga mphetogela ditlhong.
- <sup>12</sup>Ka ikapesa kgetse ya bohutsana,  
mme ka tswa seane sa tshotlo  
mo go bona.

p) Jes. 48:1. q) Pes. 72:10,15. r) Jes. 19:21; Pes. 87:4. s) Pes. 29:1. t) Pes. 29:11.  
u) Pes. 45:1. v) Pes. 35:19; Joh. 15:25. w) Pes. 44:32. x) Pes. 38:12; Jobe 19:13.  
y) Joh. 2:17; Baroma 15:3.

<sup>13</sup>Ba ba ntseng mo kgotleng  
ba bua ka ga me,  
le ba ba nwang bojalwa  
ba nkopela difela.<sup>a</sup>

<sup>14</sup>Mme nna, thapelo ya me  
ke e lebisitse wena, MORENA,  
ka nako e e go kgatlhang.  
Modimo, nkutlwel ka fa bogolong  
jwa bopelothomogi jwa gago  
le ka ntla ya pholoso ya gago  
e e ikanyegang.<sup>a</sup>

<sup>15</sup>Ntshwatole mo lerageng  
gore ke se ka ka rörömelela ruri;  
a ke gololwe  
mo go ba ba ntlioileng  
le mo madibeng a metsi.

<sup>16</sup>A morwalela o se nkharumetse,  
le bodiba a bo se nkometse;  
a lemema le se itswale molomo  
godimo ga me.

<sup>17</sup>Nkutlwel, MORENA,  
gonne bopelothomogi jwa gago  
bo molemo;  
retologela go nna ka fa bogolong  
jwa boutlwelo-botlhoko jwa gago.

<sup>18</sup>Mme o se ka wa fitlhela  
motlhanka wa gago  
sefatlhego sa gago,  
gonne ke mo pitlaganong.  
Akofa o nkutlwel.

<sup>19</sup>Atamela mowa wa me, o o golole;  
nkgobole ka nthla ya baba ba me.

<sup>20</sup>Wena o itse nyatsego ya me  
le ditlhong tsa me  
le go kgojwa ga me;  
baganetsi ba me o ba itse botlhie.

<sup>21</sup>Nyatsego e mphatlotse pelo,  
ka felwa ke thata;  
ke tilhogeletswe  
boutlwelo-botlhoko,  
mme ga bo yo, le bagomotsi,  
mme ga ke ba bone.<sup>b</sup>

<sup>22</sup>Ba nneile santhokwe  
go nna sejo sa me,  
mme e rile ke nyorilwe,  
ba nnosa motatsa.<sup>c</sup>

<sup>23</sup>A bojelo jwa bona  
bo nne segole fa pele ga bona,

le mutlwane  
mo go ba ba sa kgathaleng sepe.<sup>d</sup>

<sup>24</sup>A matlho a bona a fifale  
gore ba se ka ba bona,  
o theeketse dinôka tsa bona  
ka gale.

<sup>25</sup>Goromeletsa kgakalo ya gago  
mo go bona,  
a molelo wa bogale jwa gago  
o ba tshware.

<sup>26</sup>A boago jwa bona bo nne letlotla;  
a go se age ope  
mo ditenteng tsa bona.<sup>e</sup>

<sup>27</sup>Gonne ba bogisa ena  
yo wena o mo teileng;  
ba godisa bothhoko  
jwa yo o mo khutlileng.<sup>f</sup>

<sup>28</sup>Oketsa molato wa bona ka molato;  
a ba se bone tshiamiso ya gago.<sup>g</sup>

<sup>29</sup>A ba phimolwe  
mo bukeng ya bophelo;  
a ba se kwalwe le basiami.<sup>h</sup>

<sup>30</sup>Mme nna ke bogisegile,  
ke tletse bothhoko.  
A pholoso ya gago, Modimo,  
e nkgodise.

<sup>31</sup>Ke tla tumisa leina la Modimo  
ka sefela,  
ke le godisa ka pina e e lebogang.

<sup>32</sup>Moo go tla kgatlha MORENA  
bogolo go kgomo,  
e bong poo e e nang le dinaka  
le dithhako tse di maphata.<sup>i</sup>

<sup>33</sup>Ba ba pelonolo ba a go bona,  
ba itumele.  
Lona ba lo batlang Modimo,  
a dipelo tsa lona di phele.<sup>j</sup>

<sup>34</sup>Gonne MORENA  
o utlwa bahumanegi;  
ga a nyatse batshwarwi ba gagwe.

<sup>35</sup>A legodimo le lefatshe  
di mo tumise,  
le mawatle le tsotlhie  
tse di nyeulang mo go ona.

<sup>36</sup>Gonne Modimo  
o tla pholosa Sione,  
o aga metse ya Juta;  
ba tla aga teng, ba e rua.

<sup>a</sup>) Jobe 30:9. <sup>b</sup>) Jes. 48:8. <sup>c</sup>) Dilelo 1:29. <sup>d</sup>) Math. 27:34,48. <sup>e</sup>) Baroma 11:9,10.

<sup>f</sup>) Dit. 1:20. <sup>g</sup>) Jes. 53:4. <sup>h</sup>) Baroma 1:24. <sup>i</sup>) Luka 10:20. <sup>j</sup>) Pes. 50:8-14. <sup>k</sup>) Pes. 22:27.

<sup>37</sup>Boora batlhanka ba ona  
ba tla rua boswa teng;  
ba ba ratang leina la ona  
ba tla aga gona.

*Dafita o rapela Modimo  
gore o mo golole ka bonako*

**70** Pesalome ya ga Dafita ya  
kgopotso mo tshupelong ya  
tebogo e e kwaletsweng moopedisi.<sup>k</sup>  
<sup>2</sup>Modimo, akofa o nkgolole;  
MORENA, itlhaganele o nthuse.  
<sup>3</sup>A ba ba batlang go mpolaya  
ba tlhajwe ke ditlhong,  
ba sosobane;  
a ba ba kgatlhwang ke tlalelo ya me  
ba kate ka morago,  
ba tlhajwe ke kgala.  
<sup>4</sup>A ba ba reng: "Ahee, ahee!"  
ba boeile kwa morago  
ka ntsha ya ditlhong tsa bona.  
<sup>5</sup>A botlhe ba ba go batlang  
ba go itumelele, ba ipele;  
a ba ba ratang pholoso ya gago  
ba nne ba bue ba re:  
"Modimo o mogolo."  
<sup>6</sup>Mme nna ke motlalelw,  
ke mohumanegi;  
Modimo,  
a o ko o tle go nna ka bonako.  
Ke wena thuso ya me  
le mopholosi wa me;  
MORENA, o se diege.

*O se ntlogele mo botsofeng*

**71** Ke tshabela kwa go wena,  
MORENA;  
a ke se tlhajwe ke ditlhong  
ka gope.  
<sup>2</sup>Mpholosa ka tshiamo ya gago,  
o nkgolole;  
ntshekogela tsebe o nthuse.  
<sup>3</sup>O nne logaga lwa me lwa phemelo  
lo nka tsenang mo go lone ka gale,  
wena yo o laetseng go nthusa;  
gonne ke wena lefika la me  
le phemelo ya me ya kwa thabeng.<sup>l</sup>  
<sup>4</sup>Modimo wa me, nkgolole

mo letsogong la moikeypi,  
mo letsweleng la mosiamolodi  
le la yo o setlhogo.

<sup>5</sup>Gonne ke wena  
yo ke go sololetseng,  
Morena Modimo,  
ke go ikantse  
go tswa bokaung jwa me.

<sup>6</sup>Ke itshegeditse ka wena  
go tswa botsalong,  
ke wena mogolodi wa me  
go tswa tlholegong ya me;  
sefela sa ka

se tla baka wena ka gale.<sup>m</sup>

<sup>7</sup>Nna ke kgakgamatsuo  
mo bathong ba bantsi;  
mme wena o botshabelo  
jo bo thata jwa me."

<sup>8</sup>Molomo wa me  
o tletse pako ya gago  
le kgalaletso ya gago ka gale.

<sup>9</sup>Se ntatthe  
mo motheng wa botsofe;  
se ntlogele

mogang thata ya me e felang.<sup>n</sup>

<sup>10</sup>Gonne baba ba me  
ba bua ka ga me,  
le ba ba laletseng bophelo jwa me  
ba a gakololana. Ba re:

<sup>11</sup>"Modimo o mo tlogetse;  
mo lelekeng, lo mo tshware;<sup>o</sup>  
gonne ga a na monamoledi,"

<sup>12</sup>Modimo, o se nne kgakala le nna;  
Modimo wa me, akofa o nthuse.

<sup>13</sup>A ba ba tlhabanang  
le mowa wa me  
ba tlhajwe ke ditlhong, ba fele;  
a ba ba batlang tlalelo ya me  
ba bipiwe ke nyatsego le tshotlego.

<sup>14</sup>Mme nna ke tla nna ke lebelela,  
ke godisa turmo yotlhe ya gago.

<sup>15</sup>Molomo wa me o tla bolela  
tsa tshiamo ya gago  
le tsa pholoso ya gago  
ka methla yotlhe;  
gonne ga ke itse palo ya tsona.<sup>p</sup>

<sup>16</sup>Ke tla tla ka ditiro  
tse di thata tsa Morena Modimo,

<sup>k</sup>) Pes. 38:1. <sup>l</sup>) Pes. 18:3; 31:3,4. <sup>m</sup>) Pes. 22:10. <sup>n</sup>) Pes. 4:4. <sup>o</sup>) Pes. 71:18.

<sup>p</sup>) Pes. 71:8; Pes. 40:6.

- ke tla tumisa tshiamo ya gago  
o le wesi fela.
- <sup>17</sup>Modimo, o nthutile  
go tswa bokaung jwa me;  
ke ntse ke bolela dikgakgamatsos  
tsa gago go fithelela kajeno.<sup>a</sup>
- <sup>18</sup>Le gona, Modimo, o se ka wa  
ntlogela go ya botsofeng,  
fa ke thuntse tlhogo, go ya ke be  
ke bolelele losika lo lo tlhang  
tsa letsogo la gago le bothle  
ba ba tlhang tsa thata ya gago.<sup>r</sup>
- <sup>19</sup>Le gona tshiamo ya gago, Modimo,  
e fitilha kwa godimodimo;  
Modimo, wena yo o dirileng  
dilo tse dikgolo,  
ke mang yo o tshwanang nao?<sup>s</sup>
- <sup>20</sup>Wena yo o dirileng gore ke bone  
dipitlagano tse dintsi le ditlalelo,  
o tla boa o mphedisa,  
o ntlhatlosa gape mo madibeng  
a lefatshe.<sup>t</sup>
- <sup>21</sup>O tla godisa bogolo jwa me,  
o boa o nkgomotsa.
- <sup>22</sup>Jaanong le nna ke tla go lebogela  
boammaaruri jwa gago  
ka seletso sa harepa,  
Modimo wa me,  
ke go opelela ka katara,  
wena Moitshepi wa Iseraele.
- <sup>23</sup>Molomo wa me o tla duduetsa,  
fa ke go opelela pako,  
le mowa wa me o ò o golotseng.
- <sup>24</sup>Loleme lwa me le lone  
lo tla nna lo bua  
ka ga tshiamo ya gago ka methha;  
gonne ba ba neng ba mpatlela  
tathego ba tlhabilwe ke ditlhong  
ba nyatsega.
- Sefela sa tlhomamiso ya kgosi*
- ## 72 Pesalome ya ga Salomo.
- Modimo,  
naya kgosi melao ya gago;  
morwa kgosi  
o mo nee tshiamo ya gago
- <sup>2</sup>gore a athole batho ba gago  
ka tshiamo,  
le batlalelwí ba gago ka molao.
- <sup>3</sup>A dithaba di ungwele batho kagiso,  
le dithabana di ba ungwele  
tshiamo.<sup>u</sup>
- <sup>4</sup>O tla siamisetsa  
batlalelwí ba morafe,  
a pholosa bana ba bahumanegi,  
a tshwetlakanya mogateledi.<sup>v</sup>
- <sup>5</sup>O tla phela sebaka  
se se kana ka letsatsi le tlhabile  
le ngwedi o ise o phirime  
go ya tshikatshikeng.
- <sup>6</sup>O tla fologa jaka pula mo pilong,  
jaaka medupe e e nosang lefatshe.
- <sup>7</sup>Mo malatsing a gagwe  
tshiamo e tla tlhoga,  
kagiso e kgolo e tla nna teng go  
fithelela ngwedi o sa tlhole o le yo.
- <sup>8</sup>O tla busa go tswa lewatleng  
go ya go le lengwe,  
le go tswa Nokeng  
go ya mafelelong a lefatshe.<sup>w</sup>
- <sup>9</sup>Ba ba agileng mo dikakeng  
ba tla khubama fa pele ga gagwe,  
baba ba gagwe ba tla latwa lerole.<sup>x</sup>
- <sup>10</sup>Dikgosi tsa Tharesise le tsa  
ditlhakenyana di tla tsisa dimpho;  
dikgosi tsa Šeba le Seba  
di tla ntsha lekgetho.<sup>y</sup>
- <sup>11</sup>Dikgosi tsotlhe di tla mo ikobela,  
ditshaba tsotlhe di tla mo direla.<sup>z</sup>
- <sup>12</sup>Gonne o tla golola mohumanegi  
yo o goelang thuso le mmogisegi  
le yo o se nang mothusi.<sup>a</sup>
- <sup>13</sup>O tla utlwela yo mmotlana  
le motlhoki botlhoko,  
a pholosa mewa ya bahumanegi.
- <sup>14</sup>O tla golola maphele a bona  
mo patikegong le mo kgatelelong;  
madi a bona e tla nna a botlhokwa  
mo matlhong a gagwe.<sup>b</sup>
- <sup>15</sup>A kgosi e phele, mme ba e nee  
tsa gouta ya Šeba,  
ba e rapelele ka gale,  
ba e tshegofatse ka metlha.<sup>c</sup>

<sup>a</sup>) 1 Sam. 7:12. <sup>r</sup>) Pes. 71:9; Jes. 46:4. <sup>s</sup>) Ekes. 15:11. <sup>t</sup>) 1 Sam. 2:6.<sup>u</sup>) Pes. 85:9-14. <sup>v</sup>) Pes. 72:12. <sup>w</sup>) Sag. 9:10. <sup>x</sup>) Jes. 49:23. <sup>y</sup>) Pes. 68:30; Jes. 60:9.<sup>z</sup>) Pes. 2:8.10-12. <sup>a</sup>) Jobe 36:15; Pes. 35:10. <sup>b</sup>) Pes. 9:13. <sup>c</sup>) Pes. 72:10; Pes. 84:10.

- <sup>16</sup>A go nne letlotlo la mabele  
mo lefatsheng,  
a go sume  
kwa dithoeng tsa dithaba;  
a leungo la lone  
le tshwane le Lebanon;  
a batho ba motse ba rune  
jaaka morogo wa lefatshe.
- <sup>17</sup>A leina la yona le nnele ruri.  
A leina la yona le tlhoge  
letsatsi le ntse le le teng;  
a ditshaba tsotlhe  
di tshegofadiwe ka yona,  
a di e boke di re:  
Kgosi e tlhogonolo.<sup>d</sup>
- <sup>18</sup>A go bokwe MORENA, Modimo,  
Modimo wa Israele,  
o e leng ona fela o o dirang  
dikgakgamatsuo.
- <sup>19</sup>Mme a leina la ona le le galalelang  
le bakwe ka bosakhutleng;  
a lefatshe lotlhe le tlale kgalaalelo  
ya ona,  
Amen, ee, a go nne jalo!<sup>e</sup>
- <sup>20</sup>Fano go fela dithapelo tsa ga  
Dafita, morwa Isai.

### KAROLO YA BORARO, DIPESALOME 73-89

*Tsamaiso e e gakgamatsang  
ya Modimo*

### 73 Pesalome ya ga Asafe.

- Ruri, Modimo o molemo  
mo go Israele,  
mo go bona ba ba dipelo di phepa.
- <sup>2</sup>Mme nna, dinao tsa  
me di batlile go kgotswa,  
dikgato tsa me di batlile go relela.<sup>f</sup>
- <sup>3</sup>Ke ne ke fufegela baikgantshi  
ka go bona letlhogonolo  
la baikepi.<sup>g</sup>
- <sup>4</sup>Gonne ga ba na matlhoko;  
mebele ya bona e itekanetse,  
e nonne.
- <sup>5</sup>Ga ba mo tapisegong  
ya batho ba bangwe;

- ga ba tshwenyege  
jaaka batho bā bangwe.
- <sup>6</sup>Ke gona ka moo  
mokgabo wa molala wa bona  
e leng boikgodiso;  
bosetlhogo ba bo apere  
jaaka kobo.
- <sup>7</sup>Matho a bona  
a rotogile ka monono;  
maano a dipelo tsa bona  
a a tswelela.<sup>h</sup>
- <sup>8</sup>Ba a sotla,  
ba bua patiko ka boikepo;  
ba bua ka boikgodiso.
- <sup>9</sup>Ba bua tse di kgatlhanong  
le tsa legodimo;  
diteme tsa bona  
di itaola mo lefatsheng.
- <sup>10</sup>Ke ka moo batho  
ba sokologelang kwa go bona,  
ba gope metsi a thuto ya bona  
ka botlalo.
- <sup>11</sup>Ba re: "Modimo o ka itse jang,  
a ruri go na le kitso  
mo Mogodimodimong?"<sup>i</sup>
- <sup>12</sup>Bonang, baikepi ba ntse jalo;  
ee, ba godisa khumo ya bona  
ba ntse ba iketlile.
- <sup>13</sup>Ruri, ke lefelafela  
fa ke ntse ke phepafatsa  
pelo ya me,  
ke tlhapa diatla ka bosenamolato.
- <sup>14</sup>Gonne ke tlhola ke tshwenngwa  
ka methha,  
ke wathhaiwa  
moso mongwe le mongwe.
- <sup>15</sup>Fa nka bo ke rile,  
ke tla bolela jaaka bona,  
nka bo ke diretse losika lwa bana  
ba gago ka boikanyologo.
- <sup>16</sup>Foo ke ne ka akanya gore  
ke tlhaloganye selo se,  
ke fitlhela e le matsapa fela,
- <sup>17</sup>ga tsamaya ka tsenelela  
ditsamaisong  
tse di boitshepo tsa Modimo,  
ka lemoga bokhutlo jwa bona.
- <sup>18</sup>Ruri, o ba baya mo mareleding;

<sup>d</sup>) Gen. 12:3; 22:18. <sup>e</sup>) Pes. 41:14; Jes. 6:3. <sup>f</sup>) Pes. 94:18. <sup>g</sup>) Jobe 21:7. <sup>h</sup>) Jobe 15:27.  
<sup>i</sup>) Pes. 10:11.

o ba leseletsa  
 go wela mo tshenyegong.  
<sup>19</sup>Kana ba fetoga theregiso  
 ka tshoganyetso;  
 ba fele, ba nyelele ka poitshego!  
<sup>20</sup>Wena MORENA,  
 o nyatsa sethwano sa bona,  
 fa o tsoga, jaaka toro e nyatsegla,  
 fa motho a sena go thanya.  
<sup>21</sup>E rile pelo ya me  
 e ntse e galakegile  
 mme ke tlhabegile mo diphilong,  
<sup>22</sup>ka bo ke le lesilo, ke sa its'e sepe,  
 ke le jaaka phologolo fela  
 fa pele ga gago.  
<sup>23</sup>Mme nna ke ntse ke na nao;  
 o ntshwere letsogo le le jang.  
<sup>24</sup>O tla nkogga ka kgakololo ya gago,  
 mme morago ga moo  
 o tla nkarnogela kwa kgalalelong.  
<sup>25</sup>Ke na le mang kwa legodimong,  
 fa e se wena?  
 Fa ke na nao, ga ke kgatlhw  
 ke sepe mo lefatsheng.  
<sup>26</sup>Le fa nama ya me le pelo ya me  
 di ka nyelela,  
 Modimo ke lefika la pelo ya me,  
 le kabelo ya me ka bosakhutleng.<sup>k</sup>  
<sup>27</sup>Gonne bona,  
 ba ba ikgaoganyang le wena  
 ba tla latlhega;  
 o nyeletsa bothhe ba ba akafalang  
 ka go ikepa mo go wena.  
<sup>28</sup>Mme fa e le nna, ke iturnela  
 go nna gaufi le Modimo.  
 Wena Morena Modimo  
 o botshabelo jwa me.  
 Ke tla bolela  
 ditiro tsotlhe tsa gago.

*Tshenyego ya Felo-ga-Boitshepo*

## 74 Sefela sa thuto sa ga Asafe.

Ke ka ntlha yang, Modimo,  
 fa o re latlhets'e ruri,  
 mme bogale jwa gago bo tukela  
 dinku tsa mafulu a gago?  
<sup>2</sup>Gopola phuthego ya gago

e o sa leng o e ithekela bogologolo  
 e o e ithekololetseng  
 gore e nne setshaba  
 sa boswa jwa gago,  
 e bong thaba ya Sione  
 e o kileng wa aga mo go yona.<sup>l</sup>  
<sup>3</sup>Tsholeletsa dinao  
 maropeng a a nnetseng ruri.  
 Mmaba o sentse tsotlhe  
 mo Felong-ga-Boitshepo.  
<sup>4</sup>Baganetsi ba gago ba ne ba bôpa  
 mo mafelong a phuthego ya gago;  
 ba emisitse difoka tsa bona  
 go nna ditshupo.  
<sup>5</sup>Go tshwana le batho,  
 fa ba eketse sekewa sa ditlhare  
 dilepe.  
<sup>6</sup>Mme jaanong ba kgekgethile  
 meseto yotlhe  
 ka dilepe le ka dinoto.  
<sup>7</sup>Ba tshubile Felo-ga-Boitshepo  
 ga gago,  
 ba itshepolotse boago  
 jwa leina la gago  
 ka go bo digela fa fatshe.<sup>m</sup>  
<sup>8</sup>Ba rile mo pelong tsa bona:  
 "A re ba remaganyeng bothle?"  
 Ba fisitse matlo otlhe a Modimo  
 mo lefatsheng.<sup>n</sup>  
<sup>9</sup>Ga re bone ditshupo tsa rona;  
 ga go tlhole go le  
 moporofeti ope.  
 Ga go ope mo go rona yo o itseng  
 gore go tla tswelela go ya leng.  
<sup>10</sup>Ao, Modimo, kana moganetsi  
 o tla kgala golele go le kae?  
 A mmaba o tla nna a kgoba  
 leina la gago ka bosakhutleng?  
<sup>11</sup>Ke ka ntlha yang,  
 fa o gonyetsa letsogo,  
 e bong letsogo le le jang?  
 Le ntshe mo sehubeng sa gago,  
 o nyeletse!  
<sup>12</sup>Kana Modimo e ntse e le kgosi  
 ya me go tswa bogologolong,  
 ona o o dirang ditiro tsa pholoso  
 mo lefatsheng.  
<sup>13</sup>Wena o dirile ka thata ya gago  
 gore lewatle le kgaphasele,

j) Baroma 8:35-39. k) Pes. 16:5. l) Pes. 132:13. m) 2 Dikg. 25:9. n) Pes. 83:13.

wa tshwetla ditlhogo tsa dikgogela  
mo metsing.<sup>o</sup>

<sup>14</sup>Wena o tswetlakantse ditlhogo  
tsa kgwanyape,  
wa e neela bontsi jwa diphedi  
tsa sekaka gore di e je.

<sup>15</sup>Wena o phuntse metswedi  
le melatswana,  
wa kgadisa dinoka tse dikgolo  
tse di ntseng di sa kgale.<sup>p</sup>

<sup>16</sup>Motshegare ke wa gago,  
bosigo le jona ke jwa gago;  
o beile lesedi le letsatsi.<sup>q</sup>

<sup>17</sup>Wena o segile melelwane yothle  
ya lefatshe;  
selemo le mariga  
di dirilwe ke wena.

<sup>18</sup>Gopola tse: Mmaba o go kgadile,  
MORENA;  
batho ba masilo  
ba kgobile leina la gago.

<sup>19</sup>O se ka wa naya sebata  
mowa wa lephoi la gago;  
o se ka wa lebalela ruri  
maphelo a batlalelwi ba gago.

<sup>20</sup>Leba kgolagano;  
gonne matikelo a lefatshe  
a tletse mafelo a tshenyo  
e e setlhogo.

<sup>21</sup>A mopatikwa a se boe  
a tlhabilwe ke dithlong;  
a babogisegi le bahumanegi  
ba boke leina la gago.

<sup>22</sup>Nanoga, Modimo,  
o lwele tshiamo ya gago.  
Gopola kgobo e o tlholang  
o e direlwa ke motho wa lesilo.

<sup>23</sup>O se ka wa lebala tlhodio  
ya baganetsi ba gago  
le dipopo tsa ba ba go tsogetseng,  
tse di ntseng di tlhatloga.

*Moatlhodi wa lefatshe  
yo o nang le senvelo sa bogale*

**75** Pesalome ya ga Asafe e e  
kwaletsweng moopedisi;  
sefela se se opelwang ka moopelo wa:  
“O se ka wa senya”.

<sup>2</sup>Re a go leboga, Modimo,  
re a leboga.  
Re bitsa leina la gago,  
re bolela dikgakgamatsotso tsa gago.<sup>r</sup>

<sup>3</sup>“Fa nako ya me e tsile,  
ke athhola ka tshiamo.

<sup>4</sup>Le fa lefatshe le ka tshikinyega  
le botlhhe ba ba agileng mo go lone,  
nna ke tlhomamisitse  
maotwana a lone. Sela.

<sup>5</sup>Ke reile masilo ka re:  
‘Se nneng bosilo,’  
le baikepi ka re:  
‘Se tsholeletseng lonaka.

<sup>6</sup>Se tsholeletseng lonaka lwa lona  
kwa godimo;  
se bueng tsa matepe,  
lo gagamaditse melala.”<sup>s</sup>

<sup>7</sup>Gonne katlholo  
ga e tswe kwa botlhahabatsatsi  
le e seng kwa bophirimatsatsi  
le e seng kwa sekakeng sa dithaba,  
<sup>8</sup>mme moatlhodi ke Modimo,  
o kokobetsa yo, o godisa yole.<sup>t</sup>

<sup>9</sup>Gonne mo seatleng sa MORENA  
go senwelo sa weine e e fulang,  
e tletse ditswaiso,  
mme o nosa ka sona;  
ee, baikepi botlhhe ba lefatshe  
ba tla gópa magorugoru a sona,  
ba a nwa.<sup>u</sup>

<sup>10</sup>Mme nna ke tla bolela  
ka bosakhutleng,  
ke opelela Modimo wa ga Jakobe  
o o rileng:

<sup>11</sup>“Ke tla kgaola dinaka tsotlh  
tsa baikipi;  
dinaka tsa basiami tsona  
di tla tsholediwa.”<sup>v</sup>

*Modimo ke moatlhodi le mogolodi*

**76** Pesalome ya ga Asafe  
e e kwaletsweng moopedisi;  
sefela se se opedisiwang  
ka kwadi ya dithapo.  
<sup>2</sup>Modimo o itsiwe mo Juta;  
leina la ona le legolo mo Israele.  
<sup>3</sup>Ee, motlaagana wa ona

<sup>o</sup> Ekes. 14:21; 15:8-10. <sup>p</sup> Pes. 104:10. <sup>q</sup> Pes. 104:19. <sup>r</sup> Jes. 46:13. <sup>s</sup> 1 Sam. 2:7.  
<sup>t</sup> Pes. 60:5.

o mo Saleme,  
 le boago jwa ona mo Sione.<sup>u</sup>  
<sup>4</sup>O robakile metsu-seka-ditladi  
 ya bora teng,  
 le thebe le tshaka le tsa ntwa. Sela.<sup>v</sup>  
<sup>5</sup>O a phatsima, o a galalela,  
 o tswa kwa dithabeng tsa thopo.  
<sup>6</sup>Dinatla tse di pelokgale  
 di thopetswe,  
 di gateletswe ke boroko,  
 bagale botlhe ba repile diatla.  
<sup>7</sup>Modimo wa ga Jakobe,  
 koloi ya ntwa le pitse  
 di tserwe ke madiopo ka kgalemelo  
 ya gago.  
<sup>8</sup>Wena o yo o boitshegang;  
 ke mnang yo o ka emang  
 fa pele ga gago,  
 fa bogale jwa gago bo tuka?  
<sup>9</sup>O ne wa utlwatsa katlholo  
 go tswa kwa legodimong;  
 lefatshe la tshoga, la didimala,<sup>w</sup>  
<sup>10</sup>fa Modimo o ema go athola  
 gore o thused botlhe ba ba pelonolo  
 ba lefatshe. Sela.  
<sup>11</sup>Gonne bogale jwa motho  
 bo a go tlota,  
 o itlama ka bogale jo bo setseng.  
<sup>12</sup>Ikaneleng MORENA,  
 Modimo wa lona,  
 lo o lefele maikano.  
 A botlhe ba ba o dikanyeditseng  
 ba tsisetse ona o o tshabegang  
 dineo,<sup>x</sup>  
<sup>13</sup>o o kokobetsang boikgantsho  
 jwa dikgosana,  
 o o tshabegang mo dikgosina  
 tsa lefatshe.

Mekokotlelo ya go kopa thuso

**77** Pesalome ya ga Asafe  
 e e kwaletsweng moopedisi,  
 e opelwang ka moopelo  
 wa ga Jeduthune.<sup>y</sup>  
<sup>2</sup>Lentswe la me le lebile Modimo,  
 ke a kua;  
 lentswe la me le lebile Modimo  
 gore o ntshekegele tsebe.

<sup>u</sup>) Pes. 132:13. <sup>v</sup>) Pes. 46:10. <sup>w</sup>) Pes. 46:11; Hab. 2:20. <sup>x</sup>) Ekes. 15:11; Doit. 7:21.

<sup>y</sup>) Pes. 62:1. <sup>z</sup>) Pes. 143:5. <sup>a</sup>) Pes. 85:6. <sup>b</sup>) Ekes. 15:11.

<sup>3</sup>Ke batla MORENA  
 ka letsatsi la tlalelo ya me;  
 letsogo la me le otlogile  
 mo bosigong, le sa lape;  
 mowa wa me o gana go gomotsegan.  
<sup>4</sup>Fa ke gopola Modimo, ke fegelwe;  
 fa ke akanya, mowa wa me  
 o nne mo maibing. Sela.  
<sup>5</sup>O tshwere dintshi tsa matlho a me,  
 ke a tlhobaella,  
 e bile ke palelwa ke go bua.  
<sup>6</sup>Ke akanya malatsi a sebaka sa pele  
 le dinyaga tsa bogologolo tala.<sup>z</sup>  
<sup>7</sup>Ke gopola go letska kwadi ga me mo  
 bosigong;  
 ke akanya mo pelong ya me,  
 mowa wa me o tlhotlhomiisa o re:  
<sup>8</sup>“A MORENA o tla latlhela ruri,  
 a ga a nke a tlhola  
 a kgatlha ke rona?”<sup>a</sup>  
<sup>9</sup>A bopelontle jwa gagwe  
 bo feletse ruri?  
 A tsholofetsa e e neng e raya  
 ditshika tsotlhe e khutlide?  
<sup>10</sup>A Modimo o lebetse go itshwarela,  
 a kampo o tswaletse  
 boutlwelo-botlhoko jwa ona  
 ka bogale?” Sela.  
<sup>11</sup>Foo ka re: “Ke bolwetse jwa me, fa  
 ke ne ke re:  
 Letsogo le le jang  
 la Mogodimodimo le fetogile.”  
<sup>12</sup>Ke tla gopola ditiro tsa MORENA;  
 ee, ke tla gopola dikgakgamatsa tsa  
 gago tsa bogologolo;  
<sup>13</sup>ke tla akanya tiro yothle ya gago;  
 ke elelwa tse o di dirileng.  
<sup>14</sup>Tselo ya gago, Modimo,  
 e mo boitshepong;  
 ke Modimo ofe o o kana ka wena,  
 Modimo wa rona?<sup>b</sup>  
<sup>15</sup>Ke wena, Modimo,  
 o o dirang dikgakgamatsa,  
 o itsisitse thata ya gago  
 mo merafeng.  
<sup>16</sup>O golotse batho ba gago  
 ka letsogo le le thata,  
 boora Jakobe le Josefa. Sela.

<sup>17</sup>Metsi a go bonye, Modimo,  
metsi a go bonye, a roroma;  
ee, merwalela ya tetesela.

<sup>18</sup>Maru a tsholotse metsi,  
maru a duma;  
metswi<sup>c</sup> ya gago le yona  
ya thunthshiwa.

<sup>19</sup>Tumo ya gago ya maru  
e utlwetse  
jaaka koloi e kgôthôsêla;  
dikgadima tsa bonesa lefatshe;  
lefatshe la roroma,  
la kutuma.

<sup>20</sup>Tsela ya gago  
e ne e le mo lewatleng,  
le ditselana tsa gago  
mo metsing a magolo;  
mme metlhala ya gago  
e ne e sa bonale.

<sup>21</sup>O ne o goga batho ba gago  
jaaka letsomane  
ka Moše le Arone.<sup>d</sup>

*Tirafalo ya Baiseraele ke tlhagiso ya rona*

## 78 Sefela sa thuto sa ga Asafe.

Lona batho ba me,  
reetsang thuto ya me,  
sekegelang mafoko  
a molomo wa me ditsebe.

<sup>2</sup>Ke tla tswa molomo,  
ke bolela seane,  
ke ntsha dinyepo tsa bogologolo.<sup>e</sup>

<sup>3</sup>Tse re di utlwetseng, ra di itse,  
tse borraetsho ba di re boleletseng,<sup>f</sup>

<sup>4</sup>ga re ka ke ra di lobela  
bana ba bona;  
re tla bolelela losika lo lo tlang  
ditiro tsa pako tsa MORENA,  
le thata ya gagwe,

le dikgakgamatsotse a di dirileng.  
<sup>5</sup>Gonne o tlhomile tshupo  
mo go Jakobe,  
a baya molao mo go Iseraele  
o a o laetseng borraetsho  
gore ba o itsise bana ba bona,

<sup>6</sup>gore losika lo lo tlang lo o itse,  
e bong bana ba ba tla tsalwang,  
gore ba tle ba o bolelele  
bana ba bona,  
<sup>7</sup>le gore ba ikanye Modimo,  
mme ba se lebale  
ditiro tsa Modimo,  
mme ba tshegetse ditaolo tsa ona  
<sup>8</sup>gore ba se nne jaaka borraabo  
ba e neng e le losika lo lo  
tlhog-e-thata lwa borukhutlihi,  
losika lo lo tlhokang  
pelo ya tlhomamo le mowa  
o o lebileng Modimo ka boikanyo.<sup>g</sup>

<sup>9</sup>Baeferairne ba ba neng  
ba ipaakantse go hula ka bora,  
ba menoga,  
ba tshaba ka letsatsi la tlhabano.

<sup>10</sup>Ga ba a ka ba tlhokomela  
kgolagano ya Modimo,  
ba bile ba ganne go tsamaya  
ka fa molaong wa ona;  
<sup>11</sup>ba lebala ditiro tsa ona  
le dikgakgamatsotso  
tse o di ba bontshitseng.

<sup>12</sup>O dirile dikgakgamatsotso  
fa pele ga borraabo  
kwa lefatsheng la Egepeto,  
mo nageng ya Soane.<sup>h</sup>

<sup>13</sup>O kgaogantse lewatle,  
wa ba tshedisa;  
wa emisa metsi jaaka lobota.<sup>i</sup>

<sup>14</sup>Motshegare o ne wa ba goga  
ka leru,  
mme bosigo jotlhe  
ka lesedi la molelo.<sup>j</sup>

<sup>15</sup>O phatlotsse mafika mo sekakeng,  
wa ba nosa ka botlalo  
jaaka ka merwalela.<sup>k</sup>

<sup>16</sup>O ne wa ntsha dinokana  
mo lefikeng,  
wa eledisa metsi jaaka dinoka.

<sup>17</sup>Mme ba fela ba tswelela pele  
go o leofela,  
ba rukhutlhegela Mogodimodimo  
kwa nageng e e omileng.

<sup>18</sup>Ba leka Modimo

c) Go tewa ditladi. d) Ekes. 12:37; 14:22. e) Pes. 49:4,5; Math. 13:35.

f) Ekes. 13:14; Doit. 4:9,10. g) Doit. 32:5,6. h) Jes. 19:11. i) Ekes. 14:21,22.

j) Ekes. 17:6; Num. 20:7-11. k) Ekes. 17:6; Num. 20:7-11.

mo dipelong tsa bona  
 ka go lopa dijo  
 ka fa kgatlhegong ya bona.<sup>l</sup>

<sup>19</sup>Ba bua kgatlhanong le Modimo  
 ba re:  
 "A Modimo o ka baakanya bojelo  
 mo sekakeng?"

<sup>20</sup>Ee, o iteile lefika, metsi a ba a ela,  
 dinokana tsa phothosela.  
 Mme a senkgwe le sona  
 o ka se ntsha,  
 gongwe wa naya batho ba ona  
 nama?"<sup>21</sup>

<sup>21</sup>Ke gona e rileng MORENA a utlwa,  
 a tuka bogale;  
 molelo wa tukela Jakobe, ee,  
 bogale jwa tsogela Iseraele,"<sup>m</sup>

<sup>22</sup>ka ba se ka ba dumela Modimo,  
 le e seng go ikanya thuso ya ona.

<sup>23</sup>Jaanong wa laela maru  
 kwa godimo,  
 wa bula mejako ya legodimo.

<sup>24</sup>Wa ba nesetsa Mmama go o ja,  
 wa ba naya mabele a legodimo."<sup>n</sup>

<sup>25</sup>Ba ja sejo sa baengele,  
 wa ba romela mfago, ba kgora.

<sup>26</sup>O ne wa fokisa phefo  
 ya bothabatsatsi kwa legodimong,  
 wa phunya phefo ya borwa  
 ka thata ya ona.

<sup>27</sup>Wa ba nesetsa nama jaaka lerole  
 le dinonyane tse di diphuka  
 jaaka motlhaba wa lewatle.

<sup>28</sup>Wa di digela mo bothibelelong  
 jwa bona  
 tikologong ya maago a bona.

<sup>29</sup>Foo ba ja, ba kgora thata;  
 wa ba tsisetsa  
 tse ba neng ba di eleditse.

<sup>30</sup>E rile ba ise ba bakele  
 keletso ya bona,  
 nama e sa ntse e le mo maganong  
 a bona,

<sup>31</sup>bogale jwa Modimo  
 jwa ba tsogela,  
 mme wa bolaya ba ba nonneng  
 mo go bona,  
 wa namalatsa makau a Iseraele."<sup>o</sup>

<sup>32</sup>Mme ba tlhokomologa tsotlhe tseo,  
 ba fela ba leofela pele,  
 ba se ka ba dumela  
 dikgakgamatsa tsa ona.

<sup>33</sup>Ka moo wa fedisa malatsi a bona  
 mo bosengsepe,  
 le dinyaga tsa bona mo theregong.<sup>p</sup>

<sup>34</sup>Mme e ne ya re fa o ba bolaya,  
 ba botse ka ga ona, ba tlhabologe,  
 ba batle Modimo;

<sup>35</sup>ba gakologelwe,  
 fa Modimo e le lefika la bona,  
 mme Modimo Mogodimodimo  
 e le mogolodi wa bona.

<sup>36</sup>Mme ba rata go o kgona  
 ka melomo ya bona,  
 ba o aketsa ka diteme tsa bona;

<sup>37</sup>mme dipelo tsa bona  
 di ne di sa o ineele ka tlhomamo,  
 ba sa tlhokomele kgolagano ya ona  
 ka boikanyego.

<sup>38</sup>Mme ona  
 ka o le kutlwelo-botlhoko,  
 o ne o itshwarela molato,  
 o sa ba nyeletse; e bile  
 o ne o busa bogale jwa ona gantsi,  
 o sa tsose kgakalo yothle ya ona.

<sup>39</sup>O ne o gopola,  
 fa bona ba le nama fela,  
 ba le mowa o o fetang,  
 o o sa tlholeng o ka boa.<sup>q</sup>

<sup>40</sup>Ba ne ba o rukhutlhegela gantsi  
 jang ne kwa sekakeng,  
 ba o hutsafatsa kwa gareganaga.<sup>r</sup>

<sup>41</sup>Ba leka Modimo gangwe le gape,  
 ba kgopisa Moitshepi wa Iseraele.

<sup>42</sup>Ba ne ba se ke ba gakologelwa  
 letsogo la ona,  
 le e seng letsatsi le o ba  
 namoletseng mmaba ka lone,

<sup>43</sup>jale fa o ne o dira ditshupo tsa ona  
 kwa lefatsheng la Egepeto,  
 le dikgakgamatsa tsa ona  
 mo nageng ya Soane.<sup>s</sup>

<sup>44</sup>O ne wa fetola metsi a dinoka  
 tsa bona madi,  
 le a dinokana tsa bona  
 gore ba retelelwé ke go nwa.<sup>t</sup>

<sup>l</sup>) Ekes. 16:3; Num. 11:4. <sup>m</sup>) Num. 11:1. <sup>n</sup>) Ekes. 16:4,14,15. <sup>o</sup>) Num. 11:33.<sup>p</sup>) Num. 14:23. <sup>q</sup>) Pes. 103:14-16. <sup>r</sup>) Num. 14:22. <sup>s</sup>) Pes. 78:12. <sup>t</sup>) Ekes. 7:19,20.

<sup>45</sup>Wa ba romela diboba, tsa ba loma,  
le digwagwa, tsa ba senyetsa.<sup>u</sup>

<sup>46</sup>Thobo ya bona  
wa e naya segongwane,  
le leungo la matsapa a bona  
wa le naya tsie.<sup>v</sup>

<sup>47</sup>Wa senya moweine wa bona  
ka sefako,  
le murubere wa bona ka serame.<sup>w</sup>

<sup>48</sup>Wa bolaya dikgomo tsa bona  
ka sefako,  
le matsomane a bona ka ditladi.

<sup>49</sup>Wa ba romela bogale jo bo tukang  
jwa ona,  
le kgakalo le kgalefo le pitlagano,  
lesomo leo la barongwi ba tlalelo.

<sup>50</sup>Wa baakanyetsa bogale jwa ona  
tsela,  
wa se ka wa thibela mewa ya bona  
go ya losong,  
wa neela leroborobo  
maphelo a bona.<sup>x</sup>

<sup>51</sup>Wa itaya maitibolo a tsotlhe  
mo lefatsheng la Egepeto,  
le bana ba ntlha ba thata ya bona  
mo ditenteng tsa ga Hame.<sup>y</sup>

<sup>52</sup>Mme batho ba ona  
wa ba bolotsa jaaka dinku,  
wa ba goga mo sekakeng  
jaaka letsomane.<sup>z</sup>

<sup>53</sup>Wa ba tsamaisa tshireletsong,  
mo ba sa boifeng sepe;  
mme baba ba bona,  
lewatle la ba nwetsa.<sup>a</sup>

<sup>54</sup>Wa ba fitlhisa kwa lefatsheng  
le le boitshepo la ona,  
kwa thabeng e letsogo  
le le jang la ona le e thopileng.<sup>b</sup>

<sup>55</sup>Mme wa leleka merafe  
fa pele ga bona,  
wa ba ruisa lefatshes la yona  
jaaka boswa  
jo ba bo lekanyeditsweng,  
wa agisa ditso tsa Iseraele  
mo matlong a bona.

<sup>56</sup>Mme bona ba ne ba leka Modimo,

Mogodimodimo,  
ba o rukhutlhegela,  
ba sa tlhokomele ditshupo tsa ona.

<sup>57</sup>Ba ikepa, ba dira ka boikanyologo  
jaaka borraabo;  
ba boela kwa morago  
jaaka bora jo bo sa ikanngweng.<sup>c</sup>

<sup>58</sup>Ba o kgopisa ka dithota  
tsa tlhabelo tsa bona,  
ba tsosa lefufa la ona  
ka medimo ya diseto ya bona.<sup>d</sup>

<sup>59</sup>E rile Modimo o utlwa,  
wa galefa, wa latlha Iseraele gotlhe,

<sup>60</sup>wa ba wa tlogela Taberenakele  
ya kwa Silo,  
e bong tente e o neng o e tlhomile  
mo bathong.<sup>e</sup>

<sup>61</sup>Mme thata<sup>f</sup> ya ona  
wa e neela mo botshwarong  
le kgalalelo<sup>g</sup> ya ona  
mo letsogong la mmaba.

<sup>62</sup>Batho ba ona  
wa ba neela mo tshakeng;  
boswa jwa ona wa bo gakalela.

<sup>63</sup>Molelo o jele makau a bona;  
makgarebe a bona ga a ka a  
tlhabelwa mogolokwane wa nyalo.

<sup>64</sup>Baperesiti ba bona  
ba ole ka tshaka,  
mme bathholagadi ba bona  
ba palelwa ke go ba lelela.<sup>g</sup>

<sup>65</sup>Foo MORENA a thanya  
jaaka mongwe yo o ne a robetse,  
jaaka mogale yo o neng a fentswe  
ke weine.

<sup>66</sup>A itaya baganetsi ba gagwe,  
a ba busetsa kwa morago,  
a ba tsisetsetsa tshotlego  
e e sa khutleng.

<sup>67</sup>Ke go re:  
A latlha tente ya ga Josefa,  
a se ka a itlhaolela lotso  
lwa ga Eferaime,<sup>h</sup>

<sup>68</sup>mme a itlhaolela lotso lwa ga Juta,  
thaba ya Sione e a e ratang.<sup>i</sup>

<sup>69</sup>A aga Felo-ga-Boitshepo ga gagwe

<sup>u</sup>) Ekes. 8:2-20. <sup>v</sup>) Ekes. 10:13. <sup>w</sup>) Ekes. 9:25. <sup>x</sup>) Ekes. 9:15. <sup>y</sup>) Ekes. 12:29.<sup>z</sup>) Pes. 77:21. <sup>a</sup>) Ekes. 14:19,22,27. <sup>b</sup>) Ekes. 15:17. <sup>c</sup>) Hos. 7:16. <sup>d</sup>) Doit. 32:21.<sup>e</sup>) 1 Sam. 1:3; 4:11. <sup>f</sup>) Go tewa Letlolo la Kgolagano. <sup>g</sup>) 1 Sam. 4:17-20. <sup>h</sup>) Pes. 78:9.<sup>i</sup>) 2 Ditiraf. 6:6.

jaaka bogodimo jwa legodimo,  
jaaka lefatshe le o le thaetseng  
bosakhutleng.

<sup>70</sup>A itlhaoela Dafita,  
motlhanka wa gagwe,  
a mo tsaya a le kwa merakeng  
ya dinku.<sup>j</sup>

<sup>71</sup>A mo tlosa a disitse dinku  
tse di amusang  
gore a dise Jakobe,  
batho ba gagwe,  
le Iseraele, boswa jwa gagwe.<sup>k</sup>

<sup>72</sup>Mme o ne a ba disa ka fa pelong  
ya boammaaruri ya gagwe,  
a ba tsamaisa ka diatla  
tse di maatlameetlo.

Batho ba ba kgobegileng ba Modimo

## 79 Pesalome ya ga Asafe.

Modimo, baheitane  
ba tsenye mo bosweng jwa gago;  
ba itshepolotse Tempele  
e e boitshepo ya gago;  
ba dirile Jerusalema  
maroperope fela.

<sup>2</sup>Ditoto tsa batlhanka ba gago ba di  
file dinonyane tsa loapi go di ja;  
nama ya baitshepi ba gago  
ba e file dibata tsa naga.

<sup>3</sup>Madi a bona ba a tsholotse  
jaaka metsi  
tikologong ya Jerusalema,  
mme go ne go se ope  
yo o ba fitlhang.

<sup>4</sup>Re diregile nyatsegó fela  
mo go ba re bapileng nabo;  
le tshotlego le kgobo  
mo go ba ba tikologong ya rona.<sup>l</sup>

<sup>5</sup>E tla nna goleele go le kae,  
MORENA?

A o tla galefela ruri,  
a lefufa la gago  
le tla tuka jaaka molelo?<sup>m</sup>

<sup>6</sup>Tshololela kgakalo ya gago  
mo baheitaneng  
ba ba sa go itseng le mo magosing  
a a sa bitseng leina la gago.<sup>n</sup>

<sup>7</sup>Gonne ba jele Jakobe,  
ba senya boago jwa gagwe.

<sup>8</sup>O se ka wa re beletsa ditshiamololo  
tsa borraetsho-mogolwagolwane;  
a boutlwelo-botlhoko jwa gago  
bo re kgatlhantshe ka bonako,  
gonne re koafetse thata.

<sup>9</sup>Re thusé,  
Modimo wa pholoso ya rona  
ka ntlha ya tlotlo ya leina la gago;  
o re namolele,  
o re itshwarele maleo  
ka ntlha ya leina la gago.

<sup>10</sup>Kana baheitane  
ba tla buelang ba re:  
“Modimo wa bona o kae?”  
A pusolosetso ya madi  
a a tsholotsweng  
a batlhanka ba gago e itsege  
mo baheitaneng  
fa pele ga matlho a rona.<sup>o</sup>

<sup>11</sup>A phegelo ya bagolegwí  
e fitlhé fa pele ga gago;  
a bona ba ba tshwanetseng go swa  
ba lesiwe ka fa bogolong  
jwa letsogo la gago.<sup>p</sup>

<sup>12</sup>Mme kgalo e bona  
ba re bapileng nabo  
ba go kgadileng ka yona,  
Morena, o e ba busetse gasupa  
mo dihubeng tsa bona.<sup>q</sup>

<sup>13</sup>Mme rona  
ba re leng batho ba gago  
le dinku tsa bofulu jwa gago,  
re tla go leboga ka bosakhutleng,  
re bolela pakö ya gago  
go ya tshikatshikeng.

*Thapelo ya go tlhabolola Iseraele,  
e leng tshimo ya Modimo ya moweine*

<sup>80</sup> Pesalome ya tshupo ya ga  
Asafe e e kwaletsweng  
moopedisí, e e opelwang ka moopelo  
wa: “Madutla”.<sup>r</sup>

<sup>2</sup>Wena, Modisa wa Iseraele,  
a o ko o utlwé;  
wena yo o gogang Josefa  
jaaka letsomane,

j) 1 Sam. 16:11,12. k) 2 Sam. 7:8. l) Pes. 44:14. m) Pes. 80:5. n) Jer. 10:25.

o) Pes. 42:4; 115:2; Jocle 2:17. p) Pes. 102:21. q) Pes. 137:7. r) Pes. 45:1.

wena yo o ntseng godimo  
ga boKerubime,  
iponatse ka phatsimo.<sup>s)</sup>  
<sup>3</sup>Tsosa nonofo ya gago  
fa pele ga Eferaime  
le Benyamené le Manase,  
mme o tle go re thusa.  
<sup>4</sup>Re tlhabolole, Modimo,  
o phatsimise sefatlhego sa gago  
gore re phologe.<sup>t)</sup>  
<sup>5</sup>MORENA, Modimo  
wa masomosomo,  
o tla galefela thapelo ya batho  
ba gago goleele go le kae?  
<sup>6</sup>O ba jesitse senkgwe sa dikeledi,  
wa ba nosa dikeledi gagolo thata.<sup>u)</sup>  
<sup>7</sup>O re dirile se se lwelwang  
mo go ba re bapileng nabo,  
baba ba rona ba a re sotla.  
<sup>8</sup>Re tlhabolole,  
Modimo wa masomosomo,  
o phatsimise sefatlhego sa gago  
gore re phologe.<sup>v)</sup>  
<sup>9</sup>O epolotse setlhatshana sa moweine  
mo lefatsheng la Egepeto,  
wa leleka ditshaba, wa se tlhoma.<sup>w)</sup>  
<sup>10</sup>O se baakanyeditse manno,  
sa nama medi, sa tlala lefatshe.  
<sup>11</sup>Dithaba di ne di khurumediwa  
ke moriti wa sona,  
le mesetere ya Modimo  
e khurumediwa ka dikala tsa sona.  
<sup>12</sup>Se ne se godisa dikala tsa sona  
go fitilha kwa lewatleng  
le matlhogela a sona  
go fitilha kwa nokeng ya Ferathe.  
<sup>13</sup>Kana o ne o phomelang  
dipota tsa sona  
gore botlhe ba ba fetang ka tsela  
ba se fotlhe?<sup>x)</sup>  
<sup>14</sup>Kolobe ya sekgwaa e a se epolola,  
diphologolo tsa naga di a se ja.  
<sup>15</sup>Tswetswe, boa,  
Modimo wa masomosomo;  
leba, o le kwa legodimong, o bone;  
o tlhokomele setlhatshana  
se sa moweine;  
<sup>16</sup>e bong setlhongwa

se se tlhomilweng  
ka letsogo la gago le le jang,  
le morwa yo o mo ikgodiseditseng.  
<sup>17</sup>Se fisitswe ka molelo, sa kgaolwaa;  
a baba ba latlhhege ka kgalemelo  
ya sefatlhego sa gago.  
<sup>18</sup>A letsogo la gago le okame monna  
yo o dirilweng ke letsogo la gago  
le le jang,  
e bong morwa motho  
yo o mo ikgodiseditseng.  
<sup>19</sup>Foo ga re kitla re go hularela.  
Re phedise,  
mme re tla bitsa leina la gago.  
<sup>20</sup>Re tlhabolole, MORENA,  
Modimo wa masomosomo,  
o phatsimise sefatlhego sa gago  
gore re phologe.<sup>y)</sup>

*Poko ya MORENA le kgothatso  
ya batho ba gagwe*

**81** Pesalome ya ga Asafe  
e e kwaletsweng moopedisi,  
e o pelwang ka moopelo  
wa ba ba gatang segatelo.

<sup>2</sup>Ipeleleng Modimo  
o e leng thata ya rona,  
lo duduvelsetse Modimo  
wa ga Jakobe.  
<sup>3</sup>Tlhabang sefela, lo letse moropa  
le katara e e itumedisang le harepa.  
<sup>4</sup>Letsang phala, fa ngwedi o rogwa,  
gape fa o le mosweu  
ka letsatsi la moletlo wa rona.<sup>z)</sup>  
<sup>5</sup>Gonne ke molao  
o o beetsweng Israelee,  
ke se se siametseng Modimo  
wa ga Jakobe.  
<sup>6</sup>O o beile go nna tshupo  
mo go Josefa,  
jale fa o bololela lefatshe la Egepeto.  
Ke utlwa puo e ke ne ke sa e itsie,  
e re:  
<sup>7</sup>“Ke ne ka rola magetla a gagwe  
morwalo, diatla tsa gagwe  
tsa imololwa seroto.  
<sup>8</sup>O no wa bitsa o le mo tlalelong,  
ka go golola;

s) 1 Sam. 4:4; Pes. 99:1. t) Pes. 80:8,20. u) Pes. 102:10. v) Pes. 80:4,20.  
w) Jes. 5:1-7; Hos. 10:1. x) Pes. 89:42. y) Pes. 80:4,8. z) Lef. 23:24,34.

ka go arab a ke fitlhhegile  
mo marung a a dumang,  
ka go leka fa metsing a Meriba.  
Sela.<sup>a</sup>

<sup>9</sup>Reetsa, morafe wa me,  
ke tla go kaela; wena Iseraele,  
e kete o ka bo o nkutlw.

<sup>10</sup>A go se ka ga nna modimo ope  
wa sceng mo go wena;  
le gona o se ka wa obamela  
modimo ope wa ba sele.<sup>b</sup>

<sup>11</sup>Ke nna MORENA,  
Modimo wa gago,  
o o go ntshitseng  
kwa lefatsheng la Egepeto;  
athlamisa legano la gago  
gore ke le tlatse.

<sup>12</sup>Mme batho ba me  
ba ne ba sa reetse lentswe la me;  
Iseraele o ne a sa utlwane le nna.

<sup>13</sup>Ke fa ke ba naya tsela ka ntlha  
ya logwadi lwa dipelo tsa bona;  
ba itsamaela ka fa maitaolong  
a bona.<sup>c</sup>

<sup>14</sup>E kete batho ba me  
ba ka bo ba nkutlw!  
E kete Iseraele o ka bo a sepela  
mo ditseleng tsa me!

<sup>15</sup>Ke ne ke tla akofa ke kokobetsa  
baba ba bona,  
ke tsholeletsa  
bagancsi ba bona letsogo.

<sup>16</sup>Ba ba tlhoileng MORENA  
ba ne ba tla mo tlakisa,  
mme sebaka sa bona Baiseraele  
e ne e tla nna se se sa khutleng.

<sup>17</sup>O ne a tla ba jesa mabele  
a a nonneng.  
Ke ne ke tla go kgorisa dinotshe  
tsa semana.”<sup>d</sup>

*Moatlhodi yo mogolo le baatlhodi  
ba tshiamololo*

## 82 Pesalome ya ga Asafe.

Modimo o eme  
mo phuthegong ya medimo;  
o atlhola fa gare ga medimo.<sup>e</sup>

<sup>2</sup>Lo tla atlhola ka tshiamololo  
golecle go le kae,  
lo ntse lo gobelelela baikepi? Sela/<sup>f</sup>

<sup>3</sup>Siamisetsang ba babotlana  
le dikhutsana;  
nayang batlalelw le batlhoki  
se se ba tshwanetseng.<sup>g</sup>

<sup>4</sup>Pholosang ba babotlana  
le bahumang;  
lo ba golole mo diatleng  
tsa baikepi.

<sup>5</sup>Medimo eo ga c na temogo,  
ga e na tlhaloganyo;  
e kgarakgatshega mo lefifing;  
metheo yotha ya lefatshe  
e a tshikinyega.

<sup>6</sup>Nna ka nosi ke rile, lo medimo;  
mme lotlhe lo bomorwa  
Mogodimodimo.<sup>h</sup>

<sup>7</sup>Mme ruri, lo tla swa jaaka batho,  
lo tla wa jaaka mongwe  
wa ditona.

<sup>8</sup>Tloga o eme, Modimo,  
o athhole lefatshe;  
gonne o tla rua ditshaba tsotlhe.

*Baba ba ntlheng tsotlhe*

## 83 Sefela. Pesalome ya ga Asafe.

<sup>2</sup>Modimo, se tlhokomologe,  
se didimale,  
se nne fela, Modimo!

<sup>3</sup>Gonne, bona,  
baba ba gago ba a feretha;  
ba ba go tlhoileng  
ba tsholetsa ditlhogo.

<sup>4</sup>Ba logela batho ba gago  
maano a bolotsana,  
ba gakololana  
ka ga ba o ba sireletsang.<sup>i</sup>

<sup>5</sup>Ba re: “Tlayang, a re ba nyeletseng  
gore ba se tlhole ba nna morafe  
le gore leina la Iseraele  
le se tlhole le gopolwa.”

<sup>6</sup>Ba gakololanye  
ka bongwefela jwa pelo,  
ba go ikgolaganyetsa:  
<sup>7</sup>E bong ba ditente tsa Etomo

a) Ekes. 17:7; Num. 20:13. b) Ekes. 20:2,3. c) Dit. 14:16. d) Doit. 32:13. e) Pes. 82:6.  
f) Doit. 1:17. g) Jes. 1:17. h) Pes. 82:1; Ekes. 21:6; Joh. 10:34. i) Pes. 27:5; 35:20.

le Baisemaele  
 le Bamoabe le Bahagare  
<sup>8</sup>le ba Gebale le Baamone  
 le Baamaleke le Bafelesita  
 mmogo le baagi ba Tiro;  
<sup>9</sup>Baasiria le bona ba ikopantse nabo,  
 ba thusa boora Lote. Sela.  
<sup>10</sup>Ba direle jaaka o kile wa direla  
 Barnidiane le Sisera  
 le Jabine fa nokeng ya Kisone.<sup>j</sup>  
<sup>11</sup>Ba nyeleditswe kwa Entore,  
 ba tswa letshotelo la tshimo.  
<sup>12</sup>Dira batlotlegi ba bona  
 gore ba nne jaaka Orebe le Seebe  
 le dikgosana tsa bona  
 jaaka Seba le Salemuna<sup>k</sup>  
<sup>13</sup>tse di reng:  
 "A re ithopeleng  
 maago a Modimo."<sup>l</sup>  
<sup>14</sup>Modimo wa me,  
 ba dire jaaka matlakala  
 le jaaka moko  
 o o gogolwang ke phefo.  
<sup>15</sup>Molelo o fisa sekgwia  
 le kgabo ya molelo  
 e tshuba dithaba:  
<sup>16</sup>Ba leleke jalo ka ledimo la gago,  
 o ba boifise jalo  
 ka kgwanyape ya gago.  
<sup>17</sup>Tlatsa difatlhego tsa bona ditlhong  
 gore ba batle leina la gago,  
 MORENA.  
<sup>18</sup>A ba tlhajwe ke ditlhong,  
 ba boife ka go sa feleng.  
 A ba sethfafale ka ditlhong,  
 ba latlhhege  
<sup>19</sup>gore ba lemoge,  
 fa wena yo o bidiwang MORENA  
 ò le Mogodimodimo  
 ò le wesi o o okameng lefatshe  
 lotlhe."<sup>m</sup>

*Boitumelo jwa go nna mo boagong jwa  
 Modimo*

**84** Pesalome ya boora Kora e e  
 kwaletsweng moopedisi, e e  
 opelwang ka moopelo wa ba ba  
 batang segatelo.<sup>n</sup>

<sup>2</sup>Kana maago a gago  
 a mantlentle jang  
 wena MORENA wa masomosomo!  
<sup>3</sup>Mowa wa me o tlhologetswa,  
 o fegelelwa malapa a MORENA.  
 Pelo ya me le nama ya me  
 di duduetsa Modimo  
 o o phedileng.<sup>o</sup>  
<sup>4</sup>Le serobele se iponetse ntlo  
 le peolwane sentlhaga  
 kwa e ka bayang  
 mamphorwana a yona teng,  
 e bong dialetare tsa gago,  
 MORENA wa masomosomo,  
 Kgosi ya me, Modimo wa me.<sup>p</sup>  
<sup>5</sup>Go sego bona ba ba agileng  
 mo Ntlong ya gago,  
 ba go baka ka gale. Sela.<sup>q</sup>  
<sup>6</sup>Go sego motho yo thata ya gagwe  
 e leng mo go wena,  
 yo ditsela tse di bonalang  
 di leng mo pelong ya gagwe.  
<sup>7</sup>Fa ba ralala mokgatsha  
 wa komelelo,  
 ba o dire lefatshe la metswedi;  
 le gona pula ya ntla  
 e o khurumetse ka masego.  
<sup>8</sup>Ba tsamaya  
 ba tlhomogantse dithata;  
 mongwe le mongwe wa bona  
 o tla bonala fa pele ga Modimo  
 mo Sione.  
<sup>9</sup>MORENA,  
 Modimo wa masomosomo,  
 utlwa thapelo ya me,  
 a o ko o reetse, wena Modimo  
 wa ga Jakobe. Sela.  
<sup>10</sup>Modimo, thebe ya rona,  
 leba o bone sefatlhego  
 sa motlodisha wa gago.<sup>r</sup>  
<sup>11</sup>Gonne letsatsi le le lengwe fela  
 mo malapeng a gago  
 le gaisa malatsi a le sekete  
 a mangwe.  
 Ke rata go nna fa serepoding  
 sa mojako wa Ntlo ya Modimo  
 wa me bogolo go  
 go aga mo matlong a boikepo.<sup>s</sup>

j) Baatlh. 7:22; 4:15,21,23. k) Baatlh. 7:25; 8:21. l) Pes. 74:8. m) Hos. 12:6.

n) 1 Ditiraf. 26:1. o) Pes. 42:3,5. p) Pes. 5:3. q) Pes. 65:5. r) Pes. 72:15. s) Pes. 27:4.

<sup>12</sup>Gonne MORENA Modimo  
ke letsatsi le thebe;  
MORENA o tla abela boitshwarelo  
le tlottle;  
ba ba tsamayang ka tshiamo  
ga a kitla a ba tima tse  
di molemo.<sup>t</sup>

<sup>13</sup>MORENA wa masomosomo,  
go sego motho yo o go ikanyang.

*Pholoso e atametse*

**85** Pesalome ya boora Kora  
e e kwaletsweng moopedisi.

<sup>2</sup>MORENA, o utlwetshe  
lefatshe la gago botlhoko,  
wa fetola tarlhego ya Jakobe.

<sup>3</sup>O itshwaretse molato  
wa morafe wa gago,  
wa bipa maleo otlhhe a bona. Sela.<sup>u</sup>

<sup>4</sup>O tlositse kgakalo yothle ya gago,  
wa boa mo bogaleng jwa gago  
jo bo tukang.

<sup>5</sup>Re tlhabolole,  
Modimo wa pholoso ya rona,  
o khutlise kgakalo ya gago  
mo go rona.

<sup>6</sup>A o tla re galefela  
ka bosakhutleng,  
a bogale jwa gago  
o tla bo tsweletsa pele  
go ya tshikatshikeng<sup>v</sup>

<sup>7</sup>A ga o kitla o re phedisa gape  
gore batho ba gago  
ba go itumelele?

<sup>8</sup>Re bontshe bopelotlhomogi  
jwa gago, MORENA,  
o re nee pholoso ya gago.

<sup>9</sup>Ke rata go utlwase MORENA,  
Modimo, o tla se buang;  
gonne batho ba ona,  
e bong baratiwa ba ona,  
ruri, o tla bua nabo tsa kagiso.  
Fela a ba se boeile gape  
kwa bosilong.<sup>w</sup>

<sup>10</sup>Kana pholoso ya ona  
e gaufi le ba ba o boifang  
gore kgalalelo e age  
mo lefatsheng la rona.

<sup>11</sup>Bopelontle le boammaaruri  
di a kgatlhana;  
tshiamo le kagiso di a atlana.

<sup>12</sup>Boammaaruri  
bo tlhoga mo lefatsheng;  
tshiamo e lebile kwa tlase  
e le kwa legodimong.

<sup>13</sup>Le gona MORENA o tla naya  
se se molemo,  
lefatshe la rona  
le tla ntsha leungo la lone.

<sup>14</sup>Tshiamo e mo eteletse pele,  
e tlhokometse tsela  
ya dikgato tsa gagwe.

*Kopo ya go batla thuso*

**86** Thapelo ya ga Dafita.

MORENA, ntshekegele tsebe,  
o nkutiwe;  
gonne ke motlalelw  
le mohumanegi.

<sup>2</sup>Boloka mowa wa me;  
gonne ke boitshepo.  
Wena Modimo wa me,  
thusa mothanka wa gago  
yo o go ikantseng.<sup>x</sup>

<sup>3</sup>Intshwarele, MORENA;  
gonne ke ntse ke kuela go wena  
letsatsi lotlh.<sup>y</sup>

<sup>4</sup>Itumedise mowa  
wa motlhanka wa gago;  
gonne ke tsholeletsa mowa wa me  
kwa go wena, Morena.

<sup>5</sup>Gonne wena, MORENA,  
o molemo le boitshwarelo;  
o bopelonomi jo bogolo mo go  
botlhhe ba ba goelang kwa go wena.<sup>z</sup>

<sup>6</sup>MORENA, reetsa thapelo ya me,  
o tlhokomele lentswe  
la mekokotielo ya me.

<sup>7</sup>Ke goela kwa go wena  
ka letsatsi la tlalelo ya me;  
gonne o a nkutlw.<sup>a</sup>

<sup>8</sup>Ga go ope mo medimong  
o o tshwanang nao, Morena;  
ga go na sepe se se tshwanang  
le ditiro tsa gago.

t) Pes. 3:4; 34:11. u) Pes. 89:50. v) Pes. 77:8. w) Pes. 72:3. x) Pes. 18:21-27.

y) Pes. 6:3. z) Pes. 86:15. a) Pes. 50:15.

<sup>9</sup>Ditshaba tsotlhe tse o di dirileng  
di tla tla,  
di obamela fa pele ga gago,  
Morena,  
di tlotla leina la gago.  
<sup>10</sup>Gonne wena o mogolo,  
o dira dikgakgamtso;  
wena o Modimo o le wesi fela.  
<sup>11</sup>MORENA, nthute tsela ya gago  
gore ke tsamaye  
mo boammaaruring jwa gago;  
kitlanya pelo ya me gore e boife  
leina la gago.<sup>b</sup>  
<sup>12</sup>Morena, Modimo wa me,  
ke rata go go baka ka pelo yothle  
le go tlotla leina la gago  
ka bosenabokhutlo.  
<sup>13</sup>Gonne bopelontle jwa gago  
bo bogolo mo go nna,  
o golotse mowa wa me  
mo felong ga baswi,  
fa go kwa tlasetlase.  
<sup>14</sup>Modimo, baikgantshi ba ntsogetse;  
lekoko la ba ba peloethata  
le tsoma botshelo jwa me,  
mme ga ba go gopole.  
<sup>15</sup>Mme wena Morena, o Modimo  
o o boutlwelo-botlhoko  
le boitshwarelo;  
ga o fele pelo, o tletse  
bopelothlhomogi le boammaaruri.<sup>c</sup>  
<sup>16</sup>Retologela kwa go nna,  
o intshwarele;  
naya mothhanka wa gago thata  
ya gago,  
o thusue morwa lelata la gago.<sup>d</sup>  
<sup>17</sup>Dira sesupo sa molemo mo go nna  
gore ba ba ntlioileng ba se bone,  
ba be ba tlhajwe ke ditlhong,  
ka wena MORENA o nthusitse,  
o bile o nkgomoditse.

*Jerusalem ke mmamerafe*

**87** Pesalome ya boora Kora;  
sefela.  
Metheo e e mo dithabeng  
tse di boitshepo,  
MORENA o a e rata.

b) Pes. 27:11. c) Ekes. 34:6. d) Pes. 116:16. e) Go tewa Egepeto. f) Go tewa Ethiopia.  
g) Jes. 30:7; Pes. 68:32.

<sup>2</sup>O rata dikgoro tsa Sione  
bogolo go maago otlhe a ga Jakobe.  
<sup>3</sup>Dilo tse di galalelang  
di bolelwa ka ga gago,  
wena motse wa Modimo. Sela.  
<sup>4</sup>Ke umaka Rahabe<sup>e</sup> le Babele  
mo go ba ba nkitseng;  
le Felesitia le Tiro  
mmogo le Khuše<sup>f</sup>  
ke re: "Ba, ba tsaletswe teng."<sup>g</sup>  
<sup>5</sup>Ka ga Sione go tla twe:  
"Mongwe le mongwe  
o tsaletswe teng."  
Mme motse oo, Mogodimodimo o  
a o tlhomamisa.  
<sup>6</sup>MORENA o tla bala,  
fa a kwala ditshaba, a re:  
"Yo, o tsaletswe teng." Sela.  
<sup>7</sup>Bona ba ba binang pina  
le ba ba opelang ba re:  
"Metswedi yotlhe ya me  
e mo go wena."

*Selelo sa mothoboga-thuso*

**88** Sefela; Pesalome ya boora  
Kora e e kwaletsweng  
moopedisi, e e opelwang ka moopelo  
wa: "Bolwese". Sefela sa thuto sa ga  
Hemane, oora Esera.  
<sup>2</sup>MORENA, Modimo wa thuso ya me,  
ke goela go wena  
bosigo le motshegare.  
<sup>3</sup>A thapelo ya me e fitlhe fa go wena;  
sekegela selelo sa me tsebe.  
<sup>4</sup>Gonne pelo ya me  
e tennwe ke dipogo;  
bophelo jwa me  
bo atametse felo ga baswi.  
<sup>5</sup>Ke setse ke balelwa  
le ba ba fologelang mo lebitleng,  
ke tshwana le monna  
yo o se nang thata.  
<sup>6</sup>Ke laditswe le baswi,  
jaaka ba ba bolailweng  
ba letse mo diphupung,  
ba o sa tlholeng o ba gopola,  
ka ba kgaogantswe  
le letsogo la gago.

- <sup>7</sup>O mpeile kwa tlasetlase moleteng,  
mo mafifing, mo matennye.
- <sup>8</sup>Bogale jwa gago bo nkimetse,  
o nkgateletse  
ka merwalela ya gago yotlhe. Sela.<sup>h</sup>
- <sup>9</sup>Ba ke itsanyeng sentle nabo  
o ba tlositse fa go nna;  
o nitire seila sa bona;  
ke tswaletswe,  
ke palelwa ke go  
tswela kwa ntle.<sup>i</sup>
- <sup>10</sup>Leithlo la me le felelela ka pogo.  
Ke ntse ke go bitsa.  
MORENA,  
ka letsatsi lengwe le lengwe  
ke go tsholeletsa mabogo.
- <sup>11</sup>A o tla dira dikgakgamatsos  
mo baswing;  
gongwe ba ba suleng  
a ba tla tsoga ba go baka? Sela.<sup>j</sup>
- <sup>12</sup>A bopelothomogi jwa gago  
bo ka bolelwa mo phupung,  
gongwe boikanyego jwa gago  
kwa Felong ga baswi?
- <sup>13</sup>Dikgakgamatsos tsa gago  
a di ka itsege mo lefifing,  
gongwe tshiamo ya gago  
mo lefatsheng la tebal?
- <sup>14</sup>Mme nna, MORENA,  
ke goela go wena,  
thapelo ya me e tla go wena,  
e sa le moso.
- <sup>15</sup>MORENA,  
o latlhelang mowa wa me,  
o mphitlhelang  
sefatlhego sa gago.
- <sup>16</sup>Ke tlaletswe, ke wa go swa  
go tswa bokaung jwa me;  
ke rwele dipoitshego tsa gago,  
ke batla go tlhoboga.
- <sup>17</sup>Bogale jwa gago bo nkwtse;  
dipoitshego tsa gago di nnyededitse;
- <sup>18</sup>di ntikanyededitse  
jaaka metsi letsatsi lotlhe,  
di ntikile gotlhego the.
- <sup>19</sup>O tlositse moratiwa  
le tsala fa go nna,  
lefifi ke lone tsala ya me.<sup>k</sup>

*Ditshegofatso tse,  
Modimo o di soloeditse Dafita*

- 89** Sefela sa thuto sa ga Ethane,  
oora Esera.
- <sup>2</sup>Ke tla opela bopelothomogi  
jwa MORENA ka bosakutleng;  
ke tla itsise losika longwe le longwe  
boikanyo jwa gago  
ka molomo wa me.
- <sup>3</sup>Gonne o rile:  
“Bopelontle bo tla tlhomama  
ka bosakutleng;  
boikanyo jwa me  
ke bo thaile kwa legodimong.
- <sup>4</sup>Ke dirile kgolagano  
le moitlhaoelwi wa me,  
ke ikanetse Dafita,  
motlhanka wa me, ka re!<sup>l</sup>
- <sup>5</sup>Ke tla tlhomamisa losika lwa gago  
go ya kwa go sa khutleng,  
ke agela ditshika tsotlhe  
sedulo sa gago sa bogosi.”” Sela.
- <sup>6</sup>Magodimo a tla boka  
kgakgamatsos ya gago,  
MORENA, le boikanyo jwa gago  
bo bakwa  
mo phuthegong ya baitshepi.
- <sup>7</sup>Gonne ke mang yo o lekanang  
le MORENA kwa marung,  
yo o tshwanang le MORENA  
mo go bomorwa Modimo?<sup>m</sup>
- <sup>8</sup>Modimo o boifega  
mo kopanong ya baitshepi;  
o mogolo, o bile o boitshega  
go feta botlhe  
ba ba o dikanyeditseng.
- <sup>9</sup>MORENA,  
Modimo wa masomosomo,  
ke mang yo o tshwanang nao?
- <sup>10</sup>Wena o laola  
boikgogomoso jwa lewatle;  
e re fa makhubu a lone  
a tsholetsegga,  
wena o a didimatse.<sup>n</sup>

<sup>h</sup>) Pes. 42:8. <sup>i</sup>) Pes. 88:19; Pes. 31:12; 38:12. <sup>j</sup>) Pes. 6:6. <sup>k</sup>) Pes. 88:9.

<sup>l</sup>) Pes. 132:11; Jes. 55:3; Dit. 2:30. <sup>m</sup>) Jobe 1:6. <sup>n</sup>) Pes. 115:3. <sup>o</sup>) Math. 8:26; Pes. 65:8.

- <sup>11</sup>O tshwetlakantse Rahabe<sup>p</sup>  
jaaka yo o tlhabilweng;  
o phatlaladitse baba ba gago  
ka letsogo le le thata la gago.<sup>q</sup>
- <sup>12</sup>Magodimo ke a gago  
le lefatshe ke la gago;  
lefatshe le tse di tletseng mo go lone  
wena o di thaile tsotlhe.<sup>r</sup>
- <sup>13</sup>Bokone le borwa o di tlhodile;  
Thabore le Heremone  
di dudueletsa leina la gago.
- <sup>14</sup>O na le letsogo la bonatla,  
seatla sa gago se thata,  
letsogo le le jang la gago  
le tsholetsegile.
- <sup>15</sup>Tshiamo le molao ke motheo  
wa sedulo sa gago sa bogosi;  
bopelonomi le boammaaruri  
di eteleta sefatlhego sa gago pele.<sup>s</sup>
- <sup>16</sup>Go sego morafe  
o o itseng go duduetsa,  
o o tsamayang mo leseding  
la sefatlhego sa gago, MORENA.
- <sup>17</sup>Ba ipelela leina la gago ka metlha,  
ba godisiwa ka tshiamo ya gago.
- <sup>18</sup>Gonne wena  
o mokgabo wa thata ya bona,  
o tsholetsa lonaka lwa rona  
ka bopelonomi jwa gago.
- <sup>19</sup>Gonne thebe ya rona  
ke ya MORENA,  
kgosi ya rona  
ke ya Moitshepi wa Israele.<sup>t</sup>
- <sup>20</sup>Ka mothla oo, o ne wa bua  
le baitshepi ba gago ka pono wa re:  
“Ke neetsé mogale thuso,  
ke godisitse yo o tlhaotsweng  
mo morafeng.”<sup>u</sup>
- <sup>21</sup>Ke bonye Dafita,  
mothhanka wa me,  
ka mo tlotsa lookwane lwa me  
lo lo boitshepo.<sup>v</sup>
- <sup>22</sup>yo seatla sa me  
se tla nnang le ena ka gale,  
yo letsogo la me le tla mo tiisang.
- <sup>23</sup>Mmaba ga a ka ke a mo tlhasela,  
le e seng rra-bosula go mo patika.
- <sup>24</sup>Ke tla remaganya baganetsi  
ba gagwe fa pele ga gagwe,  
ke bolaya ba ba mo thoileng.
- <sup>25</sup>Mrme boikanyo jwa me  
le bopelonomi jwa me  
di tla nna nae,  
lonaka lwa gagwe  
lo tla tsholetsegela godimo  
ka leina la me.<sup>w</sup>
- <sup>26</sup>Ke baya seatla sa gagwe  
mo lewatleng,  
le letsogo la gagwe le le jang  
mo dinokeng.<sup>x</sup>
- <sup>27</sup>O tla nthaya a re:  
‘Wena o rre, o Modimo wa me,<sup>y</sup>  
o lefika la thuso ya me.’
- <sup>28</sup>Le gona ke tla mo dira  
motsalwapele le yo mogolo  
mo dikgosing tsa lefatshe.
- <sup>29</sup>Ke tla mmolokela bopelothlhomogi  
jwa me ka bosakhutleng,  
mme kgolagano ya me  
e tla mo tlhomamelza.<sup>z</sup>
- <sup>30</sup>Ke tla dira gore losika lwa gagwe  
e nne lo lo sa khutleng,  
le sebaka sa sedulo sa gagwe  
sa bogosi  
se lekane le malatsi a legodimo.
- <sup>31</sup>Mme e tla re fa bomorwawe  
ba tlogela molao wa me,  
ba sa tsamaye  
mo go tse di ntshiametseng,
- <sup>32</sup>fa ba itshepolola ditaelo tsa me,  
ba sa tlhokomele ditao tsa me,
- <sup>33</sup>ke ba beletse ditollo tsa bona  
ka thupa  
le melato ya bona ka dipetso.
- <sup>34</sup>Le fa go ntse jalo  
bopelothlhomogi jwa me  
ga nkitala ke bo tlosa mo go ene,  
le e seng go mo senyetsa  
boikanyo jwa me.
- <sup>35</sup>Ga nke ke itshepolola  
kgolagano ya me,  
le e seng go fetola  
se se duleng mo molomong wa me.
- <sup>36</sup>Ke ikanne gangwe fela

p) Fano go tewa kgwanyape ya bogologolo. q) Pes. 87:4. r) Pes. 24:1. s) Pes. 97:2.

t) Pes. 47:10. u) 1 Sam. 13:14; Pes. 89:4. v) 1 Sam. 16:13. w) 1 Sam. 2:10; Pes. 132:17.

x) Pes. 72:8. y) 2 Sam. 7:14. z) Jes. 54:10.

ka boitshepo jwa me  
 - ga ke ne ke aketsa Dafita! -  
<sup>37</sup>Ka re: 'Losika lwa gagwe  
 lo tla nnela ruri,  
 le sedulo sa gagwe sa bogosi  
 jaaka letsatsi fa pele ga me.<sup>a</sup>  
<sup>38</sup>O tla tlhomama ka bosakhutleng  
 jaaka ngwedi.  
 Kana mosupi yo o mo legodimong  
 o boikanyo.'<sup>b</sup> Sela.<sup>b</sup>  
<sup>39</sup>Mme wena o latlhile  
 motlodiwa wa gago,  
 wa mo nyatsa, wa mo galefela.<sup>c</sup>  
<sup>40</sup>O sentse kgolagano  
 e o e dirileng le motlhanka wa gago,  
 wa itshepolola serwalo sa gagwe  
 sa bogosi  
 ka go se latlhela fa fatshe.  
<sup>41</sup>O thubile dipota tsotlh tsa gagwe,  
 dikago tsa phemelo tsa gagwe  
 wa di ntsha marope.  
<sup>42</sup>Botlhe ba ba neng ba feta ka tsela  
 ba ne ba mo thukhutha dilo,  
 a sotlega mo go ba ba agileng nae.<sup>d</sup>  
<sup>43</sup>O godisitse mabogo a a jang  
 a baganetsi ba gagwe,  
 wa itumedisa baba botlhe  
 ba gagwe.  
<sup>44</sup>O titinne bogale  
 jwa tshaka ya gagwe,  
 wa se ka wa mo natlafatsa  
 mo tihabanong.  
<sup>45</sup>O fifaditse kgalalelo ya gagwe,  
 wa digela sedulo sa gagwe  
 sa bogosi fa fatshe.  
<sup>46</sup>O khutshwafaditse malatsi  
 a bokau jwa gagwe,  
 wa mo jesa ditlhong. Sela.  
<sup>47</sup>MORENA,  
 o tla iphitlha goleele go le kae?  
 A bogale jwa gago  
 bo tla tuka jaaka molelo?<sup>e</sup>  
<sup>48</sup>Gopola tihe gore bophelo ke eng?  
 A batho botlhe o ba bopetse  
 lefela?<sup>f</sup>  
<sup>49</sup>Motho ke mang yo o ka phelang,  
 a sa bone loso,

mme a golola mowa wa gagwe  
 mo thateng ya felo ga baswi? Sela.  
<sup>50</sup>MORENA, mapelotlhomogi a gago  
 a pele a kae,  
 a o ikanetseng Dafita  
 ka fa boikanyong jwa gago?<sup>g</sup>  
<sup>51</sup>MORENA, gopola tshotlego  
 ya badiredi ba gago  
 e ke e rweleng ka schuba sa me  
 e tswa merafeng yotlh e megolo,  
<sup>52</sup>e baba ba gago, MORENA,  
 ba sotlileng ka yona,  
 e ba sotlileng dikgato  
 tsa motlodiwa wa gago ka yona.  
<sup>53</sup>A MORENA a bakwe  
 ka bosakhutleng.  
 Amen, ee, a go nne jalo!

KAROLO YA BONE,  
DIPESALOME 90-106

*Bosengsepe jwa motho*  
<sup>90</sup> Thapelo ya ga Moše,  
 monna wa Modimo.  
 MORENA, o ntse o le botshabelo  
 jwa rona mo ditshikatshikeng.  
<sup>2</sup>Pele dithaba di ise di tsalwe,  
 o ise o tlhole lefatshe le lebopo,  
 wena o ntse o le Modimo  
 go tswa bosenang-tshimologo  
 go ya bosakhutleng.  
<sup>3</sup>O busetsa batho loroleng lwa mmu  
 wa re: "Boang, bana ba batho."<sup>h</sup>  
<sup>4</sup>Gonne dinyaga di le sekete,  
 mo matlhong a gago  
 di tshwana le letsatsi le le fetileng  
 la maabane,  
 di tshwana le tiso ya bosigo.<sup>i</sup>  
<sup>5</sup>O ba gogotse jaaka ka morwalela;  
 ba ntse jaaka ba robersetse.  
 Mo mosong ba nne jaaka bojang  
 jo bo tlhogang,<sup>j</sup>  
<sup>6</sup>jo bo thunyang mo mosong,  
 bo gole,  
 mme maitsiboa bo segwe,  
 bo omelele.  
<sup>7</sup>Gonne re nyelela

a) Pes. 72:17. b) Gen. 9:13. c) Pes. 44:10-25; 74; 79. d) Pes. 80:13. e) Pes. 85:6.  
 f) Pes. 90:9,10. g) Pes. 85:2. h) Moreri 1:4; 12:7. i) 2 Pet. 3:8.  
 j) Pes. 102:12; 103:15; Jobe 14:2; Jes. 40:6,7.

- ka bogale jwa gago,  
re fediwa ka tshoganyetso  
ka kgakalo ya gago.  
<sup>9</sup>O beile melato ya rona  
fa pele ga gago,  
le maleo a rona a a fithegileng  
o a beile mo leseding la sefatlhego  
sa gago.
- <sup>9</sup>Gonne malatsi a rona otlhe  
a fetisiwa ke bogale jwa gago,  
dinyaga tsa rona  
di feta jaaka kgopolu.
- <sup>10</sup>Bophelo jwa rona ke dinyaga  
di le masome a a supang,  
mme fa thata e le teng,  
bo ka nna dinyaga tse di masome  
a robedi;  
mme se segolo sa tsona  
ke tapisego le tshwenyego;  
gonne bo feta ka bonako,  
mme re fofela koo.<sup>k</sup>
- <sup>11</sup>Ke mang yo o lemogang bogolo  
jwa bogale jwa gago,  
le kgakalo ya gago,  
ka fa poitshegong ya gago?
- <sup>12</sup>Re rute go bala malatsi a rona  
gore re tle re tlhalefe  
mo dipelong.<sup>l</sup>
- <sup>13</sup>Boa, MORENA!  
Go tla nna golele go le kae?  
O utlwelie batlhanka ba gago  
botlhoko.
- <sup>14</sup>Re kgorise ka bopelotlhomogi  
jwa gago  
e sa le ka moso,  
mme re tla duduetsa,  
re itumela ka malatsi otlhe a rona.
- <sup>15</sup>Re fe boitumelo ka malatsi  
a a kana ka  
a o re watlhaileng ka ona  
le ka dinyaga tse di kana  
ka tse re bonyeng botlhoko  
mo go tsona.
- <sup>16</sup>A tiro ya gago e bonalele batlhanka  
ba gago,  
le kgalalelo ya gago bana ba bona.
- <sup>17</sup>A botsalano jwa MORENA,  
Modimo wa rona, bo re okame.  
Tswelletsu tiro ya diatla tsa rona,
- ee, tiro ya diatla tsa rona  
o e tsweletse.
- Mo phemel long ya Mogodimodimo*
- 91** Yo o ntseng mo tshireletsong  
ya Mogodimodimo,  
yo o leng mo moriting  
wa Mothatayothle,  
<sup>2</sup>o tla raya MORENA a re:  
“O botshabelo jwa me  
le kago ya phemelo ya me;  
o Modimo wa me  
o ke o ikanyang.”<sup>m</sup>
- <sup>3</sup>Gonne ke ena yo o tla go gololang  
mo serung sa mothaisa-nonyane  
le mo leroborobong  
le le bolayang.”
- <sup>4</sup>O tla go sireletsa  
ka diphuka tsa gagwe,  
ò fermelega fa tlase ga tsona;  
boammaaruri jwa gagwe  
ke thebe le phemelo.
- <sup>5</sup>Ga o na go boifa  
poitshego ya bosigo,  
le e seng motsu  
o o fofang motshegare,  
<sup>6</sup>le e seng leroborobo  
le le tsamayang mo lefifing,  
le e seng kgogodi e e bolayang  
motshegare wa selebalo.
- <sup>7</sup>Le fa go ka wa ba le sekete  
ka fa lothakoreng lwa gago,  
gongwe ba le dikete  
di le some  
ka fa letsogong le le jang la gago,  
wena ga go nke go go ama.
- <sup>8</sup>O tla leba ka matlhofela,  
o bona baikepi ba bolawa  
ke se ba se jeleng.<sup>n</sup>
- <sup>9</sup>Gonne o rile: “Wena MORENA  
o botshabelo jwa me.”  
O dirile Mogodimodimo  
phemelo ya gago.
- <sup>10</sup>Ga o nke o welwa ke bosula bope,  
le boago jwa gago ga bo nke  
bo atamelwa ke sebetso.
- <sup>11</sup>Gonne o tla go laelela baengale  
ba gagwe gore ba go boloke  
mo ditseleng tsotlhie tsa gago.<sup>p</sup>

k) Moreri 1:3-8. l) Pes. 39:5. m) Pes. 18:3. n) Pes. 124:7. o) Pes. 54:9. p) Math. 4:6.

<sup>12</sup>Ba tla go kuka ka diatla  
gore dinao tsa gago  
di se kgopiwe ke lentswe.  
<sup>13</sup>O tla gata tau le lebolobolo,  
o gataka ledumedi le kgogela.<sup>q</sup>  
<sup>14</sup>Ke tla mo pholosa,  
ka a nkgomaretse ka lorato,<sup>r</sup>  
ke tla mo sireletsa,  
gonne o itse leina la me.  
<sup>15</sup>E tla re a mpitsa, ke mo utlwe,  
ke nne nae mo tlalelong;  
ke tla mo namola, ke mo tlota.  
<sup>16</sup>Ke tla mo kgorisa bophelo  
jo bolelee,  
ke mmontsha pholoso ya me.

Loboko lwa go baka tshiamo ya  
Modimo

## 92 Pesalome. Sefela sa letsatsi la Sabata.

<sup>2</sup>Go monate go leboga MORENA  
le go opelela leina la gago dipako,  
Mogodimodimo,<sup>s</sup>  
<sup>3</sup>go bolela bopelothlhomogi jwa gago  
mo mosong  
le boikanyo jwa gago bosigo,  
<sup>4</sup>ka kwadi ya dithapo di le some  
le ka harepa le ka melodi  
ya segwana.<sup>t</sup>

<sup>5</sup>Gonne wena MORENA  
o intumedisitse  
ka go dira ga gago;  
ke duduetsa ditiro  
tsa diatla tsa gago.  
<sup>6</sup>Ditiro tsa gago, MORENA,  
di dikgolo jang!<sup>u</sup>  
Dikakanyo tsa gago  
di botengteng.

<sup>7</sup>Seeleele ga se di lemoge,  
lesilo ga le di tlhaloganye.  
<sup>8</sup>Fa baikepi ba gola sentile  
jaaka bojang,  
mme badira-bosula  
botlhe ba kgaba jaaka dithunya,  
e a be e le gore ba nyelediwe  
ka bosakhutleng.<sup>v</sup>

<sup>9</sup>Mme wena MORENA

o Mogodimodimo ka  
bosakhutleng.<sup>w</sup>  
<sup>10</sup>Gonne ruri, baba ba gago,  
MORENA,  
ruri baba ba gago ba tla latlhega,  
basulatsi bottlhe ba tla faladiwa.  
<sup>11</sup>Lonaka lwa me o lo tsholetsa  
jaaka lwa nare,  
o ntloiditse lookwane lo lošwa.<sup>x</sup>  
<sup>12</sup>Leithlo la me le tla leba  
baba ba me ka kgatlhego,  
ditsebe tsa me di tla utlwela  
tatlhego ya basenyi  
ba ba ntsogelang ka boitumelo.<sup>y</sup>  
<sup>13</sup>Mosihami o tla tlhoga jaaka  
mokolane a gole jaaka setlhare  
sa mosetere wa Lebanon;<sup>z</sup>  
<sup>14</sup>ba ba tlhomilweng mo Ntlong ya  
MORENA  
ba tla tlhoga mo malapeng a  
Modimo wa rona.<sup>a</sup>  
<sup>15</sup>Ba tla nna ba ungwa  
le mo botsofeng;  
ba tla nona, ba nna banana,<sup>b</sup>  
<sup>16</sup>e le go bolela gore MORENA  
ke wa nnete.  
Ke lefika la me;  
ga go tshiamololo epe mo go ena.<sup>c</sup>

Modimo ke kgosi go ya bosakhutleng

## 93 MORENA ke kgosi, o apere borena.

MORENA o apere,  
o itlamile ka bonatla.  
Lefatshe le lone o le thaile  
gore le se ka la tshikinyega.<sup>d</sup>  
<sup>2</sup>Sedulo sa gago sa bogosi se sa le  
se tlhomama bogologolo tala.  
Wena o ntse o le teng  
ka bosena-tshimologo.  
<sup>3</sup>MORENA, dinoka di tsholeditse,  
dinoka di tsholeditse  
kgwaso ya tsona;  
dinoka di tsholetsa  
mosumo wa tsona.  
<sup>4</sup>MORENA mo bogodimong  
o thata go gaisa kgwaso

q) Luka 10:19. r) Go bua MORENA. s) Pes. 147:1. t) Pes. 33:2. u) Pes. 104:24; Jes. 55:9.

v) Pes. 37:2. w) Pes. 97:9. x) Pes. 23:5. y) Pes. 91:8. z) Pes. 52:10. a) Pes. 84:3.

b) Pes. 1:3. c) Doit. 32:4. d) Ekes. 15:18; Pes. 97:1; 99:1; 96:10.

ya metsi a magolo  
le dintelo tse dikgolo tsa lewatle.  
<sup>5</sup>Ditshupo tsa gago  
di ikanyega gotlhe;  
Ntlo ya gago, MORENA,  
e tshwanetswe ke boitshepo  
ka metlha yotlhe.<sup>e</sup>

*Thapelo ya go gololwa mo go ba ba  
patikang morafe wa Modimo*

**94** MORENA,  
Modimo wa pusoloso,  
Modimo wa pusoloso, iponatse!<sup>f</sup>  
<sup>2</sup>Nanoga, Moatlhodi wa lefatsho;  
busetsa baikgantshi  
ditiro tsa bona.<sup>g</sup>  
<sup>3</sup>Baikepi ba tla tsaya sebaka  
se se kana kang, MORENA?  
Baikepi ba tla duduetsa  
goleele go le kae?  
<sup>4</sup>Ba phoka lefulu,  
ba bua ka makgakga;  
badira-bosula ba ikgantsha botlhe.  
<sup>5</sup>MORENA, ba šobotla batho ba gago,  
ba patika boswa jwa gago.  
<sup>6</sup>Ba bolaya motlhologadi le moeng;  
ba gaila masiela,  
ba re: "MORENA ga a nke a bona;  
Modimo wa ga Jakobe  
ga o nke o lemoga."<sup>h</sup>  
<sup>8</sup>Lemogang,  
lona dielelele mo morafeng!  
Lona masilo, lo tla tlhalefa leng?<sup>i</sup>  
<sup>9</sup>A ena yo o tlhomileng tsebe  
ga a ka ke a utlwa?  
A ena yo o bopileng leitlho  
ga a ka ke a bona?<sup>j</sup>  
<sup>10</sup>A yo o layang ditšhaba  
ga a ka ke a di kgalemela,  
ena yo o rutang batho kitso?  
<sup>11</sup>MORENA o itse megopoloo ya batho,  
fa e le ya lefela.<sup>k</sup>  
<sup>12</sup>Go sego motho yo wena, MORENA,  
o mo wathhayang,  
o mo ruta molao wa gago<sup>l</sup>  
<sup>13</sup>gore o tle o mo nee tapologo  
mo malatsing a tlalelo,

go tsamaya moikepi  
a epelwe lemena."<sup>m</sup>

<sup>14</sup>Gonne MORENA  
ga a nke a latlha batho ba gagwe;  
ga a nke a tlogela  
boswa jwa gagwe.  
<sup>15</sup>Katlholo e tla boela mo tshiamong;  
botlhe ba ba dipelo  
di tlhamaletseng ba tla e latela.  
<sup>16</sup>Ke mang yo o tla nkemelang  
mo basulatsing?  
Ke mang yo o tla mpuelelang  
mo go ba ba dirang bosula?  
<sup>17</sup>Fa e ka bo e se MORENA  
yo o nthusang,  
mowa wa me o ka bo o setse  
o le gaufi le felo ga tidimalo.<sup>n</sup>  
<sup>18</sup>E ne ya re fa ke re:  
"Lonao lwa me lo a theekela!"<sup>o</sup>  
bopelothhomogi jwa gago,  
MORENA, bo ntshegetse.  
<sup>19</sup>Mo bontsing jwa matshwenyego  
a a mo teng ga me,  
dikgomotsa tsa gago  
di itumedisa mowa wa me.<sup>p</sup>  
<sup>20</sup>A sedulo sa moatlhodi sa tshenyo  
se ka dumelana le wena,  
se se bopang bosula  
ka go sokamisa molao?  
<sup>21</sup>Ba ikopanyetsa  
bophelo jwa mosiami,  
ba sekisa madi a a se nang molato.  
<sup>22</sup>Mme MORENA ke phemelo ya me;  
Modimo wa me e ntse e le lefika  
la botshabelo jwa me.  
<sup>23</sup>O tla ba busolosetsa  
tshiamololo ya bona,  
a ba fedisa  
ka ntlha ya bosula jwa bona;  
MORENA, Modimo wa rona,  
o tla ba nyeletsa.

*Tlhotlheletso ya go dudueletsa Modimo*  
**95** Tlayang a re dudueletseng  
MORENA,  
re ipeleleng lefika la pholoso  
ya rona.

e) Pes. 19:8-11. f) Doit. 32:35. g) Gen. 18:25. h) Pes. 10:11. i) Pes. 92:7. j) Ekes. 4:11.  
k) 1 Bakor. 3:20. l) Pes. 19:12-14; Jobe 5:17. m) Pes. 37:7. n) Pes. 115:17.  
o) 2 Bakor. 1:4,5.

<sup>2</sup>A re tleng fa pele ga sefatlhego  
sa gagwe ka malebogo,  
re mo ipeleleng ka dikopelo  
tsa pako.

<sup>3</sup>Gonne MORENA  
ke Modimo o mogolo,  
ke kgosi e kgolo,  
mmusi wa medimo yotlhe,<sup>p</sup>  
<sup>4</sup>yo mateng a lefatshe  
a leng mo seatleng sa gagwe,  
yo ditlhoa tsa dithaba  
e leng tsa gagwe;  
<sup>5</sup>yo lewatele leng la gagwe,  
o le tlhodile;  
le lefatshe le le omileng  
ke la gagwe,  
diatla tsa gagwe di le bopile.  
<sup>6</sup>Tlayang a re obameleng,  
re iname,  
re khubame fa pele ga MORENA,  
Mmopi wa rona.  
<sup>7</sup>Gonne ke ene Modimo wa rona;  
rona re batho  
ba bofulo jwa gagwe  
le dinku tsa seatla sa gagwe.  
E kete lo ka bo lo utlwa  
lentswe la gagwe kajeno!<sup>q</sup>  
<sup>8</sup>“Se thatafatseng dipelo tsa lona  
jaaka kwa Meriba  
le ka letsatsi la Masa mo sekakeng,  
<sup>9</sup>kwa borraalonan ba nthaetseng teng,  
ba ntaka,  
etswe ba bonye ditiro tsa me.”  
<sup>10</sup>Ke ne ka tenwa ke morafe  
oo dinyaga di le 40,  
ka bua ka re: ‘Batho ba,  
ke ba ba dipelo di timetseng,  
ga ba itse ditsela tsa me.’  
<sup>11</sup>Ke gona ka moo ke ikanneng  
mo bogaleng jwa me ka re:  
‘Ga ba nke ba tsena  
mo boikhutsong jwa me.’<sup>r</sup>

*Opelelang moatlhodi, o e tla*

**96** Opelelang MORENA  
sefela se sešwa;  
opelelang MORENA,  
lona mafatshe otlhe!<sup>s</sup>

p) Pes. 96:4. q) Pes. 100:2; Joh. 10:27,28; Baheb. 3:7; 4:7. r) Ekes. 17:2,7.

s) Num. 14:22,23. t) Pes. 33:3. u) Pes. 72:10. v) Pes. 93:1. w) Pes. 98:7-9; Jes. 49:13.

<sup>2</sup>Opelelang MORENA,  
lo bake leina la gagwe,  
utlwatsang pholoso ya gagwe  
ka letsatsi lengwe le lengwe!

<sup>3</sup>Bolelang kgalalelo ya gagwe  
mo merafeng le dikgakgamatsotso  
tsa gagwe mo bathong bothle!

<sup>4</sup>Gonne MORENA o mogolo,  
pako e kgolo e mo tshwanetse;  
o boitshega  
bogolo go medimo yotlhe.

<sup>5</sup>Gonne medimo yotlhe ya merafe  
ga se ya sepe;  
mme MORENA o dirile magodimo.

<sup>6</sup>Borena le kgalalelo  
di fa pele ga gagwe;  
thata le bontle di mo Felong  
ga gagwe ga Boitshepo.

<sup>7</sup>Ntshetsang MORENA,  
lona ditso tsa merafe,  
ntshetsang MORENA  
kgalalelo le thata!

<sup>8</sup>Ntshetsang MORENA  
kgalalelo ya leina la gagwe,  
tlisang ditshupelo,  
lo tsene mo malapeng a gagwe!<sup>u</sup>

<sup>9</sup>Obamelang MORENA  
ka mokgabo o o boitshepo;  
roromang fa pele  
ga sefatlhego sa gagwe,  
lona mafatshe aotlhe!

<sup>10</sup>Buang mo merafeng lo re:  
“MORENA ke kgosi;  
o thaile lefatshe  
gore le se tshikinyege;  
o tla athola batho ka tshiamo.”<sup>v</sup>

<sup>11</sup>A magodimo a itumele,  
a lefatshe le duduetsse,  
a lewatele le gwase  
le tse di tletseng mo go lone.<sup>w</sup>

<sup>12</sup>A naga e ipele  
le tsotlhe tse di mo go yona;  
ke gona dithhare tsotlhe tsa sekgwadi  
tla duduetsang  
fa pele ga MORENA;

<sup>13</sup>gonne o e tla,  
o tsile go athola lefatshe;  
o tla athola lefatshe ka tshiamo

le batho ka boammaaruri  
jwa gagwe.<sup>x</sup>

## Go busa MORENA

**97** MORENA ke kgosi;  
a lefatshe le duduets;  
a ditlhakathake tse dintsi  
di itumele.<sup>y</sup>

<sup>z</sup>Maru le lefifi di mo dikanyeditse;  
tshiamo le molao ke mothao  
wa sedulo sa gagwe sa bogosi.<sup>z</sup>

<sup>3</sup>Molelo o mo eteletse pele;  
o nyeletsa baba ba gagwe  
tikologong.<sup>a</sup>

<sup>4</sup>Dikgadima tsa gagwe  
di bonesa lefatshe;  
lefatshe le a di bona,  
e bile le a roroma.

<sup>5</sup>Dithaba di gakologa  
fa pele ga MORENA  
jaaka mmotu wa dinotshe,  
fa pele ga Morena  
wa lefatshe lotlhe.

<sup>6</sup>Magodimo a bolela tshiamo  
ya gagwe  
le batho botlhe  
ba bona kgalalelo ya gagwe.<sup>b</sup>

<sup>7</sup>A tlhajwe ke ditlhong botlhe  
ba ba direlang ditshwantsho,  
ba ba ipokang ka medimo  
e e seng yona.

Medimo yothle e a mo obamela.<sup>c</sup>

<sup>8</sup>Sione o a utlwa, o a itumela;  
bormorwadia Juta ba ipelela  
dikatlholo tsa gago, MORENA.<sup>d</sup>

<sup>9</sup>Gonne wena MORENA  
o Mogodimodimo  
yo o okameng lefatshe lotlhe;  
o mogolo bogolo go medimo  
yothle.<sup>e</sup>

<sup>10</sup>Ba lo ratang MORENA,  
tlhoang bosula;  
o boloka mewa ya badumedi  
ba gagwe,  
o ba pholosa  
mo diatleng tsa baikepi.<sup>f</sup>

<sup>11</sup>Lesedi le tlhabetse mosiami,  
le boitumelo bo bonaletse  
ba ba dipelo di thogameng.<sup>g</sup>

<sup>12</sup>Lona basiami,  
itumeleleng MORENA,  
lo bake leina la gagwe  
le le boitshepo.

*Mogolodi wa badumedi le moatlhodi  
wa lefatshe*

**98** Pesalome.

Opelelang MORENA sefela se seswa;  
gonne o dirile  
dilo tse di gakgarnatsang.  
O fonya ka seatla se se jang,  
e bong ka letsogo la gagwe  
le le boitshepo.<sup>h</sup>

<sup>2</sup>MORENA o utlwaditse  
pholoso ya gagwe,  
a senolela matlho a ditshaba  
tshiamo ya gagwe.

<sup>3</sup>O gopotse bopelontle jwa gagwe  
le boikanyo jwa gagwe  
mo Baiseraeleng;  
dikhutlo tsotlhe tsa lefatshe  
di bonye pholoso  
ya Modimo wa rona.<sup>i</sup>

<sup>4</sup>Didueletsang MORENA,  
lona ba lefatshe lotlhe;  
ponyegang, lo ipele, lo opele.

<sup>5</sup>Opelelang MORENA ka katara,  
ka katara le mantswe a kopelo.

<sup>6</sup>Duduetsang ka diphala  
le tumo ya dinaka  
fa pele ga MORENA yo e leng kgosi.<sup>j</sup>

<sup>7</sup>A lewatle le gwase  
le tse di tletseng mo go lone,  
le lefatshe le ba ba agileng  
mo go lone.<sup>k</sup>

<sup>8</sup>A dinoka di ope diatla  
le dithaba di pate ka maipelo  
fa pele ga MORENA.

Gonne o e tla go athola lefatshe.  
O tla athola lefatshe ka tshiamo,  
le batho ka tshwanelo.

<sup>x</sup>) Dit. 17:31. <sup>y</sup>) Pes. 93:1. <sup>z</sup>) Pes. 89:15. <sup>a</sup>) Hab. 3:3-6. <sup>b</sup>) Pes. 19:2. <sup>c</sup>) Baheb. 1:6.

<sup>d</sup>) Bafil. 4:4,5. <sup>e</sup>) Pes. 96:4. <sup>f</sup>) Amose 5:14,15. <sup>g</sup>) Pes. 112:4. <sup>h</sup>) Pes. 33:3.

<sup>i</sup>) Jes. 52:10. <sup>j</sup>) Num. 23:21. <sup>k</sup>) Pes. 96:11,13.

*MORENA ke kgosi e e busang gotlhe*

## 99 MORENA ke kgosi!

A merafe e rorome.

O ntse godimo ga boKerubime,  
a lefatshe le tshikinyege.<sup>1</sup>

<sup>2</sup>*MORENA o mogolo mo Sione,*  
o okame merafe yotlhe.

<sup>3</sup>*A ba bake leina la gago le legolo*  
la poitshego!

Ke le le boitshepo.

<sup>4</sup>*A ba bake le thata ya kgosi*  
e e ratang tshiamo.

Ke wena yo o tlhomamisitseng  
tse di tshwanetseng;  
tshiamo le molao o di dirisitse  
mo Jakobe.<sup>m</sup>

<sup>5</sup>*Godisang MORENA,*

Modimo wa rona,  
lo ikobele fa pele ga sebeo  
sa dinao tsa gagwe;  
gonne ene o boitshepo.

<sup>6</sup>*Moše le Arone e ne e le bangwe*  
ba baperesiti ba gagwe,  
Samuele e le wa ba ba bitsang  
leina la gagwe.

Ba ne ba goela MORENENG,  
mme a ba utlwa."<sup>n</sup>

<sup>7</sup>*O ne a bua nabo,*  
a le mo pinagareng ya leru;  
ba ne ba boloka ditshupo tsa gagwe  
le molao o a neng a o ba neile.

<sup>8</sup>*Wena MORENA, Modimo wa rona,*  
o ba utlwile;

o ne o le Modimo o o boitshwarelo  
mo go bona, mme o busolosa  
ka fa ditirong tsa bona.

<sup>9</sup>*Godisang MORENA,*  
Modimo wa rona,  
lo ikobele fa pele ga thaba  
ya gagwe e e boitshepo;  
gonne MORENA, Modimo wa rona,  
o boitshepo.

*Sefela sa tebogo*

## 100 Pesalome ya tebogo.

Didueletsang MORENA,  
lona mafatshe otlhe.

<sup>2</sup>*Direlang MORENA ka boitumelo;*  
tlayang fa pele ga sefathego  
sa gagwe ka tduuetso.

<sup>3</sup>*Lemogang gore MORENA*  
ke ena Modimo;  
ene o re dirile, mme re ba gagwe;  
re batho ba gagwe  
le dinku tse o di fudisang.<sup>o</sup>

<sup>4</sup>*Tsenang ka dikgoro tsa gagwe*  
ka tebogo  
le mo malapeng a gagwe ka pako.

Mo lebogeng,  
lo bake leina la gagwe.

<sup>5</sup>*Gonne MORENA o molemo;*  
bopelontle jwa gagwe  
bo nnetse ruri  
le boikanyo jwa gagwe  
mo tshikatshikeng.

*Boitsholo jwa kgosi*

## 101 Pesalome ya ga Dafita.

Ke tla opela  
ka ga bopelonomi le tshiamo,  
ke opelela wena MORENA.

<sup>2</sup>Ke tla tlhokomela tsamao  
e e thokgameng.  
O tla tla leng kwano go nna?  
Ke tla sepela ka pelo e e phepa  
mo lapeng la me.

<sup>3</sup>Ga nke ke lesa matlho a me  
go leba dilo tse di bosula.<sup>p</sup>  
Ke tlhoile go dira ga baikepi;  
ga go nke go nkgomarela.

<sup>4</sup>Pelo e e sokameng e tshwanets  
go tloga mo go nna;  
bosula ga ke rate go bo itse.

<sup>5</sup>Yo o sebang mongwe-ka-ene  
mo sephiring  
ke tla mo didimatsa.

Yo o matlho a boikgodiso  
le pelo ya boikgogomoso  
ga nka ke ka mo itshokela.

<sup>6</sup>Matlho a me a tla leba  
baikanyegi ba lefatshe  
gore ba phele le nna.

Ena yo o tsamayang mo tseleng  
e e thokgameng o tla ntirela.<sup>q</sup>

<sup>7</sup>Yo o dirang ka tsietso ga a nke

<sup>1</sup>) Pes. 93:1; 80:2. <sup>m</sup>) Jes. 9:6. <sup>n</sup>) Jer. 15:1. <sup>o</sup>) Pes. 95:7. <sup>p</sup>) Diane 20:8-28. <sup>q</sup>) Diane 22:11.

a nna mo teng ga ntlo ya me;  
yo o buang maaka ga a nke a ema  
fa pele ga matlho a me.

<sup>8</sup>Mo mosong mongwe le mongwe  
ke tla nyeletsa tsaikepi botlh  
mo lefatsheng;  
mo motseng wa MORENA  
ke bolaela ruri badiradibe botlh.<sup>7</sup>

*Thapelo ya boikwathlao*

**102** Thapelo ya motlalelw, a  
itlhobogile, mme a tshololela  
selelo sa gagwe fa pele ga MORENA.

<sup>2</sup>MORENA, utlwa thapelo ya me;  
a go lelela thuso ga me go fitlh  
kwa go wena!<sup>8</sup>  
<sup>3</sup>Se mphitlhelo sefatlhego sa gago  
mo motlheng  
o ke leng mo pitlaganong ka ona;  
ntshekegele tsebe  
motlheng ke bitsang,  
o nkutlw ka bonako.

<sup>4</sup>Gonne malatsi a me a nyelela  
jaaka musi;  
marapo a me a tuka molelo  
jaaka serumola.

<sup>5</sup>Pelo ya me e iteilwe, e swabile  
jaaka tlhaga,  
ka ba ka lebala go ja sejo sa ka.

<sup>6</sup>Marapo a me a kgomaretse nama  
ya me  
ka ntlha ya go durna ga me  
mo go thata.

<sup>7</sup>Ke tshwana le kokolofute  
a le mo sekakeng;  
ke ntse jaaka morubisi  
o o nnang mo matlotleng.

<sup>8</sup>Ga ke bone boroko;  
ke lela jaaka serobele  
se se sosi mo setliheng sa ntlo.

<sup>9</sup>Baba ba me ba tlhola ba nkgoba;  
ba ba nkgakaletseng  
ba hutsa ka leina la me.

<sup>10</sup>Gonne ke ja molora jaaka bogobe;  
seno sa me

ke se tlhakanya le dikeledi<sup>9</sup>

<sup>11</sup>ka ntlha ya kgalefo ya gago  
le kgakalo ya gago;

gonne o ntshoeditse,  
wa ntatlhela fa fatshe.

<sup>12</sup>Malatsi a me a tshwana le moriti  
o moleele wa maitsiboa,  
ke swaba jaaka tlhaga.<sup>10</sup>

<sup>13</sup>Mme wena, MORENA,  
o tla nnela ruri,  
le segopotso sa gago  
se tla nna mo tshikatshikeng.

<sup>14</sup>Wena o tla nanoga,  
o utlwela Sione botlhoko;  
gonne ke nako  
ya go mo itshwarela;  
nako e e beilweng e tsile.<sup>11</sup>

<sup>15</sup>Gonne batlhanka ba gago  
ba rata majwe a gagwe,  
ba utlwla botlhoko,  
ka a thubakilwe.

<sup>16</sup>Mme ditshaba di tla boifa  
leina la gago, MORENA,  
le dikgosi tsotlh tsa lefatshe  
di tla boifa kgalalelo ya gago.

<sup>17</sup>Gonne MORENA o aga Sione,  
o bonwa mo kgalalelong ya gagwe.

<sup>18</sup>O retologetse thapelo  
ya yo o sa aparang;  
ga a nyatse dithapelo tsa bona.

<sup>19</sup>Dilo tse, a di kwalelw  
losika lo lo tlhang;  
a batho ba ba tla tlholegang  
ba boke MORENA.

<sup>20</sup>Gonne o lebile kwa tlase  
a le kwa bogodimong  
jo bo boitshepo jwa gagwe;  
MORENA o lebile lefatshe  
a le mo legodimong

<sup>21</sup>gore a utlw  
diphegelo tsa bagolegw, i  
le gore a golole  
ba ba atholetseng loso<sup>12</sup>

<sup>22</sup>gore ba bolele leina la MORENA  
mo Sione

le pokon ya gagwe mo Jerusalema,

<sup>23</sup>fa merafe yotlh e phuthega,  
le magosi go direla MORENA.<sup>13</sup>

<sup>24</sup>O koafaditse thata ya me  
mo tseleng,  
a khutshwafatsa malatsi a me.

r) Diane 20:26. s) Jobe 19:20. t) Pes. 80:6. u) Pes. 90:5; Jobe 14:2. v) Pes. 14:7.

w) Pes. 79:11. x) Pes. 87:4.

<sup>25</sup>Mme ka re: "Modimo wa me,  
se ntlose mo gare ga malatsi a me;  
dinyaga tsa gago ke tsa  
tthatologano ya ditshika."<sup>y</sup>

<sup>26</sup>O sa le o thaya lefatshe bogologolo,  
wa dira magodimo  
ka diatla tsa gago.<sup>z</sup>

<sup>27</sup>Tseo di tla nyelela,  
wena o tla sala;  
ee, di tla onala tsotlhe  
jaaka seaparo;  
o tla di ananya jaaka kobo;  
mme di tla nyelela.<sup>u</sup>

<sup>28</sup>Mme wena o sa le ena,  
dinyaga tsa gago  
ga di nke di fela.<sup>b</sup>

<sup>29</sup>Bana ba batlhanka ba gago  
ba tla aga,  
losika lwa bona lo tla tlhomama  
fa pele ga gago.<sup>c</sup>

*Go lebogela Modimo  
boitshwarelo jwa ona*

**103** Pesalome ya ga Dafita.  
Baka MORENA, mowa wa me,  
le tsotlhe tse di mo teng ga me,  
bakang leina la gagwe  
le le boitshepo!

<sup>2</sup>Baka MORENA, mowa wa me;  
se lebale sepe sa ditiro  
tse di molemo tsa gagwe!

<sup>3</sup>O itshwarela maleo a gago otlhe,  
o fodisa makoa a gago otlhe.<sup>d</sup>

<sup>4</sup>O golola bophelo jwa gago  
mo tshenyegong,  
o go rwesa bopelothhomogi  
le mautlwelo-botlhoko  
mo tihogong.<sup>e</sup>

<sup>5</sup>O go kgorisa tse di molemo  
gore o busediwe bokaung  
jaaka ntsu.<sup>f</sup>

<sup>6</sup>MORENA o direla bothhe tshiamo  
le katlwelo ba ba patikwang.

<sup>7</sup>O ne a itsise Moše  
ditscla tsa gagwe  
le Baiseraele ditiro tsa gagwe.<sup>g</sup>

<sup>8</sup>MORENA o kutlwelobotlhoko  
le boitshwarelo;  
o bopelotelele,  
o bopelontle jo bogolo.<sup>h</sup>

<sup>9</sup>Ga a nke a nna bogale ka metlha,  
le e seng go galefela ruri.<sup>i</sup>

<sup>10</sup>Ga a re direla  
ka fa maleong a rona,  
le e seng go re busolosa  
ka fa ditshiamololong tsa rona.

<sup>11</sup>Gonne bopelothhomogi jwa gagwe  
bo bogolo mo go ba ba mmoifang  
jaaka legodimo le okame lefatshe.<sup>j</sup>

<sup>12</sup>O tlosetsa ditlolo tsa rona kgakala,  
jaaka botlhabatsatsi bo le kgakala  
le bophirimatsatsi.

<sup>13</sup>MORENA  
o utlwela ba ba mmoifang botlhoko,  
jaaka rrabana a utlwela  
bana ba gagwe botlhoko.

<sup>14</sup>Gonne ena o itse popego ya rona,  
o gopola, fa re le lorole.<sup>k</sup>

<sup>15</sup>Motho ena, malatsi a gagwe  
a tshwana le bojang;

<sup>16</sup>O thunya jaaka sethunya sa naga.<sup>l</sup>

<sup>16</sup>Fa phefo e se fokile, ga se yo,  
mme felo ga sona  
ga go tlhole go se itse.

<sup>17</sup>Mme bopelothhomogi jwa MORENA  
bo mo go bona ba ba mmoifang,  
go tswa bosenang-tshimologo  
go ya bosakutleng,  
le tshiamo ya gagwe  
mo baneng ba bana.<sup>m</sup>

<sup>18</sup>e leng ba ba bolokang  
kgolagano ya gagwe,  
ba ba gakologelwang  
ditaelo tsa gagwe  
gore ba di dirise.

<sup>19</sup>MORENA o tlhomamisitse  
sedulo sa bogosi sa gagwe  
kwa magodimong;  
bogosi jwa gagwe  
bo busa ntheng tsotlhe.

<sup>20</sup>Bakang MORENA,  
lona baengele ba gagwe,

y) Pes. 55:24. z) Baheb. 1:10-12; Pes. 90:2. a) 2 Pet. 3:10. b) Pes. 102:13. c) 1 Joh. 2:17.

d) Pes. 32:1. e) Pes. 5:13. f) Jes. 40:31. g) Ekes. 33:13. h) Ekes. 34:6; Pes. 86:15.

i) Jes. 57:16. j) Pes. 36:6. k) Jobe 10:9; Gen. 2:7; 3:19. l) Pes. 90:5; 6; 1 Pet. 1:24; 25.

m) Dilelo 3:22; Luka 1:50.

lona dinatla tse di thata,  
ba lo dirafatsang lefoko la gagwe  
ka go utlwa lenseswe la lefoko  
la gagwe.<sup>n</sup>

- <sup>21</sup>Bakang MORENA,  
lona masomosomo otlhe a gagwe,  
lona badiredi ba gagwe,  
ba lo dirang  
ka fa thatong ya gagwe.
- <sup>22</sup>Bakang MORENA,  
lona ditiro tsotlhe tsa gagwe  
mo mafelong otlhe  
a puso ya gagwe;  
baka MORENA, wena mowa wa me!<sup>o</sup>

*Go baka Modimo ka ditiro  
tsa tlholego*

- 104** Baka MORENA, mowa wa me!  
MORENA, Modimo wa me,  
o mogolo thata;  
o apere kgalalelo le borena.  
<sup>2</sup>O ikapesa lesedi jaaka kobo,  
o phutholola legodimo  
jaaka lesela la tente.  
<sup>3</sup>O aga maago a gago a bogodimo  
mo metsing,  
o ntsha maru koloi ya gago,  
o tsamaya ka diphuka tsa phefo.  
<sup>4</sup>O dira diphefo barongwi ba gago  
le dikgabo tsa molelo  
badiredi ba gago.<sup>p</sup>  
<sup>5</sup>O beile lefatshes  
mo methaong ya lone  
gore le se ka la tshikinyega  
ka motlha ope go  
ya bosakhutleng.  
<sup>6</sup>O no o le khurumeditse  
ka morwalela jaaka ka seaparo,  
metsi a ne a eme  
godimo ga dithaba,  
<sup>7</sup>a tshaba kgalemo ya gago,  
a thibogela lenseswe la tumo  
ya maru ya gago.<sup>q</sup>  
<sup>8</sup>Dithaba tsa tlhatloga,  
mekgatsha ya itshetela;  
metsi a ya kwa felong  
fa o a laoletseng gona.  
<sup>9</sup>O beile molelwane

- o a sa ka keng a o tlola  
gore a se boe  
a khurumetsa lefatshes gape.  
<sup>10</sup>O eledisa metsi a metswedi  
mo melapong,  
a ba a ela fa gare ga dithaba.  
<sup>11</sup>A nowa ke diphologolo tsotlhe  
tsa naga,  
dipitse tsa naga di itima lenyora.  
<sup>12</sup>Dinonyane tsa legodimo  
di agile godimo ga ona,  
di letsia melodi mo dikaleng.  
<sup>13</sup>O nosa dithaba metsi a a tswang  
maagong a bogodimo a gago;  
lefatshe le kgora maungo  
a ditiro tsa gago.  
<sup>14</sup>O tlhogisetse dikgomo bojang,  
le motho dimela go mo thusa  
le go ntsha dijo mo lefatsheng,<sup>r</sup>  
<sup>15</sup>le weine  
go itumedisa pelo ya motho,  
le lookwane  
go phatsimisa sefatlhego,  
le senkgwe go tiisa  
pelo ya motho.<sup>s</sup>  
<sup>16</sup>Ditlhare tsa MORENA di a kgora,  
le mesetere ya Lebanon  
e o e tlhomileng,  
<sup>17</sup>mo dinonyane  
di agang dintlhaga teng;  
le lekololwana sentlhaga sa lone  
se mo ditlhareng tsa mesiperese.  
<sup>18</sup>Dithaba tse dikgolo  
ke botshabelo jwa diphele;  
jwa dipela ke mafika.  
<sup>19</sup>O dirile ngwedi  
gore o supe dipaka;  
letsatsi le itse go phirima ga lone.<sup>t</sup>  
<sup>20</sup>Fa o tsisa lefifi, go nna bosigo,  
diphedi tsotlhe tsa sekgwae  
di tsamaya mo go jona.  
<sup>21</sup>Ditawana di dumela  
se di ka se bolayang,  
di batla dijo tsa tsona  
mo Modimong.  
<sup>22</sup>Fa letsatsi le tlhaba, di a boa,  
di ye go botha  
mo dikutleng tsa tsona.

<sup>n</sup>) Pes. 29:1; Dan. 7:10. <sup>o</sup>) Pes. 148. <sup>p</sup>) Baheb. 1:7. <sup>q</sup>) Jobe 38:8-11. <sup>r</sup>) Pes. 147:8.

<sup>s</sup>) Baath. 9:13; Moreri 10:19. <sup>t</sup>) Pes. 19:7; 74:16.

- <sup>23</sup>Motho a tswele kwa tirong ya gagwe  
le kwa matsapeng a gagwe  
go ya maitsiboeng.
- <sup>24</sup>Ditiro tsa gago, MORENA,  
kana di methalethale jang!  
O dirile tsotlhe ka botlhale;  
lefatshe le tletse ditlhodiwa  
tsa gago.
- <sup>25</sup>Fa e le lewatle le legolo,  
le atharmetse ntlheng tsotlhe;  
go saila diphedi mo go lone  
tsé di se nang palo,  
diphedi tse dinnye le tse dikgolo.
- <sup>26</sup>Mekoro e tsamaya teng,  
le lerusua le o le bopileng  
gore le tshameke mo go lone.
- <sup>27</sup>Tsotlhe di lebeletse wena  
gore o di fe dijo tsa tsona  
ka nako ya teng.<sup>u</sup>
- <sup>28</sup>Fa o di fa, di a sela;  
fa o huporolola seatla,  
di kgora tse di molemo;
- <sup>29</sup>fa o bipa sefatilhego, di a tshoga;  
fa o tlosa mewa ya tsona,  
di a swa,  
di boela loroleng lwa tsona;<sup>v</sup>
- <sup>30</sup>fa o roma mowa wa gago,  
di a tlholega;  
o tlhabolola sefatilhego sa lefatshe.
- <sup>31</sup>A kgalalelo ya MORENA  
e nnele ruri;  
a MORENA a itumelele  
ditiro tsa gagwe,
- <sup>32</sup>ene yo e a reng a leba lefatshe,  
le rorome;<sup>w</sup>  
e re a ama dithaba, di kue musi.
- <sup>33</sup>Ke tla opelela MORENA  
fa ke sa phedile;  
ke tla baka Modimo wa me  
ke sa le yo.
- <sup>34</sup>A dikakanyo tsa me di o natefele;  
nna ke tla itumela mo go MORENA.
- <sup>35</sup>A baleofi ba nyelediwe  
mo lefatsheng;  
a baikepi ba se tlhole ba nna teng.  
Mowa wa me, baka MORENA.  
Haleluya!<sup>x</sup>

*Ditiro tse Modimo o di diretseng  
Baiseraele*

- 105** Lebogang MORENA,  
lo bitse leina la gagwe;  
lo itsise ditiro tsa gagwe  
mo merafeng!<sup>y</sup>
- <sup>2</sup>Mo opeleleng, lo mo leletse,  
lo bolele dikgakgamatso tsotlhe  
tsa gagwe!
- <sup>3</sup>Belafalang ka leina la gagwe  
le le boitshepo;  
a go itumele dipelo  
tsa ba ba batlang MORENA!
- <sup>4</sup>Botsang ka ga MORENA  
le ka ga thata ya gagwe;  
lo batle sefatilhego sa gagwe  
ka gale.
- <sup>5</sup>Gopolang dikgakgamatso tsa gagwe  
tse a di dirileng,  
le ditshupo tsa gagwe le dikatholo  
tsa molomo wa gagwe,  
<sup>6</sup>lona losika lwa ga Aborahame,  
motlhanka wa gagwe;  
lona bomorwa Jakobe,  
baitlhaolelwí ba gagwe!
- <sup>7</sup>Ena MORENA ke Modimo wa rona;  
dikatholo tsa gagwe  
di mo lefatsheng lotlhe.
- <sup>8</sup>O gopola kgolagano ya gagwe  
ka gale,  
e bong lefoko le a le laetseng  
ditshika tse kete.
- <sup>9</sup>Kgolagano e o e dirileng  
le Aborahame  
le ikano e o e ikanetseng Isaka,
- <sup>10</sup>a e tlhomamisetsa Jakobe  
go nna molao le Israele  
go nna kgolagano e e sa khutleng,
- <sup>11</sup>fa a re: "Wena ke tla go naya  
lefatshe la Kanana  
gore e nne kabelo  
ya boswa jwa lona,"<sup>z</sup>
- <sup>12</sup>jale fa palo ya bona  
e sa ntse e le nnnye,  
mme e le ba se kae,  
e bile ba le baeng mo go lone,
- <sup>13</sup>ba tlhatlologanya dinageng,

<sup>u</sup>) Pes. 145:15,16. <sup>v</sup>) Gen. 3:19. <sup>w</sup>) Pes. 144:5. <sup>x</sup>) Ke go re: Bakang MORENA.  
<sup>y</sup>) Jes. 12:4. <sup>z</sup>) Gen. 12:7.

ba tswa setshabeng  
 ba ya setshabeng,  
 ba tlogela bogosi bongwe,  
 ba ya kwa morafeng o mongwe.  
<sup>14</sup>A se ka a leseletsa motho ope  
 go ba gatelela;  
 le gona a betsa dikgosi  
 ka ntlha ya bona a re:<sup>a</sup>  
<sup>15</sup>"Se ameng batloidiya ba me,  
 lo se direle baporofeti ba me  
 bosula."  
<sup>16</sup>O kile a biletsha tlala mo lefatsheng,  
 a senya tlamelo yotlhe ya dijo.<sup>b</sup>  
<sup>17</sup>A roma monna go ba etelela pele,  
 e bong Josefa,  
 a rekisiwa go nna motlhanka.<sup>c</sup>  
<sup>18</sup>Ba tsenya maoto a gagwe  
 mo ditshiping,  
 a ya go lala ka esi mo dikeetaneng  
<sup>19</sup>go ya go dirafale lefoko la gagwe,  
 lefoko la MORENA le mo supe  
 a le mo nneteng.  
<sup>20</sup>Kgosy ya roma go mmofolola,  
 mmusi wa merafe a mo golola.<sup>d</sup>  
<sup>21</sup>Ya mo dira morena wa ntlo  
 ya yona le molaodi  
 wa tsotlhe tse e nang natso  
<sup>22</sup>gore a laole dikgosana tsa yona  
 ka fa a ratang ka teng  
 le go ruta bagolo ba yona botlhale.  
<sup>23</sup>Ke fa Iseraele a ya kwa Egepeto;  
 Jakobe a jaka mo lefatsheng  
 la ga Hame.<sup>e</sup>  
<sup>24</sup>Mme MORENA  
 a atisa morafe wa gagwe segolo,  
 a o thatafatsa  
 bogolo go baba ba ona.<sup>f</sup>  
<sup>25</sup>O ne a ba tilhanola dipelo  
 gore ba tlhoe morafe wa gagwe,  
 ba direle batlhanka ba gagwe  
 ka bolotsana.  
<sup>26</sup>A roma Moše,  
 motlhanka wa gagwe,  
 le Arone  
 yo o neng a mo itlhaoletse.  
<sup>27</sup>Bao ba dira ditshupo tsa gagwe  
 mo go bona,

le dikgakgamatso  
 mo lefatsheng la ga Hame.<sup>g</sup>  
<sup>28</sup>A romela lefifi, a fifatsa;  
 mme ba tlhokomologa  
 lefoko la gagwe.  
<sup>29</sup>A fetola metsi a bona madi,  
 a bolaya ditlhapi tsa bona.  
<sup>30</sup>Lefatshe la bone  
 la ba la tlalatlala digwaga,  
 le mo matlwaneng  
 a dikgosi tsa bone.  
<sup>31</sup>A laela,  
 mme ga tla diboba le menang  
 mo nageng yotlhe ya bone.  
<sup>32</sup>A dira puila ya bone sefako,  
 a romela melelo ya dikgadima  
 mo lefatsheng la bone.  
<sup>33</sup>A itaya meweine ya bone  
 le mfeie ya bone,  
 a robaka ditlhare tsa naga ya bone.  
<sup>34</sup>A laela,  
 mme ga tla tsie ya segongwane  
 le molome e e se nang palo.  
<sup>35</sup>Ya ja botala jotlhe  
 mo lefatsheng la bone,  
 ya laila maungo a masimo a bone.  
<sup>36</sup>Le gona a itaya maitibolo otlhe  
 mo lefatsheng la bone,  
 e bong matsalwapele  
 a thata yotlhe ya bone.  
<sup>37</sup>Ke fa a ba hudusa  
 ba tshotse selefera le gouta,  
 go se masalela ape  
 mo ditsong tsa gagwe.<sup>h</sup>  
<sup>38</sup>Baegepeto ba itumelela  
 khudugo ya bone,  
 gonne ba ne ba wetswe ke letshogo  
 ka ntlha ya bone.  
<sup>39</sup>O ne a phutholola leru  
 go nna tshireletso  
 le molelo go bonesa bosigo.<sup>i</sup>  
<sup>40</sup>E rile ba lopa,  
 a tsisa maphurrwana,  
 a ba kgorisra senkgwe sa legodimo.<sup>j</sup>  
<sup>41</sup>A phatiola lefika,  
 metsi a phothometsegä,  
 a ela mo sekakeng jaaka noka.<sup>k</sup>

a) Gen. 12:17; 20:3-7. b) Gen. 41:54. c) Gen. 37:28. d) Gen. 41:14. e) Gen. 46:1.  
 f) Ekes. 1:7-12. g) Ekes. 3-12. h) Ekes. 12:35. i) Ekes. 13:21. j) Ekes. 16:13-15; Joh. 6:31.  
 k) Ekes. 17:6.

<sup>42</sup>Gonne o ne a gopola  
lefoko la gagwe le le boitshepo,  
le Aborahame,  
motlhanka wa gagwe.

<sup>43</sup>A bolotsa morafe wa gagwe  
ka boitumelo  
le baitlhaolelw ba gagwe  
ka tduetso.

<sup>44</sup>A ba naya mafatshe a ditshaba  
gore ba rue  
tse merafe e di phuthileng  
ka matsapa,

<sup>45</sup>e le gore ba dirise ditaelo tsa gagwe  
le go tlhokomela melao ya gagwe.  
Haleluya!

*Boikanyo jwa Modimo le boikanyologo  
jwa Baiseraele*

**106** Haleluya! Lebogang  
MORENA, gonne o molemo;  
gonne bopelotlhomogi jwa gagwe  
ke jo bo sa khutleng.<sup>7</sup>

<sup>2</sup>Ke mang yo o ka bolelang  
ditiro tsa bonatla tsa MORENA,  
a utlwatsa poko ya gagwe yotlh?

<sup>3</sup>Go tlhogonolo  
ba ba tlhokomelang molao,  
ba ba dirang tse di siameng  
ka metlhya yotlh.

<sup>4</sup>Nkgopole, MORENA,  
ka o kgatlhw ke morafe wa gago;  
nketekla ka thuso ya gago

<sup>5</sup>gore ke jese matlho ka go leba  
letlhogenolo  
la baitlhaolelw ba gago,  
ke be ke thabele boitumelo  
jwa setshaba sa gago  
le go belafala mmogo le boswa  
jwa gago.

<sup>6</sup>Re leofile mmogo le borraaronna,  
ra siarnolola, ra ikepa.<sup>m</sup>

<sup>7</sup>Borraaronna ba ne ba sa tlhokomele  
dikgakgamatsa tsa gago,  
ba sa gopole bogolo  
jwa bopelotlhomogi jwa gago,  
mme ba rukhutlhiegela  
Mogodimodimo  
kwa Lewatleng la Motlhaka.<sup>n</sup>

<sup>8</sup>Mme o ne a ba thusa  
ka ntla ya leina la gagwe  
gore a supe bonatla jwa gagwe.

<sup>9</sup>A kgalemela Lewatleng la Motlhaka,  
la ba la kgala;  
a ba kgabagantsha merwalela  
jaaka e kete ke sekaka.

<sup>10</sup>A ba namolela mo seatleng  
sa yo o ba tlhoineng,  
a ba golola mo seatleng sa mmaba.

<sup>11</sup>Metsi a khurumetsa  
baganetsi ba bona,  
ga se ka ga sala ope wa bona.

<sup>12</sup>Ya baa gona ba dumelang  
mafoko a gagwe,  
ba opela pako ya gagwe.<sup>o</sup>

<sup>13</sup>Mme ba akofa ba lebala  
ditiro tsa gagwe,  
ba se ka ba letela taelo ya gagwe.

<sup>14</sup>Ba tlala keletso mo sekakeng,  
ba raela Modimo  
kwa nageng e e senya.<sup>p</sup>

<sup>15</sup>Ke fa a ba naya  
ka fa topong ya bona,  
mme a tsenya tlhorego  
mo meweng ya bona.

<sup>16</sup>Ba ne ba fufegela Moše  
mo bothibeelong le Arone,  
moitshepi wa MORENA.<sup>q</sup>

<sup>17</sup>Lefatshe la atlhma,  
la metsa Dathane,  
la khurumetsa setlhophha  
sa ga Abirame.

<sup>18</sup>Ga tuka molelo  
mo lekokong la bona,  
kgabo ya fisa baikepi.

<sup>19</sup>Ba ne ba dira namane kwa Horebe,  
ba obamela setshwantsho  
se se bopilweng.<sup>r</sup>

<sup>20</sup>Ba ananya Kgalalelo ya bona  
ka setshwantsho sa kgomo  
e e fulang bojang.<sup>s</sup>

<sup>21</sup>Ba lebala Modimo,  
mopholosi wa bona  
o o dirileng dilo tse dikgolo  
kwa Egepeto.<sup>t</sup>

<sup>22</sup>tse di gakgamatsang  
kwa lefatsheng la ga Hame

<sup>7</sup>) Pes. 107:1; 118:1; 136:1. <sup>m)</sup> Dan. 9:5. <sup>n)</sup> Ekes. 14:11,12. <sup>o)</sup> Ekes. 15. <sup>p)</sup> Num. 11:4-6.

<sup>q)</sup> Num. 16. <sup>r)</sup> Ekes. 32. <sup>s)</sup> Baroma 1:23. <sup>t)</sup> Doit. 32:18.

- le tse di boitshegang  
fa Lewatleng la Motlhaka.
- <sup>23</sup>Ke fa o re, o tla ba nyeletsa.  
Mme go ka bo go dirafetse jalo,  
fa Moše, mothaoelwi wa ona,  
a ka bo a se ka a ba emela  
fa pele ga ona,  
a tima bogale jwa ona  
gore o se ka wa ba senya.<sup>u</sup>
- <sup>24</sup>Ba bile ba nyatsa lefatshe  
le le eletsegang,  
ba se ka bu dumela lefoko la ona;<sup>v</sup>
- <sup>25</sup>ba ngongorega  
mo metlaaganeng ya bona,  
ba se ka ba utlwa MORENA.
- <sup>26</sup>Ke fa a ba tsholeletsa letsogo,  
a ikana gore o tla ba diga  
mo sekakeng.
- <sup>27</sup>le go falaletsa losika lwa bona  
kwa ditshabeng  
le go ba phatlalatza  
mo mafatsheng.
- <sup>28</sup>Ba ne ba ikgomaretса  
mo go Baale-Pheore,  
ba ja tse di tlhabetsweng baswi.<sup>w</sup>
- <sup>29</sup>ba gakatsa MORENA  
ka ditiro tsa bona,  
mme ba welwa ke petso.
- <sup>30</sup>Ke fa Phinehase a nanoga,  
a tsereganya,  
mme petso ya khutliswa.
- <sup>31</sup>Ke sona se a kailweng mosiamи  
ka ntlha ya sona  
mo ditshikeng tsotlhe  
go ya go ile.<sup>x</sup>
- <sup>32</sup>Le gona ba mo gakatsa fa metsing  
a Meriba,  
Moše a ba a tlhagelwa ke molato  
ka ntlha ya bona.<sup>y</sup>
- <sup>33</sup>Gonne ba ne ba ganetsanya  
le Mowa wa ona,  
mo Moše a bileng a bua  
ka molomo  
se se sa mo tshwanelang.
- <sup>34</sup>Ga ba a ka ba nyeletsa merafe  
e MORENA a e ba kaetseng.<sup>z</sup>
- <sup>35</sup>Mme ba ne ba itlhakanya
- le baheitane,  
ba ithuta ditiro tsa bona.
- <sup>36</sup>Ba direla medimo ya bona  
ya diseto e e tlogileng  
ya nna serai mo go bona.
- <sup>37</sup>Ba tlhabela mewa e e bosula  
bornorwaa-bone  
le bomorwadia-bone.<sup>a</sup>
- <sup>38</sup>Ba tsholola madi  
a a se nang molato, —  
madi a bornorwaa-bona  
le bomorwadia-bona,  
ba ba tlhabela medimo ya diseto  
ya Bakanana; —  
lefatshe la itshepololwa jalo  
ka polao eo.
- <sup>39</sup>Ba ikgotlela ka ditiro tsa bona,  
ba akafala ka go dira ga bona.
- <sup>40</sup>Foo MORENA a tukela morafe  
wa gagwe bogale,  
a tenwa ke boswa jwa gagwe.
- <sup>41</sup>A ba neela mo diatleng  
tsa merafe ya baheitane,  
ba laolwa ke batlhoi ba bona.<sup>b</sup>
- <sup>42</sup>Baba ba bona ba ba gatelela,  
mme ba na le go ikoba  
fa tlase ga diatla tsa bona.
- <sup>43</sup>O ne a ba thusa gantsi,  
mme bona ba mo rukhutlhiegela  
ka maikaelelo a bona.  
Ba nyelela jalo ka  
molato wa bona.
- <sup>44</sup>Le fa go ntse jalo  
o ne a ba tlhokomela  
mo pitlaganong ya bona,  
ka a utlwa dilelo tsa bona.
- <sup>45</sup>A gopola kgolagano ya gagwe  
ka ntlha ya bona,  
a busa bogale,  
ka a na le bopelontle jo bogolo.
- <sup>46</sup>A dira gore ba tlhomogelwe pelo  
ke botlhe  
ba ba ba isitseng botshwarong.
- <sup>47</sup>Re thusе, MORENA,  
Modimo wa rona,  
o re phuthe,  
o re golole mo baheitaneng

<sup>u</sup>) Hes. 13:5. <sup>v</sup>) Num. 14:2-4. <sup>w</sup>) Num. 25:3. <sup>x</sup>) Gen. 15:6; Num. 25:12.<sup>y</sup>) Num. 20:2-13. <sup>z</sup>) Doit. 7:1; 12:2; Baath. 1:28. <sup>a</sup>) Lef. 18:21. <sup>b</sup>) Baatlh. 2:14.

gore re bake leina la gago  
le le boitshepo,  
re ipoke ka go go tlotla.<sup>c</sup>

<sup>48</sup>A go bakwe MORENA,  
Modimo wa Israele  
go tswa bosenang-tshimologo  
go ya bosakhutleng.  
A morafe otthe o re: "Amen!"  
Haleluya!<sup>d</sup>

KAROLO YA BOTLHANO,  
DIPESALOME 107-150

*Tebogo ya ba ba golotsweng*

**107** Lebogang MORENA,  
gonne o molemo;  
gonne bopelontle jwa gagwe  
ke jo bo sa khutleng.<sup>e</sup>

<sup>2</sup>A ba ba golotsweng ke MORENA  
ba bue jalo,  
ba o ba golotseng  
mo seatleng sa mopatiki,  
<sup>3</sup>a ba phutha kwa mafatsheng,  
kwa botlhabsatsi  
le kwa bophirimatsatsi,  
kwa bokone le kwa lewatleng.

<sup>4</sup>Ba ba neng ba kgarakgatshega  
kwa sekakeng mo gare ga naga,  
ba sa bone tsela  
e e yang kwa motseng  
o ba ka agang mo go ona;

<sup>5</sup>ba tshwerwe ke tlala le lenyora,  
mewa ya bona e felelwaa  
mo teng ga bona,  
<sup>6</sup>mme ba goela MORENENG,  
ba le mo tlalelong,  
mme a ba golola mo dipitlaganong  
tsa bona,<sup>f</sup>

<sup>7</sup>a ba tsamaisa mo tseleng  
e e leng yona  
gore ba fitlhe mo motseng  
o ba ka agang mo go ona:

<sup>8</sup>Bona bao a ba lebogele MORENA  
bopelotlhomogi jwa gagwe  
le dikgakgamatso tsa gagwe  
tse a di diretseng bana ba batho,<sup>g</sup>

<sup>9</sup>ka a kgalolositse mowa  
o o nyorilweng,

a jesa mowa o o tshwerweng  
ke tlala tse di molemo.<sup>h</sup>

<sup>10</sup>Ba ba neng ba dutse mo lefifing  
le mo moriting wa loso  
ba golegilwe ka tlalelo le tshipi,  
<sup>11</sup>ka ba ne ba rukhutlhegetse  
mafoko a Modimo,  
ba nyatsa kgakololo  
ya Mogodimodimo;

<sup>12</sup>ba o neng a kokobetsa  
dipelo tsa bona ka tapisego,  
ba kgopiwa go se na mothusi;

<sup>13</sup>ya baa gona ba goelang  
MORENENG, ba le mo tlalelong,  
mme a ba golola  
mo dipitlaganong tsa bona;<sup>i</sup>

<sup>14</sup>a ba ntsha mo lefifing  
le mo moriting wa loso,  
a kgaola dikgole tsa bona:

<sup>15</sup>A bao ba lebogele MORENA  
bopelotlhomogi jwa gagwe  
le dikgakgamatso tsa gagwe  
tse a di diretseng bana ba batho,<sup>j</sup>

<sup>16</sup>ka a thubile ditswalo tsa kgotlho,  
a roba mephakarego ya tshipi.

<sup>17</sup>Ba e neng e le masilo ka ntliha  
ya tsamao ya bona mo ditlolong,  
ba bogisiwa ka ntliha  
ya melato ya bona,

<sup>18</sup>mo ba neng ba tenwa  
ke dijo tsotlhe,  
ba le gaufi le go swa;

<sup>19</sup>ya baa gona ba goelang MORENENG,  
ba le mo tlalelong,  
mme a ba golola  
mo dipitlaganong tsa bona;<sup>k</sup>

<sup>20</sup>a romela lefoko la gagwe,  
a ba fodisa,  
a pholosa maphelo a bona  
mo mabitleng:

<sup>21</sup>A bao ba lebogele MORENA  
bopelotlhomogi jwa gagwe  
le dikgakgamatso tsa gagwe  
tse a di diretseng bana ba batho;

<sup>22</sup>a ba tsise ditlhabelo tsa tebogo,  
ba bolele ditiro tsa gagwe  
ka tuduetso.<sup>l</sup>

<sup>23</sup>Ba ba neng ba tsamaya

c) Doit. 30:3. d) Pes. 41:14. e) Pes. 106:1. f) Pes. 107:13,19,28. g) Pes. 107:15,21,31.  
h) Luka 1:53. i) Pes. 107:6. j) Pes. 107:8. k) Pes. 107:6. l) Pes. 50:14.

mo lewatleng ka dikepe,  
ba bapala mo metsing a magolo,  
<sup>24</sup>ke bona ba ba bonyeng  
ditiro tsa MORENA  
le dikgakgamtso tsa gagwe  
mo botennyne.  
<sup>25</sup>A laela, a fokisa phefo ya ledimo,  
la gogomosa dintelo tsa lewatle.  
<sup>26</sup>Ba akgolelwa kwa godimo  
le kwa tlase,  
ba nyema moko mo tlalelong;  
<sup>27</sup>ba ne ba theekela,  
ba kgokgweetsega jaaka letagwa,  
ba felelwa ke maano otlhe.  
<sup>28</sup>Ba goela MORENENG,  
ba le mo tlalelong,  
mme a ba golola mo dipitlaganong  
tsa bona,<sup>m</sup>  
<sup>29</sup>a kokobetsa ledimo,  
la nna phefonyana fela,  
makhubu a lewatle a kokobela;  
<sup>30</sup>mme ba itumelela  
go kokobela ga ona,  
mme a ba fitlhisa kwa  
bogorogelong jwa dikepe  
jo ba bo tlholegeletsweng:  
<sup>31</sup>A bao ba lebogelete MORENA  
bopelotlhomogi jwa gagwe  
le dikgakgamtso tsa gagwe  
tse a di diretseng bana  
ba batho,<sup>n</sup>  
<sup>32</sup>a ba mo godise  
mo phuthegong ya morafe,  
ba mmoke mo pitsong ya bagolo.  
<sup>33</sup>Dinoka o di fetotse sekaka,  
le metswedi ya metsi a e dira  
naga e e omileng.  
<sup>34</sup>Lefatshe le le bogale  
o le fetotse magalaopa  
ka ntsha ya boikepo  
jwa baagi ba lone.  
<sup>35</sup>Sekaka o se fetotse letsha la metsi,  
le naga e e omileng  
a e dira metswedi ya metsi.  
<sup>36</sup>Ba ba bolawang ke tlala  
a ba baya teng,  
mme ba aga motse  
o ba ka nnang mo go ona.  
<sup>37</sup>Ba jwala masimo,

ba tlhomma ditlhare tsa moweine,  
ba fula maungo, ba kotula.  
<sup>38</sup>Mme a ba tshegofatsa,  
ba be ba ntsifala thata;  
diruiwa tsa bona  
a se ka a di fokotsa.  
<sup>39</sup>Ba boela ba fokotsega,  
ba kokobediwa ke boketek  
jwa botlhoko le khutsafalo.  
<sup>40</sup>Yo o goromeletsang nyatsegoo  
mo batlotleging,  
a ba kgarakgatsha sekakeng  
mo go se nang tsela;  
<sup>41</sup>ene o ne a ntsha mohumanegi  
mo tlalelong, a mo godisa,  
a dira ditshika tse di tshwanang  
le difutshane ka bontsi.  
<sup>42</sup>Moo go bona ba ba nang le nnete,  
ba itumela;  
boikepo jothle bo ithibile molomo.<sup>o</sup>  
<sup>42</sup>Yo o bothale ke mang?  
A a tlhokomele dilo tse,  
a ele ditiro tsa bopelotlhomogi  
jwa MORENA tlhoko.

*Go baka Modimo le go kopa thuso*

## 108 Sefela.

Pesalome ya ga Dafita.  
<sup>2</sup>Modimo, pelo ya me e etleetsegile;  
ke rata go opela le go letsia kwadi.  
Thanya, mowa wa me!<sup>p</sup>  
<sup>3</sup>Tsogang harepa le katara,  
ke rata go tsosa mahube.  
<sup>4</sup>MORENA,  
nte ke go leboge mo merafeng,  
ke go leletse mo ditshabeng.  
<sup>5</sup>Gonne bopelontle jwa gago  
bo bogolo go feta legodimo;  
boammaaruri jwa gago  
bo fitlha kwa marung.<sup>q</sup>  
<sup>6</sup>Modimo, ithlatlosetse kwa godimo  
ga magodimo;  
a kgalalelo ya gago  
e okame lefatshe lotlhe.  
<sup>7</sup>Thusa ka letsogo le le jang la gago,  
o nkutlw gore baratwa ba gago  
ba pholosiwe.  
<sup>8</sup>Modimo o ne wa bua mo Felong-  
ga-Boitshepo ga ona wa re:

<sup>m</sup>) Pes. 107:6. <sup>n</sup>) Pes. 107:8. <sup>o</sup>) Jobe 22:19,20. <sup>p</sup>) Pes. 16:9. <sup>q</sup>) Pes. 57:8-12.

"Ke tla ipela,  
ke kgaoganya Šegeme,  
ke lekanya mokgatsha wa Sukotho.  
<sup>9</sup>Gileate ke wa me,  
le Manase ke wa me;  
Eferaime ke phemelo  
ya tlhogo ya me;  
Juta ke thobane ya me ya bogosi.  
<sup>10</sup>Moabe ke mogopo  
o ke tlhapelang mo go ona;  
sethako sa me  
ke se latihela mo go Etomo,  
ke tla dudueletsa Felesitia."

<sup>11</sup>Ke mang yo o tla nkisang  
kwa motseng o o thata?  
Ke mang yo o tla nkgogelang  
kwa Etomo?

<sup>12</sup>A ga se wena,  
Modimo o o re latlhileng?  
Ee, Modimo,  
ga o bolole le mephato ya rona.  
<sup>13</sup>Re direle thuso ya go phologa  
mo mmabeng;  
gonne thuso ya batho  
ga se ya sepe.

<sup>14</sup>Ka Modimo re tla dira  
ditiro tsa bonatla,  
mme ona o tla gataka baba ba rona."

*Go ithapelela kgololo  
le go eleletsa baba petso*

**109** Pesalome ya ga Dafita  
e kwaletsweng moopedisi.  
Modimo o ke o bakang,  
se didimale.  
<sup>2</sup>Gonne ba nkatlhamoloseditse  
melomo ya boikepo le ya tsietso,  
ba bua le nna ka diteme tsa maaka.  
<sup>3</sup>Ba ntikanyeditse ka mafoko  
a letlhoo,  
ba ntlhabantsha ka bomo.  
<sup>4</sup>Lorato lwa me ba lo duela  
ka go ntlhabantsha,  
etswe nna ke nnetse go rapela.  
<sup>5</sup>Ba ntebogile ka bosula  
boemong jwa molemo,  
le ka letlhoo  
boemong jwa lorato lwa me.<sup>s</sup>  
<sup>6</sup>Mo tsosetse moikepi go mo laola;

a yo o mo sekisang a eme  
fa letsogong le le jang la gagwe.  
<sup>7</sup>Fa a sekisiwa,  
a a tswe a bonywe molato;  
a thapelo ya gagwe e fetoge boleo.  
<sup>8</sup>A malatsi a gagwe a ngotlege,  
tirelo ya gagwe  
e tsewe kc yo mongwe.<sup>t</sup>  
<sup>9</sup>A bana ba gagwe ba nne masiela  
le mosadi wa gagwe  
a nne motholagadi.  
<sup>10</sup>A bana ba gagwe  
ba kgarakgatshegele kwa le kwa,  
ba kope ba batle dijo,  
ba le kgakala le matlotla a bona.  
<sup>11</sup>A yo o mo adimileng  
a lalele tsotlhe tse o nang natso;  
a baeng ba thukhuthe  
tse a di fufuletseng.  
<sup>12</sup>A se fithele ope yo o ka mo  
tlhomogelang pelo ka gope;  
a go se nne ope yo o utwelang  
masiela a gagwe bothoko.  
<sup>13</sup>A bana ba gagwe ba nyelediwe,  
a leina la gagwe le phimolelw ruri,  
e sa le mo losikeng lwa nttha.  
<sup>14</sup>Molato wa borraagwe  
a o gopolwe fa MORENENG,  
le boleo jwa ga mmaagwe  
a bo se phimolwe.<sup>u</sup>  
<sup>15</sup>A di nne fa pele ga MORENA  
ka gale gore a nyeletse  
go gopolwa ga bona  
mo lefatsheng.<sup>v</sup>  
<sup>16</sup>ka a se ka a gopola  
go dira ka lorato,  
mme a bogisa motho wa tlalelo  
le wa khumanego,  
le yo o kaeleletsweng  
gore a mmolaele ruri.  
<sup>17</sup>O ne a rata khutso, a e mo wele;  
o ne a sa rate tshegofatso,  
a e nne kgakala nae!  
<sup>18</sup>O ne a apara khutso jaaka kobo,  
a e tsene mo teng ga gagwe  
jaaka metsi le mo marapong  
a gagwe jaaka lookwane.<sup>w</sup>  
<sup>19</sup>A e nne mo go ena jaaka seaparo  
se a se aparang

r) Pes. 60:7-14. s) Pes. 35:12. t) Dit. 1:20.

u) Ekes. 20:5. v) Diane 10:7. w) Num. 5:22.

le jaaka moitlamo  
o a itlamang ka ona ka gale.

<sup>20</sup>A tseo e nne tuelo ya baganetsi  
ba me e tswang mo MORENENG,  
le ya bona ba ba buang bosula  
ka ga me.

<sup>21</sup>Mme wena, MORENA, Mongwaka,  
ntirele ka ntliha ya leina la gago;  
a e re ka bopelonomi jwa gago  
bo le molemo, o nkgoole.

<sup>22</sup>Gonne ke tlaletswe,  
ke bile ke humanegile,  
pelo ya me e tlhabilwe  
mo teng ga me.

<sup>23</sup>Ke ikela jaaka moriti  
o o otlogang maitsiboa,  
ke tlhotlhoriwlwe jaaka tsie.

<sup>24</sup>Mangole a me a kgweththisiwa  
ka go itima dijo,  
nama ya me e otile,  
ga e tlodiwe setlolo.

<sup>25</sup>Ke bile ke dule yo o kgobiwang  
ke bona;  
e a re fa ba mpona,  
ba thukhuthe ditlhogo.<sup>x</sup>

<sup>26</sup>A o ko o nthuse, MORENA,  
Modimo wa me.  
A o ko o nkgoole  
ka fa bopelonoming jwa gago

<sup>27</sup>gore ba lemoge,  
fa tseo e le letsogo la gago,  
fa wena, MORENA, o dirile jalo.

<sup>28</sup>Bona ba ka hutsa,  
mme wena o tshegofatse.  
A ba ba ntsogetseng  
ba tlhajwe ke ditlhong,  
mme a motlhanka wa gago  
a itumele.<sup>y</sup>

<sup>29</sup>A baganetsi ba me  
ba apesiwe nyatsego,  
a ba iphutha ka ditlhong tsa bona  
jaaka ka kobo.<sup>z</sup>

<sup>30</sup>Ke tla leboga MORENA gagolo  
ka molomo wa me  
ke tla mmoka  
mo bontsing jwa batho.

<sup>31</sup>Gonne o eme mo ntlheng

ya le le jang la mohumanegi  
gore a mo golole  
mo go ba ba mo atholang.

*Kgosi e e leng moperesiti*

## 110 Pesalome ya ga Dafita.

MORENA o ne a raya  
Morena wa me a re:  
“Dula fa letsogong la me le le jang  
go ya ke be ke dire baba ba gago  
sebeo sa dinao tsa gago.”<sup>a</sup>

<sup>2</sup>Thobane-ya-bogosi  
ya thata ya gago,  
MORENA o tla e otlolola  
a le mo go Sione a re:  
“Busa mo gare ga baba ba gago.”<sup>b</sup>

<sup>3</sup>Ka letsatsi la pololo ya gago  
batho ba gago ba tla tla  
ka bopelotshweu,  
ba apere mekgabo ya boitshepo.  
Mophato wa makau o tla tla  
kwa go wena,  
jaaka monyo o tsalwa ke mahube.<sup>c</sup>

<sup>4</sup>MORENA o ikanne –  
mme ga a kitla a dirolola ikano –  
a re:  
“O Moperesiti ka bosakhlengleng  
ka fa mokgweng  
wa ga Melegi-Seteke.”<sup>d</sup>

<sup>5</sup>Morena yo o fa letsogong le le jang  
la gago  
o tla thubakanya dikgosi  
ka letsatsi la bogale jwa gagwe.<sup>e</sup>

<sup>6</sup>O tla athola mo ditshabeng,  
go tlala direpa,  
a thubakanya tlhogo  
e e okameng lefatshe le legolo.

<sup>7</sup>O tla nwa mo nokaneng,  
a le mo tseleng,  
mme ka ntsha ya moo  
o tla tsholetsa tlhogo.

*Poko ya ditiro tsa MORENA*

## 111 Haleluya! Ke tla leboga MORENA ka pelo yotlhe mo lekgotleng

<sup>x</sup>) Pes. 22:8. <sup>y</sup>) Math. 5:11. <sup>z</sup>) Pes. 35:26.

<sup>a</sup>) Bafil. 2:8;9; 1 Bakor. 15:25; Baheb. 10:12,13. <sup>b</sup>) Pes. 2:6. <sup>c</sup>) Pes. 29:2.

<sup>d</sup>) Gen. 14:18-20; Baheb. 5:10; 6:20; 7:17,21. <sup>e</sup>) Pes. 2:2,5,9.

la ba ba nang le nnete  
le mo phuthegong ke re:

<sup>2</sup>Ditiro tsa MORENA ke tse dikgolo,  
di tlhotlhomiwiwa ke botlhe  
ba ba kgatlhwang ke tsona.<sup>j</sup>

<sup>3</sup>Tiro ya gagwe ke borena  
le kgalalelo,  
tshiamo ya gagwe e emetse ruri.

<sup>4</sup>O dirile segopotso  
sa dikgakgamatso tsa gagwe.  
MORENA o boitshwarelo  
le boutlwelo-botlhoko.

<sup>5</sup>Ba ba mmoifang o ba file dijo,  
kgolagano ya gagwe  
o e gopola ka bosakhutleng.<sup>g</sup>

<sup>6</sup>Thata ya ditiro tsa gagwe  
o e itsisitse batho ba gagwe  
ka go ba ruisa boswa  
jwa Baditshaba.

<sup>7</sup>Ditiro tsa diaitala tsa gagwe  
di boammaaruri le tshiamo,  
ditaelo tsa gagwe  
di ikanyega tsotlhe;

<sup>8</sup>di tlhomamiseditswe ruri  
le ka bosakhutleng,  
di tlhokomelwa ka boikanyo  
le ka nnete.

<sup>9</sup>Batho ba gagwe  
o ba rometse kgololo;  
o laetse kgolagano ya gagwe  
go nna e e sa khutleng;  
leina la gagwe le boitshepo,  
le a tshabega.

<sup>10</sup>Go boifa MORENA  
ke tshimologo ya botlhale;  
mongwe le mongwe  
yo o dirang jalo  
o na le tlhaloganyo e e molemo.  
Poko ya gagwe e nnetse ruri.<sup>h</sup>

*Lesego la yo o boifang MORENA*

**112** Haleluya!  
Go sego monna  
yo o boifang MORENA,  
yo ditaolo tsa gagwe  
di mo kgatlhang segolo.<sup>i</sup>

<sup>2</sup>Kokomana ya gagwe e tla nna  
le thata e kgolo mo lefatsheng;

losika lwa ba ba nang le nnete  
lo tla tshegofala.<sup>j</sup>

<sup>3</sup>Letlotlo le khumo  
di mo ntlong ya gagwe,  
tshiamo ya gagwe e nnela ruri.

<sup>4</sup>Mosiami o bonegela  
ba ba nang le nnete  
mo lefifing jaaka lesedi,  
a le boitshwarelo  
le boutlwelo-botlhoko le tshiamo.<sup>k</sup>

<sup>5</sup>Go sego monna  
yo o kutlwelo-botlhoko,  
a adiman;  
yo o dirang tsa gagwe ka tshiamo.<sup>l</sup>

<sup>6</sup>Gonne ga a nke a theekela ka gope;  
mosiami o tla nna  
a gopolwa ka gale.

<sup>7</sup>Ga a nke a boifisiwa  
ke polelo e e bosula;  
o iteile pelo ka lenswe  
ka go ikanya MORENA.

<sup>8</sup>Pelo ya gagwe e tlhomame,  
ga a nke a boifa sepe  
go ya a be a lebe  
babba ba gagwe ka kgatlhego.<sup>m</sup>

<sup>9</sup>O gasagasetsa, batlhoki a ba fe.  
Tshiamo ya gagwe e nnetse ruri;  
lonaka lwa gagwe lo godisiwa  
ka tlotlo.

<sup>10</sup>Fa moikeypi a bona jalo,  
o a ngala, a phuranye meno,  
a swabe.  
Keletso ya moikeypi e a nyeleta.<sup>o</sup>

*Go baka Mogodimodimo  
yo o utlwelang ba babotlana botlhoko*

**113** Haleluya! Bakang,  
lona batlhanka ba MORENA,  
bakang leina la MORENA!

<sup>2</sup>A leina la MORENA le bakwe  
jaanong le ka bosakhutleng!

<sup>3</sup>A leina la MORENA le bakwe  
go tswa kwa botlhabsatsi  
go ya kwa bophirimatsatsi!

<sup>4</sup>MORENA o okame ditshaba tsotlhe,  
kgalalelo ya gagwe  
e kwa godimo ga magodimo.

<sup>5</sup>Ke mang yo o tshwanang

f) Pes. 104:24. g) Pes. 145:15. h) Diane 1:7. i) Pes. 1:1. j) Diane 20:7. k) Pes. 37:6.

l) Pes. 41:2. m) Pes. 91:8. n) 2 Bakor. 9:9. o) Pes. 35:16.

le MORENA, Modimo wa rona,  
 yo o agileng kwa godimo,<sup>p</sup>  
<sup>6</sup>yo o lebelang legodimo le lefatshe  
 kwa tlase?<sup>q</sup>  
<sup>7</sup>O tsosa yo mmotlana mo leroleng,  
 a nanose mohumanegi  
 mo thotobolong<sup>r</sup>  
<sup>8</sup>gore a mme fa batlotleging,  
 fa batlotleging ba morafe wa gagwe;  
<sup>9</sup>o agisa moopa mo ntlong  
 go nna mmabana yo o itumelang.  
 Haleluya!<sup>s</sup>

*Kgakgamatso ya pololo ya Baiseraele  
 kwa Egepeto*

**114** E rile Iseraele a huduga  
 kwa Egepeto,  
 le ba lapa la ga Jakobe  
 mo morafeng wa puo e sele,<sup>t</sup>  
<sup>2</sup>Juta a nna felo ga boitshepo  
 ga gagwe,  
 le Iseraele ga puso ya gagwe.  
<sup>3</sup>Lewatle le bonye jalo, la tshaba;  
 Joretane a boa ka morago.<sup>u</sup>  
<sup>4</sup>Dithaba di ne tsa ja mokaragana  
 jaaka diphelehu le makgabana  
 jaaka dikwana.<sup>v</sup>  
<sup>5</sup>Ke eng, wena lewatle, fa o tshaba,  
 le wena Joretane,  
 fa o kata ka morago?  
<sup>6</sup>Ke eng lona dithaba,  
 fa lo ja mokaragana  
 jaaka diphelehu,  
 le lona makgabana,  
 fa lo etsa dikwana?  
<sup>7</sup>Wena lefatshe,  
 roroma fa pele ga Morena,  
 fa pele ga Modimo wa ga Jakobe,<sup>w</sup>  
<sup>8</sup>o o fetotseng lefika letsha la metsi  
 le legakwa motswedi wa metsi.

*Kgalalelo ya Modimo wa nnete,  
 le bosengsepe wa medimo ya diseto*

**115** Se nee rona, MORENA,  
 se nee rona,  
 mme o nee leina la gago kgalalelo

ka ntlha ya bopelothomogi jwa  
 gago le ka ntlha ya  
 boammaaruri jwa gago.  
<sup>2</sup>Badišhaba ba tla buelang ba re:  
 "Kana Modimo wa bona o kae?"<sup>x</sup>  
<sup>3</sup>Athe Modimo wa rona  
 o mo legodimong,  
 o dira tsotlhe  
 tse o ratang go di dira.  
<sup>4</sup>Medimo ya bona ya diseto  
 ke selefera le gouta,  
 ke tiro ya diatla tsa batho.<sup>y</sup>  
<sup>5</sup>E na le melomo, mme ga e bue;  
 e na le matlho, mme ga e bone;  
<sup>6</sup>e na le ditsebe, mme ga e utlwé;  
 e ne le dinko, mme ga e dupe;  
<sup>7</sup>e na le diatla, mme ga e tshware;  
 e na le dinao, mme ga e tsamae;  
 le gona ga e ntshe mosumo ope  
 ka memetso ya yona.  
<sup>8</sup>Badiri ba yona ba  
 tla nna fela jaaka yona,  
 le mongwe le mongwe  
 yo o e ikantseng.  
<sup>9</sup>A Baiseraele ba ikanye MORENA;  
 ke ena thuso le thebe ya bona.<sup>z</sup>  
<sup>10</sup>A ba ntlo ya ga Arone  
 ba ikanye MORENA;  
 ke ena thuso le thebe ya bona.<sup>a</sup>  
<sup>11</sup>A ba ba boifang MORENA  
 ba ikanye MORENA;  
 ke ena thuso le thebe ya bona.<sup>b</sup>  
<sup>12</sup>MORENA o re gopotsa,  
 o tla tshegofatsa;  
 o tla tshegofatsa Baiseraele,  
 a tshegofatsa ba lapa la ga Arone.  
<sup>13</sup>O tla tshegofatsa  
 ba ba boifang MORENA,  
 bannyé le bagolo.  
<sup>14</sup>MORENA o tla lo atisa,  
 lona le bana ba lona.  
<sup>15</sup>Lo tshegofaditswe ke MORENA  
 yo o dirileng legodimo le lefatshe.  
<sup>16</sup>Legodimo ke legodimo la MORENA,  
 mme lefatshe lone o le neile bana  
 ba batho.

p) Ekes. 15:11; Jes. 57:15. q) Luka 1:48. r) Gen. 41:40,41; 1 Sam. 2:8; Pes. 107:41.

s) Gen. 21:2; 1 Sam. 1:20; Luka 1:57,58. t) Ekes. 12:41. u) Ekes. 14:21,22; Još. 3:13-16.

v) Pes. 68:9. w) Ekes. 19:18. x) Pes. 42:4. y) Doit. 4:28; Jes. 44:9-20. z) Pes. 118:2.

a) Pes. 118:3. b) Pes. 118:4.

<sup>17</sup>Baswi ga ba boke MORENA,  
le e seng ope wa bona ba ba  
fologelang kwa tidimalong.<sup>c</sup>

<sup>18</sup>mme rona re baka MORENA  
jaanong le ka bosakhutleng.  
Haleluya!

*Sefela sa go lebogela kgololo*

**116** MORENA ke a mo rata,  
gonne o utlwile lentswe  
la me la mekoko tlelo ya me.  
<sup>2</sup>E re ka a ntshekegetse tsebe,  
ke tla nna ke mmitsa ka malatsi  
otlhe a me.

<sup>3</sup>Dikgole tsa loso  
di ne di ntikanyeditse,  
le ditlalelo tsa felo ga baswi  
di ne di ntshwre,  
ka fitlhela pitlagano le bohutsana.<sup>d</sup>

<sup>4</sup>Mme ke ne ka bitsa  
leina la MORENA ka re:  
“Ao, MORENA,  
swatola botshelo jwa me!”

<sup>5</sup>MORENA o boitshwarelo le tshiamo,  
Modimo wa rona  
o boutlwelo-botlhoko.

<sup>6</sup>MORENA o boloka  
ba ba pelo di se nang maano.  
Ke ne ke koafetse, mme a nthusa.

<sup>7</sup>Mowa wa me,  
boela kwa boikhutsong jwa gago;  
gonne MORENA  
o go diretse molemo.<sup>e</sup>

<sup>8</sup>Ee, o nkogolotse mo losong  
le matlho a me mo dikeleding  
le dinao tsa me mo go  
kgotsweng.

<sup>9</sup>Ke tla tsamaya fa pele  
ga sefatlhego sa MORENA  
mo lefatsheng la baphedi.<sup>f</sup>

<sup>10</sup>Ke ne ke ntse  
ke dumela mo Modimong,  
le fa ke ne ke re:  
“Ke obegile thata.”

<sup>11</sup>Ka bua ke tshogile ka re:  
“Batho botlhe ke baaki.”<sup>g</sup>

<sup>12</sup>Nka lebogela MORENA ka eng

ditiro tsotlhe tse di molemo  
tse a di ntiretseng?

<sup>13</sup>Ke tla tsholetsa  
senwelo sa phologo,  
ke bitsa leina la MORENA.

<sup>14</sup>Maikano a me  
ke tla a dirafaletsa MORENA,  
ee, fa pele ga morafe otlhe  
wa gagwe.<sup>h</sup>

<sup>15</sup>Loso lwa baratwa ba MORENA  
ke selo sa botlhokwa  
mo matlhong a gagwe.<sup>i</sup>

<sup>16</sup>Ao, MORENA,  
kana ke motlhanka wa gago;  
ke motlhanka wa gago,  
morwa lelata la gago;  
o funolotse dikgole tsa me.

<sup>17</sup>Ke tla go tsisetsa  
setlhabelo sa tebogo,  
ke bitsa leina la MORENA.

<sup>18</sup>Maikano a me  
ke tla a dirafaletsa MORENA, ee,  
fa pele ga morafe otlhe wa gagwe,  
<sup>19</sup>mo malapeng a Ntlo ya MORENA,  
mo teng ga gago, Jerusalema.  
Haleluya!

*Bakang MORENA*

**117** Bakang MORENA,  
lona ditshaba tsotlhe;  
mo galaletseng,  
lona merafe yotlheli<sup>j</sup>

<sup>2</sup>Gonne bopelontle jwa gagwe  
bo bogolo thata mo go rona,  
mme boammaaruri jwa MORENA  
ke jo bo sa khutleng. Haleluya!<sup>k</sup>

*Sefela sa tebogo sa go opelwa ke bontsi mo  
moletlong*

**118** Lebogang MORENA,  
gonne o molemo;  
gonne bopelotlhomogi jwa gagwe  
ke jo bo sa khutleng.<sup>l</sup>

<sup>2</sup>A Iseraele a bue a re:  
“Ee, bopelotlhomogi jwa gagwe  
ke jo bo sa khutleng.”<sup>m</sup>

<sup>3</sup>A boora Arone ba bue ba re:

c) Pes. 6:6; Jes. 38:18. d) Pes. 116:8; Pes. 18:6. e) Pes. 42:6. f) Pes. 27:13; 56:14.

g) Baroma 3:4. h) Pes. 22:26. i) Pes. 72:14. j) Baroma 15:11. k) Ekes. 34:6.

l) Pes. 107:1. m) Pes. 115:9-13.

"Ee, bopelotlhomogi jwa gagwe  
 ke jo bo sa khutleng."<sup>n</sup>  
 "A ba ba boifang MORENA  
 ba bue ba re:  
 "Ee, bopelotlhomogi jwa gagwe  
 ke jo bo sa khutleng."<sup>n</sup>  
 "Ke ne ka bitsa MORENA  
 ke le mo pitlaganong;  
 MORENA a nkaraba,  
 a mpaya mo go athameng.  
 "MORENA o ntlheng ya me,  
 ga nkitala ke boifa;  
 kana motho a ka ntirang."<sup>n</sup>  
 "MORENA o ntlheng ya me,  
 ke mothusi wa me;  
 mme nna ba ba ntlhoileng  
 ke tla ba tlhaetsa matlho."<sup>o</sup>  
 "Go nna mo tshireletsong  
 ya MORENA  
 go gaisa go ikanya batho.  
 "Go nna mo tshireletsong  
 ya MORENA  
 go gaisa go ikanya batlotlegi."<sup>p</sup>  
 "Baheitane bottlhe  
 ba ne ba ntsentse gare;  
 mme ke ba remagantse  
 ka leina la MORENA.  
 "Ba ne ba mpotile ntlheng tsotlhe;  
 ee, ba ntikanyeditse;  
 mme ke ba remagantse  
 ka leina la MORENA.  
 "Ba ne ba ntikanyeditse  
 jaaka dintsi tsa dinotshe,  
 ba tuka jaaka molelo wa mitlwa;  
 mme ke ba remagantse  
 ka leina la MORENA."<sup>q</sup>  
 "Ke ne ka kgaramediva thata  
 gore ke we,  
 mme MORENA a nthusa.  
 "MORENA ke thata ya me  
 le sefela sa me sa pako,  
 o diregile pholoso ya me."<sup>r</sup>  
 "Lentswe la tuduetso le la pholoso  
 le mo matlong a basiamni.  
 "Letsogo la MORENA le le jang  
 le dira ditiro tsa bonatla.  
 "Letsogo la MORENA le le jang

le a godisa;  
 letsogo la MORENA le le jang  
 le dira ditiro tsa bonatla."<sup>s</sup>  
 "Ga ke ne ke swa, mme ke tla phela,  
 ke bolela ditiro tsa MORENA.  
 "MORENA o nkwalihale segolo,  
 mme ga a ka a nneela mo losong."<sup>t</sup>  
 "Mpuleleng dikgoro tsa tshiamo,  
 ke tle ke tsene ka tsona,  
 ke leboge MORENA.  
 "Kgoro ya MORENA ke e;  
 basiamni ba tla tsena ka yona.  
 "Ke tla go leboga,  
 ka gonnie o nkutlwile,  
 wa nna pholoso ya me."<sup>u</sup>  
 "Lentswe le le latlhilweng ke baagi  
 le diregile letlapa la sekhetlo."<sup>v</sup>  
 "Se ke se se dirlweng ke MORENA;  
 mme ke kgakgamatsi mo matlhong  
 a rona.  
 "Letsatsi le,  
 ke le le dirlweng ke MORENA;  
 a re ipeleng, re itumele ka lone.  
 "Ao MORENA, a ko o thus!  
 Ao MORENA, a ko o tsweletse pele!  
 "Go bakwe yo o tlang  
 ka leina la MORENA;  
 re lo tshegofatsa,  
 re le mo Ntlong ya MORENA."<sup>w</sup>  
 "MORENA ke Modimo,  
 mme o re neile lesedi.  
 Bofang seruiwa sa tlabelo  
 ya moletlo  
 ka dikgole gore se fitihe  
 fa dinakeng tsa aletare.  
 "O Modimo wa me, ke tla go baka;  
 o Modimo wa me, ke tla go godisa.  
 "Lebogang MORENA,  
 gonnie o molemo;  
 le bopelotlhomogi jwa gagwe  
 ke jo bo sa khutleng."

### Kgalaletsa ya Lefoko la Modimo

**119** Go sego bona ba ditsela tsa  
 bona di itekanetseng,  
 ba ba tsamayang ka fa molaong  
 wa MORENA."<sup>x</sup>

<sup>n</sup>) Pes. 56:5; Baheb. 13:6. <sup>o</sup>) Pes. 54:9. <sup>p</sup>) Pes. 146:3. <sup>q</sup>) Jes. 33:12. <sup>r</sup>) Ekes. 15:2.  
<sup>s</sup>) 2 Bakor. 6:9. <sup>t</sup>) Pes. 119:71. <sup>u</sup>) Jes. 28:16; Math. 21:42. <sup>v</sup>) Math. 21:9; 23:39.  
<sup>w</sup>) Pes. 1:1.2; 112:1.

- <sup>2</sup>Go sego ba ba tlhokomelang  
ditshupo tsa gagwe,  
ba ba mmatl Lang ka pelo yotlhe,  
<sup>3</sup>ee, bona ba ba sa direng  
tshiamololo,  
mme ba tsamaya mo ditseleng  
tsa gagwe.
- <sup>4</sup>Ditaolo tsa gago o di ntshitse  
gore di tlhokomelwe ruri.  
<sup>5</sup>E kete ditsela tsa me  
di ka bo di thomame  
go tlhokomela melao ya gago.  
<sup>6</sup>Foo nka bo ke sa tlhajwe  
ke ditlhong,  
fa nka bo ke tlhokomela  
ditaelo tsa gago tsotlhe.  
<sup>7</sup>Ke tla go leboga  
ka boammaaruri jwa pelo,  
fa ke ithuta dithulaganyo  
tse di siameng tsa gago.  
<sup>8</sup>Melao ya gago  
ke tla e ela tlhoko.  
A o ko o se ka  
wa ntlogelela ruri.  
<sup>9</sup>Lekau le ka boloka bophepa  
jwa tsela ya lone jang?  
Ka go e lebanya le Lefoko  
la gago.  
<sup>10</sup>Ke go batla ka pelo yotlhe;  
se ntse ka fapoga ditaelo  
tsa gago.  
<sup>11</sup>Ke bolokile Lefoko la gago  
mo pelong ya me  
gore ke se ka ka go leofela.  
<sup>12</sup>A go bakwe wena, MORENA,  
nthuta melao ya gago.<sup>x</sup>  
<sup>13</sup>Ditao tsotlhe tsa molomo wa gago  
ke di boletse ka molomo.  
<sup>14</sup>Ke itumelela tsela  
ya ditshupo tsa gago  
bogolo go mafutafuta ya dikhumo.  
<sup>15</sup>Ke tla akanya ditaolo tsa gago  
ke ele ditselana tsa gago tlhoko.  
<sup>16</sup>Ke tla natefela ke melao ya gago,  
ga nkitala ke lebala Lefoko la gago.<sup>y</sup>  
<sup>17</sup>Ntirele molemo ke le mothanka  
wa gago gore ke phele,  
ke tie ke boloke Lefoko la gago.
- <sup>18</sup>Mpudulola matlho  
gore ke itse go bona dikgakgamatsso  
mo molaong wa gago.  
<sup>19</sup>Ke moeng mo lefatsheng;  
o se ka wa mphithela  
ditaelo tsa gago.<sup>z</sup>  
<sup>20</sup>Mowa wa me o nyoretswe  
ditaro tsa gago ka gale.  
<sup>21</sup>O bôpetse baikgogomosi,  
ba ba hutsitsweng  
ba ba fapogang ditaelo tsa gago.<sup>a</sup>  
<sup>22</sup>Pitikolola kgobo le nyatsego  
mo go nna;  
gonne ke tshegeditse  
ditshupo tsa gago.  
<sup>23</sup>Le fa dikgosi  
di nnets e go ntogela maano,  
motlhanka wa gago  
ena o akanya melao ya gago.  
<sup>24</sup>Ee, ditshupo tsa gago  
di monate mo go nna,  
di a nkgakolola.<sup>b</sup>  
<sup>25</sup>Mowa wa me o kgomaretse lorole.  
A o ko o mphedise  
ka fa Lefokong la gago.  
<sup>26</sup>Ke boletse ditsela tsa me,  
mme wa nkutlwla.  
A o ko o nthute melao ya gago.  
<sup>27</sup>Ntlhaloganyetse tsela  
ya ditaolo tsa gago,  
mme ke tla akanya  
dikgakgamatsso tsa gago.  
<sup>28</sup>Mowa wa me o ntsha dikeledi  
ka ntlha ya bohutsana,  
nnamolola ka fa  
Lefokong la gago.  
<sup>29</sup>Tsela ya maaka  
e beeble kgakala le nna,  
o ntlhogonolofatse  
ka molao wa gago.  
<sup>30</sup>Tsela ya boammaaruri  
ke yona ke e itlhophetseng,  
ka baya ditao tsa gago  
fa pele ga me.  
<sup>31</sup>Ke ngaparetse ditshupo tsa gago,  
MORENA,  
a ke se tlhajwe ke ditlhong.  
<sup>32</sup>Ke taboga mo tseleng

x) Pes. 119:26,64,68. y) Pes. 119:24,61; Baroma 7:22. z) Pes. 39:13. a) Doit. 27:26.

b) Pes 119:35.

- ya ditaelo tsa gago;  
gonne o oketsa pelo ya me.
- <sup>33</sup>MORENA,  
nthurte tsela ya melao ya gago,  
mme ke tla e tseela ruri  
go ya bokhutlong.
- <sup>34</sup>Nnaya tlhaloganyo,  
ke tle ke boleko molao wa gago,  
ke o tlhokomele ka pelo yotlhe.
- <sup>35</sup>Ntsamaise mo tseleng  
ya ditaelo tsa gago;  
gonne e a nkgathla.<sup>c</sup>
- <sup>36</sup>Sekegela pelo ya me  
kwa ditshupong tsa gago,  
mme e seng kwa boikhunisong.
- <sup>37</sup>Faposa matlho a me  
gore a se ka a leba tsa boithamako,  
o mphedise mo ditseleng tsa gago.
- <sup>38</sup>Dirafaletsa motlhanka wa gago  
tsholofetsa ya gago  
e e lebanyeng ba ba go boifang.
- <sup>39</sup>Tlosa mo go nna  
kgobo e ke e tshabang;  
gonne dikatlholo tsa gago di siame.
- <sup>40</sup>Ruri ke tlhologeletswe  
ditaolo tsa gago.  
Mphedise ka tshiamo ya gago.
- <sup>41</sup>A maapelothhomogi a gago  
a ntirafalele, MORENA,  
e bong pholoso ya gago  
ka fa Lefokong la gago,
- <sup>42</sup>gore ke tle ke fetole ene  
yo o nkgobang;  
gonne ke ikanya Lefoko la gago.
- <sup>43</sup>Mme Lefoko la nnete o se ka wa le  
tlosetsa ruri mo molomong wa me;  
gonne ke lebeletse  
dikatlholo tsa gago.
- <sup>44</sup>Foo ke tla nna ke tlhokomela  
molao wa gago  
ka gale le ka bosakhutleng.
- <sup>45</sup>Ke rata go sepela fa go atlhameg;  
gonne ke batla ditaolo tsa gago.
- <sup>46</sup>Ke tla bua ka ga ditshupo tsa gago  
fa pele ga dikgosi,  
ke sa tlhajwe ke ditlhong.<sup>d</sup>
- <sup>47</sup>Ke nafetewa ke ditaelo tsa gago  
tse ke di ratang.<sup>e</sup>
- <sup>48</sup>Ke tla tsholeletsa mabogo
- kwa ditaelong tsa gago  
tse ke di ratang,  
ke akanya melao ya gago.
- <sup>49</sup>Gopola Lefoko le o le buileng  
le motlhanka wa gago,  
wa re ke se le lebale.
- <sup>50</sup>Ke yona kgomotsa ya me  
mo pogisegong ya me,  
fa tsholofetsa ya gago e mphedisa.<sup>f</sup>
- <sup>51</sup>Baikgogomosi ba ntshotlile thata;  
mme ga ke a ka ka fapoga  
molao wa gago.
- <sup>52</sup>Ke ne ka gakologelwa dikatlholo  
tsa gago tsa bogologolo,  
MORENA, ka ikgomotsa.
- <sup>53</sup>Ke ne ka tuka bogale  
ka ntlha ya baikepi  
ba ba tlogelang molao wa gago.
- <sup>54</sup>Melao ya gago  
e mphetogetse difela  
mo ntlong ya me ya boeng.
- <sup>55</sup>Ke lala ke gakologelwa  
leina la gago, MORENA,  
ke tlhokomela molao wa gago.
- <sup>56</sup>Ga nna kabelo ya me,  
ka ke tlhokometse ditaolo tsa gago.
- <sup>57</sup>MORENA ke kabelo ya me;  
ke rile,  
ke tla tlhokomela mafoko a gago.
- <sup>58</sup>Ke ne ke lelela sefatlhengong  
sa gago ka pelo yotlhe;  
ntlhomogete pelo  
ka fa tsholofetsong ya gago.
- <sup>59</sup>Ke akantsi metsamao ya me,  
ka busetsa dinao tsa me  
kwa ditshupong tsa gago.
- <sup>60</sup>Ka itlhaganelo, ka se ka ka diega  
go tlhokomela ditaelo tsa gago.
- <sup>61</sup>Megala ya baikepi e ntharile;  
mme ga ke a ka ka lebala  
molao wa gago.<sup>g</sup>
- <sup>62</sup>Ke tsoga gare ga bosigo go go  
galaletsa ka ntlha ya dikatlholo  
tse di siameng tsa gago.
- <sup>63</sup>Ke monkane wa botlhe  
ba ba go boifang,  
le wa bona ba ba tlhokomelang  
ditaolo tsa gago.
- <sup>64</sup>MORENA, lefatshe le tletse

c) Pes. 119:47. d) Math. 10:18; Baroma 1:16. e) Pes. 119:70. f) Pes. 19:8. g) Pes 119:83.

- bopelonomi jwa gago.  
Nthute melao ya gago.<sup>h</sup>
- <sup>65</sup>MORENA, o diretsé  
motlhanka wa gago molemo  
ka fa Lefokong la gago.<sup>i</sup>
- <sup>66</sup>Nthute bopelotheri le kutlwisiso  
le kitso,  
gonne ke dumela ditaelo tsa gago.
- <sup>67</sup>E rile ke ise ke kokobediwe,  
ka timela;  
mme jaanong ke tlhokometse  
polelo ya gago.<sup>j</sup>
- <sup>68</sup>O molemo, o bile o dira molemo;  
nthute melao ya gago.<sup>k</sup>
- <sup>69</sup>Baikgogomosi ba mpharile  
ka maaka;  
mme nna ke tlhokomela  
ditaolo tsa gago ka pelo yotlhe.<sup>l</sup>
- <sup>70</sup>Dipelo tsa bona di nonne,  
ga di utlwé sepe;  
mme nna ke kgatlhwa ke molao  
wa gago.<sup>m</sup>
- <sup>71</sup>Go ne go le molemo mo go nna  
go kokobediwa  
gore ke ithute melao ya gago.<sup>n</sup>
- <sup>72</sup>Molao wa molomo wa gago,  
mo go nna o gaisa dikete tsa gouta  
le selefera.<sup>o</sup>
- <sup>73</sup>Diatala tsa gago di mpopile  
tsa mpaakanya.  
Ntlhalefise gore ke ithute  
ditaelo tsa gago.
- <sup>74</sup>Ba ba go boifang ba a mpona,  
ba a itumela,  
ka ke lebeletse Lefoko la gago.
- <sup>75</sup>MORENA, ke a itse,  
fa dikatholo tsa gago di siame,  
mme o nkwalihale ka boikanyo.<sup>p</sup>
- <sup>76</sup>Tswetswe a bopelontle jwa gago  
bo nkgomotse,  
ka fa o solofeditseng  
motlhanka wa gago ka teng.<sup>q</sup>
- <sup>77</sup>A mautlwelo-botlhoko a gago  
a mpharafare gore ke phele  
gonne molao wa gago  
ke boitumelo jwa me.<sup>r</sup>
- <sup>78</sup>A baikgogomosi  
ba tlhajwe ke ditlhong,  
ka ba ntshiamololetse  
ba se na lebaka;  
mme nna ke tla akanya  
ditaolo tsa gago.<sup>s</sup>
- <sup>79</sup>A bona ba ba go boifang  
ba boele kwa go nna,  
le bona ba ba itseng ditshupo  
tsa gago.
- <sup>80</sup>A pelo ya me e nne mo melaong  
ya gago, e itekanetse,  
gore ke se ka ka tlhajwa  
ke ditlhong.
- <sup>81</sup>Mowa wa me o nyoretswe  
pholoso ya gago;  
ke lebeletse Lefoko la gago.
- <sup>82</sup>Mathlo a me a tlhoafaletse  
polelo ya gago a re:  
“O tla nkgomotsa leng?”<sup>t</sup>
- <sup>83</sup>Gonne le fa ke ntse jaaka lekuka  
mo musing,  
ga ke a ka ka lebala melao ya gago.<sup>u</sup>
- <sup>84</sup>Malatsi a mothanka wa gago a kae?  
Ba ba ntlhomtereng  
o tla ba atlhola leng?
- <sup>85</sup>Baikgantshi ba nkepetse marnena,  
ba ba seng ka fa molaong wa gago.<sup>v</sup>
- <sup>86</sup>Ditaelo tsothe tsa gago  
di boammaaruri.  
Ba mpogisa ka bomo; nthuse.
- <sup>87</sup>Ba batlide go nnyeletsa  
mo lefatsheng;  
mme nna ga ke a ka ka tlogela  
ditaolo tsa gago.
- <sup>88</sup>A o ko o mphedise  
ka fa bopelonoming jwa gago  
gore ke tlhokomele tshupo  
ya molomo wa gago.<sup>w</sup>
- <sup>89</sup>MORENA, Lefoko la gago  
le eme ka tlhomamo  
mo legodimong ka bosakhutleng.<sup>x</sup>
- <sup>90</sup>Boikanyego jwa gago  
ke jwa losika longwe le longwe;  
o tlhomamisitse lefatshe,  
mme le ntse le eme.

<sup>h</sup>) Pes. 33:5. <sup>i</sup>) Pes. 119:17,41. <sup>j</sup>) Pes. 119:75; Jes. 28:19. <sup>k</sup>) Pes. 119:12. <sup>l</sup>) Pes. 119:78.  
<sup>m</sup>) Pes. 119:77. <sup>n</sup>) Pes. 118:21. <sup>o</sup>) Pes. 19:11. <sup>p</sup>) Pes. 119:67. <sup>q</sup>) Pes. 109:21.  
<sup>r</sup>) Pes. 119:143. <sup>s</sup>) Pes. 119:85,86. <sup>t</sup>) Pes. 119:93. <sup>u</sup>) Pes. 119:69. <sup>v</sup>) Pes. 119:149.  
<sup>w</sup>) Jes. 40:8.

- <sup>91</sup>Le kajeno di sa ntse di eme  
ka fa dithulaganyong tsa gago;  
gonne dilo tsotlhe di a go direla.
- <sup>92</sup>Fa molao wa gago  
e ka bo e ne e se boitumelo jwa me,  
foo nka bo ke latlhiegile  
mo tlhorisegong ya me.<sup>x</sup>
- <sup>93</sup>Ga nkitla ke lebala ditaolo tsa gago  
ka gope;  
gonne o mphedisitse ka tsona.<sup>y</sup>
- <sup>94</sup>Ke wa gago, nthuse;  
gonne ke batla ditaolo tsa gago.<sup>z</sup>
- <sup>95</sup>Baikepi ba ntaletse go nnyeletsa.  
Ditshupo tsa gago  
ke a di tlhokomela.
- <sup>96</sup>Ke bonye bokhutlo jwa tsotlhe  
ts e di tekanetseng,  
mme taelo ya gago ga e na mafelelo.
- <sup>97</sup>Molao wa gago  
ke o rata thata jang!  
Ke o akanya letsatsi lotlhe.<sup>a</sup>
- <sup>98</sup>Taelo ya gago e nthalefisa  
go gaisa baba ba me;<sup>b</sup>  
gonne ke ya me ka bosakhutleng.
- <sup>99</sup>Ke tlhalefile  
go gaisa baruti ba me botlhe;  
gonne ditshupo tsa gago  
ke tsona tse ke di akanyang.
- <sup>100</sup>Ke phala bagolo ka tlhaloganyo;  
gonne ke tlhokometse  
ditaolo tsa gago.
- <sup>101</sup>Ke thibile dinao tsa me mo tseleng  
nngwe le nngwe e e bosula  
gore ke tlhokomele Lefoko la gago.
- <sup>102</sup>Ga ke a ka ka fapoga  
ditaolo tsa gago;  
gonne o nthutile.
- <sup>103</sup>Ditsholofetso tsa gago  
di monate jang  
mo magalapeng a me;  
di botshe go gaisa mafura  
a dinotshe  
mo molomong wa me!<sup>c</sup>
- <sup>104</sup>Ke bona tlhaloganyo  
ka ditaolo tsa gago;  
ke ka ntlha ya moo ke tlhoileng  
tsela nngwe le nngwe ya maaka.
- <sup>105</sup>Lefoko la gago ke lobone  
lwa dinao tsa me,  
le lesedi la tsela ya me.<sup>d</sup>
- <sup>106</sup>Ke ikanne, ka ba ka dirafatsa  
go tlhokomela dithulaganyo  
ts e di siameng tsa gago.
- <sup>107</sup>Ke obegile thata.  
MORENA, mphedise  
ka fa Lefokong la gago.<sup>e</sup>
- <sup>108</sup>MORENA, a o ko o nafelwel e ke tse  
molomo wa me o di go ntshetsang  
ka bopelotshweu,  
mme o nthute  
tse di ntshwanetseng.<sup>f</sup>
- <sup>109</sup>Bophelo jwa me  
bo mo dipharagobeng ka gale;  
mme molao wa gago ona  
ga ke a ka ka o lebala.<sup>g</sup>
- <sup>110</sup>Baikepi ba nthaisitse ka serai;  
mme ga ke a ka ka fapoga  
ditaolo tsa gago.
- <sup>111</sup>Ditshupo tsa gago ke boswa  
jwa me ka bosakhutleng;  
gonne tsona ke boitumelo  
jwa pelo ya me.
- <sup>112</sup>Pelo ya me e palelela  
mo go diriseng melao ya gago  
ka gale go ya bosakhutleng.
- <sup>113</sup>Ba ba pelopedi ke ba thioile,  
mme molao wa gago ona  
ke a o rata.<sup>h</sup>
- <sup>114</sup>O tshireletso ya me  
le thebe ya me;  
ke lebeletse Lefoko la gago.<sup>i</sup>
- <sup>115</sup>Tlogang fa go nna,  
basulafatsi ke lona,  
gore ke tlhokomele  
ditaolo tsa Modimo wa me.
- <sup>116</sup>Ntshegetsa ka fa tsholofetsong  
ya gago gore ke phele;  
se ntlhabise ditlhong  
ka ntlha ya tsholofelo ya me.
- <sup>117</sup>Ntshegetsa gore ke phologe,  
mme ke tla itumelela  
melao ya gago ka gale.
- <sup>118</sup>Botlhe ba ba fapogang  
melao ya gago o a ba latlha;

<sup>x</sup> Pes. 119:50; Jer. 15:16. <sup>y</sup> Pes 119:109. <sup>z</sup> Pes 119:45. <sup>a</sup> Pes. 1:2. <sup>b</sup> Doit. 4:6.<sup>c</sup> Pes. 19:11. <sup>d</sup> 2 Pet. 1:19. <sup>e</sup> Pes. 119:67,71. <sup>f</sup> Pes. 19:15. <sup>g</sup> Pes. 119:141.<sup>h</sup> Pes. 31:7. <sup>i</sup> Pes. 3:4.

- gonne tsietsyo ya bona  
ke maaka fela.
- <sup>119</sup>Baikepi botlhe ba lefatshe  
o ba kokola jaaka manyela;  
ke ka moo ke ratang  
ditshupo tsa gago.
- <sup>120</sup>Mmele wa me o roromisiwa  
ke go go tshaba;  
ke boifa dikatlholo tsa gago.
- <sup>121</sup>Ke dirile ka molao le tshiamo.  
O se ka wa ntlogelela  
bapatiki ba me.
- <sup>122</sup>Emela motlhanka wa gago  
gore a phele sentle;  
a ba ba mantepe ba se nkgatelele.
- <sup>123</sup>Matlho a me  
a eleditse pholoso ya gago  
le tsholofetsa e e siameng ya gago.
- <sup>124</sup>Direla motlhanka wa gago  
ka fa bopelonoming jwa gago,  
o nthute melao ya gago.
- <sup>125</sup>Ke motlhanka wa gago;  
ntlhalefise gore ke lemoge  
ditshupo tsa gago.
- <sup>126</sup>Ke nako ya MORENA  
ya go itshupa ka tiro;  
ba robagantse molao wa gago.
- <sup>127</sup>Ke ka ntlha ya moo  
ke ratang ditaelo tsa gago  
go feta gouta  
le gouta e e sa pekwang.<sup>k</sup>
- <sup>128</sup>Ke ka ntlha ya moo ke kayang  
ditaalo tsotlhe tsa gago tshiamo;  
mme ke tlhoile tsela nngwe  
le nngwe ya maaka.
- <sup>129</sup>Ditshupo tsa gago di a gakgamatsa;  
ke ka ntlha ya moo,  
fa mowa wa me o di boloka.
- <sup>130</sup>Tthaloso ya mafoko a gago  
e a sedimosa,  
e tlhalefisa ba ba se nang kitso.<sup>l</sup>
- <sup>131</sup>Ke kopolola molomo, ke kgalegile;  
gonne ke tlhologeletswe  
ditaelo tsa gago.
- <sup>132</sup>Retologela kwa go nna,  
o ntlihomogele pelo  
jaaka go tshwanetse  
ba ba ratang leina la gago.

- <sup>133</sup>Tiisa dikgato tsa me,  
ke tle ke sepele ka fa Lefokong  
la gago;  
mme a ke se laolwe  
ke boikepo bope."<sup>m</sup>
- <sup>134</sup>Nkgolole mo patikong ya batho,  
ke tle ke ele ditaolo tsa gago tlhoko.
- <sup>135</sup>Phatsimisetsa motlhanka wa gago  
sefatlhego sa gago,  
o nthute melao ya gago.
- <sup>136</sup>Matlho a me a ela dinokana  
tsa metsi,  
ka ba sa dirise molao wa gago.
- <sup>137</sup>O tshiamo, MORENA,  
le dikatlholo tsa gago ke tsa nnete.
- <sup>138</sup>O laetse ditshupo tsa gago  
ka tshiamo le ka boikanyego  
jo bogolo.
- <sup>139</sup>Ke jelwe ke thoafalo ya me,  
ka baganetsi ba me ba lebetse  
mafoko a gago."<sup>n</sup>
- <sup>140</sup>Lefoko la gago le itshekile thata;  
mme motlhanka wa gago  
o a le rata.
- <sup>141</sup>Ke monnye, ke bile ke a nyatsegae;  
mme ditaolo tsa gago  
ga ke di lebale.<sup>o</sup>
- <sup>142</sup>Tshiamo ya gago ke tshiamo  
e e sa khutleng,  
molao wa gago ke boammaaruri.
- <sup>143</sup>Tlalelo le pitlaganyo di nkwegtse,  
mme ditaelo tsa gago  
di njesa monate.
- <sup>144</sup>Ditshupo tsa gago ke tsa tshiamo  
ka bosakhutleng.  
Ntlhalefise gore ke phele.
- <sup>145</sup>Ke rapetse ka pelo yothle ka re:  
Nkutlwae, MORENA;  
ke tla tlhokomela melao ya gago.
- <sup>146</sup>Ke goetse go wena ka re:  
Nthusa mme ke tla ela ditshupo  
tsa gago tlhoko.
- <sup>147</sup>Ke rakile mahube a moso,  
ka goela thuso;  
ke lebeletse mafoko a gago.<sup>p</sup>
- <sup>148</sup>Matlho a me a rakile nako ya ditiso  
tsa bosigo  
gore ke akanye polelo ya gago.

j) Pes. 19:14. k) Pes. 19:11. l) Pes. 19:8. m) Pes. 17:5. n) Pes. 69:10. o) Pes. 119:174.  
p) Pes. 119:114.

- <sup>149</sup>Utlwa lentswe la me  
ka fa bopelonoming jwa gago;  
MORENA, mphedise  
ka fa tshiamisong ya gago.<sup>q</sup>
- <sup>150</sup>Ba ba ntlihomereeng ka bolotsana  
ba atametse,  
bona ba ba kgakala  
le molao wa gago.
- <sup>151</sup>Wena, MORENA, o gaufi,  
ditaelo tsa gago tsoulhe  
ke tsa boammaaruri.<sup>r</sup>
- <sup>152</sup>Ga ke bolo go itse  
ka ditshupo tsa gago  
gore o di tlhomamiseditse  
go ya bosakhutleng.
- <sup>153</sup>Leba tlhorisego ya me,  
o nthuse;  
gonne ga ke lebale molao wa gago.<sup>s</sup>
- <sup>154</sup>Nkemele mo tshekong ya me,  
o nkogole,  
o mphedise ka fa tsholofetsong  
ya gago.
- <sup>155</sup>Pholoso e kgakala le baikepi;  
gonne ga ba batle melao ya gago.
- <sup>156</sup>MORENA, mautlwelo-botlhoko  
a gago a magolo.  
Mphedise ka fa ditshiamisong  
tsa gago.
- <sup>157</sup>Ba ba ntlihomereeng  
le baganetsi ba me ba bantsi;  
le fa go ntse jalo ga ke fapoge  
ditshupo tsa gago.
- <sup>158</sup>E a re fa ke bona  
ba ba sa ikanyegeng, ba ntene,  
ka ba sa tlhokomele polelo ya gago.
- <sup>159</sup>Bona, ke rata ditaolo tsa gago;  
MORENA, o mphedise  
ka fa bopelonoming jwa gago.
- <sup>160</sup>Kakaretso ya Lefoko la gago  
ke boammaaruri;  
dithulaganyo tsotlhe tse di siameng  
tsa gago ke tse di sa khutleng.<sup>t</sup>
- <sup>161</sup>Babusi ba ntlihomere ka bomo,  
mme pelo ya me e boifa  
mafoko a gago fela.
- <sup>162</sup>Ke itumelela polelo ya gago  
jaaka mongwe yo o bonang  
thopo e kgolo.
- <sup>163</sup>Maaka ke a tlhoile,  
ke a a sisimoga;  
mme molao wa gago ke a o rata.
- <sup>164</sup>Ke go baka gasupa ka letsatsi  
ka ntliha ya ditshiamiso  
tse di siameng tsa gago.
- <sup>165</sup>Ba ba ratang molao wa gago  
ba na le kagiso e kgolo;  
ga ba na se se ba kgopisang.
- <sup>166</sup>Ke soloftse pholoso ya gago,  
MORENA,  
ke dirile ka fa ditaelong tsa gago.<sup>u</sup>
- <sup>167</sup>Mowa wa me o tlhokometse  
ditshupo tsa gago,  
mme ke di rata thata.
- <sup>168</sup>Ke tlhokometse ditaolo tsa gago  
le ditshupo tsa gago;  
gonne ditsela tsa me tsotlhe  
di fa pele ga gago.<sup>v</sup>
- <sup>169</sup>MORENA, a selelo sa me  
se atamele fa pele ga gago;  
ntlhalefise ka fa Lefokong la gago.
- <sup>170</sup>A mekokotlelo ya me  
e fitlhe fa pele ga gago;  
mpholose ka fa polelong ya gago.
- <sup>171</sup>Moloino wa me o tla opela  
ka ga Lefoko la gago;  
gonne ditaelo tsa gago tsotlhe  
di siame.
- <sup>172</sup>Loleme lwa me lo tla opela  
ka ga Lefoko la gago;  
gonne ditaolo tsa gago tsotlhe  
di siame.<sup>w</sup>
- <sup>173</sup>A letsogo la gago le nthuse;  
gonne ke itlhaoletse  
ditaolo tsa gago.
- <sup>174</sup>MORENA, ke tlhologeletswe  
pholoso ya gago;  
molao wa gago o njesa monate.<sup>x</sup>
- <sup>175</sup>A mowa wa me o phele  
gore o go bake,  
mme a ditshiamiso tsa gago  
di nthuse.
- <sup>176</sup>Ke latlhegilie jaaka nku  
e e timetseng;  
a o ko o batle motlhanka wa gago;  
gonne ditaelo tsa gago  
ga ke di lebale.<sup>y</sup>

<sup>q</sup>) Pes. 119:88,154,159. <sup>r</sup>) Pes. 119:86. <sup>s</sup>) Pes. 119:176. <sup>t</sup>) Joh. 17:17. <sup>u</sup>) Gen. 49:18.  
<sup>v</sup>) Pes. 18:22. <sup>w</sup>) Pes. 1:2; Diane 6:22. <sup>x</sup>) Pes. 119:16. <sup>y</sup>) Pes. 119:16; Jes. 53:6.

## DIPESALOME 120-134

*Tsa maeto a phuthego***120** Thapelo ya go batla go  
femelwa mo basotling.

Sefela sa go ya Tempeleng.

Ke goetse MORENENG,  
ke le mo pitlaganong,  
mme a nkutlwa.<sup>2</sup>MORENA, nkgolola mo molomong  
wa maaka,  
mo lolemeng lwa tsietso.<sup>3</sup>O tla go nayang,  
a go okeletseng,  
wena, loleme lwa tsietso?<sup>4</sup>Metsu e bogale ya dinatla  
e nang le magala a mohudiri!<sup>5</sup>A tatlhego ya me wee,  
ka ke jakile mo Mesege,  
ka ke agile fa ditenteng tsa Ketare!<sup>6</sup>E setse e le sebaka  
se se fetang selekanyo  
ke ntse ke agile fa go bona  
ba ba tlhoileng kagiso.<sup>7</sup>Nna ke wa kagiso, mme fa ke bua,  
bona ba batla ntwa fela.*Mo tseling***121** Sefela sa go ya Tempeleng.Ke tsholeletsa matlho a me  
kwa dithabeng;  
thuso ya me e tla tswa kae?<sup>2</sup>Thuso ya me e tswa MORENENG  
yo o dirileng legodimo le lefatshe.<sup>3</sup>Ga a ka ke a leseletsa lonao  
lwa gago go relela!Motlamedi wa gago  
ga a ka ke a otsela!<sup>4</sup>Kana Motlamedi wa Iseraele  
ga a otsele,  
e bile ga a robale.<sup>5</sup>MORENA ke Mmabaledi wa gago;  
MORENA ke moriti wa gago  
fa letsogong la gago le le jang.<sup>6</sup>Letsatsi ga le kitla le go tlhaba  
motshegare,le fa e le ngwedi bosigo.  
<sup>7</sup>MORENA o tla go sireletsamo masuleng otlhe;  
o tla boloka mowa wa gago.<sup>z</sup><sup>8</sup>MORENA o tla femela  
go bolola ga gago  
le go goroga ga gago  
go tloga jaanong  
go fitlha bosakhutleng.*Loboko lwa go baka Jerusalema***122** Sefela sa go ya Tempeleng  
sa ga Dafita.E rile ba nthaya ba re:  
“A re yeng kwa Ntlong  
ya MORENA!” ka itumela.<sup>a</sup><sup>2</sup>Dinao tsa rona di eme  
mo dikgorong tsa gago,  
Jerusalema.<sup>3</sup>Wena, Jerusalema,  
yo o agilweng jaaka motse  
o o kitlantsweng sentle,  
<sup>4</sup>kwa ditso di tlhatlogelang teng,  
e bong ditso tsa MORENA:  
Ke molao wa Baiseraele  
go baka leina la MORENA teng.  
<sup>5</sup>Gonne ditulo tsa katholo  
di eme teng,  
ditulo tsa ntlo ya ga Dafita.<sup>6</sup>Kopang kagiso ya Jerusalema;  
a ba ba go ratang ba phele ka iketlo.<sup>7</sup>A go nne kagiso mo kagong  
ya phemelo ya lobota lwa gago,  
le boiketlo mo matlong a gago  
a borena.<sup>8</sup>Ke tla bua ka ntla ya bana  
ba ga rre le dilekane tsa me ke re:  
“A kagiso e nne mo go wena!”<sup>b</sup><sup>9</sup>Ke tla go batela se se molemo  
ka ntla ya Ntlo ya MORENA,  
Modimo wa rona.*A matlho a lelale kwa godimo***123** Sefela sa go ya Tempeleng.Ke tsholeletsa matlho  
a me koo go wena,  
yo o dutseng kwa legodimong.<sup>2</sup>Bona, matlho a rona  
a lebile MORENA,  
Modimo wa rona,<sup>z</sup>) Num. 6:24. <sup>a)</sup> Pes. 26:6-8.

go ya a be a re tlhomogele pelo,  
jaaka matlho a batlhanka  
a lebile diatla tsa beng ba bona  
le jaaka matlho a lelata  
a lebile seatla sa mohumagadi  
wa lone.

<sup>3</sup>Re tlhomogele pelo, MORENA,  
re tlhomogele pelo;  
gonne re kgotshe nyatsego  
go feta tekanyo.

<sup>4</sup>Mewa ya rona  
e kgotshe tshotlo segolo  
ya ba ba sa kgathaleng sepe  
le lonyatso lwa ba ba ikgantshang.

*A go bakwe mogolodi wa Israele*

## 124 Sefela sa go ya Tempeleng sa ga Dafita.

Fa e ka bo e ne e se MORENA  
yo o neng a re emela –  
a Israele a re jalo –  
<sup>2</sup>fa e ka bo e ne e se MORENA  
yo o neng a re emela,  
jale fa batho ba re tsogela,  
<sup>3</sup>foo ba ka bo ba re meditse  
re sa phela,  
jale fa ba re tukela bogale.

<sup>4</sup>Foo noka e ka bo e re gogotse,  
metsi a ka bo a re betile.<sup>b</sup>

<sup>5</sup>Foo metsi a a gogomogileng  
a ka bo a re khurumeditse.

<sup>6</sup>A go bakwe MORENA  
yo o sa re tlogelelang  
go garolwa ke meno a bona.

<sup>7</sup>Mewa ya rona  
e falotse jaaka nonyane  
mo mutlwaneng wa mothaisi;  
mogala o kgaogile,  
mme rona re falotse.

<sup>8</sup>Thuso ya rona  
e moleineng la MORENA,  
Modiri wa legodimo le lefatshe.<sup>c</sup>

*Phemelo ya Israele*

## 125 Sefela sa go ya Tempeleng.

Ba ba ikanyang MORENA,  
ba tshwana le thaba ya Sione

e e sa reketyleng,  
e e tlhomarneng ka bosakhtutleng.

<sup>2</sup>Jerusalema o dikanyeditswe  
ke dithaba;

MORENA o dikanyeditse  
batho ba gagwe jalo  
go tloga jaanong  
le go ya bosakhtutleng.<sup>d</sup>

<sup>3</sup>Gonne thobane  
ya bogosi ya boikepo  
ga e kitla e nna  
mo kabelong ya basiami,  
gore basiami ba se ka ba otlololela  
diatla kwa bosuleng.

<sup>4</sup>MORENA, bona ba ba molemo  
le ba ba dipelo tsa nnate  
o ba direle molemo.

<sup>5</sup>Mme ba ba fapogelang  
mo ditseleng tse di  
kgopo tsa bona,  
MORENA o tla ba lesa  
go ya tatlhegong  
mmogo le ba ba dirang boikepo.  
A kagiso e nne le Israele!<sup>e</sup>

*Peo ya dikeledi le thobo ya boitumelo*

## 126 Sefela sa go ya Tempeleng.

E rile MORENA a fetola  
tatlhego ya Sione,  
ra tshwana le ba ba lorang.<sup>f</sup>

<sup>2</sup>Foo melomo ya rona  
e ne ya tlala setshego,  
le diteme tsa rona tuduetso.

Foo go ne go buiwa mo ditshabeng  
go twe:

“MORENA o ba diretse  
dilo tse dikgolo.”

<sup>3</sup>MORENA o re diretse  
dilo tse dikgolo, ra itumela.

<sup>4</sup>MORENA, fetola tatlhego ya rona  
jaaka dinokana tsa kwa borwa.

<sup>5</sup>Ba ba jwalang ka dikeledi,  
ba tla roba ka tuduetso.<sup>g</sup>

<sup>6</sup>Ba a tie ba ye ba gase peo  
ba ntse ba lela,  
mme ba boe ka tuduetso  
ba tshotse dingata tsa bona.<sup>h</sup>

b) Pes. 42:8; 69:16. c) Pes. 121:2. d) Pes. 36:7. e) Bagal. 6:16. f) Pes. 14:7. g) Math. 5:4.  
h) Jes. 35:10.

*Ntle ga tshegofatso ya MORENA  
tsotlhe di lefela fela*

**127** Sefela sa go ya Tempeleng  
sa ga Salomo.

Fa MORENA a sa age ntlo,  
baagi ba yona  
ba tla bo ba itapisetsa lefela;  
fa MORENA a sa dise motse,  
modisa o tla bo  
a itlhobaeletsa lefela.

<sup>2</sup>Ke lefela, fa lo tsoga phakela,  
lo itima boikhutso,  
lo ja dijo tsa matsapa;  
gonne MORENA  
o tla naya baratwi ba gagwe  
ba ntse ba robetse.<sup>i</sup>

<sup>3</sup>Bona, basimane  
ke neo ya MORENA;  
leungo la sebopelo ke tuelo.<sup>j</sup>

<sup>4</sup>Basimane ba bofswa jwa motho  
ba tshwana le metsu  
mo seatleng sa mogale.

<sup>5</sup>Go sego monna yo o e tladitseng  
mokotlopo wa gagwe;  
ga a nke a thajwa ke ditlhong,  
fa a bua le baba ba gagwe  
mo kgotleng.

*Lesego la go boifa Modimo*

**128** Sefela sa go ya Tempeleng.

Go sego mongwe le mongwe  
yo o boifang MORENA,  
yo o tsamayang  
mo ditseleng tsa gagwe.

<sup>2</sup>Ruri,  
o tla ja tsa tiro ya diatla tsa gago.  
O letlhogonolo! O tshela sentle.

<sup>3</sup>Mosadi wa gago o tshwana  
le moweine o o ungwang,  
a le mo teng ga ntlo ya gago.  
Bana ba gago ba ntse jaaka  
matlhogela a motlhware,  
ba dikanyeditse bojelo jwa gago.<sup>k</sup>

<sup>4</sup>Bona, monna yo o boifang  
MORENA,  
ruri o tla tshegofadiwa jalo.

<sup>5</sup>A MORENA a go tshegofatse  
a le mo Sione,  
gore o bone letlhogonolo  
la Jerusalema ka malatsi otlhe  
a bophelo jwa gago,  
<sup>6</sup>o be o bone le bana ba bana  
ba gago!  
A kagiso e nne le Israelet.<sup>l</sup>

*Bokhutlo jwa baba ba Baiseraele*

**129** Sefela sa go ya Tempeleng.

“Ba sa le ba mpitlaganya gantsints  
go tswa bokaung jwa me” –  
a Baiseraele ba bue jalo ba re:

<sup>2</sup>“Ba sa le ba mpitlaganya gantsints  
go tswa bokaung jwa me,  
mme ga ba a ka ba mphenya.

<sup>3</sup>Balemi ba lemile  
mo mokokotlong wa me;  
ba leeleafsa mesele ya bona  
ya mogoma.”<sup>m</sup>

<sup>4</sup>MORENA o siame;  
o kgaotse dikgole tsa baikepi.”

<sup>5</sup>A ba tlhajwe ke ditlhong,  
ba kate ka morago bona botlhe  
ba ba tlhoileng Sione.

<sup>6</sup>A ba nne jaaka bojang  
jo bo tlhogang mo godimo ga ntlo,  
jo bo omelelang

bo ise bo kumolwe,  
jo mosegi o sa bo tlatseng seatla,  
le e seng yo o bofang dingata  
go bo tlatsa letsogo;”<sup>n</sup>

<sup>8</sup>fa bafeti ba sa ka keng ba bua teng  
ba re:

“A tshegofatso ya MORENA  
e nne le lona,  
re lo tshegofatsa  
ka leina la MORENA.”<sup>o</sup>

*Selelo sa motlalediwi*

**130** Sefela sa go ya Tempeleng.

Ke goela kwa go wena  
MORENA, ke le mo botennye.<sup>p</sup>

<sup>2</sup>Morena, utlwa lenseswe la me;  
a ditsebe tsa gago

<sup>i</sup> Diane 10:22. <sup>j</sup> Gen. 33:5; Pes. 128:3,4. <sup>k</sup> Pes. 127:3. <sup>l</sup> Pes. 125:5. <sup>m</sup> Jes. 50:6; 51:23.

<sup>n</sup> Ruthe 2:4. <sup>o</sup> Pes. 69:3.

di nne di tlhokomele  
mekokotlelo e ke e tlhatlosang.  
<sup>3</sup>MORENA, fa o ka lotolotsa melato,  
Morena, go ka ema mang<sup>p</sup>  
<sup>4</sup>Mme boitshwarelo bo fa go wena  
gore o tle o boisiwe.<sup>q</sup>  
<sup>5</sup>Ke lebeletse MORENA,  
mowa wa me o lebeletse,  
ke bile ke solofov lefoko la gagwe.  
<sup>6</sup>Mowa wa me o lebeletse MORENA  
go gaisa badisa,  
fa ba lebeletse moso,  
ee, go gaisa badisa,  
fa ba lebeletse moso.  
<sup>7</sup>Iseraele, o lebelele MORENA;  
gonne bopelothomogi  
bo mo MORENENG;  
o na le kgololo e kgolo.  
<sup>8</sup>Ke ene yo o tla gololang Iseraele  
mo ditshiamololong  
tsotlh tsa gagwe.<sup>r</sup>

*Ineelo***131** Sefela sa go ya Tempeleng  
sa ga Dafita.

MORENA,  
pelo ya me ga e ikgantshe,  
le matlho a me ga a belafale;  
ga ke itsenye mo dilong tse dikgolo  
tse di mphetang.  
<sup>2</sup>Ruri, ke gomoditse mowa wa me,  
ka o didimatsa;  
mowa wa me o tshwana  
le ngwana yo o kgwisitsweng  
a le fa go mmaagwe;  
mowa wa me o mo go nna  
jaaka ngwana yo o kgwisitsweng.<sup>s</sup>  
<sup>3</sup>Iseraele, o lebelele MORENA  
go tloga jaanong  
go ya bosakhlengleng.

*Go rapelela Ntlo ya Modimo  
le ntlo ya ga Dafita*

**132** Sefela sa go ya Tempeleng.

MORENA, gopol Dafita  
le matshwenyego otlh a gagwe,

<sup>2</sup>yo o neng a ikanel MORENA,  
a sololets Modimo o o thata  
wa ga Jakobe a re:<sup>t</sup>  
<sup>3</sup>"Ruri, ga nka ke ka tsena  
mo ntlong ya me ya tente,  
le fa e le go ya go lala mo phateng  
e ke e aleltsweng;  
<sup>4</sup>ga nka ke ka fa matho a me boroko,  
le fa e le dintshi tsa me kotselo,  
<sup>5</sup>go ya ke be ke bonele MORENA  
bonno,  
le Modimo o o thata wa ga Jakobe  
meago."<sup>u</sup>  
<sup>6</sup>Bona, re utlwetse Letlole  
kwa Eferatha,  
ra le fitlhela mo nageng ya Jaare.<sup>v</sup>  
<sup>7</sup>A re yeng kwa boagong jwa gagwe,  
re obamele fa pele ga sebeo  
sa dinao tsa gagwe.  
<sup>8</sup>Nanoga, MORENA,  
o ye kwa bonnong jwa gago  
jwa boikhutso,  
wena le Letlole la thata ya gago.<sup>w</sup>  
<sup>9</sup>A baperesiti ba gago  
ba apare tshiamo;  
a baratiwa ba gago ba duduets.  
<sup>10</sup>O se ka wa gana motlodisha  
wa gago ka ntlha ya ga Dafita,  
motlhanka wa gago.  
<sup>11</sup>MORENA o ikanetse Dafita  
ka boammaaruri –  
ga a kitla a bo tlhanogela – a re:  
"Yo e leng wa leungo  
la mmele wa gago  
ke tla mmaya mo sedulong  
sa bogosi sa gago."<sup>x</sup>  
<sup>12</sup>Fa bomorwao ba ka tlhokomela  
kgolagano ya me  
le ditshupo tsa me  
tse ke di ba rutang,  
foo bomorwaa-bone  
le bone ba tla nnela ruri  
mo sedulong sa bogosi sa gago."<sup>y</sup>  
<sup>13</sup>Gonne MORENA  
o itlhaoletse Sione,  
a mo elets  
gore e nne boago jwa gagwe a re:<sup>z</sup>

p) Pes. 19:13. q) Jes. 55:7; Baroma 6:1,2. r) Math. 1:21. s) Pes. 130:7. t) 2 Sam. 7.

u) Dit. 7:46. v) 1 Sam. 7:1; 2 Sam. 6:3. w) Num. 10:35; 2 Ditiraf. 6:41,42. x) Pes. 89:4.

y) Pes. 68:17; 76:3.

<sup>14</sup>"Fa ke gona felo ga me  
ga boikhutso  
go ya bosakhutleng;  
fa ke gona fa ke tla agang teng;  
gonne ke go ededitse.

<sup>15</sup>Dijo tsa teng  
ke tla di tshegofatsa segolo,  
bahumanegi ba gona  
ke ba kgorisa bogobe.

<sup>16</sup>Baperesiti ba teng  
ke tla ba apesa pholoso;  
ba ba tlhomogetsweng pelo  
ba gona ba tla duduetsa thata.

<sup>17</sup>Foo ke tla tlhogisetsa Dafita  
lonaka;  
ke baakanyeditse motlodiwa wa me  
lobone.<sup>z</sup>

<sup>18</sup>Ke tla apesa baba ba gagwe  
ditlhong;  
mme serwalo sa bogosi  
se se mo go ene  
se tla phatsima."

*Lorato lwa bakaulengwe*

### 133 Sefela sa go ya Tempeleng sa ga Dafita.

Bona, go monate jang,  
go gontle jang,  
fa bana ba motho ba agile mmogo  
ka bongwefela jwa pelo.

<sup>2</sup>Go ntse jaaka lookwane  
lo lo rategang lo lo mo tlhogong,  
lo tshologela mo ditedung,  
ditedu tsa ga Arone,

tse di lepelelelang mo mornenong  
wa diaparo tsa gagwe.<sup>u</sup>

<sup>3</sup>Go tshwana le monyo  
wa Heremone o o fologelang  
mo dithabeng tsa Sione;  
gonne MORENA  
o rometse tshegofatso teng,  
e bong bophelo jo bo sa khutleng.

*Tumediso*

### 134 Sefela sa go ya Tempeleng.

Tlayang lo bake MORENA,  
lona batlhanka botlhe ba MORENA,

ba lo emeng bosigo  
mo Ntlong ya MORENA.

<sup>2</sup>Tsholeletsang mabogo  
kwa Felong-ga-Boitshepo,  
lo bake MORENA.

<sup>3</sup>A MORENA a go tshegofatse,  
a le mo Sione,  
ena yo o dirileng legodimo  
le lefatshe!<sup>b</sup>

*Pako ya MORENA,  
Modimo o o leng boammaaruri o le osi*

### 135 Haleluya!

Bakang leina la MORENA,  
bakang, lona batlhanka  
ba MORENA!

<sup>2</sup>Lona ba lo emeng  
mo Ntlong ya MORENA,  
mo malapeng a Ntlo ya Modimo  
wa rona,  
<sup>3</sup>bakang MORENA,  
gonne MORENA o molemo;  
opelelang leina la gagwe pako;  
gonne le a kgatlha.

<sup>4</sup>Gonne MORENA  
o itlhophetse Jakobe,  
e bong Iseraele go nna wa gagwe.<sup>c</sup>

<sup>5</sup>Ruri nna ke a itse,  
fa MORENA a le mogolo;  
Morena wa rona  
o feta medimo yotlhe.<sup>d</sup>

<sup>6</sup>Sengwe le sengwe se MORENA  
o se ratang  
o se dira mo legodimong  
le mo lefatsheng  
le mo mawatleng  
le mo mafelong otlhe a a boteng.

<sup>7</sup>Ke ene yo o tlhatlosang meuwane  
go tswa kwa dikhutlong  
tsa lefatshe,  
a direla pula dikgadima,  
a ntsha phefo mo dipolokelong  
tsa gagwe.<sup>e</sup>

<sup>8</sup>Ke ene yo o iteileng maitibolo  
a Egepeto,  
a batho le a dikgomos;

<sup>9</sup>a go romela ditshupo  
le dikgakgamatso, wena Egepeto,

<sup>z</sup>) Luka 1:69; Pes. 89:25. <sup>a</sup>) Ekes. 29:7; 30:23-30. <sup>b</sup>) Pes. 115:15.

<sup>c</sup>) Ekes. 19:5,6; Doit. 7:6. <sup>d</sup>) Pes. 68:8. <sup>e</sup>) Jer. 10:13. <sup>f</sup>) Ekes. 12:29.

a betsa Farao le batlhanka botlhe  
ba gagwe.<sup>g</sup>

<sup>10</sup>Ke ene yo o fentseng ditšhaba  
tse dintszi,  
a bolaya dikgosi tse di thata,  
<sup>11</sup>e bong Sihone, kgosi ya Baamori,  
le Oge, kgosi ya Basane,  
le magosi otlhe a Kanana.<sup>h</sup>

<sup>12</sup>A aba lefatshe la bona  
go nna boswa,  
boswa jwa Baiseraele,  
morafe wa gagwe.<sup>i</sup>

<sup>13</sup>MORENA, leina la gago  
ke le le sa khutleng;  
MORENA, o tla nna o gopolwa  
mo losikeng longwe le longwe.<sup>j</sup>

<sup>14</sup>Gonne MORENA o tla siamisetsa  
morafe wa gagwe,  
a utlwela batlhanka ba gagwe  
botlhoko.<sup>k</sup>

<sup>15</sup>Medimo ya diseto ya Baditšhaba  
ke selefera le gouta,  
ke tiro ya diatla tsa batho.<sup>l</sup>

<sup>16</sup>E na le melomo, mme ga e bue;  
e na le matlho, mme ga e bone;  
<sup>17</sup>e na le ditsebe, mme ga e utlwé;  
mme le gona ga go na mowa  
mo melomong ya yona.

<sup>18</sup>Badiri ba yona ba tla tshwana nayo  
le botlhe ba ba e ikanyang.

<sup>19</sup>Lona Baiseraele, bakang MORENA;  
lona boora Arone,  
bakang MORENA!<sup>m</sup>

<sup>20</sup>Lona Balefi, bakang MORENA;  
lona ba lo boifang MORENA,  
bakang MORENA!

<sup>21</sup>A go bakwe MORENA  
go tswa mo Sione,  
ene yo o agileng mo Jerusalema.  
Haleluya!

*Bopelontle jwa MORENA  
bo ka bosakhutleng*

**136** Lebogang MORENA,  
gonne o molemo;  
gonne bopelotlhomogi jwa gagwe  
ke jo bo sa khutleng.<sup>n</sup>

<sup>2</sup>Lebogang Modimo wa medimo;

gonne bopelotlhomogi jwa ona  
ke jo bo sa khutleng.

<sup>3</sup>Lebogang Morena wa barena;  
gonne bopelothomogi jwa gagwe  
ke jo bo sa khutleng.

<sup>4</sup>Ena yo o dirang  
dikgakgamatso tse dikgolo a le esi;  
gonne bopelotlhomogi jwa gagwe  
ke jo bo sa khutleng.

<sup>5</sup>Yo o dirileng legodimo ka botlhale;  
gonne bopelothomogi jwa gagwe  
ke jo bo sa khutleng.

<sup>6</sup>Yo o ngamotseng lefatshe  
godimo ga metsi;  
gonne bopelotlhomogi jwa gagwe  
ke jo bo sa khutleng.

<sup>7</sup>Yo o dirileng masedi a magolo;  
gonne bopelotlhomogi jwa gagwe  
ke jo bo sa khutleng.<sup>o</sup>

<sup>8</sup>Letsatsi go laola motshegare;  
gonne bopelotlhomogi jwa gagwe  
ke jo bo sa khutleng.

<sup>9</sup>Ngwedi le dinaledi go laola bosigo;  
gonne bopelothomogi jwa gagwe  
ke jo bo sa khutleng.

<sup>10</sup>Yo o iteileng Baegepeto  
ka go bolaya maitibolo a bona;  
gonne bopelotlhomogi jwa gagwe  
ke jo bo sa khutleng.<sup>p</sup>

<sup>11</sup>A ntsha Iseraele mo gare ga bona;  
gonne bopelotlhomogi jwa gagwe  
ke jo bo sa khutleng;

<sup>12</sup>ka seatla se se thata le ka letsogo  
le le otloilogileng;  
gonne bopelotlhomogi jwa gagwe  
ke jo bo sa khutleng.

<sup>13</sup>Yo o kgaogantseng  
Lewatle le lehibidu ka bogare;  
gonne bopelotlhomogi jwa gagwe  
ke jo bo sa khutleng.

<sup>14</sup>A tshedisa Iseraele fa gare ga lone;  
gonne bopelotlhomogi jwa gagwe  
ke jo bo sa khutleng.

<sup>15</sup>Mme a digela Farao  
le mephato ya gagwe  
mo Lewatleng le lehibidu;  
gonne bopelotlhomogi jwa gagwe  
ke jo bo sa khutleng.

g) Pes. 78:43-52. h) Num. 21:21-35. i) Još. 12. j) Pes. 102:13. k) Doit. 32:36,43.

l) Pes. 115:4-8. m) Pes. 118:2-4. n) Pes. 106:1. o) Gen. 1:14-18. p) Pes. 78:51; 135:8-12.

- <sup>16</sup>Yo o ne a ralatsa batho ba gagwe dikaka;  
gonne bopelotlhomogi jwa gagwe ke jo bo sa khutleng.
- <sup>17</sup>Yo o fentseng dikgosi tse dikgolo;  
gonne bopelotlhomogi jwa gagwe ke jo bo sa khutleng.
- <sup>18</sup>A bolaya dikgosi tse di tumileng;  
gonne bopelotlhomogi jwa gagwe ke jo bo sa khutleng.
- <sup>19</sup>Sihone, kgosi ya Baamori;  
gonne bopelotlhomogi jwa gagwe ke jo bo sa khutleng;
- <sup>20</sup>Ile Oge, kgosi ya Basane;  
gonne bopelotlhomogi jwa gagwe ke jo bo sa khutleng.
- <sup>21</sup>Mme a aba lefatshe la bona go nna boswa;  
gonne bopelotlhomogi jwa gagwe ke jo bo sa khutleng;
- <sup>22</sup>go nna boswa jwa ga Iseraile,  
motlhanka wa gagwe;  
gonne bopelotlhomogi jwa gagwe ke jo bo sa khutleng.
- <sup>23</sup>Yo o re gopotseng mo bobotlaneng jwa rona;  
gonne bopelotlhomogi jwa gagwe ke jo bo sa khutleng.
- <sup>24</sup>A re swatola  
mo go ba ba re pitlagantseng;  
gonne bopelotlhomogi jwa gagwe ke jo bo sa khutleng.
- <sup>25</sup>Yo o fang ditshedi tsotlhe dijo;  
gonne bopelotlhomogi jwa gagwe ke jo bo sa khutleng.<sup>q</sup>
- <sup>26</sup>Lebogang Modimo wa magodimo;  
gonne bopelotlhomogi jwa ona ke jo bo sa khutleng.

*Kwa dinokeng tsa Babele*

- 137** Re ne re dutse fa dinokeng tsa Babele,  
ra ba ra lela, fa re gopola Sione.  
<sup>2</sup>Re ne pega diharepa tsa rona mo megokareng ya teng.  
<sup>3</sup>Gonne ke teng kwa batshwari ba rona ba neng ba batla mafoko a sefela mo go rona gona;

- ba ba re thopileng ba senka boitumelo mo go rona ba re:  
“Re opeleleng sefela sengwe sa Sione.”  
<sup>4</sup>Kana re ne re ka opela sefela sa MORENA jang, re le mo nageng e sele!  
<sup>5</sup>Fa nka go lebala, wena Jerusalema, a seatla sa me se se jang se lebale tiro ya sona.  
<sup>6</sup>A loleme lwa me lo kgomarele magalapa a me, fa ke sa go gopole, fa ke sa itumelele Jerusalema bogolo go dilo tsotlhe!  
<sup>7</sup>MORENA, gopola Baetomo, ba ka letsatsi la Jerusalema ba rileng:  
“Mo rutleng, mo phomeng go fitlha mo motheong!”<sup>s</sup>  
<sup>8</sup>Morwadi Babele, wena mogateledi, go sego yo o tla go busetsang ditiro tsa gago tse o di re diretseng!  
<sup>9</sup>Go sego ena yo o tla phamolang masea a gago, a a thubaganya mo lelikeng!<sup>t</sup>

*Go lebogela kgololo*

## 138 Pesalome ya ga Dafita.

- Ke tla go galaletska pelo yothle, ke go opelela pakofa pele ga medimo.  
<sup>2</sup>Ke tla obamela ke lebile Tempele e e boitshepo ya gago, ke galaletska leina la gago ka ntlha ya bopelontle jwa gago le boikanyego jwa gago; gonne o godisitse leina la gago bogolo go tsotlhe.  
<sup>3</sup>O nkutlwile mo letsatsing le ke go biditseng ka lone, wa nnaya bopelokgale le thata mo moweng.  
<sup>4</sup>MORENA, dikgosi tsotlhe tsa lefatshe di tla go galaletska, fa di utlwile mafoko a molomo wa gago.<sup>v</sup>  
<sup>5</sup>Di tla opela

<sup>q</sup>) Pes. 145:15. <sup>r</sup>) Jer. 51:50. <sup>s</sup>) Pes. 79:12; Obatya 10-15. <sup>t</sup>) Jes. 13:16. <sup>u</sup>) Pes. 26:8.  
<sup>v</sup>) Jes. 2:3.

ka ga ditsela tsa MORENA,  
 ka kgalalelo ya MORENA e le kgolo.  
<sup>6</sup>Gonne MORENA o godimo,  
 mme o leba yo o boikokobetso;  
 mme yo o ikgodisang  
 ena o mo itse a sa le kgakala.<sup>w</sup>  
<sup>7</sup>Fa ke tsamaya  
 ke le mo pitlaganong,  
 ke wena yo o mphedisang;  
 kgakalo ya baba ba me  
 o e ntshetsa seatla,  
 mme letsogo le le jang la gago  
 le a nthusa.  
<sup>8</sup>MORENA o tla di nkgonela.  
 Bopelontle jwa gago, MORENA,  
 ga bo na bokhutlo;  
 se tlogele ditiro tsa diatla tsa gago!<sup>x</sup>

*Kitso yotlhe ya Modimo*

**139** Pesalome ya ga Dafita e e  
 kwaletsweng moopedisi.  
 MORENA, o a ntlholtlhomisa,  
 o a nkits.<sup>y</sup>  
<sup>2</sup>O itse go nna ga me  
 le go nanoga ga me;  
 o tlhaloganya maikaelelo a me  
 o le kgakala.<sup>z</sup>  
<sup>3</sup>O sekaseka go tsamaya ga me  
 le go lala ga me;  
 mme ditsela tsotlhe tsa me  
 o a di ela tlhoko.  
<sup>4</sup>Gonne ga go na Jefoko lepe  
 mo lolemeng lwa me  
 le, wena MORENA,  
 o sa le tlhaloganyeng gotlhe.  
<sup>5</sup>O ntikanyeditse kwa morago  
 le kwa pele,  
 o beile seatla sa gago mo go nna.  
<sup>6</sup>Kitso e, ke a e gakgamalela,  
 e a mpalela;  
 e kwa godimo, ke retelelw  
 ke go fitlha kwa go yona.  
<sup>7</sup>Nka ya kac go efoga  
 mo Moweng wa gago,  
 sefatlhego sa gago  
 nka se tshabelkae?  
<sup>8</sup>Fa nka tlthatlogela kwa legodimong,

o tla bo o le teng;  
 fa nka ntsha felo ga baswi  
 bolao jwa me,  
 bona, o tla bo o le gona.<sup>a</sup>  
<sup>9</sup>Fa nka tsaya diphuka tsa mahube,  
 ka ya go aga kwa bokhutlong  
 jwa lewatle.<sup>b</sup>  
<sup>10</sup>le koo seatla sa gago se tla nkgoga,  
 seatla se se jang sa gago  
 se ntshwara.  
<sup>11</sup>Le a nka re: "A lefifi le mpipe,  
 a lesedi le le ntikanyeditseng  
 le nne lentsho tikologong ya me,"<sup>c</sup>  
<sup>12</sup>foo le lefifi ga le nke le nna lefifi  
 mo go wena,  
 le bosigo bo tla galalela  
 jaaka motshegare,  
 lefifi le tshwana le lesedi.<sup>d</sup>  
<sup>13</sup>Gonne o dirile diphilo tsa me,  
 wa mpopa  
 ke le mo mmeleng wa ga mme.  
<sup>14</sup>Ke a go leboga,  
 ka ke dirilwe ka kgakgamtso  
 e e gaisang;  
 di a gakgamtso, ditiro tsa gago,  
 mme mowa wa me  
 o itse sentle jalo.  
<sup>15</sup>Marapo a me  
 a ne a sa go fitlhegela,  
 motlheng o ke dirilweng ka ona  
 mo bosaitsiweng,  
 ke logiwa sentle  
 mo botennye jwa lefatshe.<sup>e</sup>  
<sup>16</sup>Matlho a gago a mponye  
 ke simolola go utlwelwelwa;  
 mme malatsi a me  
 a a sa leng a rulaganngwa  
 go ise go nne lepe la ona,  
 a kwadilwe otlhe  
 mo lokwalong lwa gago.<sup>f</sup>  
<sup>17</sup>Modimo, mo go nna  
 megopoloyya gago e ratega jang!  
 Palo ya yona e kana kang!<sup>g</sup>  
<sup>18</sup>Fa ke re, ke a e bala,  
 ke fitlhele e feta mothaba.  
 Fa ke thanya,  
 ke fitlhele ke sa ntse ke na nao.<sup>h</sup>

<sup>w</sup> Pes. 113:5,6. <sup>x</sup> Bafil. 1:6. <sup>y</sup> Pes. 7:10; Pes. 139:23. <sup>z</sup> Jer. 17:10. <sup>a</sup> Amose 9:2.<sup>b</sup> Jona 1:3. <sup>c</sup> Jobe 34:22. <sup>d</sup> Jak. 1:17. <sup>e</sup> Moreri 11:5. <sup>f</sup> Jobe 14:5. <sup>g</sup> Jes. 55:9.<sup>h</sup> Pes. 40:6; 63:7.

- <sup>19</sup>Modimo, bolaya tlhe moikepi!  
Lona banna ba polao, ntlogelang.
- <sup>20</sup>Ke ba ba go rukhutlhelang  
ka boferefere,  
ba bolela leina la gago  
ka go sa tshwanelang.
- <sup>21</sup>MORENA, a ga ke na go tlhoa bone  
ba ba go tlhoileng,  
le go tenwa ke ba ba go tsogelang?
- <sup>22</sup>Ke ba tlhoile ka lethoo  
le le tletseng,  
ba mphetogetse baba.
- <sup>23</sup>Nkeleke, Modimo,  
o itse pelo ya me;  
ntekе, o itse megopolо ya me;<sup>i</sup>
- <sup>24</sup>mme o bone,  
fa ke le mo tseleng e e bosula,  
mme o nkgogele  
mo tseleng ya bosakhutleng<sup>j</sup>

*Kopo ya phemelo mo baikeping*

**140** Pesalome ya ga Dafita  
e kwaletsweng moopedisi.

- <sup>2</sup>MORENA, nkgolole  
mo bathong ba ba bosula;  
o mpoloke mo banneng  
ba ba bodipa,
- <sup>3</sup>ba ba akanyang dilo tse di bosula  
mo pelong,  
ba tsosa ntwa ka malatsi otlhe.
- <sup>4</sup>Ba itooditse diterne,  
ba tshwana le dinoga;  
botlhole jwa lebolobolo  
bo mo maganong a bona. Sela.<sup>k</sup>
- <sup>5</sup>MORENA,  
mpoloke mo diatleng tsa moikepi,  
o mphemele mo banneng  
ba ba bogwama,  
ba ba ikaletseng  
go ntigela lengopeng.
- <sup>6</sup>Baikgantshi ba mphithhetse  
mutlwane le serai,  
ba mpeetse letloa fa thoko ga tsela,  
ba nthaisitse ka seru. Sela.
- <sup>7</sup>Ke buile le MORENA ka re:  
“O Modimo wa me.”
- MORENA, reetsa lentswe  
la mekokotlelo ya me.<sup>l</sup>

- <sup>8</sup>Modimo Morena,  
wena thuso e e thata ya me,  
ke wena yo o femelang  
tlhogo ya me  
ka letsatsi la tlhabano.
- <sup>9</sup>MORENA, o se ka wa dirafatsa  
dikeletso tsa moikepi;  
a maano a o a logileng  
a se kgonege,  
ba ka tla ba ikgodisa. Sela.
- <sup>10</sup>Fa ba ka tsholetsa dithlhogo  
tikologong ya me,  
a tshenyo ya diteme tsa bona  
e ba khurumetse.”<sup>m</sup>
- <sup>11</sup>A MORENA a nesetse magala  
mo go bona,  
a ba digele mo molelong,  
mo bodibeng  
gore ba se ka ba tlholo ba tsoga.
- <sup>12</sup>A monna wa puo e e bosula  
a se ka a tlhomama mo lefatsheng;  
monna yo o bodipa a tlalelo  
e mo leleke gangwe le gape.
- <sup>13</sup>Ke a itse, fa MORENA a tla emela  
kgang ya mothalelwii  
le tshiamelo ya mohumanegi.
- <sup>14</sup>Ruri, basiami ba tla leboga  
leina la gago,  
ba nnete ba tla aga fa pele ga gago.

*Kopo ya go sa tseneng mo thaelong  
le mo pogisong*

**141** Pesalome ya ga Dafita.

- MORENA, ke a go bitsa;  
itlhaganele, o tle go nna;  
utlwla lentswe la me,  
fa ke goela go wena.
- <sup>2</sup>A thapelo ya me e nne  
jaaka maswalo fa pele ga gago;  
a tsholetsa ya me ya mabogo  
e nne jaaka tshupelo ya maitsiboa.<sup>n</sup>
- <sup>3</sup>MORENA,  
beela molomo wa me tiso;  
lebelela mojako wa molomo wa me.<sup>o</sup>
- <sup>4</sup>Se sokololele pelo ya me  
kwa selong se se bosula  
go dira ditiro tsa boikepo

<sup>i</sup>) Pes. 139:1. <sup>j</sup>) Pes. 27:11. <sup>k</sup>) Baroma 3:13. <sup>l</sup>) Pes. 22:11. <sup>m</sup>) Pes. 7:17.

<sup>n</sup>) Ekes. 30:7; 29:39. <sup>o</sup>) Pes. 39:2.

le banna ba ba dirang bosula,  
mme a ke se je monate o ba o jang.<sup>p</sup>  
<sup>5</sup>Mosiami a ka ntitaya, ke ka lorato,  
a ka nkwalihaya,  
ke lookwane lwa tlhogo;  
tlhogo ya me ga e kitla e lo gana.  
Le fa go ntse jalo ke rapela  
ka ntlha ya masula a bona.<sup>q</sup>  
<sup>6</sup>Fa baatlhodi ba bona  
ba digwa mo makgotlhong,  
ba tla utlwa mafofo a me,  
fa e le a a monate.  
<sup>7</sup>Marapo a rona a gasagasegile  
fa mojakong wa felo ga baswi  
jaaka fa motho a lema,  
a gagola lefatshe.  
<sup>8</sup>Gonne matlho a me a lebile wena  
Modimo MORENA;  
ke batla botshabelo fa go wena;  
se ntshe mowa wa me mo nameng.  
<sup>9</sup>Mphemele mo thateng ya segole  
se ba nthaisitseng ka sona,  
le mo dirung  
tsa ba ba dirang bosula.  
<sup>10</sup>A baikepi ba wele mo lemeneng  
la bona boitlhе mmogo,  
mogang nna ke fetang ke falola.<sup>r</sup>

*Thapelo mo pogisong  
e e thata*

**142** Sefela sa thuto sa ga Dafita,  
fa a ne a le mo logageng.  
Thapelo.<sup>s</sup>

<sup>2</sup>Ke goela MORENENG  
ke tilhatlositse lentswе;  
ke lelela boitshwarelo  
mo MORENENG  
ke tsholeditse lentswе.  
<sup>3</sup>Ke tshololela selelo sa me  
fa pele ga gagwe,  
ke bega tlalelo ya me  
fa pele ga gagwe.  
<sup>4</sup>Fa ke nyema moko,  
wena o itse tsela ya me.  
Ba mpeetsе serai mo tseleng  
e ke tshwanetseng go e tsamaya.<sup>t</sup>  
<sup>5</sup>Ke lebile ntlheng ya letsogo  
le le jang,

ke fitlhela go se na ope  
yo o nkitseng;  
botshabelo jwa me bo ile;  
ga go ope yo o mpotsang bophelo.  
<sup>6</sup>Ke goela kwa go wena, MORENA,  
ke re:  
“Ke wena botshabelo jwa me  
le kabelo ya me  
mo lefatsheng la baphedi.”<sup>u</sup>  
<sup>7</sup>Ela selelo sa me tlhoko;  
gonne ke koafetse segolo;  
nkgolole mo babogising ba me;  
gonne ba mpheta ka thata.<sup>v</sup>  
<sup>8</sup>Nntshe mo kgolegong  
gore ke galaletse leina la gago.  
Basiami ba tla ntikanyetsa,  
fa o ntirela molemo.

*Dafita o kopa gore a gololwe ka  
bonako mo babeng ba gagwe*

**143** Pesalome ya ga Dafita.

Utlwa thapelo ya me,  
MORENA, o ele selelo sa me tlhoko;  
nkutlwе ka fa boikanyegong  
jwa gago le ka tshiamo ya gago.

<sup>2</sup>Mme o se ka wa sekа  
le motlhanka wa gago;  
gonne ga go na mophedi ope  
yo o siameng fa pele ga gago.<sup>w</sup>

<sup>3</sup>Gonne mmaba  
o bogisa mowa wa me,  
o gateletse bophelo jwa me  
fa fatshe;  
o nkagisa mo lefifing  
jaaka bona ba ba swetseng ruri.

<sup>4</sup>Mowa wa me o a felelela;  
pelo ya me e gatsetse  
mo teng ga me.

<sup>5</sup>Ke gakologelwa malatsi  
a bogologolo,  
ke akanya tsotlhе tse o di dirileng;  
ke gopola ditiro tsa diatla tsa gago.<sup>x</sup>  
<sup>6</sup>Ke otlololela mabogo kwa go wena,  
mowa wa me o go nyoretswe  
jaaka lefatshe le le omeletseng.  
Sela.<sup>y</sup>

<sup>7</sup>MORENA, akofa o nkutlwе,

<sup>p</sup>) Pes. 119:36. <sup>q</sup>) Lef. 19:17; Diane 27:5,6. <sup>r</sup>) Pes. 7:16. <sup>s</sup>) 1 Sam. 24:4. <sup>t</sup>) Pes. 138:7.  
<sup>u</sup>) Pes. 27:13. <sup>v</sup>) Pes. 7:2. <sup>w</sup>) Pes. 130:3; Jobe 9:2. <sup>x</sup>) Pes. 77:6. <sup>y</sup>) Pes. 42:2,3; 63:2.

mowa wa me o a idibala;  
se mphitlhelo sefatlhego sa gago,  
gore ke se ka ka nna jaaka bona  
ba ba fologetseng kwa mole teng.<sup>a</sup>  
<sup>8</sup>Nkulwise bopelonomi jwa gago  
mo mosong;  
gonne ke ikantse wena.  
Nkitsise tsela  
e ke tshwanetseng go e tsamaya;  
gonne ke tsholeletsa mowa wa me  
kwa go wena.  
<sup>9</sup>Nkgolole mo babeng ba me,  
MORENA, ke itiketsa ka wena.  
<sup>10</sup>Nthute go dira se se go nafelang;  
gonne o Modimo wa me.  
A Mowa wa gago o o molemo  
o nkgoge mo tseleng  
e e lekalekanyeng.<sup>a</sup>  
<sup>11</sup>MORENA, mphedise  
ka ntla ya leina la gago,  
o nntshe mo pitlaganong  
ka tshiamo ya gago.  
<sup>12</sup>Mme o nyeletse baba ba me<sup>b</sup>  
ka fa bopelonoming jwa gago,  
mme bothle ba ba ntwantshang  
o ba bolae;  
gonne ke motlhanka wa gago.<sup>c</sup>

*Thapelo ya go fenya le setshwantsho  
sa lesego le le kwa pele*

## 144 Pesalome ya ga Dafita.

A go bakwe MORENA,  
lefika la me, yo o rutileng  
diatla tsa me go tlhabana  
le menwana ya me go lwa;<sup>d</sup>  
<sup>e</sup>bong Montlhomogelapelo  
le Montshireletsi;  
Mompemedi le Mompholosi;  
thebe ya me le yo ke mo ikanyang,  
yo o tsenyang morafe wa me  
mo taolong ya me.<sup>e</sup>  
<sup>3</sup>MORENA, kana motho ke eng,  
fa o mo itse,  
le ngwana wa motho,  
fa o mo tlhokomela?<sup>f</sup>  
<sup>4</sup>Motho o tswana le pudulo fela;

malatsi a gagwe  
a feta jaaka moriti.<sup>g</sup>  
<sup>5</sup>MORENA, sekamisa legodimo  
la gago o fologe;  
ama dithaba gore di kue musi.<sup>h</sup>  
<sup>6</sup>Gadimisa legadima,  
mme o ba phatlalatse;  
roma metsu ya gago, o ba tseanye.  
<sup>7</sup>Ntsha mabogo a gago,  
o le kwa godimo, o nkinole;  
o ntshwatole mo merwaleleng,  
mo diatleng tsa baeng,  
<sup>8</sup>ba melomo ya bona  
e buang maaka,  
ba diatla tsa bona tse di jang  
e leng tsa tsietso!<sup>i</sup>  
<sup>9</sup>Modimo,  
ke tla go opelela sefela se sešwa,  
ke go leletsa harepa ya dithapo  
di le some.<sup>j</sup>  
<sup>10</sup>Ke wena yo o nayang dikgosi  
phenyo,  
yo o falodisang Dafita,  
motlhanka wa gago,  
mo tshakeng e e senyang.  
<sup>11</sup>Ntshwatole o nkgolole  
mo diatleng tsa baeng,  
ba melomo ya bona e buang maaka  
ba diatla tsa bona tse di jang  
e leng tsa tsietso!<sup>k</sup>  
<sup>12</sup>A bomorwaa-rona  
ba nne mo bokaung jwa bona  
jaaka ditlhathshana  
tse di godisitsweng;  
le bomorwadia-rona ba nne  
jaaka maotwana a sekhatlo  
a a setilweng ka fa mokgweng  
wa kago ya matlo a borena.<sup>l</sup>  
<sup>13</sup>A difala tsa rona di tlale,  
go ntshiwe nefutafuta ya dijo  
mo go tsona;  
a difutshane tsa rona  
di ate ga dikete,  
di ntsifale ga dikete tse some  
mo mafulong a rona.  
<sup>14</sup>A dikgomo tsa rona di tsale  
di se folotse

<sup>a</sup>) Pes. 28:1. <sup>a</sup>) Pes. 25:5. <sup>b</sup>) Pes. 23:3; 119:25. <sup>c</sup>) Pes. 109:20; 116:16.

<sup>d</sup>) Pes. 18:35. <sup>e</sup>) Pes. 18:3. <sup>f</sup>) Pes. 8:5. <sup>g</sup>) Jobe 14:2. <sup>h</sup>) Pes. 18:10; 104:32.

<sup>i</sup>) Pes. 144:11. <sup>j</sup>) Pes. 33:2,3. <sup>k</sup>) Pes. 144:8. <sup>l</sup>) Pes. 128:3.

go se nne nyelelo le e seng go lelela  
kotsi mo dipatlelong tsa rona.

<sup>15</sup>Go sego morafe o o dirafalelwang  
ke tseo;  
go tlhogonolo morafe  
o MORENA e leng  
Modimo wa ona!™

*Tlotlo ya bogolo jwa Modimo le  
molemo wa ona*

## 145 Sefela sa pako sa ga Dafita.

Modimo wa me,  
ke tla go godisa, Kgosi;  
ke baka leina la gago ka gale  
le ka bosakhutleng.

<sup>2</sup>Ke tla go baka  
ka letsatsi lengwe le lengwe,  
ke tumisa leina la gago  
ka gale le ka bosakhutleng.

<sup>3</sup>MORENA o mogolo,  
o tshwanetse go bakwa thata;  
bogolo jwa gagwe  
ga bo na tlhotlhomo.

<sup>4</sup>Losika longwe lo tla boka  
ditiro tsa gago mo go lo longwe,  
ba tla bolela ditiro tse di thata  
tsa gago.

<sup>5</sup>Ke tla bua ka ga phatsimo  
ya borena  
jo bo galalelang jwa gago  
le ka ga ditiro tse di gakgamatsang  
tsa gago.

<sup>6</sup>Bona ba tla bua  
ka ga thata ya ditiro  
tse di boitshegang tsa gago,  
mme nna ke tla bolela  
bogolo jwa gago.

<sup>7</sup>Ba tla utlwatsa tumo  
ya molemo o mogolo wa gago,  
ba duduetsa tshiamo ya gago.

<sup>8</sup>MORENA o boitshwarelo  
le boutlwelo-botlhoko;  
ga a fele pelo,

o mogolo ka bopelotlhomo.™

<sup>9</sup>MORENA o molemo mo go botlhe,  
boutlwelo-botlhoko jwa gagwe  
bo okame ditiro tsotlhe tsa gagwe.º

<sup>10</sup>MORENA, a dibopiwa tsotlhe  
tsa gago di go leboge,  
a baratwa ba gago ba go bake.

<sup>11</sup>A ba bolele kgalalelo  
ya bogosi jwa gago,  
ba bue ka ga thata ya gago  
<sup>12</sup>gore ba itsise bana ba batho  
ditiro tse di bonatla tsa gago  
le kgalalelo e e phatsimang  
ya bogosi jwa gago.º

<sup>13</sup>Bogosi jwa gago ke bogosi  
jo bo se nang bokhutlo,  
puso ya gago  
e nna go ya tshikatshikeng.

<sup>14</sup>MORENA o tshegetsa botlhe  
ba ba wang,

o tsosa botlhe ba ba obegileng.º

<sup>15</sup>Matlho a ba botlhe a lebile wena,  
mme o ba naya dijo tsa bona  
ka nako e e lebanyeng.º

<sup>16</sup>O huporolola seatla sa gago,  
o kgorisa diphedi tsotlhe ka natefo.

<sup>17</sup>MORENA o siame  
mo ditseleng tsotlhe tsa gagwe,  
o pelonomi mo ditirong  
tsotlhe tsa gagwe.º

<sup>18</sup>MORENA o gaufi le botlhe  
ba ba mmitsang,  
botlhe ba ba mmitsang  
ka boammaaruri.

<sup>19</sup>O dirafatsa keletso ya bona  
ba ba mmofang,  
o utlwa selelo sa bona, a ba thusé.º

<sup>20</sup>MORENA o boloka botlhe  
ba ba mo ratang,

mme baikepi botlhe o a ba nyeletsa.

<sup>21</sup>Molomo wa me o tla bolela  
pako ya MORENA;  
a diphedi tsotlhe di galaletsse  
leina le le boitshepo la gagwe  
ka gale le ka bosakhutleng.

*Modimo o e leng mothusi o le osi  
wa boammaaruri*

## 146 Haleluya! Baka MORENA, wena mowa wa me!

<sup>2</sup>Ke tla nna ke galaletsa MORENA  
ke ntse ke phela;

m) Doit. 33:29. n) Ekes. 34:6. o) Baroma 11:32. p) Pes. 145:5. q) Pes. 146:8; Luka 1:52.  
r) Pes. 104:27,28; 136:25. s) Doit. 32:4. t) Diane 10:24.

ke tla nna ke opelela Modimo  
wa me ke sa ntse ke le yo.  
<sup>3</sup>Lo se ka lwa ikanya barena,  
le e seng ngwana wa motho  
yo go se nang thuso epe  
mo go ena.<sup>4</sup>  
<sup>4</sup>Fa mowa wa gagwe o tswa,  
o boela gape  
kwa mmung wa gagwe;  
maikaelelo a gagwe  
a fele ka lone letsatsi leo.<sup>v</sup>  
<sup>5</sup>Go sego ena yo Modimo  
wa ga Jakobe e leng  
thuso ya gagwe,  
yo tsholofelo ya gagwe  
e leng mo go MORENA,  
Modimo wa gagwe,  
<sup>6</sup>yo o dirileng legodimo le lefatshe  
le lewatle le tsotlh  
tse di mo go tsona;  
yo o bolokang boammaaruri  
ka bosakhutleng;  
<sup>7</sup>yo o direlang bapatikwi tshiamo,  
ba ba tlala a ba fe dijo.  
MORENA o golola bagolegwii.  
<sup>8</sup>MORENA o fousfolola difofu;  
MORENA o tsosa ba ba obegileng;  
MORENA o rata basiami.<sup>w</sup>  
<sup>9</sup>MORENA o boloka baeng,  
o gomotsa dikhutsana  
le batlhlagadi;  
mme tsela ya baikepi yona  
a e kgopamise.<sup>x</sup>  
<sup>10</sup>MORENA ke kgosi ka bosakhutleng;  
e bong Modimo wa gago,  
Sione, go ya tshikatshikeng.  
Haleluya!<sup>y</sup>

*Pesalome ya pako*

**147** Galaletsang MORENA!  
Gonne go pila  
go leletsa Modimo wa rona,  
ee, go monate;  
sefela sa pako se tshwanetse.<sup>z</sup>  
<sup>2</sup>MORENA o aga Jerusalema,  
o phutha balelekwi ba Israele.  
<sup>3</sup>O fodisa ba ba dipelo

di phatlogileng,  
o fapa dintho tsa bona.<sup>a</sup>  
<sup>4</sup>O tlhomamisa palo ya dinaledi,  
tsotlh o di taya maina.<sup>b</sup>  
<sup>5</sup>Morena wa rona o mogolo,  
o thata e kgolo;  
tlhaloganyo ya gagwe  
ga e ka ke ya lekanngwa.  
<sup>6</sup>Morena o kakatlolola  
ba ba pelonolo;  
mme baikepi bona  
o ba digela fa fatshe.<sup>c</sup>  
<sup>7</sup>Tlhabelang MORENA  
sefela sa tebogo;  
opelelang Modimo wa rona  
ka harepa;  
<sup>8</sup>ona o o apesang legodimo ka maru,  
o o baakanyetsang lefatshe pula,  
o o medisang bojang  
mo dithabeng;  
<sup>9</sup>o o nayang diruiwa dijo tsa tsona,  
le magakajane, fa a lela.<sup>d</sup>  
<sup>10</sup>Ga o natefelwe ke thata ya pitse,  
ga o kgatlhwae ke dikgoka  
tsa monna.  
<sup>11</sup>MORENA o kgatlhwae  
ke ba ba mmoiifang,  
ba ba sololetseng  
bopelonomi jwa gagwe.  
<sup>12</sup>Jerusalema, galaletsa MORENA,  
Sione, baka Modimo wa gago.  
<sup>13</sup>Gonne o thatafaditse mephakarego  
ya mejako ya gago;  
o tshegofaditse bana ba gago  
mo go wena.  
<sup>14</sup>Ke ona o o nayang lefatshe la gago  
kagiso,  
o o go jesang mabele  
a a nang le moko.<sup>e</sup>  
<sup>15</sup>O romela taolo ya ona  
kwa lefatsheng;  
Lefoko la ona le siana thata.  
<sup>16</sup>O tlhotlhora semathana  
jaaka boboa,  
o gasa serame jaaka molora.<sup>f</sup>  
<sup>17</sup>O latlhela sefako sa ona  
jaaka dikgapetla.

<sup>a</sup>) Pes. 118:8;9; Jer. 17:5. <sup>v</sup>) Gen. 3:19; Moreri 12:7. <sup>w</sup>) Pes. 145:14.<sup>x</sup>) Ekes. 22:20;21; Pes. 10:14; 68:6. <sup>y</sup>) Pes. 93:1. <sup>z</sup>) Pes. 92:2. <sup>a</sup>) Jes. 61:1. <sup>b</sup>) Jes. 40:26.<sup>c</sup>) Luka 1:52. <sup>d</sup>) Jobe 38:41. <sup>e</sup>) Pes. 81:17. <sup>f</sup>) Pes. 148:8; Jobe 38:22-30.

Ke mang yo o ka itshokelang  
letsididi la ona?  
<sup>18</sup>O roma Lefoko la ona,  
o di gakolose;  
o fokisa phefo ya ona, metsi a ele.  
<sup>19</sup>O itsise Jakobe Lefoko la ona,  
o itsise Iseraele melao ya ona  
le dithulaganyo tsa ona.  
<sup>20</sup>Ga o ise o ke o direle  
morafe ope jalo,  
mme dikatlholo tsa ona  
ga ba di itse. Haleluya!<sup>g</sup>

*A dibopiwa tsotlhe di bake MORENA*

**148** Haleluya! Bakang MORENA,  
lo le mo magodimong;  
mmakeng,  
lo le mo mafelong a a godimo!

<sup>2</sup>Mmakeng  
lona baengele ba gagwe botlhe;  
mmakeng  
lona masomosomo a gagwe otlhe!<sup>h</sup>  
<sup>3</sup>Mmakeng lona letsatsi le ngwedi;  
mmakeng lona dinaledi tsotlhe  
tse di phatsimang!  
<sup>4</sup>Mmakeng lona magodimo  
a magodimo  
le metsi a a leng  
kwa godimo ga magodimo.  
<sup>5</sup>A di bake leina la MORENA;  
gonne o laotse, mme tsa tlholega.<sup>i</sup>  
<sup>6</sup>Mme o di tlhomamiseditse ruri;  
o beile molao o di sa ka keng  
tsa o tlola.

<sup>7</sup>Bakang MORENA,  
lo le mo lefatsheng,  
lona dikgwanyape tsa mawatle  
le madiba otlhe,  
<sup>8</sup>le wena molelo le sefako  
le semathana le musi  
le phefo ya ledimo  
le le dirafatsang lefoko la gagwe.  
<sup>9</sup>Lona dithaba le dithabana tsotlhe;  
lona dithare tse di ungwang  
le mesetere yotlhe;  
<sup>10</sup>lona diphologolo le diruiwa tsotlhe;  
lona dilo tse di gagabang  
le lona dinonyane tse di diphuka;

<sup>11</sup>lona dikgosi tsa lefatsheng  
le merafe yotlhe,  
lona dikgosana le baatlhodi botlhe  
ba lefatsheng;  
<sup>12</sup>lona makau le lona makgarebe,  
lona batsofe mmogo le bana –  
<sup>13</sup>botlhe a ba bake leina la MORENA;  
gonne leina la gagwe ke lone fela  
le le godileng.  
Borena jwa gagwe bo mo  
lefatsheng le mo legodimong.  
<sup>14</sup>O godiseditse morafe wa gagwe  
lonaka;  
ke se se bokwang ke  
batlhomogelwa botlhe ba gagwe,  
e bong Baiseraele,  
morafe o o gaufi nae.  
Haleluya!<sup>j</sup>

*Sefela sa pako le sa tshaka  
ya tlhabano*

**149** Haleluya! Opelelang  
MORENA sefela se sešwa

le pako ya gagwe mo phuthegong  
ya baratwi!<sup>k</sup>  
<sup>2</sup>A Iseraele a itumelele  
Modiri wa gagwe;  
a bana ba Sione ba dudueletse  
kgosi ya bona!<sup>l</sup>

<sup>3</sup>A ba bake leina la gagwe ka dipina,  
ba mo leletse moropa le harepa.

<sup>4</sup>Gonne MORENA o natefelwa  
ke batho ba gagwe;  
o kgabisba ba ba pelonolo  
ka pholoso.

<sup>5</sup>A baratwi ba letse megolokwane  
ka tlotlo;  
ba duduetse ba le mo malaong  
a bona,

<sup>6</sup>dipoko tsa Modimo  
di le mo melomong ya bona  
le tshaka e e magale mabedi  
mo diatleng tsa bona,

<sup>7</sup>go dirafatsa pusoloso  
mo ditshabeng  
le dipetso mo merafeng  
<sup>8</sup>go golega dikgosi tsa yona  
ka dikeetane

g) Doit. 4:7; Dit. 14:16; Baroma 3:2. h) Pes. 103:20-22. i) Pes. 33:9. j) Pes. 132:17.  
k) Pes. 96:1. l) Pes. 93:1; 100:3.

le batlotlegi ba yona  
 ka mefiri ya tshipi  
<sup>9</sup>go dirafatsa mo go bona  
 kathholo e e kwadilweng.  
 Seo ke tloto ya baratwi ba gagwe.  
 Haleluya!

*Haleluya!*

**150** Haleluya!  
 Bakang Modimo  
 mo Felong ga ona ga Boitshepo;  
 o bakeng mo loaping  
 lwa thata ya ona!  
<sup>2</sup>O bakeleng ditiro tse dikgolo  
 tsa ona,

o bakeng ka fa bogolong  
 jo bo tletseng jwa ona!  
<sup>3</sup>O bakeng ka turmo ya dinaka;  
 o bakeng ka harepa le serankure!  
<sup>4</sup>O bakeng ka moropa  
 le ka dipina,  
 o bakeng ka dikwadi tsa dithapo  
 le ka ditlhaka!  
<sup>5</sup>O bakeng ka diphaphatshana  
 tsa motinyane;  
 o bakeng ka diphaphatshana  
 tsa moporo!  
<sup>6</sup>A tsotlhe tse di nang le mowa  
 di bake MORENA!  
 Haleluya!"